





36 E

Le Liure des


Chronicques du seigneur Iehan Ca-
rion philosophe, ou sont comprins tous haultz
actes & beaulx faitz en decent & cōuenable or-
dre, depuis le commencement du monde iusques
au regne du treschrestien Roy François premier
de ce nom, duquel mesmes les gestes sont conte-
nuz en la fin du present liure, & cōtinuez iusques
en l'an mil cinq centz quarante six: auquel ouura-
ge on cognoistra le datte des ans estre tresiuste-
ment obserué, ensemble on voirra clerément les
principales mutations & changemens qui sont
aduenuz es Royaulmes, en la religion, & repu-
blique du monde,

Tourné de Latin en François par maistre
Iehan le Blond.

Avec priuilege.



On les uend à Paris par Charles l' Angelié, tenant sa bou-
tique au premier pillier du Palais, deuant la cha-
pelle de messieurs les Presidents: & en la rue
de la uielle drapperie, pres sainte Croix,
au logis dudit l' Angelié.



Table

nul nē luy peult nuire	d'Aegypte iusques à	
199	Treues	125
Arate roy d'Arabie.	90	Atosse 62
Artistone	62	Ataulphus 133
Arbaces	62	Attila se nōmoit fleau
Arideus frere d'Alexan	de Dieu 140	
dre	80	Aureliē est studieux de
Arrius lecteur public-	discipline militaire	
que au college d'Ale-	120	
xandrie	124	Augustule 141
Artabanus dernier roy	Aux Allemans est l'hon-	
des Parthes	neur de l'empire pour	
235	le droict d'election	6
Arcadius	131	Aurelian 120
Artaxerxes Mnemō.	66	Auignon ville papale
Archela° enuoie en exil	Auignon ville papale	
par Auguste	92	207
Aristobule	89	Au concile fait en la ci
Arri° precurseur de Ma	té de Carthage l'erreur	
hommet	125	de Pelage fut condam
Armin	107	nē 131
Artaxerxes Assuer°.	41	Autre prophetie 229
Assuerus	41 & 62	Azo 186
Ascanius dict autrement		B
Iulus	31	B Artholde duc de Ze
Athenes & Sparte les		ringen 192
deux yeulx de Grece		Babylone chef de la
69		monarchie 47
Athalie 24 sa mort ibi.		Barthole 186
Attila	134	Balthasar roy de Baby-
Athanase bany senfuit	lone	33

Table

Bataille a Reutlige.208	Bohemes font Alemans
Balthasar 29	138
Bataille des payfans en Alemaigne 223	Boniface 3 fait euesque vniuersel 144
Berengier se rendit a Otho 169	Bruno de Saxoigne pape Rommain 172
Berengier prins & banyz avec sa femme & son filz 170	Brutus 103
	Brandembourg 174
	C
Bellifaire 141	C Arthage destruite 97
Ben Cosban 93	
Berenice 82	Cambyfes 50
Berengier d'Angiers au theur d'erreur touchât le sacrement de l'autel 178	Caligula 109
	Cambyfes 41
	Caton 97
Berengier 164	Cassius 103
Berégier prince de For iul 163	Carus 122
	Caton se tua 102
Bede en Angleterre.149	Ceulx qui menerent la guerre en Alemaigne depuis le temps d'Auguste 153
Bel exēple de conseruer la paix 71	
Bel exemple pour conseruer vne vertu 117	Ce que fait Harpagus contre la tyrannie d'Astyages 44
Blaspheme iamais ne demeure impuny 29	Celuy qui inuēta la ieu ne de Karesme 114
Boheme vaincue avec son roy Lechone 157	Ceulx qui laisserent le party de Hēry pour adherer au pape 180
Bourgoignons dictz Saxons 129	

La table de ce present liure.

A Cham	25	Alphóse roy de Naples	
Achilles	31	219	
Accursus	186	Alaric	132
Adá & Seth inuenteurs		Alexandre Seuere	117
des artz	10	Alexandre	61
Adam & Eue	8	Albert marquis nómé	
Adultere fondemēt de		l'Achilles d'Alemai-	
la guerre Troyēne.	30	gne	212
Adolphe	201	Alexandre estoit nota-	
Adelrich	134	ble exemple pour les	
Adrian grand astrono-		bons princes	78
me	114	Alcibiades capitaine	
Adraustus	31	des Atheniens	69
Aegypte decorée de		Albert duc d'Austriche	
sciensces naturelles.	115	201	
Aelius Pertinax	116	Alphóse roy d'Espagne	
Actius	139	grand astrologien.	199
Aeneas	31	Amyntas roy de Mace-	
Aggée	63	done	55
Agarenes	145	Albert occis	202
Agar	18	Alexandre le ieune filz	
Agrippe au temps du-		d'Hircane	90
quel fut destruiete		Alemaigne trāslatée de	
rusalem	93	l'empire Rōmain.	139
Agathias	234	Alexandre filz d'Amyn	
Alaric print Rōme.	133	115	55
Albert le grand	199	Albert duc d'Austriche	
Alexandrie euesque.	124	200	

Table

Albert d'Austriche.	213	Antiochus Sedetes	87
Albert 2	214	Antonin le debonnaire	
Albert duc d'Austriche	114		
empereur	202	Antiochus Hierax	82
Alcibiades apres sen e-		Antigone	82
estre fuy en Perse fut		Anastase mis en vn mo-	
tué	70	nastere	149
Alcibiades homme che-		Antiochus Epiphanes	
ualeureux mais liti-		baillé en ostage aux	
gieulx	70	Romains	83
Alcmene	31	Antiochus represente	
Alexandre le grand.	75	l'Antechrist	85
Alemans mutins	165	Anastase	141
Amphitryo	31	Anthoine	105
Amos	25	Antipater constitué par	
Amulius	35	Iules Cefar lieutenant	
Amurates se feist moy-		de Iudée	92
ne	215	Antioch ^o Epiphane dict	
Amon *	26	Epimane	84
Antipater	80	Antonin Bassian	116
Antigonus	80	Apfimare	149
Antiochus Eupator.	86	A quelz princees fut de-	
Antiochus le grand.	83	leguée l'election de	
Antiochus Soter	82	l'empereur Romain	
Antiochus Theos	82	173	
Ancus Martius	37	A qlle occasion les moy-	
Antipater prince d'Idu		nes commencerēt a e-	
mée	90	studier en Theologie	
André caroloftade.	224	186	
Antoine de Leue	228	A qui dieu veult aider,	

L Le translateur dedie son liure a monsieur d'Es-
ureux, son treshonoré prelat, luy ren-
dant compte de sa uillication.

TReize ans ya, e'est desia bien long terme,
Dõt pour certain deburois mourir de hôte,
Que tiens de vous vn petit lieu a ferme,
Sans vous auoir encore tenu compte.
Ce neaumoins que la somme ne monte
Pas a grand cas, noble prelat sacré,
Mais n'ay argent, parquoy ay consacré
En son endroiçt, a vous cestuy mien liure.
S'au lieu d'argent, papier vous vient a gré,
Le demourray vers vous quitte, & deliure.

A ij

**Le Licutenant Mestaier aux es-
pritz humains.**



Vi est l'esprit, q̄ scauroit mieulx
comprendre
Qu'il doibt entendre, en tout
humain scauoir:
Sinon histoire, & Chronicques
aprendre,

Tant soit il tendre, ou de petit auoir;
Par ce traicté, il est facile a veoir:
Car qui d'Adam veult cognoistre les faitz,
Et de ses hoirs, ses vertuz ou meffaitz
Iusques icy (i'entens des admirables)
Blond l'elegant les a traduietz & faitz
De Carion en François memorables.

Luy mesme au Lecteur.

Veulx tu auoir Adam veu, tout viuant
Et tous les grands, & de chascun les faitz.
Veoy les icy, par Carion l'escripuant
Et par le Blond qui en François les a faitz.

Idem ad lectorem.

*Si quid enim magni quæuis sibi gesserit ætas:
Ecce docent paucis Blondulus & Carion.*

*Maistre Guillaume le Saulnier secretaire de mon-
sieur d'Eureux au Traducteur de Carion.*

Le bien heureux de ton scauoir facond,
Le stille, doulx de ta grand' eloquence:
Le bon esperit de toy, amy le Blond
(Saulue de tous l'honneur, & reuerence)
Me fait iuger aux poix de la balance
Qu'en tout honneur tu emportes le prix
De satisfaire a tous François e spritz:
Ce qu'a present on cognoist aisément,
Quand vn chascun nourrit par tes escriptz,
Son esprit mesme en tout contentement.

*Luy mesme au lecteur de Carion, ou on ueoit
par les lettres capitalles, le nom du
translateur.*

Icy voirras, lecteur tresbeneuole
Estre en l'escript de ce Blond traducteur,
Honneur non moindre, ou tel, que de Seuole,
A ce qu'il fut vray interpretateur
Nommer sur tous, & vray legislateur.
Le peult on pas ainsi de cestuy dire?
En tant qu'il scait tant d'histoires escrire,
Bien & le mal nous deduisant en forte,
Le tout tant bien, que tout bien on rapporte.
On peult donc veoir en ce liure traduit,
Non seulement des histoires la porte;
Diray ie plus? Le tout y est dedit.

*Ioannes Vergerianus ad Flauum, de
suo libello.*

*Flauè, tua est flauo flauescere digna metallo
Cartha: immò est oleo cedre liuenda tuo.*

Franciscus Lelianus de libello Flauì.

*Non hic ridenti lasciua poemata uersu,
Quæ scripsit uates Bilbilis alta tuus;
Non hic quæ docuit Sappho, non Phyllidis ignes:
Nil præter mores continet ille liber.*

*Roberti Feretij Clauillæi distichon
in laudem historiæ.*

*Quod fuit, est, erit, ordine, iudicio, ratione,
Narrat, disponit, colligit historia.*

Table

D	Demetrius	82
D arius avec Cyrus	Demetrius	87
regnant 41	De quel temps fut Ho-	
Darius Artaxerxes	mere	35
pourquoy fut il appel	De Romme	93
lé longuemain 42	Demetrius roy de Ma-	
Daniel touchant au iu-	cedone	81
ste le temps de l'adue	Deux cometes en vn an	
nement Iesuschrist 65	230	
Darius dernier 67	Didier Roy des Lom-	
Darius vaincu d'Alexã	bards	155
dre 77	Diocletian	122
Daniel 27	Difference entre histo-	
Dauid 22	riës & Chroniqueurs	
De q fut tué Seleuc ⁹ .	231	
82	Didius Iulian	116
Dequoy fert la lecture	Dietrich de Berne	133
des gestes des roys &	Dix hommes enuoyez	
princes 2	en Grece	74
De la bataille des Car-	Dont vindrent les ducz	
thaginois 94	de Bauiere & côtes Pa-	
De Iehan Hus & Hiero	latins /	189
me de Prage qui furët	Domitian	112
bruslez au concile de	Dont vindrent les Ma-	
Constance, & de leurs	cedoniens	12
articles condënez, qui	Douze articles de la li-	
vouldra veoir l'hystoi-	berté Chrestienne	223
re entiere, lise Aeneas	Dont sont venuz les sei-	
Syluius, au liure de l'o	gneurs de Thurige.	177
rigine & gestes des Bo	Doibt il estre vn Euef-	
hemes cha. 35 & 39. 211		

Table

que vniuersel en l'E- glise Chrestienne	143	Enoch exemple d'eter- nelle vie	10
Dont est nommé Hon- grie	139	En quel temps cōmen- cerent les Grecz a cō- pter leurs ans par les Olympiades	30
Dracoles donna vn che- ual legier a Vladislaus	215	En ql tēps sainct Estiē- ne fut lapidé	109
Diufus	107	En quel temps cōmen- cerent les Turcs a do- miner	147
Du tēps que sainct Bo- niface prescha en Ale- maigne	151	En quel tēps Titus filz de Vespasien assiegea Hierusalem	111
Du royaulme d'Alexan- dre, quatre royaulmes furent faitz	80	Erfurde	200
E		Ernestus due de Suaue	176
E Brard cōte Palatin	167	Esdra cueillit les liures de la Bible	66
Eclipse de Soleil	118	Esdra	64
Eduard roy d'Angleter- re & Frederic cōte de Misnie reffuserēt la di- gnité Cæsariēne.	204	Esther	62
Elias a diuisé le monde en trois aages	5	Esdra scauant aux affai- res des Persans	41
Elie au milieu de l'aage du monde	23	Esaie	25
Eliesée	24	Estienne roy de Hon- grie	176
Emanuel empereur de Cōstātinoble peu fide- le	187	Etheocles	31
		Eudoxe	72
		Euilmoradaeh	29
		Exēple de grād' cruau- te	

Table

Charlemaigne fait em pereur en Occidēt. 156	occis par la cheutte d'v ne maison	113
Charles courōné a Bou longne 222	Circoncision signe de promesse	17
Charles quint 222	Clement 7 prins	225
Chascū royaulme a certains bournes & limites 55	Claude	109
Charles le Chaulue. 164	Cleopatra 80 &	88
Charlemaigne scauant en Grec & Latin 157	Chytus	78
Charles comte de Moraue 205	Constantius	123
Charles 8 roy des François 219	Constantin 123 &	124
Chaplerus chef des pay fantz 223	Constantius fait Arrié	125
Charles quart 207	Cōsultatiō de sept princes de Perse, touchant les affaires du royaulme	53
Charles 4 autheur de la Bulle d'orée 208	Comme doit estre def fendue vègeance. 128	
Charles prince des Bourgoignons 217	Cuno duc de Bauiere mutin	178
Charles le Chaulue em pereur François 165	Constantin le grad. 120	
Charles possesseur de la Lombardie 155	Combien valent les 70 sepmaines dōt est fait mention en Daniel. 64	
Charlemaigne 151	Cōme les histoires partent a vn chascun en particulier	3
Cham 12	Combien estoit grand l'ost de Xerxes en Grece	57
Cherufces 107		
Cherintus hereticque	ce	57

Table

Conon capitaine des Persans	71	cieux de son Eglise.47	
Constantin nommé Po gonatus	149	Cōrad alla en Hierusalē cōtre les Sarrazins par le conseil de sainct Ber nard	187
Contention du royaul me entre Romulus & Remus	36	Conrad 4	198
Constant	122	Cōe Cyr ^o fut possesseur de Babylone	46
Constantinoble nōmée au parauāt Bizāce.124		Contention pour l'ele ction papale	161
Cōbien fut grād l'exer cite d'Alexandre en Asie	77	Comete veue	230
Conrad Lāsquenet.	186	Commode	116
Cōme estoiet appellez les prebstres & docteurs des Persans	53	Constantin filz d'Hera cle	148
Conrad premier	163	Crœsus roy d'Asie	45
Cōstantin filz de Lyon quart	150	Conuētion faiçte a Ra tisbonne	226
Confirmation d'offices ciuilz	22	Ctesias	234
Conrad duc des Fran çoys	167	Cymon d'Athenes	57
Cōmencemēt de la tier ce monarchie	75	Cyrus	66
Conrad second	176	Cyrille & Naziāzen ^o re spōdirent a Iulian.128	
Cōstāri Copronime.150		Cyrillus lapidé	59
Constant	148	Cyrus enseigné par Da niel	47
Combien est Dieu sou uerain		Cyprian martyr	118
		Cyrus guerroya son fre re Artaxerxes	67
		Cyrus	42
		Cyrillus	59

Table

té	48	dēce es choses diuines	
Exemple de pitié	45	85	
Exemple de ne se deb-		Exemple de vengeance	
voir confier a sa puis-		113 & 116. 118. 125. 126	
fante	60	128. 134	
Exemple de vengeance		Exēple de grād' cruau	
11. 18. 20. 24. 36		té papale	162
Exēple d'igratitude.	68	Exemple de craincte de	
Exemple de grand' info		Dieu	82
lence	119	Exemple de vengeance	
Exemple de la feuerité		contre Cambyfes	51
des Rommains	85	Exemple d'obstination	
Exemple de vehemente		humaine	28
ire de Dieu	99	Exemple de vengeance	
Exemple de grande in-		74 & 78	
temperance	53	Exēple de vengeance.	93
Exemple de grace & pi		Exemple de trahison &	
tié	19	desloyaulté	70
Exemple de grand' fa-		Exemple de vengeance	
mine	28	183. 193	
Exemple de vengeance		Exemple de craincte de	
81. 148		Dieu	82
Exemple de craincte de		Exemple de vengeance	
Dieu	25	129. 144	
Exēple qu'il ne se fault		Exēple de trahison.	134
appuier a l'aide des hu		Exemple de pitié apres	
mains mais a Dieu.	89	la victoire.	153
Ezechie roy debonnai-		F	
re	25	F Abian	118
Exēple d'humaine pru-		F erdinād roy de Hō	

Table

grie	225	188	
Felix Pape diffimula- teur	127	197	Frederic 2 expulsé de l'empire p le pape
Fin de la premiere mo- narchie	29		G
Flavius Claudius	120		G Alery 122
Fratricelles semblables aux Anabaptistes.202			G Gallus 119
Frederic 3. duc d'Austri- che fait empereur.214			Galien 119
Frâce ptie de gaule.154			Gabinius 90
Frederic prins p Ebrard du Mosbachic 204			Genferich 133
Frederic duc d'Austri- che 204			Gilese royne de Bour- goigne 177
Frederic secõd parla A- lemãd, Grec, Latin, & Sarrazin 195			Gifelbert duc de Lor- raine 167
Frederic fut courõné en Hierusalem 196			Gibelins 187
Frederic cõte palatĩ.217			Godefroy de Billõ. 181
Frederic excõmunié du pape 189			Gog & Magog 147
Frederic restaurateur de l'art d'astronomie.195			Gonthier esleu Empe- reur 204
Frederic secõd.191 & 195			Gordian 117
Frederic ne craignoit a se mettre souuent en l'eau 190			Grãd deluge d'eau a Rõ me 226
Frederic Barberouffe			Gratian 129
			Gregoire pape 143
			Grands exemples de vé- geance 83
			Gratian 186
			Grand guerre pour pe- titz affaires 68
			Guerre des Suices cõtre ceulx d'Austriche 220

Table

Guerre ciuile esmeue	tinge	194
par le Pape en Alle-	Herodes print Hierusa-	
maigne:	lem	92
182		
Guillaume empereur.	Hesiodo curé au mont	
199	Helicon	35
Guillaume d Sicile.	Henry sixiesme	191
187		
Guelphes	Henry 7. fut tué p poi-	
197	son d vn moyne pres-	
H	cheur	203
H Annibal	83	
H Heracleonas	148	Henry 5. ceda le droict
Hector	31	d'eslire les papes &
Henry fait prisonnier	euesques	183
par Frederic son pe-	Heracles	31
re	196	Henry second
Henry 7.	203	Héry le faulconier
Herodes Antipas osta	Henry premier	165
la femme de son frere	Heracle	144
Philippe	93	Henry duc de Bauie-
Henry 5.	182	re
Herman prince de Sua-	Henry quatriesme	179
ue	167	Herode Agrippa
Herodes Ascalonites	92	Himelsuite
Henry demada à parla-	Hiltebrand pape cause	
menter à Arnoul duc	de grâds maux	179
de Bauiere	166	Hiltebrad premier pa-
Héry frere d'Otho	167	pe qui rōpit les maria-
Henry tiers	178	ges des prebstres en
Henry assiegea son pe-	Allemagne	181
re par le conseil des	Hippocras	72
euesques	181	Hilderic
Herman comte de Thu	Hiltebrand pape vn se-	

Table

cond Caiphe	181	tion ou Dieu appelle	
Hieron	94	l'homme	80
Honorius	131	Images de la croix veues	
Hugues prince en Gaul		en Alemaigne	220
le	169	Iorã aucteur de nouuel	
Huniades inuada de re		le idolatrie	24
chief les Turcqs	215	Ioachin ou Ieconias.	27
I		Iofias	26
I Afon	84	Iofaphat amoureux de	
Iaddus grad p̄bſtre.	79	religion	23
Iaphet	12	Ionathas	89
Ianus pourquoy estoit		Iouinian trescatholic-	
il pain& auoir deux vi		que Cæſar	128
ſaiges	12	Ioachin ieune marquis	
Iehan Huniade	114	de Brãdembourg.	227
Iehan Oecolãpade.	223	Iofeph homme ſage &	
Iehã Hus preſcheur pu		ſain&	19
blicq̄ en Boheme.	209	Iones p̄miers Grecz.	12
Iehan roy de Hieruſalẽ		Ioatham	25
196		Iournée dõnee a Thou-	
Iehan Stabius philoſo-		louſe contre Attila.	139
phe de l'empereur Ma		Ionas	25
ximilian	173	Ioachan	27
Ieſuſchriſt naſquit		Ioachin	27
icy		Inuẽteur de l'art magic	
92 & quand	106	que Zoroaſtes	15
Ieſus prebſtre	47	Ingratitude enuers les	
Iehan huitieſme pape		bons & cheualeux	
estoit femme	160	ſonnaiges	140
Iehan Hircane	89	Inuenteurs des artz.	10
Il fault enſuiuir la voca			

Table

Irene	150	Thucidides touchant	
Irene fille de l'ẽpereur		histoire	2
de Cõstantinoble.	192	La peine d'Antiochus	
Ismael	18	pour son infidelitẽ.	86
Iulian cardinal	215	La ville de Sardis	45
Iulian l'apostat	127	La figure de plus pure	
Iules prince modeste &		doctrine en la fin du	
amoureux de paix.	101	monde	27
Iulian osta le droit de		La secõde mention des	
guerroyer aux Chre-		Alemãs es histoires.	98
ftiens	127	La premiere mẽtiõ des	
Iules Cæsar	102	Alemãs es histoires.	74
Iustin	141	La tyrãnie de Mari ^o .	99
Iustinian	141	la diuise du duc d'Vr-	
Iustinian	149	bin	219
Iudas Machabẽus	89	la crudelitẽ de Camby-	
Iules diẽ Cæsar	105	ses	51
Iulian faiẽt empereur a		La cruaultẽ de Camby	
Argentorat	127	ses enuers sa sœur la	
Iustin 2	143	royne	52
L		la cruaultẽ & orgueil	
L A destruction de Sa		des papes	194
marie	25	la douceur d'Adriã en-	
La ville de Tyrinthe.	31	uers les Chrestieẽs.	114
La raison des afflictiõs		la Bible translatẽe	87
19		la bataille de Bauiere	
La mauuaise recompẽ-	220		
se qu'eust Miltiades du		l'abbẽ Ioachin	229
peuple d'Athenes.	56	la bataille entre les Suif	
La parolle graue de		ses	226

Table

La bataille de Cyr ^o cō-	faictes & pphanes	4	
tre les Scythes	48	lamour de Regulus en-	
La mort d'Arrius	125	uers la republique, &	
La doctrine des Mani-	la foy enuers ses enne		
chés	121	mys	94
L'allée d'Alexādre con	La grāde cruaulté d'A-		
tre les Iuifz	79	styages	44
La cōplaincte de Rudol	La grande cruaulté du		
phe enuers les euef-	pape Clement enuers		
ques	180	Conradin	198
La bible tráslatée	87	la peine de Regulus	94
La doctrine d'Arri ^o	124	La race de Cyrus & le	
la mort de Sardanapa-	royaulme estainct	67	
lus	16	La rēdue des Atheniēs	
La figure des quatres	70		
Monarchies	13	La mollesse de Sardana	
la finesse de Perdicas	80	palus	16
la guerre des villes	216	la diuifio des lāgues	12
La destruction de Hie-	Laurēs Mimatēfis	229	
rufalem	28	La chronique de Mag-	
la finesse d'Histieſpour	dembourg	229	
esmouuoir dissētiō.	56	La flaterie hōteuse des	
la loyalté des chiēs.	52	Atheniens	81
La fuyte d'Annibal au	La forme de la religion		
roy Antiochus	95	du Mahomet	146
la facetie d'vn des serui	La cause de la guerre en		
teurs de Sigismōd.	tre Antiochus & les		
la desloyauté de Bessus	Romains	83	
73	La promesse de Iudas		
La cōtē Palatine	174	Machabæus	86
la differēce des histoires	La separation de Ger-		

Table

manie	123	tre Constantin & Li-
la finesse de Themisto-		cinus
cles	60	la deuotion de Constan-
la cause des loix Rom-		tin en l'euangile
maines	73	la mort deSedechias
la cõtetiõ des prïces, a-		la mine d'argent trou-
pres la mort d'Alexan-		uée enMisnie par l'em-
dre	80	pereur Otho
la ruine d'Asie	75	la mort de Iulian
La desloyaulté & tyrā-		la grauité du dict de Da-
nie du pape	187	rius
La grad tyrānie du pa-		la flaterie honteuse des
pe Alexādre 3. enuers		Atheniens
lépereur Frederic	190	la librairie de Ptolo-
la clemēce de cesar.	102	mée
la bataille des Allemās		la belle victoire de Mil-
cõtre les Rõmains	98	tiades
la circõcision quādelle		l'autre preparatif d'An-
fut donnée	18	tioch ^o en Aegypte
La grande cruaulté des		la grauité du dict de
Turcqs, apres la prinse		Xerxes
de Cõstantinoble.	217	la fidelité des Vandelz
L'affection du pape de		138
trāsferer l'empire aux		L'aduenement de Iesuf
Gaullois	116	christ
l'Allemaigne diuifée en		la bonne fortune vient
Allemans & Frāçoys		de Dieu
154		213
La mort de Charles le		la mort de Metius Suf-
chauluc	161	fetius
la cause du differēt en-		37
ton		La philosophie de Pla-
		ton
		116

Table

<p>la philosophie d'Aristote 116</p> <p>la pertinacité des Athéniens durant la guerre. 69</p> <p>la mort d'Attila 140</p> <p>la tour Anglesche 160</p> <p>la mere d'Alexandre precieus exemple de pudicité est mise a mort 81</p> <p>l'amour des Alemans & fidelité enuers leur prince 172</p> <p>la prise du roy François 223</p> <p>la mort de Loys de Baviere 206</p> <p>la principauté de Boheme erigée en royaume 191</p> <p>la prouesse des Lacedemoniens 58</p> <p>la premiere métiõ de la marche d'Austriche. 177</p> <p>la ville de Sardis bruslée 56</p> <p>la première cõtetiõ pour l'election du pape. 142</p> <p>la ville d'Enoch 9</p> <p>la 4 monarchie 102</p> <p>la ville d'Ochomene. 32</p>	<p>la journée de Mansfelde 183</p> <p>la psecution des Chrestiens soubz Traiã. 114</p> <p>la bataille d'Amorée. 66</p> <p>la riuere d'Euphrates 46</p> <p>la premiere occasiõ d'idolatrie 17</p> <p>la vertu de Hildebrand a desfroguer a l'autorité des Empereurs. 179</p> <p>la ville de Victorie. 197</p> <p>la ville de Platea 56</p> <p>la region des Grecz cloise 58</p> <p>la reuerence de Theodose enuers l'Eglise. 130</p> <p>la journée de Varne. 215</p> <p>la prouesse des Suisses cõtre le Dauphin. 216</p> <p>la ville de Lubecq. 189</p> <p>la tyrannie de Cassandre 81</p> <p>la reuerence que feist Alexandre au prestre des Iuifz 79</p> <p>la tyrannie d'Antiochus enuers les Hierosolimitains 85</p>
---	--

Table

La monarchie Rōmaine	Le royaulme du monde & le royaulme de Iesuschrift	104	8
L'atrempance & moderation de Charlemaigne	Les mutations & nouveaultez des royaulmes desplaisent a Dieu	156	22
La mort d'Esaie	Les Gothz vaincuz par Theodose	26	129
La vertu des gētilz femmes de la ville de Vuinginsbourg	Le concile de Nice	187	123
La tyrannie des papes Rommains	Les maieurs de Constantin	163	124
La vision qui apparut a fainct Vdalric	Le dict graue de Solon a Croesus	166	45
La vāterie du pape Iehā	Les empereurs excōmuniiez par les papes	22	194
	Les Allemās esprouuez par les Rōmains.	205	107
L'application de Satan	Le bon tour d'Alexandre	142	56
La prouesse de Frederic	Le cōcile d'Aouste	196	222
La permission de manger de la chair	L'Empereur Cōstantin tué	11	217
Le monstre veu au tēps de la guerre des Grecz	L'heresie de Nouatiā cōdemnée	69	119
Les roys d'Espaigne veuz des Gothz	Les historiēs Grecz sōt d'accord avec Iosephe & Philo	133	65
Les Gothz furent Arians	Le commencement de la monarchie d'Alexandre	134	7
Les Gotz oriētaulx		134	
Le troiefieme aage		7	

Table

78	les ducz de France oriē
Le commencemēt de la	tale descēdus de Loys
trāslation de l'Empire	Germanicque 160
aux Alemans 151	les gestes d'Attila 139
le cōmēcement de la cō	les gestes de Charlemai
té de Thuringe 177	gne 155
le cōmēcement de l'hi	l'estat de Hierusalem
stoire des Gothz 118	soubz le regne d'An-
le duc de Bourbon.224	tiochus 83
les CymbresouAllemās	les gestes de Hēry se-
venuz de Gomer 98	cond 176
l'escole d'Alexādrie 115	les Gothz 98
le college de Pragge	les gestes de Charlemai
208	gne du temps de paix
le cōmēcemēt de la Mo	157
narchie Rōmaine 102	lesGothz en l'isle Tau-
les liures d'Hesiodē 35	ricque 131
le cōmēcement de l'e-	les ligues & cātōns des
glise 9	Suisses 208
le cōmēcement des af	les Hōgres assailliz par
fictions temporelles 9	Charlemaigne 156
le royaulme des Aegy-	le prince Lubricque 16
ptiens 16	les Turcqs estoient pre
le sain& feu 17	mieremēt Tartres 147
le cōseil de Miltiades 56	le songe d'Astiages 43
l'erreur de Berégier 223	les Souldans 146
les Hongres pillantz la	l'estat de Grece apres
Germanie & l'Italie 163	le filz de Noe 32
les Frāçoys vaincus en	le pape Iehā mis en pri
guerre 120	son 211

Table

le concile de Basle	214	eulx vn Messias	114
le concile de Constance		le mauuais falaire que	
211		eust Themistocles pour	
le voiage de Sigismöd		ses bienfaictz	61
contre les Turcqs	213	le pape Iules vaincu a	
les Fräçoys s'opposans		Rauëne le iour de pas-	
aux Rommains	119	ques	221
les Mahometistes	115	les Pharisëes	91
l'entrée du Solyman en		les Saducées	91
Alemaigne	227	les Gothz occidentaulx	
le droit ciuil restably		134	
par Iustinian	142	les Gothz premieremēt	
Le capitaine Daulphin		en Italie	131
avec les Armeniēs	216	les douze Vaultours q̄	
Les colonnes d'Hercu-		veit Romulus	133
les	32	les historiens Alemans	
le dict facetieux de Croe		asnes	173
sus	51	les philosophes Italic-	
Le pere & la mere d'A-		ques	49
lexandre	76	les histoires sont les li-	
les Iuifz plus anciens		ures des roys & des pri-	
23		ces	1
Le lieu ou nasquit Char		les Lacedemoniēs vain-	
lemaige	155	cuz contre les Theba-	
l'Empire translaté aux		nois	71
Saxons	164	les Thebanois destrui-	
le premier aage	6	serēt les Phocences	71
le second aage	6	les Turcqs bestes & nō	
le price de Mātoue	228	tyrantz	217
les Iuifz feirent entre		Les histoires des Iuifz	

Table

font plus anciēnes que	uoiteux de seditions
celles des Grecz 30	121
Les Gaullois domptez	Les Manichées heretic
par Otho second 171	ques 121
Les philosophescōmēce	Le premier Empereur
rēt p̄mierement soubz	esleu par la voix des e-
le regne de Cyrus 49	lecteurs 176
Les princes appelez iu	Le meurdre de Camby
ges 21	ses enuers son frere 51
Les regretz du pape a la	Le passage de Daniel,
mort 187	ou est entendu de Ma-
Les princes de Brúsuig	hōmet 146
descēduz des Catules	Le pape Estienne cōfer
184	mé par Loys le debón
Les Essées & Anabapti	naire 159
stes ressemblent l'vn a	Le second voiage d'An
l'autre 91	tiochus en Hierusalem
L'estat de l'Eglise pour	85
le temps qui court. 91	Le pape Pie dict Aeneas
Les liures de Moyse re-	Syluius 218
trouuez 26	Le supplice de Crescen
Les Sadducées Epicu-	ce pour auoir affecté
riens 91	l'Empire 172
Les parés de Charlemai	Le notable dict de Tra
gne appelez grands	ian,quād il establit vn
maistres en Alemai-	lieutenant en sa court
gne 154	113
Les tribús restabliz par	Le royaulme Sarrazin
Pompée 100	estoit le royaulme de
Les hereticques sōt cou	Mahomet 136

Table

Le Roy Christierne. 230	Les histoires des gētilz
Le filz du roy Christier ne mourut 230	1 Le temps depuis la pro- messe faicte a Abraham
Le pere de Cyrus	iusques a la departie
Le peuple de Minie 31	d'Aegypte 20
Les especes d'idolatrie chez les Grecz 33	L'exellente foy de Zo- pyr ^o enuers Darius 54
Le passaige de Daniel, ou il parle des 70 sep- maines 63	Le preparatif de guerre d'Anthiochus en Hie- rusalem 85
Le royaulme de Iuda 28	Les vns l'appellēt Theo- deric les autres Ietric de Verone 133
Le temple de Belus en Syrie 83	Les freres de Lothaire
Le songe de Philippe. 76	159
Le roy Loys restably en son royaulme 169	Les sept chasteaulx 156
Le Tyr 77	Les comtes Palatins ve- nuz de Charlemaigne
L'expedition de Darius en Grece combien fut elle grande 56	155
Les finesles du pape 196	Les philosophes mis hors de Romme 112
Les Cattes 112	Les liures d'Homere sōt le miroir des vertus ci- uiles & heroïques 35
Les Aeoles 12	Leonce 149
Les Germainz 12	Les gestes des Frāçoys, & pour quelle occasiō ilz se reuolterēt de l'ē- pire Rommain 154
Les Turcqs 12	
Les Thraces 12	
Les querelles des papes 170	
Les histoires sainctes 1	

Table

le motif de la guerre en	res le Messias	63
tre les Franconiens &	l'humanité de Tit ⁹	112
Saxons	164 l'eglise de Noe a Abra-	
les gestes de l'empereur	ham	14
Henry premier de ce	l'humanité d'Alexandre	
nom	166	77
les gestes d'Alexandre le	l'institution des offices ci-	
grand	77 uiles & de toutes loix.	8
les dix homes deposez	liberius pape	127
74	l'institution des regnes	
les parens d'Aristote	73 & roys de Dieu	22
les Hógres defaiçtz par	l'ingratitude & trahisó	
Otho	168 de Magnence	129
le peuple des Iuifz tres	l'institution de faulse-	
ancien	29 ment adorer Dieu ne	
les Grecz n'eurét au cõ	demeure impunie	25
mencemét aucun roy	Lothaire Saxon	184
30	louège de Thrasibulus	
les gestes d'Hercules	32	71
les Galates cõduictz de	louenge & vtilité des	
Germanie en Grece p	loix	185
le capitaine Brénus	32 louège de la Monarchie	
le nombre de Philo &	53	
des Grecz	39 louenge des Emperours	
les ordõnances de Dra-	Alemans	152
co	50 Loys le begue Empe-	
les philosophes Ionic-	reur Françoys	165
ques	49 Loys le debonnaire	159
le dict de Cyrus	48 Loys pris p son filz	159
les Iuifz attendét enco-		M

Table

M Aximiliã prins p les Bruggeois 218	razins	147
Maximilian Empereur 219	Maxence noié dens le Tybre	123
mahōmet empereur des Turcs assiegea Otren- te en Italie 219	Matathie	89
Magnence se tua 127	Marc Anthoine	115
Maximian 122	Maurice	144
Manes natif de Perse 121	Mauuais conseil	178
Martin Luther 222	Macrin	116
Mahōmet subiuga pre- mieremēt Arabie 146	Menaces Françoyfes	161
Manassé mauuais roy 26	Metasthenes	64
Maximin dōpta la Ger- manie 117	Monasteres iadis estoiēt escolles	157
Mari ^o fait capitaine cō- tre les Allemans 99	Milan	189
Marius cause de tumul- te 99	Mitridates	99
Manassé exēple des pe- cheurs 29	Michée	25
Mahomet prophete d'Arabie 145	Milete	77
Mardoni ^o capitaine 60	Maxime & Arbogaste exēples de trahisō	129
Maximilian 218	N	
Mahomet changea le nō des Agarenes a Sar	N Abuchodonosor 27	
	Nabuchodonosor con- uertu par le prophete Daniel	28
	Néroth veneur de Dieu	13
	Nerua	113
	Nero	109
	Ninus	15
	Nicolas Auguste exēple	

Table

de grand' folie	206	Ochofias	24
Nostre feigneur Dieu a		Ochus tyrant	67
bien fortuné les affai-		On doibt en toutes for-	
res de ceulx qui estoïët		tes garder l'empire en	
droictement esleuz		tier	7
192		Origene lecteur public	
Noremberge prinse par		que	116
Henry quint	181	Osée	25
Niniue	14	Otho le premier Empe-	
Nicomachus	73	reur qui fait sermēt de	
Nicolas 5 pape fauteur		fidelitē au papē	170
des gens scauans	218	Otho troisiēme mou-	
Nicolas Auguste feist		rut empoisonné	175
adiourner les Empe-		Otho quart	194
reurs a cōparoir deuant		Otho second print des	
luy	206	mariniers	171
Numa	37	Otho tiers , appellé la	
Nusse ville	217	merueille du monde	
		172	
O		Otho premier	167
O Ctauien pourquoy		Othacare	133
ayt esté appellé		Otho second	171
Auguste	105	Otho quart	192
Ochá persequiteur du		Othoniá grand Turcq	
pape Iehan	205	147	
Occasion de la bataille		Otho duc de Saxoigne	
de Thebes	31	164	
Occasion de guerre ci-		Othanes	
uile	100	Otho tiers	172
Oc̄tauien adopté de Iu-		Othonian Turcq	203
les	105		

Table

Otho	110	iours chanterent	227
Othacare roy des Bohe mes	200	Persecutiõ pour le vray cultiuemēt de Dieu	9
Ou est l'eglise & le roy aulme spirituel	108	Pepin roy d'Alemaigne & de Gaulle	155
P			
P ar le bouc est enten du Alexádre, & par le belin Darius	75	Philippe cause de la guerre des Rommains en Macedone	96
Papinian legiste & ad- uocat	116	Philippe premier Em- pereur Chrestien	118
Paul Emille	96	Philippe filz de Maximi- lian	221
Parmenion	78	Philippe occis en trahi- son par Otho de Vui- telsbach	193
Paiafet Empereur des Turcs	210	Philippe occis pour vn delict impuny	76
Pelage pape	136	Philippe Bardesanes	
Perdicas	80	taille entre les Grecz	149
Petite occasiõ de la ba- taille entre les Grecz		faicte en la Morée & cõbien de temps elle ra	68
Pelage hereticq̃ en An- gleterre	130	Philippe dópta les The- banoyz	71
Perdicas guery par Hip- cras	72	Philippe Empereur	191
Perseus filz de Philippe dernier roy de Mace- done	96	Platon	72
Petiz poullletz de deux		Pompée vaincu	101
		Pourquoy est la religiõ de Mahomet attraiã te	86
		Pompée	90
		Pourquoy a Boheme droict d'election	174

Table

Posthumus	119	Proca	35
Pour q̄lle cause fut chā gée la republicte Rō maine	38	Prodiges apparuz en l'ost de Xerxes	58
Pourquoy les roys de Si cile s'attribuēt le royaul me de Hierusalem	196	Prexaspes	51
Pourquoy les Monarq̄s & grāds seigneurs sōt enuoiez de Dieu	157	Ptolomée filz de lag ⁹	87
Pourquoy fut Gaule se parée d'Alemaigne	160	Ptolomée philadelphie amoureux de paix & des artz	87
Popilius des Rōmains enuoié en ambassade a Antiochus	85	Ptolomée Euergetes 82, & 87	
Pourquoy furēt les mo narchies p̄ncipalemēt establies de Dieu	94	Ptolomée Philopater 83, & 87	
Pour q̄lle raison les Al lemās se despartirēt de l'empire Rōmain	154	Ptolomée Denys	88
Polycenes	31	Ptolomée Philometor 84. & 88	
Propheties de la recou urance de Cōstantino ble, & de la destructiō des Turcqs en Europe	228	Ptolomée Auletes	88
Probus	121	Ptolomée astronome	115
Procacard du pape Bonifa ce 8.	201	Ptolomée Phiscomieulx beste qu'homme	88
		Ptolomée	80
		Ptolomée Epiphane.	88
		Ptolomée Alexādre	88
		Ptolomée Latire	88
		Pythagoras autheur des philosophes ē Italie	49
		Pyrcamere	
		Pepin	151
		Q Vand Romme fut fondée	37

Table

<p>Quand mourut Iesuf- christ 64</p> <p>Quand la Monarchie des Perfans commen- ça 38</p> <p>Quãd Vuirtéberge fut erigée en duché 220</p> <p>Quand l'inuention de l'artillerie fut trouuée 219</p> <p>Quãd l'art d'imprimer fut prouuée 219</p> <p>Quãd saint Pierre fut crucifié 110</p> <p>Quand commencerent les consulz Rommains 73</p> <p>Quand la duché d'Au- striche commença 189</p> <p>Que fault il considerer en Cyrus 46</p> <p>Quintilius Varus 107</p> <p>Quãd les Vandelz vin- drent en Aphricque 137</p> <p>Quand furent les dix commendemens don- nez 20</p> <p>Quand Iesuschrist fut crucifié 108</p>	<p>Que nous enseignerēt les histoires saintes 4</p> <p>Quãd les Vandelz vin- drent premieremēt en Alemaigne 138</p> <p>Que signifioit le pont qui print en feu pres de Maience 158</p> <p>Que signifie Mahom- met 148</p> <p>Quatre Monarchies de monstrées a Daniel 13</p> <p>Quedelnbourg 170</p> <p>Qu'est il cōprins en la prophetie de Daniel 64</p> <p>Que sōt ce Monarchies & de quelle puissance elles sont 6</p> <p>Quatremonarchies ont esté tant seulement 6</p> <p>Quand Lombardie, Es- paigne, & vne partie de Gaulle furent transf- latées de l'empire Rō- main 137</p> <p>Que c'est qui fault con- siderer aux exemples des princes 2</p>
---	--

Table

Quelle chose on doit Rhetic	107
considerer aux exéples Romulus & Remus	36
des princes tyrans	2
Quelle chose iuroient lée par Totilas	136
les iuges d'Athenes.	78
Quelle fut l'electiõ de Rõme bruslée des Frã-	
Darius quand il fut Rõme 4 fois prinse	136
roy	54
Que signifie Edon.	148
Quand les Cardinaulx Romme prinse	224
commencerent	177
Que signifie les muta- bisbourg épereur	199
tiõs des royaulmes	231
Quand Iesuschrift fut Rufin	132
baptizé	108
R	
R Adagase	132
R Ratisbonne	168
Recit d'vn Astrologue	229
Reuelation faicte a Da- niel	63
reprinse d'albert pour le meurdre de l'empe- reur Rudolphe	202
Regulus prins des Car- thaginois	94
Renouatiõ de promesse faicte a Abraham.	17
Rhea Syluia	36
S	
S Amarie figure de l'e- glise orientale	26
Sainct Augustin contre Pelage	130
Sainct Gaullois prescha l'euangile es haultes Alemaignes	148
Sainct Iehã Baptiste	93
Sainct Bernard fut cau- se de la paix entre Cõ rad & Lothaire em- percurs	185

Table

Saint François	193	goire vnziesme	209
Saint Augustin euef-		Scipion le ieune	97
que de la ville d'Hip-		Scisme de trois papes	
po	138		210
Saint Iacques apostre	93	Sergius Galba	110
Saint Dominicque.	193	Sem	12
Saint Vdalric avec O-		Seleucus Philopatre.	84
tho	168	Seruius Tullius	37
Saint Lin fait pape		Seleucus	82
110		Sergius pape deuant ap-	
Saint Paul decapité.	110	pellé groing de pour-	
Saint Hierosme notaire		ceau	160
du pape Damase.	129	Sergius pape ignorant	
Sapores roy des Persans		& tyrant	162
119		Seuere	116
Saint Thomas d'Aquin		Seleucus Callinicus.	82
199		Seignes veuz en Italie	
Sarde	77	deuant la venue de Ma-	
Sainte Elifabeth	194	hommet	143
Saul	22	Seuerité en gouuerne-	
Salomon	22	ment plaist a Dieu.	19
Saint Iehan l'apostre		Semiramis vsa d'habit	
reuenant de l'isle de		d'homme	15
Pathmos	113	Sedechias	27
Scopa lieutenāt de Pto		Seleucus	82
lomée Epiphanes.	83	Secte de vagabons se ba-	
Scipion le ieune	95	tans de verges, en Ale-	
Scisme en Alemaigne		maigne & France.	207
205		Sigismond Empereur	
Scisme du tēps de Gre-			211

Table

Sibylle n'est point nõ	lemaigne	156
propre de femme	34	Tarquinius priscus 37
Sicile occasiõ de la guer	Tarquin l'orgueilleux	
re de Carthage	94	38
Signes venuz deuant la	Tacitus	121
destruction de Hieru-	Teia	137
salem	112	Thales & Solõ amys 50
Sigebert historien	181	Theodose
Sifannes iuge corrom-	Thrasibulus	71
pu	52	Thales autheur des Phi
Simon	89	losophes en Grece 49
Solon autheur des loix	Theramenes mis a mort	
Rommaines	50	71
Solyman assiegea Viẽ-	Thomas le Monnoieur	
ne	224	223
Saranus	72	Theodose
Stillico	130.132	132
Sylla	99	Themistocles s'en alla a
Sylla plus cruel q'l n'e-	61	la court d'Artaxerxes
stoit decent	100	Themistocles pteateur
Syluestre pape Magiciẽ	de la liberté du pays	
175	59	
Sylla deposa les Tribús	Thebes destruite & p	
du peuple	100	apres non reedifée 77
Sylla craignoit l'incon-	Theodose se rëdit moy	
stance de fortune	100	ne
		150
T	Theodatus	134
T Amerlan tyrât	210	Hthomas le monnoieur
Tassilo duc de Ba-	hereticque	121
uiere opprimé p Char	Theodose	130

Table

Tibere 3	Cæſar 107.&	nez a la ville de Guns	
108		227	
Tiers liure des Chro-	Tullus hoſtilius		37
nicques	106		
Tibere 2.	149	V	
Tibere 2.	243		
Tigranes occis par Põ-	V	Alentian donna vn	
pée	87	ſoufflet a vn preb-	
Totilas	133	ſtre payen	129
Totilas enſeigné par	Valent Arrien		129
ſainct Benoift	137	Vandoys	107
Totilas guerroiã heu-	Valerian		119
reufement a plaiſance	Varus Heliogabal ⁹		117
135	Valentinian		139
Trois pãpes contédãtz	Veſpaſien		110
pour la papaulté depo-	Veniſe		140
ſez	177	Vibius	119
Trois freres enſemble	Vitellius		110
regnantz	126	Vienne ville Imperial-	
Trois colleges inſtituez	le		196
par Charlemaigne	157	Vienne ville d'Auſtri-	
trois papesdepoſez	211	che	224
Trente tyrãtz en Aþe	Vladiſlaus		214
nes	70	Vlpian	117
Trois emotions premie	Vne comete veue du		
rement excitez contre	temps de Nero		110
Otho	167	Vn lac fut faißt de l'em	
Traian prince debõnai	braſement des Sodo-		
re	113	miticques	18
Treize affaultz don-	Vne comete veue		226

Table

Vn Chrestien doit tirer des histoires enseignemens de la foy & de la crainte de Dieu. 3	Table des gestes du Roy François. 10
Vne comete veue 126	Acte de grand hardiesse & entreprise. 45
Volusian 119	Alexandrie pillée 3
Vuernhere restituteur des loix 185	Aliance entre le roy & l'Archeduc 2
Vualacque Dracles 215	Ambassade de la part du roy d'Angleterre vers le roy de France pour le mariage de sa fille 13
Vuenceslaus empereur 209	Armée contre les infidelles 59
Vuitthique 135	Ardelon prise 40
X	Armée des Grecz condueite par Barberoufse 46
Xenophon parlant de Cyrus 48	Auantaige des Imperiaux sur l'artillerie des François 52
Xerxes 57	B
Y	Bourbon fut tué voulant entré dedés la ville de Romme 25
Yvrongnie induit a mauuaises meurs 51	Brissac & le seigneur Descars 49
Z	C
Zacharie 63	Arignan réduite par composition a mô
Zeno 141	
Zisca capitaine de la secte de Iehan Hus 212	
Zoroastres inuëteur de l'art magique 15	
Zorobabel 47	
Zuinglius 223	
Fin.	

Table

fieur d'Anguian lieute nant general pour le roy en Piedmont 54	Charles 5 du nom crée empereur 14
Conditions autres ap- posées & promises au- dict traité 23 & 24	Conseil prins par mon sieur d'Anguian avec les anciens capitaines 51
Cábray neutre de non, mais donnât faueur a l'Empereur 47	Cómencement d'enui- taillement pour Lan- drecy 48
Ce q fut accordé a l'em- pereur par les ambassa- deurs de Fráce pour la redéption du roy 22	Courfes par lesFráçoys iusques au cáp de l'em- pereur 49
Charles de Bourbon le ua son cáp deuant Mar- seille & se retira en Ira- lie 18	Danuilliers prinse 39
Charles de Bourbon meit le siege deuant Marseille 18	De Baiard le trespas. 18
Charles de Bourbó & le prince d'Orége voulu rent piller Florence. 25	Deffiances du roy d'An- gleterre au roy de Frá- ce 15
Chasteauthierry prins & pillé par les Impe- riaulx 56	Deffaiete des voleurs p le seigneur de la Voul- te preuost de l'hostel du roy 60
Chasteaulx plusieurs prins 41	Des legiónaires les mó- stres en diuerfes Pro- uinces 29
Chinaulx pillée par les Suiffes 3	DesGueldrois la venue & de ceulx deCleues. 41
	Deliberatiõ de l'empe- reur de tenir son camp deuant Landrecy tout l'hyuer 47

Table

De l'ordre tenue a l'en- trée de l'empereur. 37	par les François mes 56
Desordre en l'armée des François 53	Esparnay 56 Exhortatiõ du roy a ses genfd'armes 47
Descente des Angloys en Picardie 14	Ferdinand de Gouzaga pour l'empereur 46
Descars & Brissac sei- gneurs 47	G
De Madame Claude royne de Frâce le tref- pas 18	G Ens de nom de Frã ce prins prison- niers deuant Pauie. 21
Dissimulation des ar- mées 56	G ens de nom du party des Frãçoys occis de- uant Pauie 21
Du Daulphin la mort 31	Grãd' prudence du roy de France avec ruze & cautelle de guerre. 49
Du Daulphin les ver- tus 31	G rand' necessité de vi- ures en Landrecy, & au camp de l'Empereur 46
E	G uillaume cõte de Fur- stemberg contre le roy 50
E Diæt royal touchãt l'arriereban 51	H
Ediæt du roy contre les gens tenans les chãps, viuans sur le pauure peuple 59	H Ardiesse & prouef se du noble roy de France 20
Entreprinse des Suisses, d'aller demourer en Aquitaine & pays de Xainctonge 7	H ay 56
Espernay bruslée, & les viures estans en icelle,	Hedin prins des Fran-

Table

çoyz	32	d'Aleberet	11
I		L'an 1517 la natiuité &	
I Jacques Albon de S.		baptésme de mōsieur	
André	44	Frāçoyz Daulphin de	
L		Viennoys	12
L A grand volonté de		Les Angloys , Flamens	
combat de deux ar		& Haynuiers descen-	
mées	57	dirent en Picardie en	
L'armée du roy pour se		gros nombre	16
courir Landrecy & luy		La bande noire	4
en personne	47	La bataille des Frāçoyz	
L'auantgarde des Fran-		52	
çoyz	32	La deliurance des en-	
La paix faiçte & con-		fantz de Frāce & bien	
clute	57	venue de la royne Alie	
La description de la ri-		nor	27
uiere de Marne depuis		L'appoinçement de Pa	
Chaslōs iusques a Cha		ute	9
steauthierry	56	Landrecy enuitaillé &	
L'artillerie de l'Empe-		refreschy de gens	48
reur gagnée par les		La guerre en Piedmont	
Frāçoyz & la victuail		33	
le	54	La guerre commencée	
L'armée du roy en Pied		par les Flamens con-	
mont	50	tre messire Robert de	
L'ā 1515 l'armée de l'em		la Marche	13
pereur a Milan	10	L'armée de l'Empereur	
L'armée du Roy	51	51	
La mort du roy de Na-		L'arrieregarde des Frā-	
uarre, filz du seigneur		çoyz	52

Table

L'aliance des Suiffes	9	se	4
l'armée du Turcq deffai		La reuolte de ceulx de	
cte par Sophy roy de		Milan contre le Sei-	
Perfe	28	gneur de Lautret	14
Lalède & Decé capitai		Lascheté & trahifon	
nes en Landrecy dili-		des Suiffes	4
gens	48	La feconde iournée	5
La Diete assignée a Spi		La fituatiõ du pays des	
re	50	Suiffes	7
La iournée de Pauie		La ville de Milan mise	
moult dommageable		en l'obeiffance du roy	
aux François	20		19
La mere du duc de Cle-		La ville d'Auignõ mise	
ues meurt de dueil	44	en l'obeiffance du roy	
Lautret mort a Naples			18
	26	Les Anglois pour l'em-	
La natiuité du filz de		pereur	15
mõfieur le Daulphí	50	Les Anglois & Flamens	
La pmiere deffaiete des		deuât Therouenne	16
Suiffes	8	Les aliez du Roy de Frá	
La perte des gens q̄ feit		ce	11
l'empereur en fes cour		Les affaulx baillez par	
fes	46	l'Empereur a Landre-	
La paix publiée a Paris		cy	46
	58	Les articles de la paix	11
La Royne Marie espou		Les Aliés du roy Catho	
fée avec le duc de Suf-		licque	11
fort	2	Le bon vouloir du Roy	
La royne accouchée d'v		de France a la paix	57
ne fille nommée Loy-		Le bon ordre que le sei-	

Table

gneur de la Trimoille	son intention	45
meist pour la tuition	L'empereur passe p Lu-	
& garde des villes de	xembour qui se rend a	
Picardie	luy	55
Le bõ ordre que le roy	L'empereur laisse la vil	
meist en son pays de Pi	le de Chaslons	55
cardie pour la garde	l'Eempereur inspiré de	
d'iceluy	Dieu & par le bõ con-	
Le camp de l'Empereur	seil recognoist auoir	
a Aix	mal entrepris	57
Le cardinal Fernaze am	L'empereur fut couron	
bassadeur vers le roy	né a Boulongne la graf	
Le cãp du roy pres Aui	se par le pape	27
gnon	l'empereur fait son en-	
Le comte de Nansau en	trée dedens Rõme	30
Picardie	L'empereur suit les Frã	
Le Comte Guillaume	çoys puis se retire	50
prins par les François	L'étrée de la royne en la	
en habit dissimule	ville de Paris	27
Le duc de Cleues se ren	Le filz de Frederic mort	
dit a l'empereur		2
Le duc de Longueuille	Les François de cheual	
fut tué deuant Pauie	allerent veoir les enne	
d'vn coup de haquebu	mys	51
te	Les François occis	53
Le duc de Ferrare espou	Les Frãçoys a cheual se	
sa au palais a Paris ma	retirent par conseil iuf	
dame Renée fille du feu	ques au landemain	52
roy Loys xij	Les François dedens	
L'empereur frustré de	Nouarre	3

Table

Les Flamens & Anglois	chrestien traicterent a	
passerent la riuere de	Marseille le mariage	
Somme & prindrēt la	du duc d'Orleās & de	
ville de Montdidier. 16	la niepce dudict saint	
Les Flamēs & Angloys	pere	28
deuant Dorlans 16	L'isle de Rhodes prinse	
Les gens de pied Fran-	& occupée par les	
çoys 52	Turcs	15
Le iubilé par toute la	Le pape fut prisonnier	
Chrestienté 29	apres Rōme prinse &	
Les Imperiaux courēt	mené au royaulme de	
iufques pres Meaulx 56	Naples	25
Le mariage du duc de	Le roy d'Escoffe marié	
Lorraine & de la sœur	a madame Magdeleine	
du duc de Bourbon. 2	fille de France	23
Le marquis de Pesquai	le roy fut mené prison-	
re avec ses harquebou	nier en Espagne	22
siers endommagea	Le roy passa Moulis ou	
moult les Frāçoys 20	il visita le seigneur de	
Le nombre des Suiffes	Bourbō pour lors ma-	
deffaiētz 9	lade, lequel biē tost a-	
L'ordre de la bataille	pres se retira du party	
des François 52	de l'Empereur	17
L'ordre du cāp de l'em-	Le retour de l'Empe-	
pereur & du camp des	reur en Espagne	32
Françoys 56	Le roy rendu en France	
L'ordre de l'armée du	& les enfans enuoiez	
Roy, marchant en ba-	en Espagne	24
taille contre l'Empe-	Le roy fait son entrée	
reur 48	a Paris	1
Le Pape & le Roy tref-	Les Suiffes sont des	

Table

Gaulles	6	Berthôme d'Aluiane	10
Le retour de l'Admiral Boniuet en France.	17	Le Visroy de Naples retourna de Frâce vers l'Empereur	24
Le seigneur d'Audoyn occis	49	Ligni en Barrois prins par l'Empereur	34
Le seigneur Dampier- re	49	Luxembourg assiegée	40
Le seigneur de Longue- ual cause des victoires du duc de Cleues	44	M	
Le seigneur de Bourbõ laisa l'aliâce du Roy	15	Aladie de Mon- sieur Charles duc d'Orleans	47
Le siege mis deuant Pa- uie par les Frāçoys	19	Magnanimité du roy de France	5
Le Sacré du roy Fran- çoys	1	Madame la duchesse de Alençon fut enuoïée vers l'Empereur pour la redéption du roy	21
Le Seigneur de Briõ en uoié par le roy pour le cours de l'isle de Fran- ce	17	Messire Pierre strossi	49
Les Suiffes au Daul- phiné	2	Montcallier ville	33
Le traicté fait a Cam- bray entre le pape le roy de France & le roy d'Angleterre & l'Em- pereur	26	Monsieur de Montmo- rency fait connestz- ble de France	34
Le traicté & accord de Madric l'an mil cinq centz vingtz cinq		Parlement d'aucuns ca- pitaines	52
Le trespas de messire		Partie de l'armée du roy a Boulongne	58
		Parolles de paix entre le roy & les Suiffes	3
		Pauie fut mise a sac p le seigneur de Lautret	26
		Paix publiée entre nrē	

Table

fain& pere & le roy de France	18	roy de Frãce avec ma- dame Alienor sœur de l'empereur	23
Pietre de Nauarre deli- uré l'an 1515	2	Trahison d'aucuns cita- dins	10
Premiere escarmouche mortelle	52	Treues en Piedmont ac- cordées	33
Premier assault des Suif- ses cõtre les Frãçoys.	4	Trespas de madame me- re du Roy	27
Prouesse & hardiessẽ des Françoys	20	Trespas du pape Cle- mẽt 7 lequel lon disoit estre empoisonné	28
Preparatifz pour guer- roier l'Angloys	59	Trespas du pape	14
Prosperẽ Coulõne pris 3 R		Trois armées du roy de France	45
R Ecourãce de Fõt- arabie	13	V	
Reprinse par les Fran- çoys	53	V Aillãce de griffõ cõ- tre vn Angloys.	49
S		Victoire par les Fran- çoys	55
S Ain& Disier assiegé par l'empereur	55	Victoire cõtre l'empe- reur & son armée	10
Sain& Disier prins par composition	55	Villeton prinse	39
Suze la ville prinse	33	Vn religieux entreprit traicter la paix entre ces deux princes	57
T		Y	
T Emps de pluyes.	46	Y Voy la ville prin- se	39
Therouẽne assiegée & Annebault pris pri- sonnier	33		
Traicté de mariage du		FIN.	

La Chronicque du

seigneur Iehan Carion, recueil-

lie par merueilleuse industrie de tous les

bons autheurs Hebrieux, Grecz,

& Latins.



Du fruit qui uient de lire les Histoires.



Açoit ce que pour plusieurs causes (lesquelles nous reciterons par apres) a tous egalle-ment soit profitable la lecture des Chronicques & histories : toutesfois c'est vne chose

principalement seante aux Roys, Princes, & *Les histoi-
res sont les
liures des
Roys & des
Princes.*
grantz Seigneurs, & à bon droit icelles peuvent
estre dictes & nommées, les liures des Roys.

Le premier Liure des Chronicques

Pource que leur cognoissance est necessaire & vtile à tous ceulx qui ont l'administration de la republicque. Veritablement les Histoires saintes ne font seulement mention en tous passai- ges des princes, mais aussi les Payennes & Gen- tiles.

*Les histoi-
res saintes.* Les lettres saintes outre encor qu'elles nous rendēt certains de la volonté & parole de Dieu & aussi du Royaulme spirituel, de I E S V S Christ, auecques ce enseignent de l'administra- tion de police, & proposent maintes belles ex- emples, qui sont necessaires de congnoistre au gouuernemēt d'une Republicque, & par lesquel- les les cœurs des Princes peuent estre enflam- mez, & esmeuz a l'amour & estude des vertus he- roïques.

*Les histoires
des Gētilz.* Les histoires des gentils ne donnent elles pas la cōgnoissance de l'origine & commencement des grātz Royaulmes, & pour quelz motifz sont aduenuz en iceulx tant de mutations & chan- gemens? & outre ces choses ne contiennent el- les pas enseignemens de vertu & bonnes meurs: par lesquelz sont heureusement conseruées en leur entier les Republicques? Et pourtāt a ceste occasion les histoires sont bien dignes d'estre nommées les liures des bons princes & grantz seigneurs.

Or maintenāt cōsideré qu'a vn chascun prin- ce & gouverneur d'un biē publicque sont requi- ses deux sortes de vertu, c'est a scauoir la vertu de

police, & la vertu de foy & crainte enuers Dieu. Certainement les exemples de l'une & l'autre nous sont proposées es histoires : pourtant affin que nous parlons premierement des vertus ciuiles : tous princes & administrateurs d'un bien commun doibuent auoir deuant les yeulx telles exemples & gestes, par lesquelz peuent estre admonestez en quelle maniere ilz se doibuent porter en administrant heureusement la Republicque, & leur doibt on metre deuant la face les actes vertueux des bons princes & Roys, affin qu'ilz aprennent d'iceulx comme ilz ont vſé au gouuernement des empires & Royaulmes, & come ilz n'ont eu eſgard fors a l'vtilité publique, comme ilz ont singulierement honoré equité & iustice, come ilz ont puny griefuement les mesfaictz : comme ilz n'ont pas meu la guerre, toutefoys que l'occasion si adonoit, mais par dissimulation de leurs iniures souuentefoys ont entre-tins la paix, comme en foy deffendant ilz se sont monstrez promptz & magnanimes, comme ilz ont vſé d'humanité & clemence enuers les bons & paisibles, & finablement comme ilz ont tasché a fortifier & ameliorer leurs Royaulmes de reſfortz & puissance, de cultiement de religion & bonnes meurs.

Es exemples des princes tyrans il fault considerer tout l'opposite, comme leur fin a esté meschante & infortunée, quelz dommaiges ilz ont porté pour leur cruaulté, comme a leur occasion

Dequoy sert la lecture des gestes des Roys & princes.

Que cest quil fault considerer aux exemples des princes.

Quelle chose on doit considerer aux exemples des princes tyrans.

Le premier Liure des Chonicques

font aduenues commutations mortiferes en la Republicque . Il est tout clair qu'ē ce poinct par tyrannie Pharaon fina miserablement, pour semblable cause les Roys Rōmains furent exterminēz, maintz Princes par orgueil ont defaict l'vn l'autre aussi par enuie & hayne procedées quasi d'vn rien : ainsi comme il est manifeste qu'il ny auoit poinct de cause que Pompée assaillist Iule Cæsar, sinō enuie, les Loix des Gracques en Rōme nous portent tesmoignage , que l'estude de noualité donnoit souuent occasion de cruelles batailles. Le regne de Mahomet ne print d'ail leurs son commencement que d'heresie & de la dissention des enseignemens de la foy, perilleuses conspirations le plus souuent sont cause de subuertir les Royaulmes, ce que l'exemple des Atheniens nous preue qui perdirent leur empire & toutes leurs possessions par discorde & diuision. Il profite beaucoup a ceulx qui ont la domination d'vne Republicque de prēdre garde a ces choses icy en lisant les histoires . Affin que par cela ilz aprennent a se garder, & euitter choses semblables. Car tous les iours aduiennēt cas pareilz. Et iaçoit que les personnes changēt au gouvernement du bien commun, toutesfoys quant a l'estat & semblāce des affaires, le monde demeure semblable a soy. Pourtant a estē dict tres veritablement de Thucidides (qui fut bon gendarme, & qui a descript les batailles des Grecz) que les histoires estoient yn tresor qui

*La parolle
graue de
Thucidides
touchant bi
stoire.*

ne debuoit iamais partir des mains . Affin que par l'ayde d'iceluy plus cōmodément nous traitons les cas semblables en l'administration du bien commun pource qu'il aduiét tousiours des choses pareilles ou qui ne sont beaucoup difformes. Tant que veritablemēt c'est vn thresor royal que Histoire par lequel les gouuerneurs d'vn profit commun sont admonnestez de diuerses choses.

On treuve aussi es histoires (oultre les choses q̄ nous auons deuant dictes) certaines exemples qui conuiennent a vn chascun en particulier, comme sont ceulx cy . Il fault obeir a son supérieur. Ceulx qui ont esté rebelles a leurs dominateurs iamais ne demeurerent impuniz . Cōme Absalon, Catilina, Brutus, Cassius & leurs semblables, ne furent ilz pas chastiez de leur sedition? Nous trouuons aussi aux Histoires exemple de fidelité enuers ses amys . Comme Ionathas qui sauua la vie au Roy Dauid. Nous trouuons aussi la peine des adulteres & semblables delictz, ainsi comme il apparoist par l'exemple de Dauid: Mais que dirons nous plus? Tout ainsi comme en tous mestiers & artz, on propose patrōs a imiter, ainsi aux Chronicques & histoires exēples sont pourtraictes & painctes de toutes sortes de vertus deuant les yeulx, avec ce on voit bien plus clerement en telles exemples & faitz, la beaulté & noblesse des vertus, la turpitude & villenie des vices, qu'on ne voirroit en

*Comme les
histoires pro
fitent a vn
chascun en
particulier.*

Le premier Liure des Chronicques

liures d'enseignemēs & commādemens. Pource que les exemples mises deuant les yeulx comme statues & images, n'enseignent seulement en appert, mais admōnestent, incitēt & enflammēt les cueurs nobles & frācz, en forte qu'ilz sont espris & embrasez de plaisir & amour enuers les vertus & honnestetē, qui est l'hōme tāt cruel qui ne fust meū, si lisoit quelque bel acte & digne de louenge, ou quelque exemple de vengeance?

*Vn chrestie
doibt tirer
des histoires
enseignemens
de la
foy & de la
craincte de
Dieu.*

Or ay ie monstré en bref, comme en la lecture des hittoires il fault prendre garde & viser es exemples de vertu. Maintenant veulx donner a cōgnoistre qu'il est bien decent a vn hōme chrestien (qui doibt estre soucieux de fidelité enuers Dieu) qu'il sache extraire des hittoires, les enseignemens de la foy & de la craincte diuine, car ce sont les plus principales vertus des fideles, & qui sont en plus grād credit deuant Dieu. Et cōbiē q̄ les hittoires payennes n'enseignēt q̄ Dieu se demente de nous & n'en prēne aucune charge, toutesfoys vn cueur fidele cōsiderera ce poinct, cest commēt les Republicques sont gardées diuinement au monde, & que les vēgeances qu'on voit communément aduenir pour violences & iniustices, c'est vn œuure de Dieu, & qu'iceluy mesmes octroye de belles & singulieres vertus aux Payens & Infideles: car il n'est prince en ce monde qui sceust conseruer son Royaulme a l'encontre de Satan sans le benefice special de Dieu & l'aide & subside des vertus: & en ceste sorte pō-

fera a par soy vn bõ & fidele cueur q̄ telz beaulx
 faitz & vengeancez sont vn ouurage diuin &
 de ces choses la aprendra a craindre Dieu, pour
 ce que Princes tyrans sont puniz griefuement
 iuxte ceste sentēce, qui prent le glaïue, e'est a di
 re qui sans mandement vsurpe a soy le droict de
 vengeance, cestuy perira par glaïue. On voit a
 l'opposite q̄ Dieu garde & deffend les bõs prin
 ces, ce que les Payens mesmes ont bien pensé.
 Et les princes se sont appuyez a l'aide de Dieu.
 Certainemēt Homere poëte Grec a dict q̄ Dieu
 laisse cheoir son bouclier en la guerre pour gar
 der les Roys & princes. Il faingt aussi en ses œu
 res vn chascun prince estre assurez soubz la tu
 tele & sauuegarde de son Dieu, cōme il est mani
 feste que iceluy disoit Pallas la déesse auoir esté
 propice & fauorable a Achilles.

Toutes ces choses la deuant dictes sont cle
 remēt exprimées aux histoires de la saincte Bi
 ble. Comme d'Abraham, de Dauid, d'Ezechie &
 autres Roys que Dieu a deffenduz, & les exem
 ples d'iceulx sont proposez a tous autres princes
 affin qu'ilz sachent, que Dieu en ceste maniere
 conserue tous les bons. Il ya difference entre les
 histoires sacrées & prophanes : car aux histoires
 saintes sont cōtenuz tesmoignages des œuures
 de Dieu. Et aussi en icelles n'est seulement parlé
 d'affaires & negoces de police. Mais principale
 ment est figuré au vif le royaulme celeste: & cō
 me Dieu nous donne sa parolle & comme par sa

*La differen
 ce des histoi
 res saintes
 & prophanes.*

Le premier Liure des Chronicques

misericorde il nous veult fauluer sans en rien prendre, ce que ignorent les histoires payennes.

*Que nous
enseignent
les histoires
sainctes.*

Or doncques tous Chrestiens deuât toutes choses doibuent congnoistre les histoires des escriptures sainctes. Affin que d'icelles ilz aprēnent la doctrine & confirmation de la foy. Et premieremēt cōme toutes choses ont esté crées de Dieu, dont vint la source de peché, cōme contre peché Iesuschrist a institué son royaulme, cōme il nous a donné sa parolle, comme Iesuschrist estoit promis, & comme il est venu pour effacer peché & pour nous garder. Consequemēt comme Dieu apres qu'il eust donné sa parolle tousiours a conserué le regne de Iesuschrist, & que le regne de Iesuschrist c'est adire, les fideles & veritablement creans depuis le commencement du monde, ont esté en tribulation, & ont vescu & conuersé soubz la croix de Iesuschrist. Ce neau moins ont esté gardez, & q̄ Satan avec grād puissance du monde a oppugné la parolle de Dieu, aussi cōme Dieu a tousiours donné sa promesse miraculeusemēt oultre l'entēdemēt & capacité d'humaine sagesse, pareillement cōme iceluy seigneur, nous a mis deuât les yeulx exēples de vengeance & de misericorde. Daud & maintz autres ont eu pardon & remission de leurs pechez, affin que par les exēples d'iceulx nous soyōs cōsolez & que nous croyons que Dieu veult remettre les faultes & ne fault pas metre a nōchaloir, que Dieu nous a donné pour rendre noz cueurs

plus fermes de toutes sortes de propheties des royaulmes mondains, affin que par les aduentures d'icelles accõplies eussions tesmoignage que nostre loy est venue de Dieu, & qu'il n'est point d'autre foy veritable ne certaine que la nostre, aussi affin que fussions aduertiz quand Iesuschrist debuoit venir, & quand il fault attẽdre la fin du monde. Consequemment veu que nous cõgnoissons toutes choses estre aduenues, qui ont esté predictes par icelles propheties, nous debuons croire pour certain que les choses qui sont encor a aduenir, que les saintes escriptures nous predictent, aduiendrõt. Certainemẽt pour bien entendre les propheties il est bien conuenable cõgnoistre l'ordre des regnes, le nõbre des ans & maintes autres choses qui s'offrent a la lecture des histoires payennes, La congnoissance desquelles a ceste cause est necessaire aux chrestiens, affin que ilz puissent mieulx entendre les propheties & plus certainement iuger d'icelles.

Vn chascun facilement de toutes ces choses icy pourra estimer combien on peult recueillir de commodité & de proffit de la lecture des histoires. Et la grãdeur du fruiet d'icelles p droit doit inciter & pousser tous gẽtilz espritz a les congnoistre & aprendre.

Le premier Liure des Chronicques

¶ Quel ordre on doit metre a lire & comprendre les histoires.



Vi veult lire les histoires avec aucū fruit il doit assembler en certain ordre tous les tēps depuis la creation du monde, quelques vnz ont deuisé le mōde en sept aages, & les nōbrēt diuersemēt: mais quand ilz s'efforcent a y metre ordre, ilz mettent tout en cōfusion & desarroy. Mais quāt a moy ie suyuiray le beau dict du prophete Elie, qui honnestemēt a party le monde en troys aages. Parquoy il demōstre tous les principaulx changemens du monde. Consequemmēt en quel tēps il estoit de necessité que Iesuschrift vint, & cōbien doit durer l'estat du monde. Or dict il ainsi:

Elias a diuisé le monde en troys aages.

Le monde durera fix mille ans puis apres sera ruiné & demoly.

Deux mille ans sans loy.

Deux mille ans ayant loy.

Deux mille ans durera le temps de Iesuschrift. & si ces ans ne sont accompliz, noz grands & innumerables pechez en feront cause.

Pour mieulx declarer la chose, le monde sera deux mille ans sans administration specificée par escript & sans certaine loy de la parolle de dieu. Mais ce temps la de deux mille ans passé, sera donnée circoncision & loy, puis apres sera instituée

de la parolle diuine certaine police, cultiuement & adoratiõ de Dieu, & durera cest estat la deux mille ans. Consequemment Iesuschrist succedera a ces quatre mille ans, & le tẽps de l'Euangile semblablement durera enuiron deux mille ans; mais ne seront totalement accõpliz, pource que le seigneur Dieu hastera son aduenement, affin que le temps desdictz deux mille ans ne soit cõsommé, ce que tesmoigne Iesuschrist au xxiiij. chapitre de sain& Mathieu, disant . Si ces iours icy n'eussent esté abregez, nulle creature humaine ne n'eust esté faulüee.

En tixant nostre histoire nous vserõs de ceste ordre, & diuiserõs nostre liurẽ en troys parties: *Le premier aage.* desquelles la premiere cõprendra les choses qui sont aduenues entre le temps d'Adam & Abraham. Et sont les premiers deux mille ans, & de cest aage sont biẽ peu de choses escriptes, mais singulierement dignes de memoire, & ne scauroit on d'icelles ailleurs scauoir la verité fors qu'en la saincte Bible.

Le temps d'apres de deux mille ans sera nombrẽ depuis Abraham iusques a l'aduenement de Iesuschrist, toutesfoys quãt a parler du iuste nõbre des ans & ce qui appartient a vray datte, ce siecle icy n'est certainemẽt accomplý. Car ainsi que nous auõs enseignẽ deuãt, le seigneur Dieu se haste a la cõsommation. Mais cest aage est le propre & vray temps du monde, auquel les tres puissans Royaulmes & monarchies ont par or- *Le second aage.*

Le premier Liure des Chronicques

dre succedé l'un l'autre, & iamais le mode ne declara si bien la puissance & ses vertus que cest aage. Or doncques nous separerons ce temps en quatre Monarchies. Certainement il semble par cela que Dieu ayt voulu le monde estre entretins en son office par certain gouvernement, affin que honnesteté & honte fussent conseruées: & que les malefices fussent chastiez & puniz. Pourtant a il institué icelles monarchies. Monarchies ce sont Royaulmes, desquelz vn seul prince a la souueraineté, pour garder le droit, & pour tenir le monde en paix publique. Et croyez que la puissance de monarchie a esté trouuée si grande que nulz princes ne Roys (cōbien qu'ilz fussent hors de l'empire d'icelle) ce neaumoins ny ont peu s'opposer ne l'opprimer. Et ont esté quatre monarchies tant seulement par succession ordinaire, desquelles a esté la premiere le Royaulme des Assyriens. Apres ceulx cy les Persans ont tins l'empire. Consequemment les Grecz: Et par apres les Rōmains. Et a l'honneur & haul tessé de tel empire le seigneur Dieu a exaulsé en cest aage dernier deuant toutes nations les Allemans. Iaçoit que l'empire Rommain pour le iourdhuy soit en quelque sorte diminué (Dieu a determiné comme il a esté prophetizé que les monarchies du monde decreussent finablement) toutesfoys l'autorité en demeure permanente enuers les Romains: & n'y a aucun d'entre les Roys chrestiens qui ne tienne cōpte de ceste di-

Que sont ce que monarchies & de quelles puissances elles sont.

Quatre monarchies ont esté tant seulement.

Aux Allemans est l'honneur de l'empire pour le droit d'election.

gnité Romaine. Et combien que n'ayons tousiours Empereurs aussi puissans les vnz que les autres, toutesfoys par la prouidence diuine aduient qu'il ya tousiours quelque Cefar d'authorité & de telle puissance que la haultesse & sublimité de L'empire est conseruée, & cela se fait pour entretenir toutes les natiōs chrestiennes en concorde & sainte religion. Et doibuent a bon droit les princes D'allemaigne & sur to⁹ les electeurs de l'empire estimer grandement cestuy leur honneur; pource que diuinement a iceulx a esté commise & donnée ceste souueraineté, pour entretenir la religion chrestienne, le droit, & la paix publique. Pour ceste raison apartient il bien que telle monarchie soit gardée en son entier, combien qu'elle ne soit si ample comme autrefois a esté. Pourtant les princes se doibuent bien garder qu'il ne soude & pullule aucune sedition & discorde entre eulx qui donne occasion de gaster & souiller cestuy bel empire. Car il n'est rien plus certain que ou seroit iceluy deuissé & en gast (qui est au iourd'hui le chef du gouvernement du mōde) autrement ne se pourroit faire qui ne sensuyuit consequentement trouble & cōfusion a toute la chrestieté, ce que grandement est a craindre, si Dieu ne vouloit destourner par anticipation de son aduenement si grande misere & calamité. Veritablement les Letres sacrées nous consolēt, & enseignent apertement qu'apres la desolatiō de c'est empire germanic-

On doibt en
toutes sortes
garder l'em-
pire entier.

Le premier Liure des Chronicques

que. Le dernier iour doibt incontineñt venir. Or c'est assez parlé des monarchies, affin qu'aucun n'ignore: que tous gestes & beaulx faitz qui furent iamais au monde seront recitez & narrez en icelles. Et oultre encor que l'ordre gardé ayde la memoire, avec ce profitera beaucoup, de veoir comment & pour quelles causes ont esté trāslatez & muez les Royaulmes dont on pourra apprendre comme il fault ascheuer les choses qui apportēt avecques elles les changemens de iceulx Royaulmes.

Le troixiesme aage.

Le dernier aage depuis la natiuité de Iesuschrist iusques a la fin du monde contient semblablement deux mille ans, cōbien que nous auons admōnesté deuant que les ans ne seront entiers: & que les deux mille ne serōt completz. Veritablement la sentence d'Elie comprend plusieurs belles doctrines & est icelle a cōsiderer principalement pource qu'elle predict depuis la natiuité de Iesuschrist le temps auquel nous debuons attendre la fin du monde. A ceste raison i'ay voulu premettre ceste sentence au commencement de ce liure affin qu'elle fust a vn chascun recommandée, au demeurant comment la monarchie Romaine apres la natiuité de Iesuschrist, a commēcé sa mutation, & la succession d'icelle est paruenue aux Allemans. Consequemment de la fourse du regne de Mahomet & comment la papauté a prins accroissance de puissance mondaine. Nous demōstrerons toutes ces choses la en ceste

tierce partie. Aussi il fault noter & auoir esgard diligemment en la lecture de ces histoires, que Dieu a institué & estably deux especes de Roy-
 aulmes, l'vn mondain & l'autre de Iesuschrist. Et est de necessité en ce lieu de considerer, comme tout soubdain des le commencement du monde l'Eglise fut cōmécée, & pour quelle raison Dieu l'a tousiours conseruée. Or doncques affin que les pēsees fideles ayent cōfirmation de leur foy, nous noterons l'estat des royaulmes d'vn chascun temps. Aussi en quel lieu & enuers quelz le regne de Iesuschrist a esté, & l'estat d'iceluy, la cōgnouissance desquelles choses n'apportera petite vtilité aux chrestiens lecteurs.

Le Royaulme du monde & le Royaulme de Iesuschrist.

Adam est mis au Paradis & iardin de plaisance, auquel est deffendu l'arbre de vie.

En Genese deuxiesme chapitre.

Par l'astuce & cautelle du serpent, Adam & Eue sont seduitz, dont est ensuyvie la transgression du commandement de Dieu & consequemment peché.

En Genese troixiesme chapitre.

Le premier liure

des Chronicques qui contient

le premier aage cest a scauoir deux mille
ans depuis Adam iusques au temps
D'abraham.

Adam &
Eue.



Es lettres saintes enseignent
commēt Dieu a crée le ciel &
la terre, puis apres l'hōme c'est
Adam & Eue, & comme il les
collocqua en paradis terrestre,
c'est a dire affin qu'iceulx mis
hors de mort & de peché vesquissent heureuse-
ment en la terre. Mais apres qu'ilz eurent mis le
cōmandement de Dieu a nonchaloir & mespris,
furent subiectz a peché & mort. Et comme ainsi
soit que toutes ces choses soient clerement escri-
ptes en la sainte Bible de laquelle on les pourra
aprendre, ce seroit vne chose superflue de les re-
memorer en ce lieu, pource me suffira il seule-
ment d'auoir admonesté les lisans que le mon-
de a esté faiçt de ces commencemens, & que de
Dieu ont esté formez Adam & Eue qui sont la
semence de tout le genre humain.

L'institutiō
des offices
ciuiles &
de toutes les
loix.

Et tout soudain au temps de ceste creation
Dieu institua offices ciuiles: & gouuernemēt po-
litique, quand il dōna puissance a Adam de tou-
tes choses q̄ sont en terre & mer, affin qu'il v'ast
d'icelles

d'icelles, & qu'il tint bon mesnage en toutes les choses mondaines. Et ce premier cōmandement de Dieu, est la premiere source & fondemēt de toutes loix & ordonnances: qui sont approuuées de Dieu, pour le cōmandemēt qu'il dōna a Adā. Auecques ce l'Eglise print icy son origine & cōmencement. Veritablement le cōmandement fust donnē, affin qu'ilz exerçaissent deuant Dieu leur craincte & foy. Mais apres qu'ilz eurent peché, Dieu manifesta la puissance de Satan, & cōtre icelle il promist l'Euāgile de la semence d'une femme, c'est a dire de Iesuschrist. affin q̄ Iesuschrist vint & qu'il dissipast le regne de Satan, & qu'il nous deliurast de peché & mort, & nous meist en liberte, voyla la premiere predication de l'Euāgile qui dōna exorde a l'Eglise & au regne de Iesuschrist. Certes en l'Eglise n'est besoīg seulement d'enseigner cōmandemens de bonnes œuures, ains la remission des pechez par Iesuschrist p̄ cela nous sommes recōciliez a Dieu, & persistons contre la mort & toutes tētations, quand nous aprehendons en foy la promesse de la remission des pechez. Et ainsi prindrent consolation Adam & Eue p̄ la parole de Iesuschrist promise. Lors de ces deux personnes fust cōmencēe premieremēt l'Eglise. Oultre cela leur a esté decent porter les afflictions temporelles, car ilz furēt poulssez hors de Paradis, c'est a dire subiectz a mort & a toutes sortes de miseres & calamitez. Et ainsi vesquirent tout le temps de leur

Le cōmencement de l'Eglise.

Le cōmencement des afflictions temporelles.

Le premier Liure des Chronieques

vie en peine & trauail en ceste terre, qui fust par apres occupée des Iuifz. On escript d'iceulx qlz furent créés au lieu ou du depuis a esté la ville de Damas.

De Cain & Abel.

Persequitiō pour le vray cultiurement de Dieu.

L'Esriture sainte racōpte Adam & Eue auoir procrée des enfans, & que Cain tua son frere Abel, & en ce lieu cōmence la persequitiō des saintz personnages p les mauuais: & est certes vn demōstrement espouētable, car ce meurdre n'aduint pour autre cause que pour le cultiurement de Dieu: lequel quand est fait puremēt le diable ne le peust souffrir, pour ceste occasion il poulsa Cain a mettre son frere a mort. affin q̄ la parole de Dieu & la pure doctrine fust extaincte. Et ce fait icy demonstre combien est vehemente l'ire, & combien grande la fureur de Satā: consequēment quelle est la fragilité & foiblesse des hommes. En ceste histoire icy sont inferez enseignemēs graues & de grande importāce touchant le iugement de Dieu aduenir, & de l'horrible vengeance pour effusion de sang: ce qu'il seroit long a narrer en ce lieu. Apres que Cain eust escheué le regard de son pere, il commença a edifier vne ville nommée Enoch. Les enfans d'iceluy inuēterent toutes sortes d'artz & ouuraiges. En la fin fut puny pour le meurdre cōmis. car il mourut de semblable mort.

La ville de Enoch.

De Seth.

A Pres ces choses Adam eut vn filz nommé Seth. Cestuy fut renommé en bonté & reuerence enuers Dieu & les hommes. Apres Abel occiz il s'efforcea d'accroistre & illustrer le royaume de Dieu, de cestuy Seth les sainctz peres parapres furent engendrez, & en demeurèrent les reliques de ceste race. Mais la posterité de Cain fut totalemēt estaincte au deluge. Iosephe tesmoigne que d'Adā & Seth furent faictz deux tableaux, l'vn de cuyure & l'autre de pierre, ou estoient grauez la parolle de Dieu & les propheties & auxquelz fut gardée icelle parolle. Il escript oultre que d'iceulx fust diuisé l'ā en douze moys, & qu'ilz pridrēt garde au cours des astres, & mesmes l'enseignerent: & certainement n'eust esté possible que l'esprit humain eust peu penetrer au pourchatz de si haultes & admirables choses, si Dieu ne luy eust ouuert la cognoissance d'icelles. Or doncques sommes nous tenuz a Adam & Seth, pour la parolle de Dieu pour les caracteres & figures des lettres, & tous autres artz d'excellence & en font plusieurs tesmoignages enuers les Grecz, que l'escripture & tous les arts sont descenduz des peres des Iuifz. Il est leu en Herodote au cinqiesme liure les Grecz auoir prins des Pheniciens les lettres & les artz.

Adam vesquit neuf cens trente ans & vint iusques au temps du pere de Noe. Mais ainçois q' ledict Noe fust né biē six vingtz six ans, mourust Adam. quant au demeurāt il n'y a rien digne de

*Adam &
Seth inuent-
eurs des
arts.*

Le premier Liure des Chronicques

memoire fors la genealogie, & ce qui aduint en ces tēps est escript iusques aux ans de Noë. Affin que nous cognoissions ce pendant de certain de quelle race & maison il a fallu q̄ Iesuschrist soit descēdu. Mais toutesfoys en passant l'escriture a fait mention de la destinée d Enoch qui fust rauy & emporté au ciel: & ce fait nous a mis Dieu deuant les yeulx affin qu'on croye & cognoisse que nous sommes immortelz apres ceste vie, & qu'il doibt tenir son iugement, pour sauuer les bons & damner les mauuais.

*Enoch exē-
ple d'eter-
nelle vie.*

Du deluge.

L'Escriture sainte fait mention que le monde fust puny de Dieu & dist les occasions, veritablement pource qu'il auoit cōr encé a se deprauer, & entre les principaulx vices q̄ regnoient alors sont narrez contemnement de Dieu, adultere & tyrannie, en laquelle tout genie de licence & de volonté desordonnée sont exercez, or le texte cōtient cecy. Les enfans des saintz hommes cōmencerent a estre tyrans sur la terre, parquoy est signifié qu'ilz viuoient d'une vie dissolue de meurs deshonestes en contemnant la parole de Dieu & le cultiement d'iceluy, en opprimāt les foibles & pauures a leur plaisir: & vsoient de liberte de dominer au vouloir de leur cueur. Pour ceste cause le seigneur Dieu menassa le monde & determina de le destruire par deluge d'eau: & parauant que la chose aduint cent

*En Genese
chap. 6.*

ans Noe leur prescha, affin qu'ilz se cōuertissent & qu'ilz fussent sauluez.

Quãd Noe eust atainct l'aage de six cent ans, le deluge cōmença & entra dens l'arche iuxte le cōmandemēt de Dieu auecqs sa femme ses troys filz, Sem Cham & Iaphet & leurs troys femmes, & fust saulué, l'inundation noya & perdist le reste des hommes & bestes. Et sont depuis la construction du mōde, iusques au temps du deluge, mille six centz cinquante six ans.

Du temps apres le deluge.

QVand Noe eust desia esté plus de demy an en l'arche & que l'eau descroissoit l'arche commença a s'appuyer & herdre a vne haul te montaigne d'Armenie, & quand la terre fust seichée apres l'an passé Dieu commanda a Noe de laisser l'arche en laquelle auoit esté vn an entier, lors le seigneur Dieu de rechief commença quasi vn nouveau monde. Et premierement il donna sa parole, par laquelle il promist ne deluger plus le mōde, & en signe de certitude il feist liuré son arc celeste qui fust tesmoing de sa promesse, & en ce poinct proposa a l'exercice de la foy les signes de sa bienueillance & misericorde. Il pmist aussi la liberte de mager de la chair de quoy n'auoient iamais vsé les saintz peres auant le deluge: outre ces choses feist nouvelles ordonnances touchant l'administratiō de la re-
La permis-
sion de man-
ger de la
chair.

Le premier Liure des Chronicques

Exemple de
vengeance.

homicides fussent faictz mourir par ceulx aux quelz legitimement en estoit baillée la charge, c'est a scauoir par les iuges & officiers. or donc en ceste sorte vn nouuel estat du monde fust reintegrée & restably.

I'ay narré brefuement tout cecy, affin principalement qu'un chascun chrestien reduise en memoire & cōsidere cōbien est grande la fureur de Dieu pour l'auoir offensé: veritablemēt Dieu a voulu que le monde par cest exēple se gardast, car il veult iuger & punir. Par cela nous est demonstré qu'il veult quelque foys asseoir son iugement sur tout le monde en general, car il ne veult que peché demeure impuny. Aucuns ont escript, consideré que premierement le monde ayt esté noyé par les eaux qu'on peult conclurre & recueillir par argumēs naturelz p apres qu'il fault qu'il soit embrazé & ars. Et aussy par l'exēple precedent nous debuons bien cōsiderer que les seruiteurs de Dieu sont de p luy gardez, encores qu'ilz soient peu, & mis a mespris. Il fault aussi noter en ce lieu de l'institution de puissance ciuile & de punitiō pour homicide perpetré. Et certes c'est presque tout le fondemēt de toute administration ciuile iuxte lequel tous autres cas & delictz doiuent estre iugez.

De la tour de Babylone.

A Pres le deluge desia multiplie le genre humain
maï on cōmēça en Chaldée a edifier la tour

& cité de Babylone affin que les Chaldéens cōmençassent par semblable en ce lieu vn royaulme & qu'ilz assubiectassent les autres peuples. Mais Dieu rompiſt ceste emprinſe, car cōme au parauant tous vſassent d'vne langue il fut fait q̄ le lāgage vulgaire chāge, les vnz parloiet̄ d'aucune sorte & les autres d'autre, tellemēt qu'ilz n'entendoiet̄ l'vn l'autre, doneques en ce point̄ fust faite la diuision des langues & l'œuure demoura imperfecte, les ſucceſſeurs de Noe ce pendant deçā & dela furent reſpanduz parmy le monde ce que la figure qui vient apres demōſtrera. Sem l'aîné des filz de Noe de la race duquel est Ieſus chriſt habita avecques ſes enfans la partie de Syrie qui est tournée vers orient, veritablement de son filz Aram vindrent les Syriens, & d'Assur les Assyriens, d'Arphaxat les Chaldéens, & d'Elam les Perfans. Chā l'autre filz de Noe tint la region qui tēd a midy. De Canaā ſont les Cananéés, de Mizrain les Aegyptiēs, de Chus les Aethiopiēs, & de Saba les Arabes.

*La diuision
des langues.*

Sem.

Cham.

Iaphet.

*Iones pre-
miers grecz.
Pourquoy
Ianus estoit
paint̄ a-
uoir deux
viſaiges.*

Iaphet le puisné des enfans de Noe ſ'en alla en occident & ſeptentrion, & ceſtuy est pere de tous ceulx de noſtre region: on treuve encore son nom aux poetes qui l'ont appellé Iapetus: de son filz Iauā ou Iaon ſont les Grecz que nous appellons Iones: & ceulx cy ſont les premiers entre les Grecz: & le mot Iauan ou Iaon c'est ce que ſans doubte les Latins ont dict Ianus: ilz ſouloient paindre iceluy a deux viſaiges, pour ce

Le premier Liure des Chronicques

que d'iceluy la nation des Grecz & Latins estoit descendue & toutes les foys qu'ilz vouloient cōmencer quelque chose ilz y faisoient vn singulier honneur: par lequel tesmoignage ilz ont recongneu Iaon pour leur pere: Cethim fust filz de

Dont vindrent les macedoniens

Iaon: dont les Macedoniens sont dictz & ce confirme le premier liure des Machabées: & le mot Machetim en Hebrieu vault autant comme de Cethim: dont est venu le mot Macedo: Estienne escript que les anciēns ont dict Macetis Iaon eust plusieurs enfans cestascavoir Elisa & Dodauim

Les Aeoles.

desquelz vindrēt les Aeoles ou Hellas & les Dononiens & tous ceulx cy furēt les premiers Grecz de Tarsis filz de Iaon a esté dict Tarsis en Cilicie. Iaphet eust encore d'autres filz cestascavoir Gomer Magog: Tiras & Mefech: de Gomer sont les Cimeriens ou Cimbres tesmoing Eusebe: d'Ascarnes filz de Gomer sont venuz les Tuiscons c'est adire les Germaines: de Magog les Scytes & d'iceulx les Turcqs & de Tiras les Thraces. I'ay mōstré en bref quelle partie du mōde vn chascū des filz de Noe a obtenue & a entēdre cecy plus clairerēt, il est biē requis de cōgnoistre maintes histoires.

Les germains.

Les Turcqs.

Les Thraces

De la premiere Monarchie.

OR affin qu'on puisse entēdre qu'administration & gouvernement de Royaulmes & Republicques est vn œuure de Dieu qu'on doit cōgnoistre & honorer. I'ay dict deuāt au prologue

que Dieu a voulu le monde estre comprins en quatre Monarchies affin que police,iustice & v^egeance fussent cōseruées entre les hommes pour ceste cause est fait mētion d'icelles en plusieurs passaiges es sainctes escriptures: lesquelles le seigneur Dieu a proposées & demonstrees a Daniel pour deux raisons: premierement soubz l'espece & image d'vn grand hōme duquel le chef estoit d'or:la poiētrine d'argent:le ventre de cuyure:les iambes de fer:les piedz en partie d'œuure de poterie & en partie de fer:& affin q̄ nous ne doubtons que la fin du monde ne vienne: on y a adiousté commēt la pierre qui est Iesuschrift vient a cōprimer & rōpre les piedz de cestuy afin qu'il chiesse & qu'ē ceste sorte le mōde cesse.

Quatre Monarchies demonstrees à Daniel.

Daniel a interpreté ceste vision icy des quatre Monarchies: il dict que le chef d'or signifie le premier Royaulme cestascauoir la Monarchie des Assyriens: la poiētrine d'argent le Royaulme des Persans:le ventre de cuyure l'Empire des Grecz:les iambes de fer le Royaulme des Rommains: les piedz qui sont en partie de terre & en partie de fer figurent & representent l'estat de l'Empire Rommain a present,pour ce q̄ au iourdhuy il est bien plus estroict & foible qu'au parauant.

Les quatre bestes demonstrees a Daniel representent le signe & figure de ces Royaulmes predictz:la Lyonne signifie la puissance des Assyriēs: l'Ours l'Empire des Persans,le parc Alexā-

La figure des quatre monarchies.

Le premier Liure des Chronicques

dre, & la quatriefme beste les Rommains, & y est adiousté qu'oultre l'empire Rōmain doit f'eleuer vn autre royaulme plein de cruaulté qui establira contre la parole de Dieu nouvelle ordonnance & loy . Et est au iourdhuy le regne de Mahomet & l'empire des Turcqs . Or a voulu nostre Seigneur Dieu qu'en ce poinct fidelēmēt fussions admonnestez, affin qu'apres auoir eu la cognoissance des Histoires de tout le mōde nous considerassiōs le temps de cōsommation n'estre plus gueres loing : & que nous ayōs en ceste sorte dequoy confermer nostre foy.

*Nemroth
vendeur de
Dieu.*

Il est escript en la Bible que le premier royaulme enuers les Babyloiens print son commencement de Nemroth & l'escripture appelle iceluy robuste vendeur deuant Dieu, c'est a dire puissant prince qui a subiugué par force les hommes pour luy obeir, & fust dict vendeur deuant Dieu, quasi vendeur de Dieu . Parquoy est signifié que la puissance ciuile est vne vengeance ordonnée de Dieu: & qu'icelle est ministre de Dieu: doncques la premiere Monarchie print sa source en Chaldée: ainsi comme l'approuue Xenophon & y regnerent premierement les successeurs de Cham duquel auoit prins son origine Nemroth. Iaçoit que Noe eust desaduoué son filz Cham: toutesfoys le seigneur Dieu par merueilleuse destinée ce pendant differra sa promesse, & sa vengeance, quant au reste l'honneur de l'empire ne fust permanent a la posterité de Nemroth . Car

enuers les Assyriens fourdist vn nouueau regne par Assur duquel la ville de Niniue fust fondée, consequemmēt de Niniue vindrent les Assyriēs & subiuguerent la cité de Babylone ce q̄ escript Diodore Sicule, & par ceste occasion des Chaldéens fust tranlatée la monarchie aux Assyriēs. Strabo, & autres histoires ont fait mention de la ville de Niniue, pource qu'elle est plantée en *Niniua* Assyrie: dont on peult facilement estimer que Niniue & Babylone sont deux villes diuerses & nō pas vne de diuers noms, plusieurs Roys sont rememorez auoir esté en ceste monarchie mais veu qu'il n'est poit de memoire de leurs gestes il me semble qu'il n'est questiō de nōbrer leurs noms. Il sera licite que le lecteur retienne seulement q̄ ceste monarchie cōmença enuiron au terme des premiers deux mille ans qui furent consummez en ce temps qu'Abraham auoit cinquante ans.

A tant suffise du premier aage du monde au quel il est conuenable de veoir de la creation du mōde, de l'Eglise, & du gouvernement de la republicque ordonné diuinement & consequemment d'autres espouentables faitz enuoyez de Dieu au monde, quāt au demeurant l'Eglise par *L'eglise de Noe a Abraham.* uint de Noe a Abraham qui auoit cinquante & huit ans quand Noe mourust, & ce pendāt que commença ceste monarchie fourdist en Babylone infidelité & idolatrie par tout respandue, & la vraye foy & parolle de Dieu en ces entrefaites fust estaincte.

Le second liure

des Chronicques des quatre

*Monarchies, qui semblablement com=
prend deux mil ans.*



NINVS.



Vis qu'il est totalement neces-
faire & vtile en histoire confi-
derer les tēps ēsemble les actes
& faitz . l'ay voulu partir ce-
ste Chronicque en tresgrans &
certains nombres lesquels faci-
lement puissent estre entēduz & retins en la me

moire, & par lesquelz fussent comprinses toutes les tresgrādes & principales successiōs du monde. Apres doncques que nous auons paracheuē le premier aage nous cōmencerons a dire maintenant des autres deux mille ans subsequenz et quelz les tresgrādes monarchies ont succedē l'vne a l'autre par ordre, & la souueraine puissance du monde est apparue en icelles.

De la premiere Monarchie des Assyriens.

Ninus Roy des Assyriens.

Nous auons dict deuant que les Chaldéens premierement que tous autres ont cōmencē a regner en Babylone, mais ne demeurerent gueres a l'Empire. Les Assyriens voisins de Chaldée obtindrēt le roaulme par force & cōmencēt leurs Chronicques au Roy Ninus qui fust fait trespuissant prince en orient, il feist la guerre a Zoroastres Roy des Baetriās. On dict que cestuy Zoroastres inuētcur de l'art magique. Zoroastres trouua premieremēt la magie & enseigna avec grād diligēce le cours du ciel & des astres. Puis apres la bataille finie emprinse contre Zoroastres Ninus mourut & laissa pour heritier son filz encores tendre & fort ieune.

De la royne Semiramis.

Semiramis mere de ce petit prince apres la mort du roy Ninus son mary se feist Empe-

Le second Liure des Chronicques

riere, veritablement ceste bonne dame icy craignoit qu'en si nouveau regne & entre gens qui ne f'estoient encore tous assubiectiz de leur gré, le peuple ne se reuolast & se monstrast rebelle pour la trop grande ieunesse de l'enfant, & aussi qu'on ne feist mespris d'icelle pour son sexe muliebre si d'adventure elle en prenoit la charge, lors vsa icelle d'habit d'homme & faignist estre le filz du Roy. Elle fut excellente en prouesse & faictz heroicques : Elle augmenta l'Empire de maintes regions & munitions. Elle regna heureusement & avec grand gloire quarante & deux ans, elle fortifia la ville de Babylone de sumptueux edifices de fossez & de murs tout autour. apres sa mort Ninias son filz regna en grande tranquillité, & fut en ce point enuers les Assyriens la monarchie & le sommet du monde par longue espace de temps, mais pource qu'il n'y a pas beaucoup de choses escriptes des gestes des roys subsequencez, ie ne vueil faire Catalogue de leurs noms affin que le lecteur ne trauaille sa memoire, mais qui en vouldra congnoistre plus oultre, pourra faire lecture de plusieurs autres escriuains.

*Semiramis
vsa d'habit
d'homme.*

Il n'ya point de doubte que grandes & diuerses mutations ne soient aduenues en ceste monarchie de quoy on peust faire recueil en la Bible qui tesmoigne Babylone auoir esté enuahye des Assyriens long temps auant le regne de Cyrus : quant au reste diuers royaulmes furent par

apres:si comme le royaume des Niniuites & ce-
 luy des Babyloniés. Mais pour quelles causes &
 en quel temps furent icelles mutations,il est in-
 certain. Herodote escript les Assyriés auoir tins
 ceste monarchie cinq cens ans : mais long temps
 apres n'auoit esté aucun empire certain & sta-
 ble:si que les Medes auoient leur royaume pro-
 pre:semblablement les Chaldéens en Babylone:
 les Assyriens en Niniue : & entre iceulx Roys
 maintenant l'vn estoit faict superieur par puis-
 sance,maintenant l'autre : mais en la fin les Me-
 des faiçtz plus puiffantz retirerēt a eulx la soue-
 raineté de la monarchie apres auoir prins Baby-
 lone . Ces choses icy apparoissent plus vrayes
 semblables : aux quelles est conformé & confo-
 nant ce qu'escript non seulement Metasthenes
 de Sardanapalus , ains aussi Bion duquel faict
 mention Agathias.

De Sardanapalus.

OR doncques nous parlerons peu de Sardana-
 palus , comme il fust despouillé de son roy-
 aulme,& q̄ par apres les empires furēt departiz.
 toutes les foys que Dieu veult punir le monde,
 il donne des princes impudicques. Il est cler par *Le prince*
 les histoires Sardanapalus auoir esté nonchalāt *lubricque.*
 totalement du gouuernement de son royaume, *La mollesse*
 & auoir vescu en volupté & delices seulement *de Sardanapalus.*
 en sorte qu'il vfa de fard pour embellir sa face &

Le second Liure des Chronicques

mesmes se para d'habitiz & ornemētz muliebres on dict aussi qu'il se feoit en la troupe des pail-lardes , & exerceoit avecques elles toute espece de villenie & turpitude. Dictes moy ie vous prie cōme ce regne n'eust eu fin & yssue miserable & infortunée, veu q̄ desia les Medes & Babyloniēs festoiēt departiz de luy & reuoltez, & aussi qu'il auoit bataille malheureusement avec ses ennemys: & n'eust sceu estre plus en aucun lieu asscuré: or mist il le feu en la tour de Babylone & se brusla dedens . Mais ainsi comme escript Ditis il auoit desia enuoyé ses troys filz a Ninieue : dōt il aduint apres le pere mort que les royaumes furent diuisez : Belochus regnoit en Babylone qui auoit delaissé avecques Arbaces Sardanapalus. Arbaces tint le royaume des Medes : la posterité des Assyriens dura quelques ans en Ninieue: & entre ces troys royaumes esmeust la guerre plusieurs ans pour la Monarchie.

La mort de Sardanapalus.

De Aegypte.

NOUS auōs parlé tāt qu'il suffist de ceste monarchie, quand au demeurant nous noterōs icy bas combien il ya d'ans iusques au temps de la seconde monarchie, reste a demonstrier maintenant aucunes choses, brefuement des autres royaumes qui oultre ceste monarchie ont esté erigez : Le royaume des Aegyptiens a esté en fleur & grādement ample, lequel a esté regy des successeurs

Le royaume des Aegyptiens.

successeurs de Cham, mais quant a sa puissance n'estoit si grand que la monarchie, ainsi comme le royaume des François pour le iourd'huy est trespuissant, mais est inferieur a l'Empire Romain, & en puissance & en maiesté de dignité.

De Abraham & du royaume spirituel.

A Fin que nous n'ignorons en quel lieu a esté la parole de Dieu & l'Eglise. Il nous fault parler du royaume spirituel, du temps du Roy Ninus Abraham fut, & comme il auoit enuiron de son aage cinquãte ans, les premiers deux mille ans prindrent fin, & le royaume des Assyriens estoit desia deuant commencé, mais par apres cõme le vray cultiurement & la parole de Dieu se print a descroistre au royaume Babylonique, Tharé partist de Chaldée pour s'en aller en Mesopotamie avecques ses deux filz Abraham & Loth affin qu'il ne fust maculé & infecté de la superstition d'infidelité en Babylone. L'escripture appelle ceste idolatrie le feu Chaldaïque l'Vr des Chaldéens. Et certes comme aux sacrifices des vrayz fideles le feu cheant du ciel enflãmaست iceulx sacrifices. Les infideles & irreuerens imitant leurs exemples mettoient le feu eulx mesmes ausdictz sacrifices sans attendre qu'il tombast du ciel, & en ceste sorte instituerent nouveau cultiurement & nouvelle mode d'adorer Dieu, afin que par cest œuure ilz seruissent Dieu, sans

Abraham du temps de Ninus.

Tharé.

Ur des Chaldéens.

Le second Liure des Chronicques

parole expresse de Dieu , & sans cognoissance de la promesse de l'aduenement de Iesuschrist, cy dessoubz es histoires ce feu aussi est dict Orimafda, cestadire saint feu , lequel les Roys faisoient porter deuant eulx sus vn cheual. La premiere occasion d'idolatrie entre les hommes commença de ce feu deuant que les images fussent en vsaige . Mais affin que la parole de Dieu ne fust par tout estaincte, Dieu renouvela sa promesse entierement de Iesuschrist, & adioignist a la parole nouvelle cerimonie, qui conseruaist la memoire d'icelle parole es cueurs des hommes ainsi comme vn signe. Car certes facilement s'abolist vne vraye doctrine, s'elle n'est reiterée au peuple par cerimonies & signes extérieurs , a cela fut esleu de Dieu Abraham lequel comme il eut de son aage soixante & quinze ans luy fut commandé de Dieu , qu'il laissast Mesopotamie & se transportast en Chaldée, ou il eut nouvelle promesse cestascauoir que pour l'aduenir les succeffeurs d'Abraham possederont la terre de Canaan & regneront en icelle , & aussi qu'il viendrait vne semence d'Abraham, cestascauoir Iesuschrist par lequel Dieu vouloit donner sa benediction a tous peuples, cestadire que par ceste semence Dieu seroit appaisé & la vie eternelle donné, seclus le droit de peché & mort, a ceste promesse icy fut adioincte de Dieu circoncision, qui estoit le signe d'icelle promesse, & le motif a croire en Dieu. Or doncques par

Le saint feu.

La premiere occasion d'idolatrie.

Renouatiō de promesse faicte a Abraham.

Circoncisiō signe de promesse.

apres demeura tousiours l'Eglise la parole & regne spirituel de Iesuschrist en certain peuple c'estascauoir aux successeurs d'Abraham, entre lesquelz il a esté de necessité que fussent aucuns tousiours vrayz fideles & reuerentz a Dieu veritablement toute l'histoire d'Abraham est descripte copieusement en la sainte Bible. En ce lieu suffist d'auoir monstré en quel temps fust Abraham, & quelles mutations de la religion & honneur diuin aduindrent, quant au reste la promesse fut parapres reiterée a Abraham, & la circoncision donnée lors qu'il auoit de son aage quatre vingtz & dixneuf ans. L'an du monde, 2047. aucuns font qui le comptent a vn Iubilé, 2050.

*Quand fust
donnée la cir-
concision.*

Abraham de sa chambriere Agar eut vn filz nomé Ismael, cestuy comença a croistre en puissance & force en Arabie, & les Agarenes en Arabie tiennent le nom de ladicte Agar, dequoy nous parlerons par apres.

*Agar.
Ismael.*

De la destruction de Sodome.

L'An quatre vingtz & dixneuf de l'aage d'Abraham le seigneur Dieu destruiet cinq villes Sodome Gomorre & autres citez voylines par feu tumbât du ciel, pour les detestables pechez & luxures prohibées, qui y regnoient. au lieu ou estoient lesdictes villes fut fait vn grand lac duquel la loqueur & largeur se dilate vne lieue ou plus, & pour le iourd'hui est plain de poix, & perpetuelles vapeurs & seble boullir en tesmoigna

*Vn lac fust
fait de l'é-
brazement
des Sodomit-
tiques.
Exēple de
vengeance.*

Le second Liure des Chronicq̄es

ge de diuine indignatiō & végeāce pour si grans & enormes delictz. La chose aduint apres le deluge six vingt & vn an, & apres la mort de Noe quarante & vn an. Et en ceste maniere Dieu tesmoigna au monde qu'il vouloit par apres se venger des pecheurs & tenir son iugement.

De Isaac.

A Pres ces choses Abraham eust de sa femme Saravn filz nommé Isaac, de la semence duquel nasquist nostre seigneur Iesuschrist, cestuy Isaac pour certain representoit la figure de Iesuschrist, quand Dieu commanda qu'il fust immolé de son pere Abraham, parquoy fust demōstré & signifié que Iesuschrist seroit pour l'aduenir sacrifié, & qu'il purgeroit les pechez du monde, en cest exēple aussi est figuré que Dieu veult pardonner, ressusciter les mortz, & donner la vie eternelle a ceulx qui croient vrayement.

*Isaac figure
Et representen
ration de Ie
suschrist.*

Iacob.

Esau.

Edomites.

*Esau pour
quoy fust il
dict Edom.*

*Iacob fust
surnommé
Israel.*

Isaac eut deux filz, c'est a scauoir Iacob & Esau de Esau les Edomites en Arabie ont print leur origine. Car Esau fut appellé Edom c'est a dire Roux, pource qu'il auoit vendu le droit de sa progeniture a son frere pour vn potage roux cōme haricot ou syué, en contemnant la benediction & benefice de Dieu, a raison de son vêtre. Iacob fust en son surnom nommé Israel c'est a dire prince de Dieu, duquel le peuple d'Israel eut sa descente, mais de toutes ces choses icy il fault auoir recours a la Bible.

De Ioseph filz de Iacob.

POurce qu'on recite de Ioseph qui fut estimé *Ioseph homme sage & saint.*
 être les tressages & principaulx gouuerneurs a iuste droict nous faisons icy mention d'iceluy,
 il enseigna aux Egyptiens religion & ciuilité, & fault icy noter vne chose digne d'estre obseruée,
 c'est que cestuy Ioseph homme de sainteté & remply du saint esprit, institua la maniere d'administration seuerer & fort dure, & assemblea toute la region d'Aegypte tant largement estendue *Seuerité en gouuernement plait à Dieu.*
 quasi comme les membres d'un corps, affin que par cela nous aprenons que seuerité est singulierement necessaïre a retenir vn peuple en office & mesmes qu'elle est agreable a Dieu, vne multitude est gastée par trop grand bandon, au surplus fault noter pour quelle cause il paruint en Aegypte de la conspiration de ses freres, comme il fut vendu d'iceulx, consequemment quelle fortune il eut en Aegypte: & de cela est traité abondamment en la Bible. veritablement le seigneur Dieu pour ceste merueilleuse occasiõ voulut qu'iceluy vint en Aegypte, c'est ascauoir affin qu'en ce royaulme le vray cultiuemēt diuin fust estably & que la promesse de l'aduenemēt de Iesuschrist fut manifestée. Dieu aussi a voulu que sa parolle fust publiée tousiours en grādz & puisfantz royaulmes. Et consequemment affin que par ceste aduēture il octroyast viures a Iacob & a sa famille en temps de famine.

Le second Liure des Chronicques
De Moyse & de la peine du tyrant Pharaon.

*La raison
des affli-
ctions.*

Açoit que Dieu eust promis a la posterité d'Abraham la possession de la terre de Canaam, toutesfoys differa sa promesse long temps, affin qu'elle eust en ces entrefaictes par la parole diuine de quoy exercer sa foy, mais aussi permit iceluy estre en Aegypte au parauant grandement affligée, car ainsi comme il est tesmoigné en Genes, Jacob au temps de la famine avecques ses filz s'en fuit en Aegypte ou ilz furent longuement, ce que nous noterons par apres. Or comme Pharaon sans ordre & sans cesse persequutoit & fouloit ce peuple, & exerçoit sa tyrannie en sorte qu'il auoit commandé qu'autant d'enfans males qu'ilz naistroient iceulx fussent mis a mort. Le seigneur Dieu ce pendant enuoya Moyse afin qu'il deliurast d'Aegypte le peuple d'Israel, lequel apres plusieurs miracles mena cestuy peuple a la mer rouge. Lors Pharaon a grand force le poursuyuoit, pensant venir au dessus de ses besongnes qu'il les tuaist tous, car n'y auoit lieu ou se peussent sauuer veu qu'ilz estoient enclos de montaignes d'un costé & d'autre de la mer, & derriere leur ennemy Pharaon estoit prochain. Mais en cest endroit manifesta le seigneur dieu que quand s'offre l'extreme necessité il done secours aux siens & les exaulse. Certainement l'eau se retira en arriere & par assez grand chemin donna passage aux enfans d'Israel affin que sans pe

*Exemple de
grace &
pitié.*

ril marchassent oultre, mais les suiuiſt malheureusement en la mer le tyran, car les eaux reuinrent en leur estat premier, & fut noyé avec la fleur de toute la cheualerie d'Aegypte, & en ce lieu manifesta Dieu de rechief nouuel exemple au monde. Cestascavoir qu'il vouloit iuger & punir les inhumains tyrans & mesmes ceulx qui contemnoient l'adoration reuerence & culti-
 vengeance.
 uement diuin.

*En quel temps fut donné le Decalogue
des commandemens.*

LE cinquantième iour apres le depart des filz d'Israel d'Aegypte comme ilz chemoient au desert iuxte la montaigne de Sinai les dix commandemens leur furent promulguez d'une magnificence & maieſté increable. Certainement vne voix fut ouye du ciel pleine de terreur & craincte, & cest œuure est pour certain de Dieu, qui au parauant n'estoit aduenü en la terre de plus sublime ne haultain aux hommes. Ceste doctrine des dix cõmandemens contient le sommaire de la sagesse diuine, & cõprenent comme en vn abregé toutes constitutions & loix qui sont & peuent a iamais estre au monde, a ceste raison est bien decent n'ignorer le temps auquel fut donnée diuinement ceste doctrine tant magnificque. Et certes elle fut baillee en l'an du monde deux mille quatre centz

Quand furent les dix commandemens donnez.

Le second Liure des Chronicques

Le tēps depuis la promesse faicte a Abraham iusques a la departie de Aegypte.

cinquante & quatre. Et apres le deluge sept cētz quatre vingtz & dixhuiēt . Et sainēt Paul diēt la loy auoir esté donnée apres la promesse faicte l'ā quatre cens trente, & est ce nombre icy d'ans depuis le temps auquel Abraham ayant de son aage soixāte & quinze receu la promesse que Dieu luy feit iusques a ce temps auquel les filz d'Israel furēt par Moysē deliurez & mis hors d'Aegypte, & ce qui est leu au douziēsme chapitre d'Exode qu'Israel habita en Aegypte quatre cens trente ans, ne doit estre nombrē du temps que Iacob alla en Aegypte. Considerē que Ioseph estoit des ia en fleur, on peult facilement faire recueil qu'il n'y a pas si grand nōbre d'ans seulement apres Iacob : car Caath alla en Aegypte avec Iacob. Cestuy Caath eust vn filz nommē Amram, lequel Amram engendra Moysē. Ainsi ne peuent auoir esté quatre cētz ans entre Caath & Moysē. Pour ceste cause fault cōpter ces quatre centz & trēte ans, desquelz il est leu en Exode de ce temps que Abraham premierement alla de Mesopotamie en Canaan & qu'iceluy par apres frequenta en Aegypte, & affin qu'on entende plus droitement la sentence de sainēt Paul : Je cueilliray le nombre des ans plus curieusement.

Depuis le temps qu'Abraham premierement vint en la terre de Canaan qui lors auoit de son aage soixante & quinze ans iusques a la natiuitē d'Isaac, il ya vingt & cinq ans, au soixantiēsme an Isaac engendra Iacob, au quatre vingt & dix-

iesme an de s^o aage Iacob eut Ioseph, Ioseph vesquit cent dix ans, il y a soixante & cinq ans apres Ioseph iusques a la natiuite de Moyse, & ce nombre d'as icy Philo aussi la noté. Moyse auoit quatre vingtz ans, quand il tyra s^o peuple d'Aegypte. Or ces ans icy assemblez ensemble font le nombre de quatre centz & trete: autat d'interualle le tēps fut depuis la p^messe donnée premieremēt a Abraham, iusques a ce tēps que le peuple d'Israel partit d'Aegypte, & puis apres la loy fut donnée. Or bailla nostre seigneur Dieu certaine police a ce ste gent Israeliticque & vn royaume propre, au quel rien ne deffault de ce qui appartient au vray cultiement de Dieu, a l'estat sacerdotal & a iustice ciuile, affin qu'apertement fut vn certain peuple qui eut la parole de Dieu, & duquel Iesuschrist naistroit quelque foys. Or doncques avec ce peuple icy fut tousiours en honneur l'Eglise le regne de dieu & sa vraye parole iusques apres la passion de Iesuschrist, ce qu'il fault considerer affin qu'un chascū cognoisse que l'Eglise a tousiours esté & que Dieu a reuelé sa parole des le commencement du monde & l'a conseruée tousiours enuers les siens.

Des Princes d'Israel.

DEpuis la departie d'Aegypte iusques au commencement du regne de Saul, il y eust troys centz soixante & neuf ans ce que demōstre bien

Le premier Liure des Chronicques

clerement le texte du troiziesme liure des Roys au sixiesme chapitre . Or apres la mort de Moysé ce peuple icy eust des princes qui estoient créez & establiz en partie par l'authorité des sages hōmes, en partie estoiet excitez de Dieu par vocation speciale, lesquelz feirent tout plain de beaux actes . Et en ce poinct declaira le seigneur Dieu qu'il vouloit estre propice & deffendre les siens fidelement combien qu'ilz fussent aucunesoys veuz estre agitez des flortz de dangers & perilz. Ces princes icy en la mode des Hebreux estoient dictz iuges : mais comme ainsi soit que leurs gestes soient comprins & narrez a la Bible nous reciterons seulement leurs noms, affin que l'ordre de ceste Chronicque & le compte des ans soient plus iustement obseruez,

*Les princes
appelez iu
ges.*

Moysé regna	40 ans,
Iosue	27
Othoniel	40
Ehud	80
Barach avecques Depora prophetisse	40
Gedron	40
Abimelech	3
Cestuy tua son frere & par sedition translata a luy le royaulme, & pour ceste cause fust puny de son homicide peu de temps apres.	

Thola	23
Iair	22
Iephthe	6
Abessan	7
Abdon	8
Sampson	20

Après ceulx cy gouvernerent le peuple ces
grans prestres icy.

Eli	40 ans
Samuel	40 ans

Royz d'Israel.

Les Iuges d'Israel n'estoient pas hereditaires
du peuple, pourtāt n'estoit en ceste gent cer-
tain & constant royaume, fors qu'enuers les sou-
uerains prestres: mais au lieu d'aide par apres y
adiousta le seigneur Dieu des princes prudens
lesquelz il excitoit maintenant icy & maintenāt
en autre lieu. Mais le peuple fasché pour l'incer-
titude de cest Empire: demanda a Samuel grand
prestre, que certain Roy luy fust baillé qui eust
la domination du royaume. Samuel ne voulant
rien faire indiscretement en si haulte chose print
cōseil de Dieu. Qui manifesta qu'il estoit grāde
mēt offensé pour l'appetit de ce peuple qui demā
doit vn nouveau Roy: & cōmanda a Samuel que
a ceste cause fust puny griefuemēt le peuple. En
ces entrefaictes toutesfoys nostre seigneur Dieu
se cōsentit qu'ō creast vn roy: & que le royaume

*L'institutio
des regnes
des Roys de
Dieu.*

Le second Liure des Chronicques

fust institué & continué: & en ce lieu est confirmée diuinement la puissance d'un regne & l'administration des royaumes establee, non point en parolles obscures, ce qui est deuant toutes choses a regarder. Pour ceste cause fault considerer que nostre Dieu ne se courrousse pas pour ceste cause qu'il vueille reprouuer un Empire royal (car certes il le confirme clerement) mais il est marry des noualitez qu'un peuple faict en muant vne republicque qu'iceluy a instituée: il ne peust endurer un change des royaumes qui sont diuinement ordonnez. Et par ceste exemple nous sommes admōnestez que nous fuyons sur toutes choses mutations & nouveutez. Consequemment en ceste histoire icy sont comprins maintz autres beaux enseignemens lesquelz amour de breueté me constrainct delaisser. l'ay voulu tant seulement reciter cecy, c'est qu'en ce lieu offices civilz sont approuuez de Dieu, & aussi l'authorité des Roys & princes confirmée, quand il parle du droit & office d'un Roy.

Les mutations & nouveutez des royaumes desplaisent a Dieu.

Confirmation d'offices civilz.

Saul.

Saul regna quarante ans & pour son infidelité fust destruit & toute sa race extaincte.

Dauid.

Dauid regna quarante ans, & fust puny de Dieu pour l'adultere commis, & par seditiō fust deiecté de son royaume par son propre filz Absalon, mais Dieu le restablist, & punist griefuement les sediteux: Absalon mourust d'une mort non acoustumée.

Salomon.

Salomon fust Roy quarante ans: mais apres

sa mort le royaume fust dissipé pour l'adultere de Dauid.

*Des Roys de Iuda de la ligue
& race de Salomon.*

Roboam Roy regna dixsept ans : & cōme il recusast a soy cōsentir au cōseil des maieurs pour diminuer le faix des exactiōs du royaume. Il feist par sa feuerité qu'il f'ésuiuist mutatiō du dict royaume. Cestuy ensuiuoit l'oppinion des ieunes, & ne vouloit rien relascher, ne soy cōformer a raison n'y a equité, & pour ceste cause la plus grande partie de ses subiectz le delaiissa & commencerent vn nouveau regne en Samarie, ce que des deux costez donna grande occasion de grandz guerres & mutineries. quant au reste la posterité de Dauid retint l'Empire en la partie de Iuda, & le party de Beniamin suiuiist le Roy de Iuda.

Roboam.

L'ocasiō du royaume de Samarie.

Abia regna troys ans & defist en guerre le Roy des douze bendes d'Israel.

Abia.

Asa regna quatorze ans, cestuy acquist grand gloire pource qu'il mist a neant le mauuais culti uement de Dieu qui auoit esté institué contre la parole diuine, en sorte qu'il ne pardōna en cest affaire a sa mere mesmes: veritablemēt icelle ensuiuoit vne maniere particuliere d'adorer Dieu. Cestuy Asa fust grandement heureux pour ceste cause, car le seigneur Dieu luy donna la victoire

Asa osta l'a bns qui se faisoit a adorer Dieu.

Le second Liure des Chronicques
contre les Arabes:& en la fin iceluy fust aussi pri-
ny de Dieu pour quelque cōspiration qu'il auoit
faicte en delaisant la confiance qu'il debuoit a-
uoir a Dieu.

Le mylieu de l'aage du monde.

ENuiron le douziesme an du regne du Roy
Afa furēt accōpliz troys mille ans du mōde:
cestascauoir la moitié de tout l'aage du monde
iuxte le dict d'Elie, ce que nous auons designé au
commencement de ce liure. Or fault il par apres
considerer les tresgrādes & soubdaines mutatiōs
aduenues en tous regnes, les guerres & meurdres
faictz en iceulx, & fault entendre que les choses
humaines petit a petit tendent a la fin.

*Les Iuifz
plus anciēz.*

Auec ce fault cōsiderer que le regne des Iuifz
est plus ancien que celuy des Grecz & Rōmains:
dont on peult facilement cueillir que toutes
les autres nations ont esté extraites des Iuifz:
mesmes l'anciēne doctrine & la parolle de Dieu
auoir esté enuers iceulx.

*Iosaphat a-
moureux de
veligion.*

Iosaphat regna vingt & cinq ans: il est loué
pour sa religion & aussi que par grand soing il
feist l'office de Roy: & a ceste cause luy donna
Dieu de belles victoires.

*Elie au my-
lieu de l'a-
ge du mōde.*

Le prophete Elie fust de ce temps lequel fust
vif transporté au ciel:& ainsi au mylieu de l'aage
du monde Dieu suscita ce prophete renommé
de doctrine & miracles: afin que la parolle diui-

ne & la promesse de Iesuschrist fust souuent & de foys a autre renouellée. Les autres troys mille ans du monde commencerent soubz cestuy Elie. A Elie succeda le prophete Elisée: mais cō-
me ces deux prophetes icy detesterent & reprindrēt la mauuaise maniere d'adorer Dieu, & quelz miracles ilz feirent cela est traicté plus copieusement a la Bible.

Elisée.

Ioram regna huiſt ans : il commanda qu'on tuaſt les anciens & meſmes ſes freres : il fust auteur de nouvelle idolatrie, il fust puny pour ſon infidelité & mouruſt apres auoir eſté vaincu des Philiftiens: deſquelz ſes femmes luy furent oſtées & ſes enfans: fors Ochoſias qui eſtoit le puisné.

Ioram auteur de nouvelle idolatrie.

Ochoſias regna ſeulement vn an: & a l'exemple de ſon pere permiſt faulx cultiement de Dieu eſtre inſtitué, pourtant fust il tué. Conſequemment Athalie mere d'iceluy voyāt ſon filz eſtre mort, afin que le royaume d'autres ne fust occupé feiſt mourir le reſte du ſang royal: & ainſi le royaume fust tranſlaté de la poſterité de Salomon: afin que par cela nous aprenons q̄ Dieu puniſt rigoureuſement vn peché: deuant toutes choſes princes doiuent conſiderer que Dieu faiſt faillir leur race a cauſe des offenſes & crimes. Athalie mere d'Ochoſias retint par violence le royaume & exerça grand tyrannie par l'eſpace de ſept ans, mais en la fin fust punie cōme elle auoit merité: car par le commandement du grand prebſtre fust faiſte mourir.

*Ochoſias.**Athalie.**Exemple de vengeance.**La mort d'Athalie.*

Le second Liure des Chronicques

De Nathan & ses successeurs.

AV catalogue des peres desquelz descēdit Ie-
fuschrift l'Euāgeliste sainct Luc delaisa Sa-
lomon, car la posterité de Salomō fut estaincte,
mais non obstant la race de Dauid succeda au
royaulme iuxte la promesse de Dieu. Dauid eut
*Nathā filz
de Dauid* vn filz nommé Nathan, duquel fait mention
sainct Luc & de la maison d'iceluy furent ces roys
icy de Iuda enfuyans.

Ioas. Ioas regna quarante ans, il fut excellēt prin-
ce quant au cultiuelement reuerence & adoratiō
Ioïada. de Dieu, & fut du temps de Ioïada grand preb-
stre auquel il obeit, puis apres deuint idolatre &
& irreuerent enuers Dieu, & feit tuer deuant le
*Zacharie
prophete.* temple Zacharie prophete filz de Ioïada, duquel
Iesuschrift a plē au vingt & troyesime chapitre
de sainct Mat. ieu. Pour ceste cause le feit punir
Dieu par les Syriens, & en la fin fut tué de ses
seruiteurs mesmes.

*La mort de
Ioas.* Amasias fut roy vingt & neuf ans, au com-
*Amasias cu-
vieux d'ho-
moyer Dieu.* mencement fut studieux du vray cultiue-
ment de
Dieu & escoutoit les prophetes, a ceste cause pro-
spera & defist les Idumiens, mais par apres s'en-
orgueillist. Il feist la guerre sans qu'il en fust be-
soing seulement pour son plaisir ou il fut captif
& en la fin murut.

*La captiui-
té & mort
d'Amasias.* Ozias regna cinquante & deux ans, & fut aus-
*Ozias sur
dict aussi
Azarias.* si dict Azarias, en son cōmencement fut debon-
naire

naire & reuerend en Dieu. Il vainquist les Philistiens : puis apres comme il voulust sacrifier au temple contre l'ordonnance de Dieu fust infecté de lepre. De son temps estoient les prophetes Osée, Amos, & Michée, lesquelz prescherent en Samarie & Iuda malgré qu'en eussent les Roys de dictz pays. En ce temps aussi fust le prophete Ionas qui auoit esté enuoyé pour prescher le Roy des Assyriens.

Osée.

Amos.

Michée.

Ionas.

Ioatham regna seize ans, cestuy estoit debonnaire & bataille heureusement contre Ammon.

Ioatham.

Acham semblablement regna seize ans, il institua le faulx cultiement de Dieu : & par trop grande superstition & curiosité d'adoration il fist cōstruire des chappelles & des autelz en plusieurs lieux par toute la terre : pour ceste cause Dieu permist qu'iceluy & tout son Royaulme fust affligé griefuement & despouillé.

Acham.

Ezechie regna vingt & neuf ans : il fust Roy debonnaire, il osta l'idolatrie & restitua le vray cultiement de Dieu : paya ses dismes aux prebtes. Et pource q̄ ces choses font les vrayz faitz des bons princes, à ceste raison Dieu luy donna de belles victoires : & cōme le Roy des Assyriens auoit assiegé Hierusalem, cestuy Ezechie inuocqua Dieu a son aide. Adonc les Anges deffeirent les Assyriens & la ville fust deliurée du siegē. E-
saie prophete fust en grand honneur au temps de ce Roy : duquel fust enseigné cestuy Roy aux choses qui apartenoient a la craincte de Dieu.

Ezechie roy

debonnaire.

Esaie.

Le second Liure des Chronicques

*La destru-
ctiō de Sa-
marie.*

Consequemment au sixiesme an d'Ezechie le Roy des Assyriens fut iouyssant de la ville de Samarie & amena les dix bendes d'Israel & les reduict a seruitude qui estoit la plus grand' partie du peuple de Dieu, pource qu'ilz s'estoient reuoltez de Iuda & auoient institué vn royaulme propre. Mais cōme les roys de Samarie craignissent que leurs subiectz ne voulsissent retourner soubz l'obeissance du royaulme de Iuda, qui estoit ordonné diuinement, si d'adventure pour l'aduenir ilz frequentoient en Hierusalem selon leur cōstume ordinaire pour sacrifier & ouir la parolle de Dieu iuxte l'ordonnance de la loy. Lors instituerent iceulx roys vn cultiement de Dieu propre, vne doctrine peculiaire & sacrifices contre la parolle de Dieu, & en ce point abuzerent soubz couleur du nom diuin pensant retenir la premiere puissance de leur royaulme. Or contre ceste maniere de faulsemēt adorer Dieu furent enuoyez les prophetes a la cōseruation & salut de plusieurs, & ce pendant les gros seigneurs retindrent tousiours leur faulse adoration, a ceste occasion Dieu affligea iceulx Roys de guerres & seditions si que le domaine de ce royaulme ne demeura gueres a nul de ceste race, tellement qu'il permist a la fin & les Roys & le peuple estre amenez & trāsportez du pays, a iuste droict nous doibt espourir cest exemple. Affin que par cela nous aprenons a craindre Dieu. Or si iceluy n'a pardonné a son

*L'institutiō
de faulse-
mēt adorer
Dieu ne de-
meure impu-
nie.*

*Exēple de
craincte de
Dieu.*

propre peuple & aux successeurs d'Abrahá auxquelz aduindrent si belles promesses, mais destruiét si soudain leur royaume & les deiecta: Qui est l'homme si asseuré qui puisse croire que nous demeurons impuniz? Veritablement selon mon opinion, ceste partie de Samarie & ce peuple ainsi reduit a seruitude semble représenter la figure de l'Eglise orientale & des Grecz. *Samarie figure de l'Eglise orientale.*

Pource qu'ainsi cōme le peuple d'Israel amené en Samarie par les Assyriens, iamais n'est retourné. En ce poinct l'Eglise orientale est transportée totalement par les Sarrazins & le Turc. Et tout ainsi comme par apres il aduient a la nation de Iuda, ainsi ie crains beaucoup que ceste partie occidentale experimente quelque fois chose semblable. Il fault certainement craindre que Dieu ne nous face pis, pour la grandeur de nos offences. Mais Dieu voulut en ces entrefaites donner sa benediction a la semence d'Abraham sur toutes autres nations. Pour ceste cause le lecteur debonnaire doit penser a foy mesmes & prier Dieu qu'il nous chastie en misericorde, & qu'il ne nous delaisse totalement.

Ce regne dura seulement deux centz quarante & quatre ans. Et estoit ce temps tres brief: cōsidere que ce peuple auoit eu promesses tant magnificques, & avecques ce des biens temporelz, & ce pendant ne fut sans guerres, & seditions iamais. Et ainsi on voit que Dieu ne permet que faulse adoration demeure impu-

Le second Liure des Chronicques

nie. La destruction du royaulme de Samarie fut faicte l'an apres la construction du monde, 3240.

*Manasse
mauuais roy*

Manassé filz d'Ezechie succeda a son pere au Royaulme de Iudée, & regna cinquante & cinq ans, il restaura le fault cultiurement de Dieu, & pour le mauuais zele d'infidelité brusla mesmes ses propres enfans au lieu de sacrifice: il persecuta les prophetes, il feit mourir d'une sye le tres-sainct prophete Esaie, & en la fin fut prins des ennemys & enleué. Mais comme il recogneust son peché & inuocqua Dieu de cueur fut receu en grace: & le proposa iceluy Dieu aux pecheurs pour exēple, affin qu'ilz ne doubtent point qu'il ne soit misericordieux & qu'il ne vueille pardonner si on recognoist ses faultes.

*La mort de
Esaie.*

*Manasse
exēple des
pecheurs.*

Amon.

Amon regna deux ans, il fut mauuais Roy pour ceste cause mourut de glaiue par ses seruiteurs.

Iosias.

Iosias regna trente & vn an, il osta l'abus qui se faisoit touchant l'adoration de Dieu, il destruiſt les chappelles & idoles, & cōmanda brusler les os des faulx prophetes. de ce temps les liures de Moysē qui ia plusieurs ans auoient esté perduz furent retrouuez. Et cest exēple icy est sur toutes choses digne de memoire, pource qu'on voit aucunefois vne meschāceté regner & croistre, & mesmes les traditions humaines estre en si grand cours que la saincte escripture vient en si grand contempnement que les liures s'en per-

*Les liures
de Moysē
retrouuez.*

dent, mais par la prouision de Dieu en la fin est restaurée & remise en son entier. Et ceste histoire represente la figure sans doubte du temps dernier en l'Eglise, auquel enuiron la fin doit estre reuelée cognoissance de la parole de Dieu plus pure. Et iaçoit que Iosias fut roy totalemēt débōnaire, toutesfois si tūba il. Et cōme il eut esté longuement en paix & faiēt tout plain de beaulx actes, s'en orgueillist & pour sa bonté estima qu'il ne luy pourroit rien aduenir d'infortune. Pour ceste cause feist la guerre au roy des Aegyptiens, iaçoit ce qu'il demandast les conditions de paix. Mais pour cause que cestuy Iosias auoit meu la guerre soy confiant a sa force, fut blessé en ce conflict & mourut. Ioachan regna troys moys & fut enleué en Aegypte.

La figure de plus pure doctrine en la fin du monde.

Ioachan.

Ioachin regna vnze ans, & de son temps Nabuchodonosor Roy de Babylone inuada toute Iudée duquel fut faiēt tributaire. plusieurs furent enleuez, entre lesquelz estoit Daniel encores adolescent: puis apres comme Ioachin ne gardast la composition qui auoit esté faiēte entre luy & Nabuchodonosor, cestuy Nabuchodonosor rauint & le feist mener prisonnier en Hierusalem & commanda qu'il fust mis a mort & son corps iecté deuāt la ville entre les autres corps mortz, iuxte la prophetie de Hieremie qui auoit predict qu'il seroit ensepuely comme vn asne.

*Ioachin.
Nabuchodonosor.*

Daniel.

Ioachin ou autrement Ieconias fut roy troys moys, en son temps Nabuchodonosor retourna

*Ioachin ou
Ieconias.*

Le second Liure des Chronicques

En Iudée, & assiegea la ville volontairement, se rendit cestuy Ieconias par le conseil du prophete Hieremie auquel Dieu auoit reuelé la destruction de Hierusalem & la translation du peuple, mais qu'iceluy peuple ne debuoit totalement périr, ains reuenir quelque fois, & que Hierusalé seroit réedifiée. En Babylone fut gardé Ieconias de Dieu, pource qu'il auoit obey a la prophetie de Hieremie, ce que no^s noterôs. par apres les plus vertueux personnaiges furent enleuez avec Ieconias en Babylone & to^s les plus precieux ioyaux & ornemens du temple furent rauiz & emportez.

Sedechias.

Sedechias regna vnze ans, il se rebella contre le roy de Babylone & ne voulut paier s^{on} tribut. Pour ceste cause retourna Nabuchodonosor, & meist le siege deuant Hierusalem. Et iaçoit ce que Hieremie luy conseilla de se rendre disant que le vouloir de Dieu estoit que Iuda fust puny & que le peuple fust transporté, toutesfoys cestuy Sedechias ne voulust obeir, se confiant a la promesse de Dieu, que le peuple Iudaicque ne debuoit perir. Sedechias se vançoit de ces choses & les grans prestres interpretoient mal la promesse de Dieu. Certes neaumoins pouoit bien Dieu cōseruer son peuple, encores qu'il permit quelque temps estre affligé & captif.

Or doncques la prophetie de Hieremie fut mise a nonchaloir. Principalement veu qu'elle estoit differée par si longue espace de temps, &

n'aduenoit ce qu'il auoit predict, & disoient oultre, que le roy de Babylone par trois foys estoit entré en Iudée, & ne s'estoit hasté de destruire la ville: oultre qu'il y auoit ia vnze ans passez, que plusieurs s'en estoient fuiz de Hierusalem, & qu'icelle estoit demeurée saulue. Ces choses icy furent cause qu'ilz esperoient a la mode humaine obstinément n'aduenir la misere & calamité qu'auoit predicte Hieremie. Or la ville estoit de tous costez enuironnée de munitions contre toute la puissance des ennemys, mais Nabuchodonosor les affamma apres auoir tins siege de my an deuant la ville, & dist on que la famine fut si grande que plusieurs furent contrainctz de menger leurs propres enfantz. Voyla comment nature humaine est endurcie en ses propos, si qu'elle recuse en si grand' necessité la consolation & ayde de Dieu. Et certes si iuxte le conseil de Hieremie ilz se fussent renduz, iaçoit ce que la captiuité leur fust fascheuse, toutesfois eust esté loysible de iouir de la paix en pays estrange. En la fin comme Sedechias cuidoit euader fut prins, & deuant luy ses filz tuez, & luy furent arrachez les yeulx de la teste, la ville mise a sac, le temple que Dieu auoit commandé edifier, bruslé & mis en cendre, & consequemment toute la fleur de Iudée, amenée & reduicte en la seruitude des Babyloniens, a iuste droit cest exemple nous doibt admonester que Dieu

Exemple de grand' famine.

Ex^{ple} de obstination humaine.

La mort de Sedechias.

Le second Liure des Chronicques

ne dissimulera point de punir les pechez des autres royaumes & princes, puis qu'il a puny si griefuement le royaume qu'il auoit institué. la sainte escripture approuue que ledit seigneur affligea le pays de Iuda de tât de calamitez pour ses pechez, & les principaulx qui en furent l'occasion fut contempnement de la parole de Dieu, faulse adoration & tyrannie enuers les prophetes & vrayz docteurs & prescheurs de la parole diuine. la destruction de Hierusalem fut l'an du monde trois mille trois centz soixante & treize. Les ans depuis Dauid iusques a la ruine d'icelle ville furent cinq centz & seize.

*La destru-
ctio de Hierusalem.*

Le royaume de Iuda.

Ainsi iusques en la fin, demeura le nom royal chez la posterité de Dauid, entre laquelle y eut plusieurs roys aussi nobles, & bien renommez qu'en nul autre royaume. Et a dire vray, Dieu auoit proprement institué cestuy royaume de Iuda, & en estoit chef: Mais pource qu'entre eulx peché regnoit, a ceste occasion furent ilz puniz de Dieu, & leur royaume mué. Certainemēt le royaume de Iuda fut detenu captif en Babylone soixante & dix ans: Mais ce pendāt Dieu toutesfois se declara en telle sorte, qu'on cognoissoit qu'il auoit soing de son peuple, & de son Eglise, & que iamais n'habandonneroit icelle. Il enuoya de singuliers prophetes, comme Daniel chez les Babyloniens, qui cōuertit mesme le roy Nabuchodonosor. Or comme cestuy roy par le iugement de Dieu pour son infidelité fut puny,

Nabuchodonosor cōuertit par le prophete Daniel.

& mué en rage & fureur, si qu'il ne differoit d'une beste, Daniel pria pour luy enuers nostre seigneur, tellement qu'il fut reduict en son bon sens, & emendant les fautes de son infidelité, osta toutes les idolatries de son royaulme, & instruiſt par le prophete Daniel print la vraye mode d'adorer Dieu.

Après Nabuchodonosor regna son filz Euilmerodach: Cestuy commanda qu'on traitast honnestement, & comme il appartenoit a dignité royalle, le roy Ieconias, lequel par le commandement du prophete Hieremie se redit de son bon gré, & endura estre banny de sa terre, & en ce point Dieu bienfortuna cestuy roy, qui auoit creu es parolles du prophete, iacoit ce que Dieu eust commandé qu'il fust destruiſt, & qu'il mourust a l'heure. En ceste maniere fut de Dieu preseruee de mort la race de Daud par merueilleuse destinée, ce que nous declarerons par apres en maintz endroiſtz.

Balthasar succeda Euilmerodach au royaulme. Cestuy fut contempteur de vraye adoratiõ, & de la parole de Dieu, & renouela entierement la vieille idolatrie Chaldaicque, au parauant abolie. Il vſa en ses festins des vesseaux qui auoient esté ostez du temple de Hierusalem: il se mocqua du Dieu des Iuifz, & par iniure commanda qu'on chantaſt que le Dieu des Chaldéens estoit le vray Dieu, & plus grand que le Dieu des Iuifz. Mais qu'aduint il apres? Croyez que ce

Le second Liure des Chronicques

blaspheme fut cause de la perdition de tout le royaume. En verité visiblement apparut vne main, qui escripuit contre vne paroy, Balthasar perira avec tout son royaume: Et l'accident aduint la nuit mesme, Car les Medes & Persans feirēt soubdaine entrée en son royaume, & enuahirent les Babyloniens & furent possesseurs dudit royaume, & meifrent a mort le Roy Balthasar. Cest exemple icy nous enseigne que le blaspheme contre Dieu ne demeure impuny.

*Blaspheme
iamais ne de
meure impu
ny.*

*Fin de la
premiere mo
narchie.*

Maintenant le temps de la premiere monarchie prend fin, iusques aux Persans, & au Roy Cyrus. Entre la natiuité d'Abraham & du Roy Cyrus il ya mil quatre centz quatre vingtz & quinze ans, durant lequel temps premierement fut la monarchie aux Chaldéens, puis apres aux Assyriens. Consequemment comme icelle commençast a estre dissipée, en sorte qu'aucunfoys les Assyriens, l'autrefoys les Babyloniens eurent la domination, iusques a ce que les Medes & Persans eussent accroissance, & que finalement Cyrus iouist de Babylone. & ainsi fut recourée, & reduicte en vn la monarchie.

*Le peuple
des Iuifz
tresancien.*

Il faut considerer singulierement que tout le Royaume des Iuifz fut compris soubz le temps de ceste premiere monarchie, dont on veoit clairement que les Iuifz sont vn peuple tresancien, & que seulement leurs Chronicques sont certaines des premiers regnes du monde.

Des Grecz.

MAintenat nous declarerons briefuement, *Les hystoires des Iuifz sont plus anciennes que celles des Grecz.* En quel point estoit l'estat des Grecz au temps de la premiere monarchie: dont on pourra facilement recueillir, que les Chronicques des Iuifz, sont beaucoup plus anciennes que celles des Grecz: Et certainement toutes leurs hystoires sont escriptes apres la premiere monarchie. Et ne peuent les Grecz reciter aucune chose certaine, ne de plus loing, sinon ce que demonstrent leurs Olympiades. Or les Olympiades commencerent l'an trentehuitiesme d'Osias, & si nous voulons estre diligentz & curieux au iect, c'est enuiron deux centz ans deuant la monarchie des Persans. Mais de peur d'empescher les lecteurs, ie laisseray en cest endroit les Olympiades, & demonstreray en peu ce qui aduint chez les Grecz du temps de la premiere monarchie. *En quel temps commenceret les Grecz a compter leurs ans par les olympiades.*

La region des Grecz n'eut aucun Roy, comme les autres nations, mais en icelle furent en partie plusieurs princes & chefz, & d'autre part maintes grosses villes riches & puissantes, & aduindrent grandes & diuerses mutations entre les dominateurs d'icelles: pource que quand les villes estoient faictes plus opulentes & fortes, a grand' peine pouuoient elles endurer les princes, come de nostre tēps no^o auos veu en Italie. l'en reciteray aucuns exēples par apres, qui sont vtils d'estre cō-

Les Grecz n'eurent au commencement aucun Roy.

Le second Liure des Chronicques

gneuz, & ont certains tesmoignages d'hyistoires. Certainement deuant la bataille Troyenne on treuve bien peu d'hyistoires chez les Grecz.

De la guerre des Troyens.

LA guerre Troyenne fut faicte durant le regne de Dauid, ce q se peult prouuer par Virgile, disant que le royaulme des Albanois dura troys centz ans: Or dict iceluy de l'Empire d'Albanie, En ceste terre Roys seront qui regneront troys centz ans entiers & continuz. Et en la fin de ce regne Romme commença a estre edifiée, ce que nous declarerons par apres. Or ça nous conferons ensemble le nombre des ans a cõtre poil, commençant a la fondation de Romme, iusques au commencement du regne de Salomon; nous trouuerons troys centz troys ans. Et est certain que la guerre de Troye ne fust pas beaucoup deuant. En cest endroiët n'accordët les hyistoriens, qui disent que ceste guerre estoit plus ancienne, mais ie pourroys prouuer le cõtraire par maintz argumentz, ce que pour abreger ie delaisse. C'est vn poinët qu'on doit bien metre en memoire, que le peché d'adultere fust occasiõ & source de ceste guerre. Paris filz du Roy Priam raut Helene femme de Menelaus prince des Grecz, de quoy courroucez & despitez les princes de Grece & toutes les citez, conspirerent contre les Troyës & delibererët faire le voyage en Troye,

*Adultere fõ
demët de la
guerre troy-
enne.*

De la premiere Monarchie. 31

& apres auoir tins siege dix ans entiers prindrēt Ilion, & meisrent a mort Priam, en sorte que le royaulme fut extaict. Soudain apres Aeneas se partist de Troye & voyagea par mer en Italie, & occupa ceste partie qui fust dicte Latium. En ce lieu commença vn nouveau royaulme, & construiēt la ville d'Alba pour son filz Ascanius qui fut appellé Iulus, en laquelle regna la posterité d'Aenée, iusques au temps que Romme fust construiete. En ceste guerre Troyenne furent presentz maintz nobles princes, les nōs desquelz conuient chercher ailleurs. De Theffalie y vint Achilles duquel fut tué Hector la fleur de toute la cheualerie Troyēne. Et Achilles en la fin mesmes fut occis par fraude. Les Troyens luy auoiēt donné a espouse vne des filles de Priam: & comme iceluy fust au tēple faisant sa priere genoux fleschez fust tué d'vn coup de traict en trahison de Paris.

Aeneas.

Latium.

*Ascanius
dict autre-
ment Iulus.*

*Achilles.
Hector.*

De la bataille de Thebes.

Non point beaucoup deuant la guerre de Troye, plus cruelle bataille sourdist a Thebes. Or cōme le royaulme fust escheut par droit hereditaire a deux freres c'estascauoir a Etheocles & Polynices, feirent accord ensemble par ceste condition que l'vn regneroit vn an, & l'autre l'an consequent. Mais quand Etheocles fut entré a l'empire, contreuenant a leur part voulut touf

*Occasion de
la bataille
de Thebes.
Etheocles.
Polynices.*

Le second Liure des Chronicques

Adrastus. iours dominer. Ce que voyant Polynices son frere constrainct de ceder s'enfuit en Arges au Roy Adrastus, lequel luy bailla sa fille en mariage, & par force d'armes le voulut restituer au royaulme de Thebes: mais Adrastus deuant Thebes avec autres princes fust tué. Etheocles & Polynices freres courant l'un contre l'autre par cas de fortune tous deux s'entreoccirent. Discorde de freres certainement fust la cause de ceste tant grande & lamentable tuerie, & ne fut encores la fin de la guerre, car par apres les autres princes a grand' compaignie assiegerent la ville de rechief & la meirent a sac.

d'Hercules.

Hercules.
Amphitryo.
Alcmene.
La ville de
Tyrinthe.
NOn gueres deuant ce temps, c'esta scauoir vn peu ainçoys que Saul fut fait roy chez les Iuifz, Hercules regna en Grece, qui singulierement fut loué par sus tous les autres princes, pour ses vertuz. Le pere de cestuy estoit nommé Amphitryo, & sa mere Alcmene, tous deux natifz de la ville de Tyrinthe, qui est située non pas loing d'Arges. Amphitryo s'en estoit fuy a Thebes, pource que par aucun discord meue entre son frere & luy, il auoit occis son dict frere, & aceste occasion aduint que Hercules nasquit au pays des Thebans, & la esprouua sa prouesse premierement: Car comme la nation de Minye, qui pour lors estoit puissante & fleurissante, &

Le peuple
de Mynie.

regnoit en la ville d'Orchomene, fait la guerre a Thebes, Hercules les repoulsa, & garda ladite ville de Thebes, & mesmes print la ville Orchomene, de laquelle des lors l'Empire cessa. Ceste ville icy fut fort riche & opulente, & pour ses richesses fust grandement extollée par le poëte Homere. Ceste victoire icy donna si grand bruit a Hercules, que les autres princes se retirerent vers luy en Grece de leur franche volonté, pour ceste raison se monstra il en tout lieu auteur de la paix, il donna confort & ayde aux princes & aux villes, il fait la vengeance des excès & oultraiges, & vfa de douceur & clemence enuers ceulx a qui il donna support, & ne leur imposa charge qu'ilz ne portassent ayfément. Voyla les choses parquoy il merita si grande louenge, & plus que nul autre prince ne fait iamais. Par apres voyagea en Asie, ou il vainquit & meit a mort le Roy Laomedon Troyen: Mais en ceste victoire certes il vfa de moderation royalle: car il garda le Royaulme, & ne le voulut destruire, mais en bailla la possession a Priam cōme vray heritier: Et pource qu'il restitua le royaulme a Priam, facilement on peust estimer en quel temps il estoit viuant. Outre ces choses il rédit en Italie & Espagne la mer affeurée des pirates, & pour ceste cause en la fin de la mer d'Espagne & d'Aphricque, il commanda eriger deux haultz rochiers, qui donnassent memoire a iamais du cas. Et veritablement iusques

*La ville
d'Orchome
ne.*

*Les gestes
d'Hercules.*

Le second Liure des Chronicques

Les colünes d'Hercules. a ce iourdhy font appellez les columnes d'Hercules. Charles quint Empereur, les porte maintenant pour sa propre enseigne & armarie, affin qu'il soit veu nous estre donné de Dieu, & qu'il doibue estre comme vn autre Hercules en toute Europe, pour reparer par sa vertu & bras victorieux iustice & paix durant cest estat qui est en trouble & commotion.

L'estat de Grece apres les filz de Noe. C'est assez parlé des choses dignes de memoire qui sont aduenues en Grece au temps de la premiere monarchie: mais oultre cecy, ie adiousteray encore quelque peu: Il faut cōsiderer singulieremēt en la lecture des hystoires quel a esté l'estat des royaulmes, quelle religion on y a gardée, quelle iustice on y a faicte, quelles sciences y ont eu cours, & ont fleury. Apres la mort des filz de Noe, la vraye intelligence aussi de la parolle de Dieu perit en Grece, iaçoit ce que ce pendāt les Grecz retinssent de leurs maieurs le rit & vifaigne des cerimonies, & les ordonnances de fidelité & vray cultiuement d'adorer Dieu, toutefois infidelité print accroissance chez eulx, & parapres idolatrie fut erigée entre eulx. Certainement vn chascun pour sa necessité & detresse de laquelle il estoit oppressé, inuentoit quelque mode nouvelle d'adorer Dieu, & a ce propos dict vn poeté, craincte a esté cause que les humains ayēt faicte des Dieux a leurs plaisir, & cela est veritablement dict de la mauuaise inuention d'adoration, il n'est nul tant cruel & dur de nature qui

qui au temps de necessité ne cherche & aye recours a Dieu, & si cestuy ignore qu'il fault seulement recourir a Dieu par foy en Iesuschrist, alors il tombe a quelque ouuraige estrange, & inuente quelque nouveau cultiement d'honorer Dieu. Et cela est occasion & source de toutes les infidelitez qui sont au monde: Mais on ne pésera pas, que les hommes aient esté en tel erreur qu'ilz creussét qu'une idole ou statue fust Dieu, certes ilz n'ignoroient que cela estoit boys ou pierre, mais ilz auoient ceste opinion que ce cultiement la estoit approuué de Dieu, & qu'il vouloit estre adoré en ce poinct, combien qu'ice-luy ne vueille estre honoré par infidelité. doncques les infideles ne furent iamais certains si dieu leur est propice ou non, nul ne peut se persuader certainement cela, sans manifeste promesse de Dieu, & sans la foy en Iesuschrist. Le chef de toute idolatrie c'est se cōfier en vn cultiement & maniere d'adoration excogitée & inuentée de foy, & ce pendant demeurer en doute en tēps d'affliction, & estre perplex si Dieu veult estre propice ou non. Or dōcques ceste doute est la principale partie d'idolatrie, vn infidele posé ores qu'il soit bon & saige, differe a vn vray & fidele Chrestien, pource que l'infidele iaçoit qu'il aye maintes belles & nobles vertuz en luy, ce neau-moins son cueur est en doute si Dieu luy sera fauorable ou non: Mais vn fidele Chrestien cō-bien qu'il soit inferieur & moins fleurissant en

*L'occasion
d'infidelité*

*Le commen-
cement d'ido-
latrie.*

*La differen-
ce d'un infi-
dele, & d'un
Chrestien.*

Le second Liure des Chronicques

vertus que l'infidele, toutesfois le cuer d'iceluy est constant & ferme que Dieu luy est propice iuxte les promesses pour la foy en Iesuschrist: Et fault principalement auoir esgard a cela, con fermer & munir son couraige contre ceste doub tance. Mais le monde par vne aueuglée indiscre tion est mené, voulant auoir alliance auecques Dieu sans la parole d'iceluy, par cela il establit nouveau cultiement d'adorer Dieu, pour son plaisir, & aussi pour sa necessité, & en ce poinct demeure tousiours idolatrie au monde: combien que les vieilles cerimonies, le rit, les idoles, & les sacrifices du vieil temps soient aboliz & com muez.

*Les especes
d'idolatrie
chez les
Grecz.*

Les Grecz qui estoient hommes de merueil leuse industrie & de grand esperit: trouuerent & inuenterent diuerses especes, & manieres mon strueuses, de superstitions & idolatrie, comme enuers les perilz de guerre, contre maladies, con tre tempestes, contre les accidens qui pouoient venir en mariage, ou en negociation, si qu'vn chascun d'eulx auoit sa statue & idole, ses orai sons & cerimonies propres l'idole de Iupiter estoit pour le remede des tempestes, ilz adoroient Mars pour les perilz & fortunes de guerre: ilz faisoient honneur a Iuno, affin qu'ilz acquissent richesses, ilz honoroient Venus, pour auoir li gnée, & mille autres folies faisoient les Grecz. ain si s'envelope le cuer de l'homme en profond erreur, quand il ignore la vraye intelligence de

la parolle diuine . Et en la fin paruindrent en si grand' infamie & auetuglement , qu'ilz establi-
rent festes ordes & salles solennellement , aux
quelles ilz tenoient estre vn œuure de pitié de-
deflorer & violer femmes & filles toutes choses
de villennie sont leues es auteurs touchant les
solennitez des Dieux, qui soubz le nom de reli-
gion estoient receues en vfaige chez les gentilz,
qui est horreur & abhomination de le penser seu-
lemēt. Nostre seigneur Iufuschrist veille refrain-
dre & retrencher tellement Sathan, que la parol-
le de Dieu ne soit abolie, & que telle fange, im-
purity, & abhomination ne regne plus au mode:

Des Sibylles.

IL ne no⁹ fault omettre a parler des Sibylles, des Sibylle n'est
quelles toutes les histoires ont fait mētio. Sy point nom
billes pour vray n'est point le nō d'aucune fem- propre de
me, mais en cōmun langaige signifie, diuine ou femme.
pphete. Touchāt ces fēmes icy il en a esté beau-
coup, aucūes ont esté du tēps des peres saictz, les
quelles endoctrinées de la pleine cognoissance
de la science des bōs anciens, & entēdant le my-
stere de vraye foy, ont laissē par escript maintes
belles sentences parlantz de Iesuschrist, de la
fin du monde, du dernier iugement, de la vie e-
ternelle, lesquelles choses sont souuent alleguées
par Lactance, mais pour l'ancienneté de Lactan-
ce, ie croy que telz ppos n'ont point esté faitz

Le second Liure des Chronicques

*Les Sibylles
studieuses
d'idolatrie.*

des Chrestiens, ains qu'ilz les ont trouuez chez les gentilz. Parapres furent des Sibylles idolatres, lesquelles neaumòins predirent & prophetizerent de l'estat des choses mōdaines, des royaumes, & autres cas semblables, & possible sans iugement, toutesfois meslerent les dictz des peres sainctz avecques leurs reuelations. Satan au si leur donnoit responce, comme en Delphos, ou il y auoit vne grande cauerne & creux, & quand on demandoit quelque chose, vne Sibylle estant assize sus ceste cauerne dedens vne chaire, disoit les choses aduenir, & ce pendant failloit de ce trou grand' vapeur, & soufflement de ventz. On recite qu'ainsi aduint en Delphos, puis apres telz oracles & respons estoient mis par escript de la main des prebstres, & estoient creuz comme propheties non doubtables, & pource qu'ilz estoient douteux & se pouoient entendre en deux sens, facilement le Diable pouoit tromper les humains, voyla comment il deceuoit le monde.

*Les responses
en Delphos.*

d'Homere & Hesiode.

*Les poetes
furent premieremēt
en fleur &
grand bruit
chez les
Grecz.*

AV commencement les Grecz eurent seulement poetes trescauātz, dont aucús estoiet musiciens, les autres prebstres, les autres tresexpertz en medicine & astronomie. Ceulx cy com prendrent & redigerent leur sagesse & eruditiō en vers & sentences briefues. Entre lesquelz les

principaulx furent Homere & Hesiodé, dont nous auons aujourdhu y les beaulx escriptz. Cas si^o escript qu'Homere fut apres la guerre Troyē ne huiēt vingtz ans, & semblablement deuant la fondation de Romme, enuiron cestuy temps de huiēt vingtz ans, qui fut soubz le regne de Iosaphat roy des Iuifz. Cediēt poète feit demeure en la ville de Smyrne, qui est assize en la premiere partie d'Asie, ou les tresanciens Grecz habiterent, qui furent nommez Iones & Aeoles. Et iaçoit qu'Homere ne fust conuenable a gouuerner la republicque, toutesfois il est apparēt que iceluy eust grand' priuaulté avec les gros seigneurs de Grece. Car il descript l'origine & race presque de tous les princes Grecz, & ses liures sont vn droiēt miroir de tous les affaires ciuils, & mesmes des vertuz heroiques, il a depainēt en sa poesie, toutes choses qui peuent aduenir au regime d'vne republicque, consequemment l'office des grandz princes, comme ilz se doiuent procurer entr'eulx en leur conseil, & tous autres affaires. Or a il si biē painēt ces choses deuant les yeulx d'vn chascun, qu'il semble bien auoir esté exercité en tout cōseil, & mesmes es cas de grand' importance, qui conseruent le gouuernement des Royaulmes & Empires, pour ceste cause les tressaiges autheurs, n'extollerēt iamais tant l'escript de poete, qu'ilz ont fait la poesie d'Homere, laquelle Alexandre le grand auoit tousiours entremains, affin qu'il eust dequoy e-

De quel tēps fut Homere.

Les liures d'Homere sōt le miroir des vertus ciuiles & heroiques.

Le second Liure des Chronicques

estre admonnesté & enseigné touchant l'office & vertus d'un excellent & bon Roy.

Hesiodé curé au mont Helicon.

Hesiodé fut apres Homere cent ans, comme le tesmoigne Porphyre. Cestuy fut curé du mont Helicon, ou estoit un renommé & grand temple. Pour la plus grand' partie ses escriptz sont comme preschementz & sermons de bonnes meurs: Ce sont sentences briefues comprenantz l'efficace de tout genre de vertu. Quand a parler de Iesuschrist ilz n'en font point de mention: Car ceste celeste doctrine estoit cachée aux gentils. Les liures aussi d'Hesiodé contiennent un iuste & perpetuel Calédrier institué au cours du soleil, & a l'obseruâce des astres qui demonstrent la separation de l'an, le liure est digne d'estre baillé & présenté aux ieunes enfantz pour les endoctriner. Par cela il apparoit que le tēps passé les tressaiges hommes en grece disposoient leurs enfantz a la congnoissance de ces belles sciences. la quant au reste, le poete Hesiodé homme modeste & de bonnes lettres en la fin mourut pauvement par quelques vnz de ses amys, qui pour ses bienfaictz, luy rendirent froide recompense.

Les liures d'Hesiodé.

De la fondation de Romme.

*Proca:
Numitor:
Amulius.*

PRoca roy des Albanois, eust deux filz, l'un nommé Numitor, & l'autre dict Amulius. Or auoit leur pere delibéré de bailler son royaume

a Numitor, pource qu'il estoit aîné, mais Amulius qui estoit le puisné le poulsa hors du royaume, & vsurpa la domination, & affin qu'il n'eust matiere de craindre aucun peril des posterieurs de Numitor, il tua son filz nommé Aegyptus en trahyson, & la fille dudict Numitor nommée Rhea Syluia fut par luy mise en la religion des dames vestales affin qu'elle fust sterile: mais elle deuint enceinte, & enfanta deux filz iumeaulx, qui furent parapres nommez Romulus & Remus. Or quand Amulius eust congneu le cas, il commanda qu'on meist la mere en prison, & que les deux enfantz fussent iectez au cours du Tybre pour estre noyez: Mais comme ilz estoient au riuage dudict fleuve, des prochaines montaignes d'adventure descendit vne louue, qui les alaiста, iusques a ce que ilz feussent trouuez du pasteur royal, qui les bailla a sa femme a nourrir. Quand ces enfantz furent grandz, & qu'ilz ouyrent parler de la finesse & tromperie que leur auoit ioué Amulius, & aussi que leur grand pere auoit esté mis hors de son royaume par violence, ilz delibererent estre vengeurs de la tyrannie commise, & pour ceste occasion tuerent ilz le Roy Amulius, & reestablirent leur grand pere Numitor en son royaume. En ce poinct Dieu, ne permet qu'une iniustice demeure impunie en la fin. Consequemment Romulus & Remus freres edifierent vne ville au propre lieu, ou ilz auoient esté mis pour

Rhea Syl-
uia.

Romulus &
Remus.

Exemple de
vengeance.

Le second Liure des Chronicques

*Contention
du royaume
entre Ro-
mulus & Re-
mus.*

ieâter en leau, & ou ilz furent trouuez, mais se
fourdist quelque different entre eulx, (pource
qu'ilz estoient pareilz en aage & force) ascaoir
mon lequel des deux regneroit: Il leur pleut que
le iugement en fut don e aux Dieux, en sorte que
a celuy a qui escherroit le plus bel augure & si-
gne cestuy la dominerait. Premierement donc-
ques a Remus se vindrent presenter six voul-
tours, & a Romulus douze: or c ome Remus de-
m adast le royaume a raison q  premierem ent luy
estoit apparu l'augure, de rechief eurent debat
ensemble. C'est merueille comme couuoitize de
dominer tormente les couraiges des hommes, &
ne seuffre facilement qu'on la reserre. Mais que
diray ie plus? en la fin Remus fut tu e, & Romu-
lus iouist seul de l'Empire, duquel Romme fut
nomm e. Et de cela il est manifeste, que des po-
sterieurs d'Aen e fut fond e Romme. Syluia me-
re de Romulus, print son origine d'Aen e: Mais
comme on fust en doubte qui estoit le pere de
Romulus, pour plus honnestre couleur de la faulte,
on faignit que le Dieu Mars estoit son pere.
Mais la sorte comme il gouerna son royaume,
& quelz actes d'armes il feist, Liuius l'a reduit
en memoire. Je demonst reray seulement en bref
l'ordre des temps, & si aucunes notables muta-
ti os sont escheues es royaumes, affin qu'un chaf-
cun congnoisse ce qu'il fault considerer & spe-
culer en la lecture de toutes hystoires, & ne lais-
ser os ce qui est adueni de merueilles, quasi com-

me par celeste destinée, affin que nous puissions veoir, comme iniustice est punie de Dieu, & pour quelles causes ont de coustume estre changées les republicques, & estatz des royaumes.

Pomponius Atticus, & maintz autres, qui comptent le nombre des ans curieusement & diligemment, disent que la ville de Romme commença a estre edifiée au commencement du troiziesme an de la sixiesme Olympiade, c'estascauoir au dixiesme an du regne de Ioathan Roy de Iuda, & apres la creation du monde 3201.

Quand Romme fut fondée.

Romme fut construite deuant la natiuité de Iesuschrist 729. ans. Je diray en passant ce que Varro escript, disant que les douze vultours qui volerent deuant Romulus, estoient la figure de l'age, & de la duration de Romme, c'estascauoir de mille deux centz ans. Or dict cestuy Varro qu'un chascun Vultour signifie un siecle, qui est l'espace de cent ans, doncques les douze vultours ce seroient douze centz ans, & n'est ceste interpretation impertinente: Car depuis le commencement de la fondation de Romme, iusques au temps d'Honorius & Archadius, quand elle fut destruite des Gotz, furent enuiron 1300. ans. les Roys regnerent a Romme 244. ans, tesmoing Liuius. Eusebe met deux ans d'aduantaige.

Romulus regna
Numa

38. ans. Romulus.
43 Numa

Le second Liure des Chronicques

Tullus hostilius 32. cestuy sacagea la ville d'Alba, ensemble l'Empereur d'icelle nommé Metius Suffetius, qui auoit rompu l'appoinctemēt fait entr'eulx, fut par ledict Tullus puny de supplice meritē. Par la punition d'iceluy, il donna bel enseignement aux hommes, comme il conuient punir les traistres. Veritablement il commanda qu'il fut lié entre deux charretes, & que les cheuaults tirassent les vnz d'un costé, les autres de l'autre, ainsi fut il dessiré & mis en pieces. En cest endroit cessa le regne des Albanois, & aduint cela soubz le temps que Manasses regnoit en Iuda. Apres qu'Alba fut destruiete, les posterieurs des anciens Troyens, premierement Iules sailliz & descenduz de Iulus filz d'Aenée, vindrent a Romme, & laisserent Alba, lesquelz par apres se feirent puissant chez les Rōmains, & en la fin eurent seulz toute la monarchie, au temps de Iules Cæsar. Poutant fut predict tresbien par Homere d'Aeneas, que la posterité d'iceluy obtiendroît l'Empire perpetuellement, & cela ce doit entendre sans doubte, du regne des Rommains, car d'iceulx fera la derniere monarchie, mais de cecy nous en parlerons par apres plus largement. A Tullus Hostilius succeda au Royaulme, & domina,

Ancus Martius.

Tarquinius Priscus.

Seruius Tullius.

Ancus Martius

Tarquinius Priscus

Seruius Tullius

24 ans

37

44

Du temps d'iceluy la monarchie des Persans commença. Certainement affin que ie fusse bref, en ce lieu i'ay voulu comprendre les Roys des Rommains, pource que tous regnerent deuant la monarchie des Persans, laquelle quand fut en estat, peu de choses dignes de memoire furent faites chez les Rommains, pource que durant ce temps leurs forces n'estoient encores grandes.

Tarquinius l'orgueilleux regna 25. ans, cestuy fut poulsé hors du royaume, pour la meschanceté de son filz Tarquin sixiesme, qui viola la chasteste damoyelle dicte Lucrece, qui se donna d'un glaiue dens la poitrine, pour sa chasteté brisée. Les parentz d'elle esmeuz pour l'enormité du cas, deiecterent le Roy. Cest exemple nous atteste, pour quelles causes Dieu seuffre que les royaumes soient muez, & que tyrannie soit vengée. Or c'est assez parlé du commencement de la fondation de Romme, & dont veint le premier changement de la republicque.

Quãd la monarchie des Persans commença.

Tarquinius orgueilleux.

Pour quelle cause fut changée la republicque Rommaine.

Fin de la premiere Monarchie.

De la seconde Monarchie.



Balthasar
Roy de Ba
bylone.



Comme les Iuifz eussent esté
soixâte & dix ans en exil chez
les Babylonniens, (comme nous
auons parlé deuant) Balthasar
Roy de Babylone fut puny de
Dieu, pource q̄l auoit blasphemé
cōtre le dieu d'Israel, & aussi qu'il
auoit prophané en ses banquez
les vesseaux destinez a l'vsaige
du temple. Veritablement les
Medes & Persans enuahirent
son royaulme, & possederēt
la ville de Babylone, ensemble
les royaulmes des

Chaldéens & Assyriens . De droit doncques doit estre dicté ceste monarchie seconde , Car les plus grands royaumes du monde, de rechief cōmencerent a s'augmenter, & a iceulx parapres des Persans fut presque toute l'Asie adioincte. En cest endroit vn cueur debōnaire doit considerer, les singuliers bienfaictz & œures de Dieu, qui, affin qu'hōnesteté & iustice soit gardée, a redigé de rechief le mōde vniuersel en vn corps, & empire legitime. Et veritablement il falloit que toute ciuilité, & mesmes les bōnes loix perissent entre les hommes, si Dieu a la conseruation d'icelles n'eslisoit & establissoit les trespuissantes monarchies, & les tresuertueux princes, qui les peussent restaurer entieremēt, & releuer si d'adventure elles estoient tumbées.

Ceste monarchie fut congneue des Grecz, & tout ce qui fut fait de magnificence & singularité chez eulx, aduint soubz le temps de la monarchie des Persans. Parquoy les Grecz cōmencent leurs Chronicques des Persans, & n'eurent iceulx Grecz gueres de cognoissance, de ce qui estoit fait aux autres royaumes, deuant le tēps des Persans.

Quant a l'ordre des ans, qui est principalement cōuenable a la description des hystoires, en ce lieu me fault aduertir les lisantz, que i'ay iusques icy emprunté des liures saintz, le compte des ans, qui demōstrent par ordre depuis la creation du monde le nombre d'iceulx ans, iusques

Les Chronicques des Grecz ont cōmencemēt des Persans.

Le second Liure des Chronicques

a ces soixante & dix ans , esquelz les Iuifz furent detenuz en captiuité chez les Babylo niens. Pour ceste cause sont contenues en la saincte Bible cer taines Chronicques des ans, iusques au tēps des Persans, mais apres , le compte des ans n'est pas gardé si curieusement. Sinon que Daniel prouue & tesmoigne qu'il y auoit quatre centz quatre vingtz & dix ans , depuis le temps qu'il fut par mis es Iuifz reparer la ville de Hierusalem des truiſte, iusques a la natiuité de Iesuschrist. & en ce passaige y a grād debat entre aucuns, pour vne chose facile , cestascauoir de nombrer iustement ces ans,auxquelz nous demōstrerons , qu'il n'y a difficulté . Daniel certes a exprimé bien claire ment le temps de l'aduenement de Iesuschrist.

Mais affin que le nombre concorde a ces soixante & dix ans deuant dictz , nous compterons en la monarchie des Persans cent quatre vingtz & vnze ans. Iasoit ce que les Grecz encomptent d'aduantaige en ladicte monarchie ; mais cela a esté fait, pource qu'iceulx Grecz commencerēt a compter deuant enuiron vint ans , ainçois que premierement fussent finiz ces soixante & dix ans. Et en ceste sorte doibt on egaler le nōbre de Philo & des Grecz ensemble. Les Iuifz cōmēcēt l'an de Cyrus, apres qu'iceluy eust vaincu la ville de Babylone, mais les Grecz comptent avecques les ans,auxquelz il auoit desia deuāt regné, mais on ne doibt rapporter ceulx cy aux ans en suiuantz, pourtant affin que la chose soit enten-

*Le nombre
de Philo, &
des Grecz.*

due plus clairement, iuxte l'ordre de Philo, premierement nous reciterons les grandz Prebftres ou Euefques qui regnerent chez les Iuifz, puis nous metrons apres les Roys des Perfans, ainfi comme les Grecz les comptent. Mais celuy qui entend que le commencement du regne de Cyrus fut apres que Babylone fut prinfe, cestuy la pourra facilement conferer, le nōbre des Grecz, avec ces 191 ans.

Iefus euefque regna	36 ans.
Ioachin fon filz a l'abſence de fon pere	8 ans,
Iefus de rechief	20
Ioachin de rechief	48
Eliafib	21
Ioiada	24
Ioathan	24
Iaddus	10

Somme 191 ans. Iofephe teſmoigne que Iaddus regnoit quand Alexander feit le voyage d'Asie.

Les Roys des Perfans, ainſi comme ilz ſont comptez des Grecz,

Cyrus regna	29 ans;
Cambifes	7 ans 5 mois
Darius filz d'Hiſtaſpe	36
Xerxes	<u>20</u>

Le second Liure des Chronicques

Artaxerxes Longuemain	40
Darius le Bastard	19
Artaxerxes Mnemon	40
Ochus	26
Arsames	3
Darius	6

L'ordre des temps pour la plus grand' partie approuue ce nombre. Tout ainsi comme les historiens ont vescu les vnz en vn temps, & les autres a l'autre, ainsi vn chascū a fait mētion principalement de leurs Roys qui regnoient de leur temps: Cōme Herodote fait mētion de Xerxes, Thucydides d'Artaxerxes Longuemain. Apres ceulx cy Xenophon a fait mētion de Darius le Bastard, & de son puisné filz Cyrus. Cōsequemment il a escript d'Artaxerxes Mnemon, & fut ledict Xenophon a la guerre avec ledict Artaxerxes aux combatz qui se faisoient de son temps. Les modernes escripuainschez les Iuifz faillent doncques grandement, & se monstrent gros asnes, qui ne mettent que quatre Roys Persans, & perdent plus de cent ans en ce compte tresueritable des ans du mōde, dont naissent aūtes plus grandes fautes.

En Daniel & Esdra est fait mētion des Roys Persans, mais les nōs d'aucuns variēt des Grecz. Mais affin que tout soit congneu plus claiement: Le diray a ma phantazie, & en bref. Metasthenes est repudié de quelques vnz, pource qu'il nōme plusieurs

Herodote.
Thucydides

Xenophon.

Metasthenes.

plusieurs des roys de Perse autremēt que ne font les Grecz, mais veu qu'Esdra & Philo ne different de luy, ie ne recite point ces roys que recite Metaſthenes . Il n'y a point de doubte qu'Esdra cognoissoit sus l'ongle le royaume, & l'estat des Persans, car il est tout clair qu'il estoit vn des principaulx du royaume, & mesmes du conseil estroict des roys . Metaſthenes ordonne en ce poict les roys de Perse, & voicy les premiers, aux quelz ilz varient, mais Philo & Esdra tiennent vn mesme ordre.

*Esdrasca-
uant aux af-
faires des
Persans.*

Darius & Cyrus regnerēt ensemble 2 ans. Puis apres Cyrus seul regna vingt & deux ans.

Artaxerxes Assuerus	20
Darius Artaxerxes longuemain	37
Darius le bastard	19
Artaxerxes Mnemon	55
Ochus	26
Arsames	4
Darius.	6.

Ce discord icy, a ma phantazie peult estre facilement rompu . Touchant le premier Darius, qui regna avec Cyrus, les Grecz n'en eurent la notice, pour ce qu'ainsi qu'atteste Daniel il n'auoit encor dominé, pourtant son nō fut incongneu aux hommes des nations estranges. Et Daniel separe ce Darius de Cyrus, disant que Da-

*Darius a-
uec Cyrus
regnant.*

Le second Liure des Chronicques

rius estoit Mede, & Cyrus Persan, & les Grecz nombrent seulement les roys de Perse, & ne meslent avec iceulx les negoces des Medes, desquelz le royaume estoit delia translaté aux Persans, pourtāt ne different les escriuains Grecz des histoires sainctes, iaçoit ce qu'ilz omettēt Darius, car ilz cōptent seulement les roys de Perse. Iosephe escript que cestuy Darius fut nommé Cyaxares filz d'Astyages, duquel Xenophon parle, ce que ie n'impugne point.

*Artaxerxes
Assuerus.*

Le secōd Artaxerxes Assuerus, est Darius filz d'Hystaspis, & est delaissé Cābyfes, pource que cestuy regna, son pere Cyrus encores viuant, ou a tout le mois n'y auoit gueres que ledict Cyrus estoit mort. Les Persans eurent ceste mode, que quand leur roy se transportoit en pays estrange pour guerroyer, vn autre estoit estably en son lieu, qui faisoit l'office du roy absent, pour ceste

Cambyfes.

raison Cābyfes fut crée roy de son pere Cyrus, & grand gouuerneur au royaume des Persans, quand ledict Cyrus delibera auoir guerre contre les Scythes, avec lesquelz fut guerroyé l'espace de six ans, & ce pēdant le royaume Persan fut gouuerné par Cābyfes, auquel les Grecz donnent sept ans, qui doibuent estre entenduz de ce temps, auquel viuoit encores son pere, & les histoires d'Assuerus tesmoignent ce mesme Assuerus estre Darius, que Philo escript, qui recouura a la poincte de l'espee les regions qui se estoient

eruoltées, apres que Cyrus perdit la bataille cōtre les Scythes.

Le troysiesme Darius fut dict Artaxerxes longuemain & les Grecz appellēt cestuy simplemēt Artaxerxes longuemain: & fut ainsi dict, pource que sa main dextre estoit pl⁹ lōgue q̄ la fenestre, leq̄l Metasthēnes nōme Darius, Esdra l'appelle indifferēmēt Darius & Artaxerxes, & les Persans vserēt de ces nōs, cōme noz ēpereurs vsent pour le iourdhu y de ces noms Cesar & Auguste: mais pource q̄ soubdain par ordre Artaxerxes succēda a Darius, cela est aduenu pour ceste cause, cōmē Xerxes se fut incontinent au cōmencement de son regne transporté en Grece, Artaxerxes ce pēdāt administra le royaulme en Oriēt: Et pour ce que Xerxes ne demeura point le chef & maistre en oriēt, pour ceste cause les Iuifz n'en font mention, mais ilz ont pour leur roy Artaxerxes, pource qu'il fut constitué a l'empire, & regna ce pendant, a l'absence de Xerxes. Et par ainsi ne doibt plus estre de different entre les historiēs, & en ce poinct peuent estre accordées les histoires de la Bible & des Grecz. Le discord des ans sourd de ce, qu'aucuns roys regnerent durāt que les autres estoient encores viuantz, & de cela a esté fait, que les vnz ont cueilly l'ordre des ans autrement que les autres.



De Cyrus.

Cyrus.



Yrus être les tresexcellētz roys
du mōde & grands princes, fut
le premier Monarque des Per
sans. Certes dieu oultre les bel
les vertus & perfectiones singu
lieres dont il fleurissoit luy a
uoit donné vne felicité propre, & bonne fortu
ne de regir les royaumes, & triompher de ses
ennemys, aussi fut il endoctriné par le prophe
te Daniel en fidelité & au vray cultiement
de Dieu, ainsi que les lettres saintes en donnent
tesmoignage. Nous debuons auoir en admira
tion, les princes de ceste sorte, comme singu

liers dons de Dieu, qui sont aornés & anoblis de si belles graces, par lesquels le seigneur Dieu veult que le monde soit aydé, les hommes retins en actes de vertu honneste hôte gardée, paix obseruée, & ordonnances en la fin estre establies. Veu doncques qu'il est ainsi, c'est offence de vilipender & contemner telz grands seigneurs, ainsi que fait communément vne tourbe de gens ignorans & indoctes. Or entre telz ministres de Dieu, & nobles Princes du monde cestuy Cyrus doit estre rememorisé. Et croyés qu'en luy ne defailloit noblesse de parés & de race. Certainement Dieu a déterminé, que la dignité des empires & royaulmes doit estre conseruée, par les hommes anoblis de vertus, & excellence de lignage. Et pour ce que les grands seigneurs sont doués de Dieu, & esleués en si gros honneurs, nous les debuons pour ceste raison honorer, cōme vn œuure singulier & diuī. Le pere de Cyrus fut prince des Persans, yssu des posterieurs de Sem: & sa mere du noble sãg royal des Medes. Herodote escript, qu'Astyages roy des Medes vit en songe, comme du ventre de sa fille naissoit vne vigne, qui de ses rameaux deuoit obũbrer toute l'Asie, & de cela conceut en son esprit, q̄ la fille deuoit enfanter quelque grãd Prince: dōcques quãd Cyrus fut né, Astyages craignist que son royaulme ne fust quelq̄ fois trãslaté aux Persans: pourtant dōna il charge a son lieutenant Harpagus, que l'ẽfant Cyrus fust mis a mort. Or cōme Har-

*Le pere de
Cyrus.*

*Le songe de
Astyages.*

Le second Livre des Chroniques

pagus s'entremist de faire l'exequutiõ dudiçt en-
fant royal, cestuy certes fut gardé ce neaumoins
par merueilleuse destinée. On voit par cela, q̄ le
foucy & trauail des hommes n'est suffisant pour
destourber l'entreprinse diuine. L'enfant est bail-
lé a vn pasteur pour porter sus vne mōtaigne af-
fin qu'en ce lieu il meure de faim, dauãtaige fut
cōmãdé audiçt pasteur ne delaisser lediçt enfant
iusques a ce qu'il fust mort, & l'anõcer a Harpa-
gus, affin qu'il en feist son recit au roy a la verité,
& que l'enfant fust ensepuely ainsi qu'il aparte-
noit a dignité de parentaige royal. Mais que fut
il faiçt? d'adventure enuiron ce temps mesme, q̄
cestuy pasteur apporta cest enfant a sa maison, la
femme dudiçt pasteur en eut vn qui n'eut point
de vie. Or cōme icelle ouit dire a son mary qu'il
falloit laisser mourir de faim cest enfant royal,
voyãt q̄ oultre sa grãd'beaulté & forme elegãte,
auoit vne vigueur & gaieté royalle, & q̄ estoit
extraict de sãg de roy, elle met en teste a son ma-
ry & le prie fort qu'il mete son enfant mort au
lieu de cestuy, & q̄ luy baille a nourrir pour le
siẽ. Elle admoneste aussi qu'il ne cōmette meur-
dre enuers ceste lignée royalle, consideré que ce-
stuy ãfant n'estoit pour porter dõmaige au roy-
aulme, & oultre qu'õ le tiẽdroit pour le filz d'un
pasteur, & nõ de roy, & que ce seroit suffisammẽt
satisfaiçt au roy, mais qu'il entẽdist de certain q̄
l'enfant fust mort. Le pasteur s'accorda au cõseil
de sa femme, & reporte a Harpagus que l'enfant

estoit mort: Harpagus y enuoie aucuns de ses domestiques pour veoir, & est soigneux de la sepulture de l'enfant, & recite au roy pour verité tout cecy. Ce pendant Cyrus est nourry chez le pasteur, & come il comēçoit petit a petit a croistre on voit en luy clerement vne royalle noblesse, & promptitude d'esperit. Et les enfantz de son aage l'aymoient merueilleusement & honoroiēt: il establit vn royaume en la mode des petis enfantz entre iceulx, & si aucun failloit, il le fouloit chastier a bon escient. Mais aduint d'aduēture, qu'apres qu'il eut puny quelq̄ enfant de noble maison & bastu trop durement, fut accusé aux parés dudit enfant, qu'en feirēt plaincte au roy. Le roy Astyages après l'auoir fait venir & interrogué, se merueillala de la costance & prudēce de respōdre qu'il trouua en cestuy enfant: considéré la grand ieunesse ou il estoit lors, adonc tout esbahy, péfa le tēps qu sa fille auoit eu enfant, & apres auoir enquis diligēment de l'aage, du tēps, & de la nourriture, il cogneut qu c'estoit son nepueu, filz de sa fille, lequel il auoit comādé estre mis a mort, après ceste cognoissance, le retint quelq̄ tēps en sa court, ne craignāt plus, pour le singulier signe de bōté qu voioit reuyre en cestuy enfāt: le réuoia en Perse chez son pere & sa mere. Ce pēdāt Astyages fut merueilleusement coursé, pour la trōperie qu luy auoit fait Harpagus, & pour ce qu'il n'auoit fait son cōmandement, touchāt de metre a mort ledict enfant, lors commanda qu'on amenaſt en sa court

Le second Liure des Chronicques

le filz puisné de Harpagus, ce que feit Harpagus.
Or le roy feit tuer lediēt enfāt & en chargea que
on le presentast cuit pour mēger a Harpagus q̄
rien n'en cognoissoit, & quand il en fut saoul, le
roy feit apporter deuant luy la teste, les piedz &
les mains de son éfant, affin qu'il cōgneust qu'il
auoit mēgé la chair de son propre filz. Harpagus
voyant la teste, entendit bien que ce auoit esté le
roy qui luy auoit fait faire ce tour, & aussi l'oc-
casion, mais cela sa douleur & comme il auoit ac-
coustumé honora le roy en craincte & obseruan-
ce, & en dissimulāt ce pendāt pensa que quelque
fois il se vēgeroit asprement de la tyrānie du roy,
& ne cessa depuis lediēt Harpagus de sollicitier p̄-
mierement le roy des Medes, & les autres grands
princes de delaisser le party d'Astyages, & de sub-
stituer en son lieu le roy Cyrus, mesmes reuela
le cas audiēt Cyrus, & l'admonnesta d'enuahir
le Royaulme, & qu'il ne permist ceste tyran-
nie demeurer impunie, de laquelle auoit vsé A-
styages contre lediēt Cyrus & aussi enuers Har-
pagus. Et affin que son affaire fust fait plus
secrettement, il cacha les lettres qu'il enuoyoit a
Cyrus dedens vn lieure effondré, & les bailla a
vn messagier fidele pour presenter a Cyrus en
Perse, & ne commanda au messagier qu'il dist au-
tre chose a Cyrus, fors qu'il ostant la peau du lie-
ure. Or quād Cyrus eut trouué les lettres, & qu'il
eut cōgneu le cōseil d'Harpagus, soubdain amas-
se vne bende de gendarmes, & se transmist con-

*La grand
cruaulté de
Astyages.*

*Ce que feit
Harpagus
contre la ty-
rannie d'A-
styages.*

tre les Medes : Aftyages cognoissant le cas assemble son armée pour resister a Cyrus, & en fait chef Harpagus, mais quand vindrent a cōbatre, il se rēdit luy & tout son ost a Cyrus. Et par cela fut vaincu Aftyages & perdit son royaume: mais Cyrus le garda, & le feist traicter comme il apartenoit a vn roy. Ce changement icy aduint au royaume des Medes, pour la tyrannie de leur roy, pour laquelle fut transmüé ledit empire aux Persans.

Après ces choses Crœsus roy trefriche en la premiere partie d'Asie, fait la guerre contre Cyrus, Et Cyrus venant a l'encontre le desconfit, & occupa tout son royaume, & après auoir mis en son obeissance Sardis ville tresbien munie, print Crœsus captif. Mais cōme par le commandemēt du roy Crœsus estoit pres du feu, pour estre brüllé, il cōmença a crier d'une voix pitoyable: O Solō, Solon. Cyrus esmerueillé de ce propos, commanda qu'on l'interrogast pour quelle occasiō il doubloit ces parolles en si grād' douleur. Lors soupirant du profond du cueur: Solō, diēt il, fut au temps passé homme tressaige chez les Atheniens: auquel ie feis grand hōneur, quand il se tenoit avecques moy: & luy monstré toute ma puissance, & mes thresors: en l'interrogāt, si il pensoit quelque fois me pouoir aduenir quelque infortune: veu que i'estois si bien muny de biens & de puissance, pour facilement resister cōtre tous cas d'aduersité, & mesmes cōtre la force

*Crœsus roy
d'Asie.*

*La ville de
Sardis.*

Le second Liure des Chronicques

*Le dict gra
ue de Solon
a Croesus.* de tous mes ennemis? Mais Solon en me repre-
nant respondit: Il n'est aucun en ce monde tant
heureux, qui puisse estre dict totalement biẽ for-
tuné deuãt sa mort: ne si puissant que fortune ne
puisse debiliter & destruire. Mais pourtãt que ie
pensois estre assure, a raison que tous mes affai-
res prosperoient, ie ne tins compte de ces parol-
les, & n'estimé iamais, q̃ ie deusse craindre si no-
table ruine, & malheureuse cheutte, dõt i'ay maĩ
tenant l'experience, & pource qu'a ceste heure
i'entends clairement le propos de Solon, a ceste
occasion deuãt ma mort ie le vueil nommer, de-
sifant & souhaittant q̃ tous humains qui sont en
prosperité, n'oublent par ma fortune, les calami-
tez qui leur peuent aduenir: affin que pour leur
presente felicité ne soient trop orgueilleux &
fiers, & qu'ilz n'entreprennẽt chose qui leur puis-
se tourner a fin malheureuse. Or quand Cyrus
ouist telles parolles, fut meu a pitié & misericor-
de enuers Croesus, disant qu'il ne vouloit pour
l'aduenir mal traicter ledict Croesus, qui auoit
esté au tẽps passé roy trespuissant, & qu'il auoit
recordation que luy mesme estoit hõme, & qu'il
luy pourroit aduenir semblable cas, qu'on vse-
roit enuers luy d'aide & clemẽce. Apres ces cho-
ses commanda faire venir a luy ledict Croesus, &
l'honora cõme vn grand prince, & en ses affaires
vsa de son conseil: consequemment luy demãda,
pour quelle cause il auoit pris guerre, & s'il estoit
admonesté par l'oracle d'Apollo, a qui on di-

*Exemple
de pitié.*

foit qu'il feftoit au parauant confeillé. A cela re-
fpondit Crœfus, difant: Apollo m'auoit bien cō-
feillé par ces parolles icy, cognois toy mefme, &
ton cas fe portera bien, ie ne mis a mefpris l'ora-
cle d'Apollo, car apres q̄ ma cheualerie fut vain-
cue en donnant ayde aux Affyriens, i'auois pro-
posé pour l'aduenir d'vfer de paix & tranquillité,
& principalement quand ie vey que toy Cyrus,
vfoys de fi grād' puiffance & felicité en tous
tes affaires. Mais comme ie fuffe extollé & hault
loué, des villes circōuifines, & mefmes des gros
seigneurs & princes d'entour moy, pour mō opu-
lence, & science d'armes, ie fuz deceu par orgueil
& gloire, adonc fus estably p̄ iceulx princes chef
& capitaine de la guerre, que nous menafmes cō-
tre toy. or doncques induict par telles collauda-
tiōs & blandices, ie vins iufques a ce point, que
i'ay interpreté l'oracle d'Apollo autremēt qu'il
ne faloit, & me reputé tel qu'ō me metoit en te-
fte, & que i'estois auffi grand que toy en puiffan-
ce, & par ces raisons fus poulfé a te faire guerre.
A tāt fuffife de parler de Crœfus. Beaux exēples
peuent estre tirez de cecy: nous voyons fouuen-
tesfois Roys & princes induictz a faire guerre
fans qu'il en foit mestier, & a leur grand' perte,
par le confeil & flaterie de ceulx, qui leur perfua-
dent faulfement, & extollent par vaines louen-
ges leur puiffance & vertuz. Quant au roy Cy-
rus il fault confiderer qu'il fut en fi grande pro-
fperité & heur, grandement moderé & attempé,

Le second Liure des Chronicques

Que fault il cōsiderer en Cyrus. & qu'en si triumphātes victoires, il adoulcist tyrannie par clemence & misericorde.

Comme Cyrus fut possesseur de Babylone. Doncques Cyrus occupa toutes les regions, depuis Perse iusques aux premiers limites d'Assyrie: puis a son retour assiege la ville de Babylone, qui estoit tenue la mieulx munie de ce monde, cōtre tout l'effort de puissance humaine, mais

La riuere d'Euphrates.

Cyrus iouist d'icelle, & en ceste sorte: La riuere d'Euphrates couloit dedens la ville par aucuns ruisseaux, lesquelz furent empliz de terre & autres choses, & feit on aller le cours par autre lieu, lors quand le fleue fut asseiché, on pouoit aller a pied seuremēt dedens la ville. Oultre ledict Cyrus auoit traistres en main, qui luy donnoient a cognoistre le temps, ou les Babylo niens se tenoient plus asseurez: & ainsi la nuit, cōme ilz ne craignoient rien, ledict Cyrus conduisant son armée par ou souloit passer le fleue, print d'assault la ville.

Mais qu'est il besoing de faire si lōg narré de l'heur & prosperité de Cyrus: vue qu'ō peut estimer facilement q'c'estoit plus vn œuure de Dieu, q' de forces, & prudēce humaine d'auoir assubié & ay a son empire tāt de puissantes villes, & mesmes tāt d'opulenz & riches Roys, auql empire nulle puissance d'homme presque, n'estoit veue pouoir resister. Certainement il fault bien croire, que telles souueraines monarchies sont establies & cōseruées par puissance celeste, pour entretenir legitime estat de la republicque entre

les hommes, contre la volonté de Satan. Or apres la desconfiture de Babylone, tout soudain ce royaulme des Persans print le nō de monarchie, & fut chef d'icelle monarchie la ville de Babylone, & soubz vn empire les royaulmes de Chaldéens, Assyriens, Medes, & Persans furent redigez. On y adiousta aussi la plus grād' partie d'Asie, & autres regions tresamples contigues & voisines de ces royaulmes. Et le tout administra Cyrus avec grand honneur & louenge: en sorte que le los d'aucun prince mortel (dont font mention les histoires) ne peust iamais estre esgale, au bruit & renom qu'acquist ledict Cyrus.

*Babylone
chef de la
monarchie.*

Ceste monarchie (ainsi que ie pense) commença apres la prise de Babylone, soixante & dix ans apres que les Iuifz furent menez captifz en celle ville. Depuis la creation du monde, troys mille quatre centz quarante & troys ans: & deuant la natiuité de Iesuschrist cinq centz & vn an. Dont on peult facilement estimer, que les histoires des Grecz, qui prennent leur commencement au roy Cyrus, ne sont pas fort anciennes.

*De la deliurance des Iuifz de la seruitude
de Babylone.*

C'Est assez parlé de l'estat de l'Empire, & de la republicque de ce temps. Maintenant reste a faire mention du royaulme spirituel de Dieu & de son Eglise. Apres que Cyrus eust subiugué

Le second Liure des Chronicques

les Babylonienz, il enuoya en liberté tous les Iuifz de tous ses royaumes, & les reftablifit au royaume de Iuda. Cest exemple nous fait certaine probation, combien est le feigneur Dieu foigneux de l'Eglife des fideles, & comme il ne peult oublier icelle. Or affin que l'Eglife fust deliurée de feruitude, il estoit de neceffité que Babylone fust destruite, puis qu'elle ne vouloit vfer de misericorde enuers les filz d'Israel. Les principaulx des Iuifz qui retournerent en Hierusalem, furent Zorobabel nepueu du Roy Ieconias, & Iesus grand prebftre: & en ce point est delaisfée la charge du royaume de Iudée chez la posterité du Roy Dauid, & les prebftres furent entierement reftabliz. Mais nous dirons par apres, qu'il fut fait des affaires des Iuifz. Maintenant retournerons au roy Cyrus, auquel Dieu auoit donné ceste grace, de paruenir a la cognoiffance de vraye foy, & au vray cultiement de Dieu, par la doctrine & enseignement du prophete Daniel, ce qu'il cōfessa luy mefme par ces parolles, c'est qu'il auoit possédé en terre tous ces royaumes par le vouloir de Dieu, par lequel luy fust commandé, de reparer le temple de Hierusalem au parauant destruit. Doncques en ce tēps, la doctrine de vraye foy ne feust seulement cogneue des Iuifz, mais aussi des gentilz durant le regne de Cyrus. Lequel fut fort estimé des gentilz, pource qu'il aplicquoit son cueur a fidelité, a honneur & reuerence enuers Dieu, & pour au-

Combien est Dieu foigneux de son Eglise.

Zorobabel. Iesus prebftre.

Cyrus enseigné par Daniel.

tant qu'il admonnestoit aussi ses subiectz a la crainte d'iceluy Dieu. Xenophon escript qu'il souloit dire, que tout ainsi qu'il estoit meilleur voyager sus mer avec les bõs pilotes, en ce poĩct estoit il plus prospere frequenter en la republic- *Le dict de Cyrus.* que avec les bons, & guerrier avec iceulx, qu'en la compagnie des mauuaiz.

De Daniel.

EN cest endroiẽt seroit bien requis que ie parlassẽ de Daniel, qui en ce tẽps fut grand prophete en l'Eglise de Dieu, mais ie ne pourrois comprendre ses louenges en peu de parolles: cestuy certes ne fut seulement munny d'esprit tres-excellent en la doctrine de fidelitẽ, de laquelle sont pleines ses belles propheties, ou il exprime clairement le temps de l'aduenement de Iesuschrist, mais aussi parla des affaires qui apartiẽnent a l'administration des empires & royaulmes. Le roy Cyrus l'eust pour vn de ses conseillers, il cõ- *Daniel conseiller du roy Cyrus.* posa propheties dignes de memoire touchat l'estat de grãds royaulmes aduenir. Mais toutes ces choses on pourra veoir en ses escriptz: ie laisse tout cela, affin que ie ne soys veu passer merche.

De la mort de Cyrus,

APres que Babylone fust vaincue, les Scythes *La bataille de Cyrus cõtre les Scythes.* gẽtz barbares & cruelz, feiẽt entrẽe es limi-

Le second Liure des Chronicques

tes du royaume de Cyrus. Mais Cyrus ce pédāt, après auoir recōmādē son ěpire a son filz Cābyfes, avec son exercite chemina au deuāt, pour repouler la violēce de ses ennemyz. Et a son cōmencēmēt desconfit les Scythes, & print leur ieune roy prisonnier : Mais Herodote escript, q̄ p̄ apres les Persans furent defaiētz par les Scythes, & le roy Cyrus tué en ceste bataille. Lors la royne Tomiris luy feist couper le chef, & le meist dedens vn vaisseau plain de sang humain, disant avec grande reproche, Cyrus saoule toy maintenant de sang, dequoy n'auoys iamais esté au parauant rasazié. Ce fut vn cas bien cruel, qui deteste plus la cruaulté de ceste gent Barbare, qu'elle ne foule l'honneur du bon roy Cyrus : lequel, pour garder ses terres, auoit prins iustement les armes a l'encōtre des Scythes. Certainement il est biē licite, qu'ū prince ne soit mol & remis aux armes, quād il est besoīg de chasser son ennemy hors de son royaume, & cecy n'a obmis Herodote, quāt a la prouesse de Cyr^o. Les autres historiēs escriuent autremēt de la mort dudiēt roy, ětre lesquelz Xenophon, disant que Cyrus mourut en son liēt, & ainçoys qu'il mourut admonnesta ses enfantz a la craincte de Dieu, a garder entr'eulx amour & dilection, & en long sermon aussi les prescha, qu'ilz retinssent de luy, que les ames humaines ne mouroiēt avec les corps, mais qu'elles estoiēt immortelles : & aussi que les bons & fideles en ce monde iouiroient de perdurable repos avecques
Dieu

*Exemple de
grā d'cruaulté.*

*Xenophon
parlant de
Cyrus.*

Dieu, & au contraire que les mauuais seroient puniz griefuement. Et de ce leur enseigna vn bel argument & exemple de raison humaine touchant les mal viuãtz, lesquelz en ceste vie pour ce qu'ilz cognoissent leurs faultes, ont grãd' terreur en leur esprit & remors de consciẽce, & par cela on peult coniecturer qu'a l'ame il y a quelque essence, & consideré que ceste craincte vient a l'homme diuinement, il est a presupposer que Dieu veult faire la vengeance, de tout ce qui est commis iniustement. Mais c'est assez parlé du tresbon & vertueux roy Cyrus.

*En quel temps furent les philosophes
premierement en Grece.*

Nous auons fait mention deuant, comme chez les Grecz premierement les poetes furent honorez, soubz le tiltre de science: par apres soubz le regne de Cyrus cõmẽça vne autre espece de gentz scauantz, qui estoient dictz philosophes: & de ceulx cy mesmes tout en vn temps furent deux sectes: les vnz furent nommez philosophes Ionicques, & les autres Italicques. Les Ionicques furent en Ionie, & ceulx cy furent moult diligẽtz a s'enquerir des choses naturelles, & aussi du cours des astres. D'iceulx fut autheur Thales, qui le premier partit l'an en Grece en troys centz soixante iours. Iaçoit pourtant qu'au parauãt ilz eussent douze moys, toutesfoys estoient

Les philosophes commẽcerent premierement soubz le regne de Cyrus.

Les philosophes Ionicques.

Thales autheur des philosophes en Grece.

Le second Liure des Chronicques

constrainctz de rapporter le mouuement du Soleil au cours de la Lune. Thales pareillemēt pronosticqua chez les Grecz l'eclipse, & trouua les poinctz des equinoxes: qui estoit, quād au nom de la science vne partie vulgaire. Cestuy auoit aprins ces choses des Aegyptiens, chez lesquels auoit au precedent le seigneur Dieu gardé e'est art. Thales aussi demonstra que les ames estoient immortelles, il est le premier & vray aucteur des philosophes de Grece.

Les philosophes Italicques.

L'autre secte de philosophes, qui estoient appelez Italicques, prindrent fondement de Pythagoras: Et cestuy estoit du regne de Cyrus, viuant en la derniere partie d'Italie, qui tend en Sicile, & le temps passé estoit Grece, Au temps de Pythagoras Seruius Tullius regnoit a Romme. Les escoliers d'iceluy n'estudioient en phisicque, ny en astrologie comme les autres, mais en arithmetique, geometrie & musique. Pythagoras menoit vie solitaire avec ses disciples, vsoit de diuerses cerimonies, & enseigna maintes choses importantes de la nature des ames, disans que les ames des hommes se transféroient aux corps des bestes, pour en ce lieu estre punies. Les Pythagoriques traicterent entr'eulx particulièrement leur doctrine: & estoit deffendu, q̄ de nul ne fut publiée, affin qu'a l'occasion de leur science inuisitée, le peuple ne fust esmeu a discorde, ou au mespris des modes accoustumées: Mais telz philosophes ne durerent pas long temps. Maintenan̄t

Pythagoras aucteur des philosophes en Italie.

n'est besoing narrer plus auant de l'origine des philosophes. A tout le moins i'ay bien voulu a cest endroict demōstrer (afin qu'aucun n'ignorast) en quel temps commencerent, & eurent accroissance les sciences des lettres. Nous parlerons par apres en lieu opportun des philosophes, qui sur tous les autres, ont honoré & fait fleurir la philosophie, qui ne sont gueres en nombre. Veritablement peu sont dignes, de porter ce tant beau nom de philosophe, pour ceste cause nous ferons mention de peu.

De Solon.

MAis laçoit que i'estudie a briefueté, si ne veulx ie toutesfois passer soubz silence le philosophe Solon. De cestuy veritablemēt print origine le droict ciuil des Rōmains, qu'on veoit maintenant par tout en vsaige: Il viuoit en ce temps, & eust grand familiarité avec Thalès. Or comme maintes grandes dissentions fussent esleuées entre les Atheniēs, pource q̄ les plus riches de la ville, auoient a leur plaisir priué, reduict en seruaige leurs debtors, qui n'estoient suffisantz pour les payer, toute la ville fut d'opinion q̄ Solon redigeast par ordre les coustumes & ordonnāces aucunemēt troublées, & mesmes q̄ reformast les abuz d'icelles, & qu'il corrigeast le desordonné appetit des pl⁹ grāds seigneurs. Si print Solon ceste charge, de son bon gré, & feist de tresbelles

*Solon au
rheur des
loix Rom-
maines,*

*Thales &
Solon amys*

Le second Liure des Chronicques

constitutions, qui sont encores de present en vigueur. Deuant Solon, Draco auoit esté legislateur en Athenes: mais les ordonnances d'iceluy, n'estoient aucunement téperées d'équité, pour ce qu'il auoit ordonné, que tous delictz ensemble seroient puniz par glaiue, dont fut dict de quelque homme prudent: que les loix de Draco n'estoient escriptes d'encre, ains de sang. Voyla cōme premierement au monde estoient statutz rigoureux & seueres. Mais rien ne peult durer, qui est trop violent, & qui n'est adouley d'équité. Solon toutesfoys fait difference entre ces choses, & ordonna qu'aucunes offenses selon raison seroient punies, les vnes plus griefuement, les autres plus doucement. feist ordonnances aussi du tribut, des poix & mesures, & du temps de toute l'année. Si que ceste loy qu'il establifit que chacun tous les ans demonstreroit au gouuerneur, bailly, ou lieutenant de la ville la grâdeur de ses biens, & la sorte de son mestier, dont il pouoit vi

Les ordonnances de Draco.

L'ordonnance de Solon, pour deictier les oyseux des villes.

ure honnestement, est grandement louée & prisee: aussi ordonna il, que si aucun viuoit en oyseueté, fut chassé & mis hors de la ville.

De Cambyfes.

Cambyfes.

CAmbyfes commença a regner, quand son pere Cyrus alla contre les Scythes autrement dictz Tartares. Il adioignit l'Empire de son pere, le royaulme des Aegyptiens. Mais fut fort eslon

gné des vertuz paternelles . Comme Prexaspes, *Prexaspes.*
 vn des plus excellētz hōmes de son conseil,quel-
 quefoys l'admōneſtoit aſſez franchement,& luy
 diſoit qu'il eſtoit de bien bonne reputation en-
 uers ſes ſubiectz les Perſans,mais qu'il leur deſ-
 plaiſoit qu'il eſtoit adonné au vice d'yurongnie:
 Lors feit aſſembler Cambyſes les plus princi-
 paulx de ſon royaume , & les interroga aſcauoir
 mō ſ'il y auoit en luy quelque choſe digne de re-
 prinſe: Mais reſpondirent que non, mais que par
 ſa vertu ſurmontoit d'aduātage ſon pere Cyrus,
 pource qu'il auoit adiouſté l'Aegypte au royaul-
 me. Au contraire Crœſus (auquel ſur toutes cho-
 ſes auoit Cyrus recōmandé Cābyſes, pour eſtre
 inſtruiēt a hōneſteté) va dire Cambyſes n'a enco-
 res garde d'eſtre egal a ſon pere Cyrus , pource
 qu'il na encore engendré vn filz tel, que Cyrus a
 delaiffé en ſon royaulme , pour eſtre ſon ſucceſ-
 ſeur, c'eſtaſcauoir Cambyſes . La facetie pleuſt a
 Cambyſes: & laiffa ſes ſenateurs, veu que nul des
 princes ne l'auoit reprins d'aucun vice: & a l'heu-
 re commanda qu'on luy feiſt venir Prexaspes, &
 luy en chargea qu'il amenaiſt deuant luy ſon filz
 puisné, pour aprouer que lediēt Cābyſes ſeroit
 veu eſtre bien ſobre , combiē qu'iceluy euſt fort
 beu, & qu'il vouloit ainſi yure tirer de l'arc cōtre
 ſon filz, & ſi pouoit de ſon traiēt paſſer a trauers
 du cueur dudiēt enfant lors on pourroit eſtimer
 qu'il n'auoit pdu l'vſaige de raiſon pour ſ'eſtre
 enyuré: mais au contraire ſ'il ne frappoit le cueur

*Le diēt fa-
 cetieux de
 Crœſus.*

Le second Liure des Chronicques

de l'enfant , a iuste droict seroit tenu pour yuon
gne. Mais qu'aduint il? Cōbien q̄ cestuy roy eust
La cruaulté de Cābyfes. si ce fust vne butte, & aḗs l'auoir percé au cueur,
le feist ouurir, & monstra a Prexaspes q̄ le cueur
de son enfant estoit bien droict frappé, & q̄ pour
Yuongnie induit a mauuaises meurs. l'aduenir il ne l'estimast yuōgne. Or voila cōme
ebrieté induit aux cueurs des hōmes conditions
inhumaines, & meurs tyānicques & cruelles, en-
cores qu'ilz ayent esté au parauāt biē instruietz,
cōme il est certain de Cambises, qui fut en ses ieu-
nes ans nourry & enseigné, a ciuilité, & hōnestes
meurs. Et jaçoit que luy estāt yure, n'oublie l'ha-
bilité de bien tirer , toutesfois cepēdāt ne peust
vser de droict conseil de raison , & est priué des
vertuz, qui ont de coustume enflāmer les hōmes
a temperāce, & estude d'honneur. Ces exemples
icy doibuent estre mis deuant les yeulx des ieu-
Le meurdre de Cābyfes enuers son frere. nes enfantz souuent adonnez a ebrieté . Quelle
fut la fin de ce tāt infame vice, nous en parlerōs
tost apres . Cestuy Cābyfes fut homicide de son
propre frere Smerdis , lequel feist tuer secrette-
mēt, de paour que quelquefois ne fut roy . Con-
sequemment eust a femme sa propre seur, com-
bien que nature aye horreur de ceste maniere de
mariage.

Consequemment aduint, comme Cambyfes
estoit a table avec la royne sa seur, pour son pas-
setēps fait lascher vn ieune Lyon, & vn puissant
Dogues qu'il nourrissoit, pour les faire cōbatre.

Or comme le Lyon fust trop plus puissant & fier que le chien, le frere de ce chié qui estoit enchainé, voyant l'autre chien estre trop foible pour le Lyon, rompt sa chaine, & le vint secourir adonc le Lyon fut vaincu: dequoy le roy fust grâdemēt recrée, pour la loyauté que gardoient les chiens entre eulx. Mais la royne esmeue de ce cas, comença a pleurer tendrement, ce que voyant le roy Cābyfes, tout courroucé, luy demāda la cause de son marrissement: a quoy respondit la royne, il est bien autremēt aduenu a mon frere, qu'il n'a pas a ce chien qui estoit le plus foible, car toy qui estois son frere, ne luy as pas gardé fidelité comme cestuy chien a gardé au sien. Le roy despité de ceste respōse, soubdain commāda qu'on ostant la royne de sa veue, & qu'ō la mist a mort. Mais ceste maniere de viure ne dura gueres longuemēt en heur & prosperité. Le seigneur Dieu dict en l'escripture saincte, gentz meurdriers & traistres, n'acompliront demy aage de leurs iours en la terre. Pour ceste accasion, non long tēps apres, iceluy vīsa de griefue vegeance a l'encontre de ce roy Cambyfes. Or comme il reuenoit d'Aegypte en Perse, & fust a cheual, de hazard son espée luy tūba du fourreau, & cheut sur la poincte, & se perça le costé de part en part, & mourut. Cest exemple nous dōne a cōgnoistre, q̄ dieu ne seuffre lōguemēt viure les princes tyrātz. veritablemēt Cābyfes ne vesquit gueres pl⁹ d'ū an apres la mort de son pere Cyrus, & ne laissa

*La loyauté
des chiens.*

*La cruauté
de Cam-
byfes enuers
sa seur la
royne.*

*Exemple de
vengeāce cō-
tre Camby-
fes.*

Le second Liure des Chronicques

aucū enfant heritier de son royaulme, totalemēt fut extainct. Et certes c'est vne chose biē pitoyable, q̄ le royaulme des Persans, en si peu de temps fut osté la posterité de Cyrus. La charge de l'empire toutesfois demeura enuers le sang dudict Cyrus, car Darius espousa sa fille, & Darius d'aduintage estoit cousin de Cyrus.

De la punition d'un mauuais Iuge.

Ln'est nul si cruel, ne si mauuais, qui ne face aucunefois quelque acte d'honesteté. Le seigneur dieu dōne des graces aux princes & gros seigneurs, q̄ ont le regime du mōde, & fait q̄ beaux ouuraiges & vtiles soiēt souuēt mis a exequutiō, pour la cōseruation du publicque gouuernemēt,

Sifannes iuge corrompu.
Otanes.
Cambyses est hault loué par toutes les histoires pour ce cas: cestuy auoit en la premiere partie d'Asie vn lieutenant nōmé Sifannes: or auoit il ouy dire, que par corruptiō d'argēt auoit fait vn iugemēt faulx, pour ceste raison le feist mourir, puis le feist escorcher, & metre la peau sus la chaire, ou il souloit faire ses iugemēt: & a son office cōstitua son filz Otanes, & le fait seoir audict siege de iuge, par ceste cōdition q̄ par la cōtēplation de la peau paternelle, ne feist le semblable, de craincte qu'il ne luy en print cōme a son pere. Et cest exemple admoneste ceulx qui sont cōstituez es offices, affin qu'ilz ayent recordatiō que Dieu ne veult qu'une iniustice demeure ipunie,

De Darius Roy des Persans.

A Pres que Cambyfes se fut transporté en Aegypte, avec sa gendarmerie, les saiges de Susse se reuolterent & laisserent son party, vn de ces magiciens ou autrement appellez saiges vsurpa par fraude le nom de roy. Les prebstres & saiges de ces regions, estoient nommez en langue Perficque Magi. Or quand se preparoit Cambyfes a faire retour en son royaume, affin qu'il punist de supplice digne les magiciēs seditieux, en chemin par cas de fortune (ainsi que nous auōs dict au parauant) se tua. Apres sa mort, & aussi apres que lesdictz magiciēs furent exequutez, les principaulx du royaume occuperent l'Empire des Persans, puis fut deliberé de tenir cōcile, ou s'assemblerēt tous pour parler des affaires, & pour establir quelqu'vn d'entre eulx pour regner. Alors furent deleguez sept princes, ainsi comme en Allemaigne y a sept electeurs gros seigneurs: Ceulx cy doncques furent esleuz par grand' prudence & meur conseil, cōme souuerains conseillers de tout le royaume des Persans. Mais quād ces sept Princes icy furent conuenuz ensemble pour consulter du salut du royaume, en icelle cōsultation de trois choses fourdit controuersie. Otanes opina qui ne failloit eslire roys, mais qu'il estoit bon que princes ensemble tout d'vne alliance dominassent, & que le peuple & les vil-

Comme estoit appellez les prebstres & docteurs des Persans.

Exemple de grande intēperance.

Consultatiō de sept princes de Perse, touchant les affaires du Royaulme.

Le second Liure des Chronieques

les fussent par tout en liberté, & qu'il auoit assez esté manifesté parauāt par exemples, comme vn seul homme seigneur de tant de choses facilement senorgueillit, & vient a tyrannie, ainsi qu'il est encore recent de Cambises.

Le second nommé Megabifus repudia ceste opinion, affermant que telle liberté seroit encore plus pernitiouse que tyrannie, car si les princes & les villes sont priués de seigneur, facilement pourroit a leur plaisir abuzer de ceste liberté. Mais affin qu'il n'aduienne rien de tout cela, ie suis d'opiniō qu'on n'eslise point de roy, mais est bon de constituer aucūs seigneurs, ausquelz demeure la charge tousiours de puissance royalle.

Le troisieme dict Darius, confutant l'opinion des deux autres, donna conseil qu'il estoit commode d'eslire vn roy, disant par ses raisons, que combien qu'en la charge de roy puissent aduenir beaucoup d'incommoditez, ainsi cōme en toutes autres choses humaines, toutesfois n'est il rien plus stable ne constāt q̄ Monarchie: c'est a dire, si vn domine, a la main duquel consiste tout le tenement d'vn empire. Et pose ores q̄ toutes noz trois opinions soient egalemeēt bonnes & honnestes, toutesfois si elles sont cōferées ensemble, on trouuera qu'il n'est rien plus beau ne plus vtile q̄ Monarchie, laq̄lle certes approche plus pres du royaulme celeste & diuin. Dauātaige ne se peult faire, q̄ paix soit longuement gardée entre princes libres & francs, & mesmes si a l'admi

*Louenge de
Monarchie.*

nistracion d'un puissant royaume, aucuns princes sont esleuez au lieu de roy, car pour la diuersité des matieres de grande importance, qui aduiennēt en vn empire ou royaume tāt spacieux & espandu ne peuent iceulx princes tousiours accorder, & se consentir a vne mesme opiniō. Outre ces choses on veoit communément qu'entre princes, vn sera plus ambitieux de dominer que les autres, & voudra cōmander aux autres cōme a ses subiectz. Voila les raisons qu'allega Darius, & les quatre autres princes se consentirent a son opinion, & dirent que selon la mode ancienne il estoit pertinent d'eslire vn roy. Mais affin qu'il ne fessleuast dissention entre les princes, accordirent tous qu'il falloit cōmettre a Dieu le sort de l'electiō royalle, & fut dict que le l'endemain bien matin s'assembleroient tous les princes a cheual en certain lieu, & celuy duq̄l le cheual hēnyroit le premier, seroit roy. Darius retourné en la maison, declara le conseil des princes, au grād maistre de sa court, lequel dict a Darius que facilement il feroit hennir le cheual dudit Darius le premier. Or enuiron le vespre de deuant le iour estably par les princes, cestuy grand maistre mene le cheual de Darius avec vne iument au lieu estably, ou se debuoit trouuer toute la noblesse, & fait saillir ladicte iument au cheual de Darius, affin que le matin apres auoir congneu le lieu, le cheual pour le desir de la iument absente hennist.

*Quelle fut
l'electiō
de Darius
quant il fut
Roy.*

Le second Liure des Chronicques

Le matin doncques vindrent tous ensemble les nobles a l'heure dicte, & au lieu determiné, lors le cheual de Darius soubdain cōmença a hē nir le premier, & affin qu'ilz ne doubtaffēt qu'il y eust de la finesse, & que ce ne fust le vouloir de Dieu que Darius fust roy, incontinent, comme le cheual hennissoit, cōmença par vn beau tēps clair & serain sans aucune tempeste, a esclerer & tōner, lors metēt les princes soubdain tous pied a terre, & feirent honneur a Darius, cōme a leur roy & seigneur. Et voila comme Darius fut esle ué au sommet de l'Empire & Royaulme des Persans, lequel regist avec grand honneur & louenge, les regions qui s'estoient reuoltées, quand Cyrus fut occis en Scythie, les restablit a l'Empire avec grād vertu, recouura aussi Babylone qui refusoit a estre soubz l'Empire des Persans, & cela fut apres auoir tins siege longuement deuant icelle, & fut prinse en ceste sorte.

L'excellente foy de Zopyrus eueys Darius.

Zopyrus filz de Megabyfus, qui fut l'vn des sept princcs dont nous auons parlé deuant, cōmāda de son franc gré, qu'on luy coupaist le nez, les oreilles, & les leures, & donna a entēdre au roy le conseil de son propos, & cōme vn hōme bany s'enfuit vers les Babyloniēs, lors feit sa plaincte a eulx de la cruaulté du roy, q' l'auoit ainsi villainemēt faiēt decouper, pour ce qu'il auoit esté d'opinon, qu'ilz delaiassent la ville de Babylone, & pour ceste cause lediēt Zopyrus, faignist estre ēnemy mortel du roy, & qu'il s'estoit retiré vers

eulx pour auoir du conseil . Adonc les Babylo-
niens le receurent volontairement, & fut fait ca-
pitaine, il tua certains souldartz du party de Da-
rius, ainsi estoit il cōuenu avec Darius, afin que
les Babyloniens eussent au commencement plus
grād' cōfiāce a luy, & qu'il le feissent chef de tou-
te leur cheualerie, laq̄lle parapres mist entre les
mains de Darius, & feist qu'il recourast toute
la ville, deuant laquelle auoit mis le siege, passé a
vn an & demy. Adonc Darius le remercia gran-
dement pour sa fidelité, & le prefera a tous les
princes de son royaulme, & en luy presentant
vne pomme d'orenges, dict, Je ne ferois rien desi-
rer en ce monde plus excellent, qu'auoir avec-
ques moy autant de Zopyres, que ceste pomme
icy a de grains dedans elle: par cela vouloit don-
ner a entendre, qu'vn roy ne pouoit auoir thre-
sor plus precieux, ne munitiōs plus fortes en son
royaulme, que feaulx amys, & cōseillers loyaulx.

*La grauité
du dict de
Darius.*

Des batailles de Darius en Grece.

SVr toutes fins les Persās taschoiēt a attribuer
a leur Empire, les royaulmes de Grece, & de
Macedone, pource qu'ilz estoiet circonuoisines.
Mais pource que le seigneur Dieu a constitué a
chascun royaulme certains bournes, que l'on ne
doibt excéder, a ces fins les roys Persans ne peu-
rent assubiectir ne les Macedones, ne les Grecz,
a leur Empire. Certainement en Grece enuiron

*Chascun
royaulme a
certains
bournes &
limites.*

Le second Liure des Chronicques

ee mesme temps, maintes grandes aduentures escheurent, mais pource qu'elles sont beaucoup en nombre, de narrer tout, seroit trop prolix, parquoy ie n'en reciteray que peu, & des plus excellentes, & en bref.

*Amintas
roy de Ma-
cedone,*

Les Persans enuoierent Ambassadeurs a Amintas roy de Macedone, affin qu'il se rendist a eulx. Lors ledict Amintas craignant la puissance desdictz Persans, volontairement promist avec toute humilité qu'il feroit ce qu'il demandoient & traicta l'Ambassade le plus humainement, & courtoisement qu'il luy fut possible. Or comme pour le soubhait de ladicte Ambassade, on eust fait le banquet solēnel, plus oultre requierent, q̄ pour l'embellissement du conuiue, on feist venir aucunes nobles femmes, & ieunes Damoiselles. Amintas ne les oza escondire, & cōmanda qu'on amenast femmes & filles. Or quād les Persans eurent beu plus largement qu'ilz ne debuoiēt, se vindrent iouer avec toute impudence avec lesdictes femmes & filles, en sorte q̄ le roy Amintas, & son ieune filz Alexandre roy, furent grandement faschez & ennuiez, de leur incontinence. Donc pour la reuerence de vieillesse Alexandre pria son pere, qu'il s'en allast coucher, & q̄l partist du bācquet, & qu'il demeureroit pour entretenir ses hostes. Or quād le pere fut party, Alexandre faignāt estre ioieux, permist q̄ les Persans se iouissent encores plus franchement avec lesdictes damoiselles, puis leur requist apres que tous

*Alexandre
filz d'Ami-
ntas.*

se leuassent vn peu, & qu'ilz permissent ausdictes Damoiselles de se departir quelq̄ espace de tēps du banquet, & q̄ soudain reuiendroiet mieulx en ordre, & mieulx parées. A ce se consentirent les seigneurs Persans de leur bon gré. Ce pendāt Alexandre fut soigneux de faire reuenir au lieu desdictes Damoiselles, aucūs beaux ieunes compaignons en habit de femmes, & soubz leur habit, chascun la bonne espée, pour occir les Persans, quand ilz voudroient abuzer lesdictes adolescents, ce qu'il fut fait. Car furent les Persans mis a mort, & en ceste maniere fut punie leur impudence & villenie. Cestuy Alexandre est nommé entre les predecesseurs & parentz du grand Alexādre. Apres ces choses les Grecz q̄ estoiet en la premiere partie d'Asie soubz Darius, se reuolterent & bruslerēt la ville de Sardis, & les Atheniens leur donnerent ayde a ce faire. Vn nommé Histiens prince noble, enuoia vn de ses seruiteurs a leur capitaine, & affin que l'entreprise fust plus secrette, feist tondre ledict seruiteur, & imprimer vn signe sus sa teste, par lequel ledict capitaine cognoistroit comme Histiens luy persuaderoit debuoir laisser le party de Darius. Or quand les cheueulx furent reuenuz audict seruiteur, Histiens l'enuoya sans lettres audict Capitaine, & luy manda seulement qu'il eust a faire tondre son valet & qu'il regardast sa teste, ce que feist le capitaine, & apres l'auoir fait se reuolta. Mais l'auther de ceste sedition fut mis

*Le bon tour
d'Alexandre.*

*La ville de
Sardis brus-
lée.*

*La finesse
d'Histiens
pour esmou-
uoir dissension.*

Le second Liure des Chronicques

a mort, & Histiens pendu, & par ce remede le tumulte fut appaisé, & ne dura plus longuement.

L'expeditiō de Darius en Grece, cō bien fut elle grande.

Consequēment ces choses, & autres cas semblables dōnerent occasion a Darius de leuer cēt mille pietons, & dix mille hommes d'armes: lesquels enuoia en Grece, pour faire iustice des Atheniens, qui estoient cause de la sedition & trouble. On establit le camp pres d'Athenes, enuiron vne lieue. Or cōme quelques vnz fussent d'opinion, qu'on ne debuoit saillir contre les ennemis, mais s'ilz metoient le siege deuant la ville, la deffendre vertueusement, Miltiades seul metāt en teste l'opposite, dict que s'on metoit le siege deuant la ville, la chose seroit intolerable, & trop griefue au peuple, mais que par soubdaine yssue facilement on les pourroit deffaire. Tous suiuirent le conseil de Miltiades, & le font leur chief: le nōbre de la gend'armerie des Atheniēs, fut seulement de dix mille, nul renfort ne leur estoit venu des autres villes, fors que de la ville de Platea seulement mille hommes: mais avec ce petit nombre, la grand' troupe des Persans, tāt bien equipée fut desconfite, & acquist merueilleusement grand los ceste descōfiture aux Atheniēs, & deliura toute Grece d'vne grād' terreur, & incredible craincte, de laquelle n'estoit pas moins espouentée, que si en nostre tēps le Turcq faisoit entrée dedens la Germanie.

Le cōseil de Miltiades.

La ville de Platea,

La belle victoire de Miltiades.

La mauuais se rescompēse qu'eust Miltiades, du peuple d'Athenes,

Il ne nous fault omettre en cest endroit, a fai-

re recit de quelle recompense fut satisfait Miltiades du peuple d'Athenes pour ses bienfaits. Certes outre ceste belle victoire, & autres beaux actes enuers la republicque, par sa prouesse conquesta tout plain de villes & isles, parquoy augmenta l'Empire des Atheniens. Mais pource que vne vertu & excellence ne peut estre garantie de la malveillance & enuie des mauuais, on persuada au peuple qu'il feust mis en prison, iusques a ce qu'il eust payé trois centz mille couronnes dor. Mais pource, qu'il ne les eust peu payer, fut longuement captif, si qu'en la fin attedié & enuuyé deuint malade. Lors son filz nommé *Cymon d'Athenes.* Cymon, affin que son pere fust mis en liberté, entra en la prison, mais finalement Miltiades mourut, & quelque riche bourgeois d'Athenes print la fille d'iceluy en mariage, & bailla argent, & fut Cymon deliuré de prison. Voila comme le peuple salarié les gens de bien, & hommes vertueux pour auoir bienfait,

Du roy Xerxes.

DArius eust deux filz, l'aîné nasquist ainçois qu'il fut Roy, le puisné appellé *Xerxes.* Xerxes, engendré apres qu'il fut Roy, d'une noble princesse dicté Atossa fille de Cyrus. Or pource que cestuy Xerxes estoit de sang royal, tant du costé de son pere, que de sa mere, il succeda a son pere, affin que le royaume demeurast aux posterieurs

Le second Liure des Chronicques

de Cyrus. Ce qu'édura son frere aisné, avec grād' atrepance & moderation de cueur, n'v'fant point enuers son frere Xerxes de contention & debat.

Apres que la gēd'armerie des Persans fut descōfite en Grece, Darius mist sus entieremēt vn nouuel exercite, mais comme il cuidoit recōmencer la guerre, il mourut. Dōcques Xerxes Incōtinent au cōmencement de son regne, entreprint la bataille cōmencée par son pere, & entra en Grece, avec force de foudartz, en sorte qu'aucuns hystoriens disent, q'iamais on n'assembla tant de cōpagnies ensemble, cōme auoit faict Xerxes. Iustin dict qu'il y auoit soixante & dix mille en armes tāt seulemēt venuz de ses royaulmes: & des estrāgers alliez, troys cētz mille hōmes. Iaçoit pourtant qu'il soit veu peu croyable, auoit eu si grand'armée, toutesfois les hystoires assez tesmoignēt, & plusieurs batailles qui en ce temps furent faites, combien pouoit estre grant l'ost de Xerxes. Et pour le iourd'hui auons nous experience, en la gendarmerie du Turcq, combien grandes sont les bendes des princes orientaulx, mais armées de la legiere.

Avec ce Daniel a delaislé par escript, qu'un roy de Perse, viendroit cōtre les Grecz, avec tres grand appareil. On lit aussi de Xerxes, que quād il veit si grand nombre de gendarmes assemblez en vn lieu, les larmes luy tumberent des yeulx avec grand' tristesse, & dict, certes la condition de vie humaine est bien miserable & calamiteu-

*Cōbiē estoit
grand l'ost
de Xerxes
en Grece.*

*La grauité
du dict de
Xerxes.*

se, veu que dedens cent ans de tant de mille personages qui sont icy, ny en aura vn en vie. On dict aussi, que quant Xerxes faisoit faire des pontz aux destroiçtz de la mer, commada qu'on batist la mer, pour le fremissement de la tempeste, qui s'estoit esleuée.

Cecy sert aussi a nostre propos, qui n'a point esté diuulgé sans cause, c'est q' l'ost de Xerxes en cheminât asseichoit les riuieres ou il passoit.

Consequemment furent veuz prodiges, & maintes choses merueilleuses, qui admōnerēt le roy Xerxes, qu'il se desistast de son emprinse pour l'infortune aduenir. En son exercite pour

*Prodiges
apparus en
l'ost de Xer-
xes.*

vray vne lument poullena vn Lieure, parquoy estoit designée la fuite de Xerxes hors de Grece. Il apparust aussi vne comete dicte Ceratias, qui se courbe cōme vne corne. y eust aussi eclipse de Soleil. Et comme tesmoignent les hystoires telz signes ne sont iamais veuz, sans infortune & malheur subsequēt, car dieu no^o demōstre son ire, & nous menasse par telz prodiges, donc ne doibuent estre telles merueilles mises a mespris, mais nous doibuent reduire a la craincte d'iceluy dieu. Or voirra l'õ, quātes mutatiõs de republicques, & de tous estatz du mōde sont papras ensuiuies.

Xerxes premieremēt voulut assaillir les Grecz, par guerre terrestre. Or la regiõ de Grece est de to^o costez close, & ou l'õ ne scauroit faire entrée sinõ par mer, ou p le destroiçt d'aucunes mōtaignes, a la garde desquelles, de peur q' les ennemys

*La regiõ
des Grecz
close.*

Le second Liure des Chronicques

*La prouesse
des Lacede
moniens.*

n'entraissent, quelques mille de Grecz furent establi-
bliz, desquelz la plus grand' partie s'enfuit, quand
les Persans voulurent passer, & seulement demeu-
rerent quatre centz Lacedemoniens, qui vse-
rent de grand' prouesse a la resistance de leurs en-
nemys, & iaçoit qu'ilz fussent beaucoup moins
en nombre, & plus bas de forces que les Persans,
pour repoulser si grand' force d'aduers, toutesfois
monstrerent ilz grand' magnanimité & hardies-
se de cueur en bataillant, pource que par eulx fu-
rent deffaitz enuiron vingt mille Persans. Veri-
tablement pour l'opportunité du lieu, au destroit
des montaignes, lesdictz Lacedemoniens estoient
garantiz de l'incurSION & oppression de la mul-
titude de leurs ennemys, & ne pouoient estre en-
clos par fraude ne tromperie. En ce conflict mou-
rurent deux des freres de Xerxes, mais ces quatre
centz Lacedemoniens avec leur roy Leonide fu-
rent occis. Ce cas icy est grandement estimé, pour
leur prouesse de deffendre le pays, car ilz ne crai-
gnirent, si petit nombre qu'ilz estoient, de con-
treuenir & s'opposer a si grosse gendarmerie, &
iaçoit qu'ilz n'eussent la victoire, toutesfois les
forces des ennemys furent beaucoup affoiblies,
& leur audace diminuée par ce conflict.

Pource que les Persans furent les maistres en
ceste guerre, on ne scauroit estimer cōbien toute
la Grece fut effrayée, & en ceste partie plusieurs
villes volontairement se rendirent a Xerxes, &
luy porterent les clefz. Aussi en Athenes vn nō-

mé Cyrsilus, ou comme dict Herodote Lycidas *Cyrsilus*¹ fut d'opinion que les Atheniens se missent a l'obeissance dudit roy, car nullemēt n'eussent peu resister a si puiffantz ennemys. Themistocles au contraire fut de conseil, qu'il falloit garder la liberté du pays, disant que s'il aduenoit q̄ les Persans dominaissent en Grece, toute l'hōnesteté de viure seroit abolie, & mesmes le droit & les bōnes vertuz aneāties & perdues. Les Persans dict il feront de voz femmes & de voz enfantz a leur plaisir, comme il est assez manifeste qu'ilz ont fait de ceulx qui tiēnent maintenāt a leur subiection: pourtant est il plus honnestete mourir en liberté, que recepuoir de gré telz damoyseaux.

*Themistocles
des prote-
cteur de la
liberté du
pays.*

Le conseil de Themistocles fut vnanimēt de tous accepté, c'estascauoir qu'ilz se debuoiēt defendre vaillamment contre leurs ennemys. Les Atheniens courroucez contre Cyrsilus, pour son mauvais cōseil, le lapiderēt, & les femmes pareillement lapiderēt la femme de Cyrsilus, pource q̄ son mary auoit dōné telle opiniō, laquelle si elles eussent suiuiue, elles eussent mis to⁹ leurs enfantz a hōte & turpitude. Cest acte de vertu est moult loué, & est vn exemple digne de memoire, qu'ilz aymoiet miculx mourir, pour la liberté du pays, que se rendre a vne nation estrange, qui eust gasté & mis a neant, l'estat de leur ville, la police & toute l'hōnesteté d'icelle.

*Cyrsilus la-
pide.*

Les Atheniens allerent au cōseil en Delphos, ou estoit adoré Apollo, & eurent responce qu'ilz

Le second Liure des Chronieques

L'oracle des
murs de
boys.

auoient la victoire cõtre les Persans, silz vsoiẽt de murs de boys, ce q̄ interpreta Themistocles, disant que c'estoit vn renfort de nauires: Lors les admonnesta de delaisser la ville, & qu'ilz eussent a eulx retirer leurs femmes & leurs enfantz dans les nauires, & que la ville ne pouoit tenir, contre la force & nombre des Persans, d'aduantaige que les Persans n'estoient fort biẽ equippez en mer. Le cõseil fut loué, & ensuiuirẽt ceste opinion les autres villes, c'estascauoir Sparte & Corĩthe, lesquelles avec leurs nauires biẽ en ordre, & biẽ au taillées, prĩdrẽt place aux destroiẽtz de la mer, en uiron l'isle Salamine, affin qu'elles ne fussent cir cõuenues du grãd nõbre des nauires de Xerxes.

Quand Xerxes entẽdit que les nefz des Grecz furent sus mer, & que celuy estoit grand peril, si lesdictz Grecz auoient la mer en cõmandemẽt, car par cela pouoient facilement faire entrẽe en son royaulme, delibera guerroyer les Grecz par bataille nauale. Ce qu'il fut fait, mais la victoire demeura aux Grecz, & la plus grãd' partie des Persans coulée a fons, avec plusieurs de leurs nauires. Ceste deffaiẽte encouragea toute la Grece, & affoiblit le roy Xerxes. En la bataille le roy n'y assistoit, mais demeura avec petit train de nauires au riuage, pour regarder le chaplis. Tout l'honneur de ceste bataille, de tous les Grecz fut donnẽ a Themistocles, pource que par son cõseil auoient acquis la victoire, & aussi q̄ par luy toute Grece auoit estẽ sauuẽe.

Entre les autres ruses & fineses, dequoy vfa *La finesse de Themistocles.*
 Themistocles en ceste guerre persique, i'ay pēse, qu'il seroit de faire compte d'un fin conseil, qu'il dōna a Xerxes. Apres ceste deffaiete des Persans, cōme Xerxes fut grādement estonné, Themistocles pensa, que cestuy roy facilement pouoit estre induict, a habādonner la Grece, & retourner en Perse avec toute sa cheualerie. Donc Themistocles faignāt vouloir auoir la grace dudiēt Xerxes, luy faict dire par vn messager, que les Grecz tenoiēt propos, de rōpre le pont, qu'il auoit faict iadis sus la mer, pourtāt seroit il bon q̄ soudain partist hors de Grece, ainçois q̄ les passaiges fussent rōpuz, s'il ne se vouloit exposer a plus grād peril. Xerxes oyāt ces nouvelles, pensa sans plus longue pēsee se retirer: mais en se retirant, apres auoir trouuē le pont rompu par tēpeste de mer, trauerfa avec vne nauire au grand danger de sa vie, pource q̄ la mer estoit agitée de la vehemence & tourmēte des flots. Voila cōme le seigneur Dieu tourna le hazard du ieu de fortune, & feist la vengeance de l'orgueil de Xerxes. En cest endroit ont les princes vn exēple mis deuāt leurs yeulx, dont doibuēt aprēdre, qu'il ne se faict bō fier a sa puissance particuliere, mais avec craīcte de Dieu & confiāce en luy, faire entreprinse des affaires de haulte īportāce. Ce voyage & expeditiō de Xerxes, dōnāt terreur a tout le mōde, vint a fin de mocquerie, cōme en nostre tēps le Turcq fut cōtrainct d'habādonner viēne, en sa grād' hō-

Exēple de ne se deuoir confier a sa puissance.

Le second Liure des Chronicques

te, lequel estoit venu en germanie, avec vn exercite, de deux centz mille combatans.

*Mardonius
capitaine.*

Xerxes delaisant la Grece, commanda au capitaine Mardonius demeurer en icelle avec trois centz mille soudartz, & cela fut fait, pource que le roy persuadé par le cōseil de Mardonius estoit venu en Grece, contre l'opinion & volonté de tous les autres princes. Et pourtant que les choses ne festoient point bié portées, comme auoit promis Mardonius, cestuy Mardonius craignant qu'apres qu'il seroit retourné en la maison, qu'õ ne luy coupast par aduventure la teste, pour la fin malheureuse de ceste guerre emprinsé, il desira qu'on le laissá en Grece, avec ceste gendarmerie, pour essaier le hazard de fortune, si pouoit d'aduventure affoiblir les Grecz. Doncques Xerxes, de toute la besongne, en laissá faire a fortune.

Premierement Mardonius cōmença a essaier amyablement les Grecz, affin que plus tolerablement en metát deuant leurs yeulx cõditions de paix, volontairement se rendissent. Mais pour l'aduventure de leur victoire les plus courageux, totalement refusoient l'obeissance aux Persans, & renonçant a leur alliance, desiroient qu'ilz se deffendissent par armes. Cecy voyant Mardonius sacagea & mist en feu la ville d'Athenes, & chemina iusques a Thebes, certes les Thebans auoient laissé le party des Grecz, & festoient renduz aux Persans. Consequemment les Atheniens & Lacedemoniens, apres auoir leué de re-

chef vn exercite terrestre de cent mille hommes, se meslerent ie ne scay combiẽ de fois avec Mardonius en le guerroyant: finalement Mardonius par faulte de viures, fut contrainct cesser. Lors Alexandre roy de Maccdone, duquel nous auons parlé dessus, estant chez les Persans, environ le vespre feit ascauoir aux Grecz, qu'ilz s'armassent le iour subsequẽt, & que Mardonius auoit deliberẽ batailler a oultrance, ce q fut fait: mais les Persans vaincus succumberent, & leur capitaine Mardonius occis, ce que les autres conseillers de Xerxes luy auoient predict, ains que la guerre fut commencẽe. Voila la fin de ceste grande armẽe. La bataille finie, les villes de Grece commencerent s'augmenter en puissance & amplitude d'Empire, rendant maintes isles de Perse soubz leur ioug, lesquelles adioignirent a leur royaulme. Or quand les Grecz se sentirent puissantz & opulentz, commencerẽt a estre plus fiers & orgueilleux, si que ne s'abstindrent (pour leur grãd appetit de dominer) de mutineries & seditions intestiuẽs, en sorte qu'iceulx surmõtez p mutuelz chapliz, en la fin furent cõtrainctz se rendre aux princes estranges, apres l'aneantissement & abolition de l'estat de leur republicque, & des vertuz, par lesquelles auoient fleury au parauant. Mais de ces choses nous en dirons peu apres quelque chose.

Alexandre.

*Le mauuais
salaire que
eust Themis-
tocles pour
ses biens faitz.*

Il est decent singulieremẽt de cognoistre l'exẽple de Themistocles, considerẽ qu'il estoit celuy,

Le second Liure des Chronicques

par le cōseil & vertu duquel toute la Grece auoit esté preseruée & gardée , a l'occasion dequoy, le hault los d'iceluy , par dessus tous les chefs de guerre, qu'onques eust Grece en bruit, fut couché en histoire, toutesfois ē receut mauuais guer don de ses Citoyens. Certes ilz le deiecterent de leur ville . Telle desserte a de coustume de rēdre vne cōmunité, pour haultz actes de vertu , mais aussi Satan abestit les hommes, tellement qu'ilz ne cognoissent les dons sublimes du souuerain Dieu, pour ceste cause, fault biē que les vertueuses personnes soient garniz de patience , pource qu'il ne se peust faire , qu'ilz n'aient experience d'āgoisses, fascheries & toute ingratitude en l'estat de ceste vie mondaine. Themistocles par apres s'en fuit au roy Artaxerxes , enuers leq̄l fut grandement honoré, & fut faict egal aux grands princes & conseillers de son royaulme. On faict mention qu'Artaxerxes dict, qu'il ne pouoit desirer plus grand mal a ses ennemys, fors qu'estāt auueglez de ceste folie, ilz estrangeassent de soy telz personnages discretz & prudentz.

Themistocles s'en alla a la court d'Artaxerxes.

d' Artaxerxes surnommé longuemain.

Longuemain. **X**Erxes mort, sō filz Artaxerxes regna: cestuy eust la main dextre plus longue que la fenestre, parquoy fut surnommé longuemain . Il fut principalement loué, pour sa singuliere prudence, mansuetude de meurs, & auoir de paix , pour

ceste cause ie ne reciteray point son histoire en c'est endroit plus amplemēt, affin q̄ ie reuienne aux affaires de Iudée, pour cognoistre en q̄l estat estoit ce pēdāt l'Eglise, & le royaulme spirituel.

De Zorobabel prince de Iuda.

Nous auons deuant dict, qu'en la Bible saincte estoit vn des roys de Perse nōmé *Affuerus*. Cestuy fut Darius hystaspis, & ainsi comme ie croy, ce Darius est *Affuerus*, qui eust la royne *Esther*, Herodote aussi faict mention d'*Artisto-* *Esther.*
Artist. ne.
Atosse.
 ne, que Darius entretins oultre la royne *Atosse*, & dōne tesmoignage qu'elle fut grandemēt aimée dudiēt Darius. Et est manifeste que ceste cy estoit *Esther*. Philo semblablement escript, que l'histoire de *Iudith* aduint au tēps de ce roy *Darius*: Et *Arphaxad*, duq̄l l'histoire de *Iudith* parle, fut chef & capitaine des *Assyriens*, apres que iceulx eurent laissé le party de *Cyrus* desia vaincu des *Scythes* autrement nommez *Tartares*.

Ie ne reprocue point ceste opiniō de *Philo*: mais, aīsi q̄ ie croy, l'histoire de *Iudith* auoit esté desia acōplie, ainçois q̄ *Iuda* fust trāslatē en *Babylone*: & aussi desia deuāt la monarchie des *Per Arbaces.*
sans. *Arbaces* roy des *Medes* fut deuāt la Monarchie & *Persans*, & *Niniue* fut destruicte du tēps du regne des *Persans*, & ce pēdāt q̄ lesdiēt *Persans* occuperēt ladiēte Monarchie, ne *Niniue*, ne les *Medes* n'eurent de roy. Mais ie vueil bien qu'en c'est endroit chascū deffende son opiniō.

Le second Liure des Chronicques

Après Darius Hyftaspis, Philo met Artaxerxes longuemain, & delaisse Xerxes roy, mais sans doubte non point pour autre cause, que nous auons demonsté deuât, car Xerxes estoit en Grece pour lors que longuemain ce pendant administroit le royaulme en orient. Et cestuy est ce Darius longuemain, qui dóna de rechief liberté aux Iuifz d'edifier le temple, Iaçoit que Cyrus eust permis les Iuifz retourner en Hierusalem, pour habiter la terre, & pour metre ordre au royaulme & au cultiement de Dieu, toutesfois apres la mort dudit Cyrus furent empeschez par leur voisins, depuis ce temps, iusques au second an du regne d'Artaxerxes longuemain, lequel Philo nomme Darius longuemain. Cestuy au second an de son Empire commanda par edict public, que Hierusalé & le temple fussent reparez. C'estoit l'occasion pourquoy le peuple Iudaicque fut remis en sa liberté, pour restablir en son étier l'administration du royaulme, & le cultiement de dieu. pourtât de nouueau réedifia cestuy peuple le temple & les villes. Et iaçoit que iusques icy n'eust Iuda ses roys, toutesfois vfa il ce pendant de princes, qui estoient de la posterité de Dauid, iusques au temps que les Machabéens commencerent a regner. Premieremēt Zorobabel regna, des successeurs duquel, & de leurs fortunes, & en quelle sorte tout le royaulme fut translaté de la posterité de Dauid, nous en parlerōs apres. Ainsi auoit il esté predict des prophetes, que soubz

L'oguc.rain

*L'aduene-
ment de Ie-
sus christ.*

ce mesme temps Iesuschrist naïstroit du sang de Daud, affin que les princes estrangiers vsurpassent le royaume des Iuifz, long temps deuant aliené.

*De compte des soixante & dix semaines
par le prophete Daniel.*

Diuinement fut reuelé a Daniel de l'aduenement de Iesuschrist, & combien de tēps deuoit regner le peuple Iudaicque. En ceste pphetie est comprins tesmoignage trescler, & manifeste approbation, pour cōfermer la certaitude de nostre foy contre les Iuifz, qui tiennent que Iesuschrist n'est point encore venu, & attendēt vn autre Messias qui doibt venir. Certainement la forme & maniere du temps prefix par Daniel est facile, & est principalement recreatif & ioyeux, d'icelle cognoistre, que soubz ce temps certainement vint Iesuschrist, lequel temps Daniel a ordonné. Or si les autres historiens comptent en diuerses sortes, toutesfois si nous suiurons l'ordre des histoires, nul different notable ne sera trouué, dont on puisse doubter. Pour faire compte du temps curieusement, & sur l'ongle, il faudroit repeter de Ptolomé les eclipses aduenues, & d'icelles recueillir vn chascun an par ordre: mais le trauail d'vn homme seul ne seroit suffisant a ce faire. Pleust a Dieu que noz Euesques en prissent la charge avec loyer qui leur seroit

*Reuelation
faicte a Daniel.*

Les Iuifz attendent encore le Messias.

Le second Liure des Chronicques

donné, affin q̄ l'intelligēce de tant belles p̄phē-
ties fust declarée en l'Eglise, quād de mō costé ie
recueilliray en c'est endroit le nombre des ans
des meilleurs historiēs, & m'efforceray de rēdre
la forme d'iceulx ans la plus claire q̄ ie pourray.

*Le passaige
de Daniel,
ou il parle
des 70 sep-
maines.*

Daniel dict: Soixāte & dix sepmaines sont cō-
prinſes sur ce peuple icy, & principalemēt iuxte
le cōmandement fait de la réedificatiō de Hie-
rusalem, seront soixante neuf sepmaines, iusques
au regne de Iesuschrist, & apres Iesuschrist sera
fait mourir. Pour le cōmencemēt il faut enten-
dre, que signifient ces sepmaines, & combien de
temps elles emportent: vne chascune sepmaine
emportent sept ans, ce que facilement on peut
prouer. Pourtant soixāte & dix sepmaines font
490 ans. Secondemēt Daniel dict, Iesuschrist fe-
ra fait mourir apres 69 sepmaines: mais en for-
te qu'à la moitié d'une sepmaine il preschera, &
puis sera mis a mort. Le temps, & l'office que fai-
soit Iesuschrist, en ceste maniere sont bien clai-
rement exprimez.

*Zacharie.
Aggée.*

Tiercement, soixāte & neuf sepmaines doib-
uent estre comptées depuis le secōd an du regne
d'Artaxerxes lōguemaī, car a ce tēps le seigneur
Dieu enuoia Zacharie & le prophete Aggée, af-
fin qu'ilz cōsolassent, & assureassent certainemēt
le peuple, de la reparatiō de Hierusalē pour l'ad-
uenir sans aucun empeschement. Et de ceste pa-
rolle, c'est adire de ceste reuelation les parolles
de l'ange doibuent estre entendues, pource que

parapres certaine promesse aduint au peuple de l'adventure de la reparation du tēple Iudaicque.

Consequemment en ce mesme an Longuemain auoit commandé par edict public, que les Iuifz ne feussent empeschez de leur œuure entrepris, touchant l'edification de la ville & du tēple, ainsi qu'au deuant auoit esté fait. Mais tu liras tout cecy en Esdra.

Mais a la dilation du temps pour reparer ledict temple monsieur saint Iehan a regardé au chapitre 2. que quarante ans auoiēt esté consummez a construire ledict temple, & ce nōbre d'ans est, depuis le secōd an du regne de Cyrus, iusques au sixiesme an du regne de Longuemain, auquel fut paracheué l'œuure du temple.

Mais maintenāt on recueult du liure des Machabéens, & de Iosephe, que depuis le cōmencemēt du regne d'Alexandre, apres la mort du dernier Darius, iusques a la natiuité de nostre seigneur Iesuschrist y eust trois centz & dix ans.

Depuis la natiuité de Iesuschrist, iusques a son baptesme furent trente ans.

Sōme depuis le cōmencemēt du regne d'Alexādre, iusqs au baptesme de Iesuschrist sōt 349 ans.

A ces ans icy adioustōsy le tēps depuis le secōd an du regne de Longuemain iusques a Alexādre apres la mort du dernier Darius, & ce seront, ainsi que Metasthēnes compte, 145 ans.

Sōme: depuis le second an du regne de Lōgue-
main, iusqs au baptesme de Iesuschrist 485 ans.

Le second Liure des Chronicques

*Combien va
lent les 70
sepmaines
dõt est faict
mention en
Daniel.*

doncques 69 sepmaines annuelles font droicte-
mēt 482 ans, dont on voit qu'apres le baptesme
de Iesuschrist, soixāte & neuf sepmaines annuel-
les furent accõplies, & en la sepmaine ensuiuāt
Iesuschrist preschea, & au milieu d'icelle mes-
me sepmaine, fut faict mourir: car au quatries-
me an apres son baptesme il fut crucifiē. Or en

*Quād mou-
rut Iesus-
christ.*

adioustant ceste sepmaine a 69 ce seroit soixan-
te & dix sepmaines, & ceste forme icy de temps
fut determinēe de Daniel. Apres la mort de Iesus-
christ, les iuifz ne sont plus le peuple de Dieu, &
leur temple parapres fut obhomination & con-
temnement, ce que tesmoigna clairement Da-
niel.

*Qu'est il cõ-
pris en la
prophetie
de Daniel.*

Oultre ces choses, en ceste prophetie sont au-
tres belles doctrines, & consolations des coura-
ges affligez, de l'office & du regne de Iesuschrist,
comme il vint prescher la remission des pechez:
mais ie n'ay loisir a cest ēdroict explicquer tout
& aussi ce n'est pas mon propos.

*Metaſthe-
nes.*

Avec la plus grand' diligence que i'ay peu, ie
me suis enquis de la maniere de ces 70 sepmai-
nes de Daniel: & ne treuve point qu'on y puisse
veoir beaucoup de different, si nous suiurons l'or-
donnance des histoires. Or si nous ne voulons
point tenir Metaſthenes, toutesfois le compte
des Grecz quadre tresbiē. Certes iouxte le nom-
bre des Grecz, entre la mort d'Alexandre, & le
commencement du regne d'Auguste sont deux
centz quatre vingtz ans, ce que ie puis prouuer

par

par tresfortz argumentz. Maintenât si nous prenons les ans des Persans, apres le second an du regne de Longuemain chez les Grecz, no⁹ trouuons chose semblable.

Après Alexandre iusques a la natiuité de Iesuschrist sont 322 ans.

Après la natiuité de Iesuschrist iusques a son baptelme sont 30 ans.

Adioustons le nombre des Persans, depuis le second an que regna Lōguemain chez les Grecz ce seront 132 ans.

Somme 484 ans. Les hystoires des Grecz accordent le plus proprement du monde, avec ce temps, qui est trouué en Iosephe & Philo, en sorte que nous pouons apertement comprēdre, que le temps de l'aduenement Iesuschrist est limité cōuenablement par Daniel. Je ne doute point, que les prudentz & scauantz personaiges n'attestent, que l'vne & l'autre supputation, que nous auous mise, ne puisse estre bonnement prouuée par tesmoignaiges des hystoriens. Et si la chose ne sembloit proluxe, ie pourroys amener plusieurs autres comptes, qui accorderoient avec ceulx cy, affin qu'on n'ignore, que Daniel n'ayt touché au iuste le temps de l'aduenement de Iesuschrist. Cecy aussi ne nous console petitement, si la forme du temps ne quadre, a chascune chose par le menu, affin que nous scachōs de certain, que le temps predict par Daniel, est ia ya grand' piece passé. donc les Iuifz faillent manifestemēt,

Les hystoriens Grecz sont d'accord avec Iosephe & Philo.

Daniel toucha au iuste le temps de l'aduenemēt Iesuschrist.

Le second Liure des Chronicques

lesquelz ne peuent prouuer par aucunes raisons, que ce tēps icy ne soit elapse, encores qu'ilz vueillent entendre que ces sepmaines comprennent iours ou ans. a tant suffise.

La table des ans du monde laquelle demonstre le temps limité de Daniel.

Depuis la creation du monde iusques au deluge font	1656. ans.
Depuis le deluge iusque a la natiuite d'Abraham	292.
Depuis la natiuite d'Abraham iusques a la natiuite de Moyse	425.
Depuis la natiuite de Moyse iusque a la partie des filz d'Israel d'Aegypte	80.
Depuis la partie d'Aegypte iusques a la construction du temple Salomon	480.
Depuis la construction du temple iusques au regne du roy Ioas	138.
Depuis le regne du roy Ioas iusques a la translation de Ieconias en Babylone	291.
Depuis la translation de Ieconias iusques a la destruction de Hierusalem par Nabuchodonosor	11.
La captiuite de Babylone dura	70.
La Monarchie des Persans apres la captiuite de Babylone	191.
Alexandre apres Darius	7.

De la seconde Monarchie. 66

Le regne des Grecz iusques a Iudas Machabées
146.

Le regne des Machabéens selon Iosephe 127.

Herodes au 30 an d'Herodes Iesuschrist nas-
quit 30.

Depuis la natiuité de Iesuschrist nostre seigneur
& saulueur iusques a ce temps icy 1545.

De ceste table icy facilement est recueil-
ly le compte des ans en Daniel, mais
enuers les Grecz ie treuue ainsi
le temps apres la mort d'A-
lexandre.

Alexandre mourut en l'Olympiade 114.

L'empire d'Auguste commença apres la mort de
Iules Cæsar en l'Olympiade 184.

Le 42 an du regne d'Auguste Iesuschrist nasquit
42.

Ces choses icy sont apres la mort d'Alexandre
enuiro 320 ans.

Ce nombre icy ne discorde pas beaucoup des
autres mis deuant, & facilement peust estre ac-
cordé par gentz scauantz.

De Esdras.

Q Velque temps élapfé apres l'edict publié
de reparer le temple, Artaxerxes don-

Le second Liure des Chronicques

*Esdra cueil
lit les liures
de la Bible.*

na congé a l'Euesque Esdra pour s'en aller de sa court en Hierusalem. Et cestuy a bien merité, qu'on face mention de luy es hystoires, il redigea par ordre les liures de la sainte escripture, qui estoient tous dispers & repanduz, & les recueillit de rechef. Cest œuure la estoit digne a l'office d'un vray Euesque: Car sans les sacrées lettres la pure religion, & le vray cultiement de Dieu ne peust estre retins.

*La bataille
de la Mo-
rée.*

Au temps de cest Artaxerxes Longuemain, la grand guerre de Pelopónese qu'on dict maintenant la Morée subiecte aux Turcqs, s'esleua entre les Grecz, en laquelle la ville d'Athenes en la fin fut totalement desolée, & dura ceste bataille quasi iusques a la fin de la monarchie des Persans: pour ceste cause ie reciteray deuant compé dieusement par ordre les Roys de Perse, qui sont encore du demeurant des premiers.

De Darius le Bastard.

*Artaxerxes
Mnemon.
Cyrus.*

DArius le Bastard regna apres Longuemain: cestuy ne fut filz dudit Longuemain, mais eust sa seur a femme. Il eust deux filz, c'est a scauoir Artaxerxes Mnemon, & Cyrus le puisné. Artaxerxes succeda a l'empire a son pere, & Cyrus fut duc trespuissant en Ionie.

d' Artaxerxes Mnemon.

DArius mort, Cyrus commença a vsurper le royaulme combien que cestuy eust en tene ment & domaine vne tresriche & puissante duché, si ne luy suffisoit il: il estoit habile a tous affaires, & prenoit plaisir principalemēt a la guerre, a ceste cause s'arma il avec grand force cōtre son frere. Il traicta plus rudemēt sa mere, que ne feist pas son frere Artaxerxes, q̄ estoit d'une nature humaine & modeste. Quād au reste le seigneur Dieu ne rendit point l'emprinsē de Cyrus bien fortunée, pource qu'elle estoit mauuaise & iniuste. Il fut tué en ceste guerre, en laquelle Artaxerxes ne se monstra effemine: il fut fort blessé de Cyrus, mesmes fut cōtrainct changer de cheual, affin qu'il congneust par apres que sa victoire venoit seulement de Dieu.

Cyrus guerroya son frere Artaxerxes.

De Ochus.

OCh^o filz d'Artaxerxes fut tres auide de sang humain: car oultre encor qu'il exerça grand tyrānie, avec ce mist a mort ses propres freres. Il construisit la ville de Sidoine, & adioignit de rechief Aegypte a la monarchie des Persans: mais elle ne garda gueres lōguement son sermēt de fidelité. Cestuy Ochus fut tué finablement d'un sien capitaine.

Ochus tyrant.

De Arsames.

Le second Liure des Chronicques

ARfames fut filz d'Ochus : cestuy encore enfant fut fait roy du capitaine de l'exercite qui auoit tué son pere. Or quād cōmença a deuenir grand: ce capitaine craignāt pour le meurdre de son pere, occist semblablement Arfames en trahison. puis feist alliāce avec Codomanus prince d'Armenie, auquel il bailla le royaulme des Persans, & l'appella Darius . Doncques avec Arfames, toute la race du tresnoble seigneur & roy Cyrus fut estaincte, & le royaulme des Persans fut translaté des posterieurs dudiēt Cyrus, & escheut en la main d'vn prince estranger . N'est ce point chose digne de pitie & cōmiseration, que si grand' puissance & hault hōneur, mesmes si sublimes & souuerains dons de Dieu, en si peu d'ans soiēt abolis & mis a neāt, & q̄ la posterité de Cyrus degenera si soubdain, ne ressemblant a luy en nulle vertu & excellēce, ce qu'ō aperceust clairement a Ochus, duquel les faitz tyrānicques dōnerēt occasiō, q̄ toute la race du bō roy Cyr^o perist,

Du dernier Darius,

Darius *der nier.* **C**Estuy estoit forligué & loïgtain du sang de Cyrus, mais fut fait par Ochus, prince d'Armenie, pour ses prouesses aux armes, pour ce mesme cas aussi fut fait roy de ceulx qui auoiēt occis Arfames, de peur qu'il ne végeast Ochus, qui l'auoit fait prince d'Armenie, pour la mort dudiēt Ochus, & de son filz Arfames. Or donc Darius en ceste sorte aueuglé, mist en oubly to^o les

biēfaictz d'Ochus, & apres qu'il fut ioniffant du royaulme se feist appeller Darius, affin que rien ne deffaillist a dignité royalle. Mais il fut puny, pour son ingratitude & desloyauté: car apres qu'il fust vaincu p'Alexādre, despouillé de to^s les pays & royaulme, ensemble perdit la vie, & toute la monarchie des Persans. Mais nous parlerōs plus a plain de cest affaire, au cōmēcemēt de la tierce monarchie, quād nous ferōns mentiō d'Alexādre.

*Exēple d'in
Gratitude.*

Des guerres des citez de Grece,

NOUS auons dit deuāt, que les Grecz, apres la desconfiture des Persans deuindrēt merueil leusemēt puiffantz & fiers: Le plus souuēt certes orgueil & presumption ont de coustume d'acōpaigner les grādes prosperitez. Parquoy au tēps de ceste monarchie les Grecz eurēt ensemble grādes & lōgues guerres, p' lesquelles en la fin toute Grece fut totalemēt perdue & gastée, en sorte q̄ chascū y faisoit entrée q̄ vouloit. d'aduātage toute villenie & maniere de viure tresorde & corrū pue succeda au lieu de treshōnestē gouuernemēt, duquel auoient vsé en leur republicque & leurs ordōnāces. Qui seroit celuy q̄ ne seroit meu a cōpassion, oyant la lecture d'icelles choses: attendu q̄ tāt d'incōmoditez, & tāt de cruelles batailles, & de si lōgue durēe furēt causées de choses treslegeres & de petit fondemēt? Les exēples certainemēt n'en sont seulemēt dignes d'admiratiō, mais

*Grād' guer
re pour pe-
titz affaires.*

Le second Liure des Chronicques

aussi d'y auoir esgard, lesquelz peuuent admon-
nester les hommes, qu'ilz n'entreprennent facile-
ment la guerre, pour chose legiere, & fil n'en est
grand' necessite: pource que la bataille meue en-
tre les Grecz pour chose de neât, iamaïs ne peult
estre appaisée par nulle raison ne moye, iusques
a ce que les estrangers assaillissent Grece, & op-
primassent l'vne & l'autre partie.

Ce n'est pas ma delibération, de descrire en-
tierement ce conflict: Thucidides, Xenophon, &
autres en ont fait volumes entiers. Mais entre
autres, ie reciteray vne chose, c'est ascauoir les rui-
nes, infortunes & calamitez qu'édura la ville d'A-
thenes en ceste guerre, & mesmes en la fin tumba
entre les mains de ses ennemys. Et de rechief cō-
me elle fut remise en son entier, par les vertuz,
patience & moderation d'aucunes bonnes per-
sonnes. Tout ainsi certes qu'audace & insolence
auoit perdu & gasté l'estat de ladicte ville, ainsi
tolerance & mansuetude de meurs la restaura.

*Petite occa-
sion de la ba-
taille entre
les Grecz
faicte en la
Morée, &
combien de
tēps elle du-
ra.*

Le commencement de ceste guerre fut estran-
ge, & qui pouoit estre facilement euité. Les Co-
rinthiens hayoient de tout temps la ville de Cor-
cyre, qui demanda ayde aux Atheniens, & impe-
tra d'autant plus facilement, que les Atheniens
qui estoient puissantz en la mer, esperoient par
l'aliance des Corciroys, desquelz pareillemēt la
puissance estoit ample en la mer, se faire quelque
foys seigneurs & dominateurs de toute Grece,
d'autre part les Corinthiens allerent au secours

vers les Lacedemoniës, & en ce point fut Grece destruite. Les Lacedemoniës s'adioignirēt avec les Persans, desquelz furēt subuenuz d'argent & de viures, mais les Persans vserēt parapres de trahison, affin que les Lacedemoniens ne s'augmentassent trop en puissance. Et dura ceste guerre, ainsi que tesmoigne Xenophon, vingt & huit ans, depuis le temps d'Artaxerxes Longue-main, jusques au regne d'Artaxerxes Mnemon, & plusieurs villes en ceste bataille furent destruites pauurement. Par les exemples de ces guerres ont peust veoir, vne merueilleuse mutation de fortune. Soubz Alcibiades capitaine des Atheniës, furent merueilleusement affligées les Lacedemoniens, l'espace de vingt & quatre ans, & au vingtcinqiesme an aussi, en sorte qu'ilz n'auoiēt plus d'espoir, de iamais retourner en leur premiere force. Mais l'an ensuiuant le hazard de fortune tourna. Alcibiades par enuie d'aucuns mauuais garnementz fut poulsé hors de la ville de Athenes, lors les Atheniens furent succomez par Lyfander ioignant la ville d'Egospotami, au commencement de ceste guerre, estoit adueni vn monstre merueilleux. Vn feu grand en l'air fut veu l'espace de soixante & quinze iours. Puis cheust apres vne grosse pierre d'enhault dedens la ville.

*Alcibiades
capitaine
des Atoe-
niens.*

Lyfander.

*Le monstre
veu au tēps
de la guerre
des Grecs.*

Après ceste guerre la ville d'Athenes fut assiegée, & toute ceincte d'ennemys. Si que plusieurs attenez de faim moururent. Et combien qu'ilz

Le second Liure des Chronicques

La pertinacitè des Atheniès durant la guerre.

fussent fommez de se rēdre, toutesfois demeure-
rēt ilz pertinaxz & obstinez en leur opiniō . Les
conditiōs de la paix estoient telles, c'estascauoir
que les Atheniens rompissent leurs fortresse &
rampars, ce qu'ilz ne voulurent faire: ainçois fei-
rent statut, que quiconque parleroit de faire a-
pointemēt avec les ennemys, seroit mis a mort.
Ainsi qu'il aduint nagueres entre les Florentins.
Or quand cinq moys furent passez, les Atheniès
contrainctz pour la faim, enuoierent Ambassa-
deurs au cāp de leurs ennemis pour impetrer la
paix, de laquelle comme on deliberoit au con-
seil des alliez, constamment suaderent les Corin-
thiens & les Thebanoyz, que la ville d'Aathenes
fust totalement sacagēe, & que de tout le tene-
ment des Atheniēs, on feist pastures publicques.
Ce que tenoient au contraire les Lacedemoniēs,
disantz qu'il n'estoit honneste d'abolir totale-
ment la memoire de leurs bienfaictz, & que la
ville d'Aathenes auoit iadis faict grand' ayde a
toute Grece contre les Medes & Persans: d'ad-
uantaige que le bel estat d'icelle ville ne pouoit
estre aneanty, sans incroyable perte de tous les
Crecz. Plus oultre alleguoient que Grece voioit
de deux yeulx, dont l'vn estoit la ville de Spar-
te, & l'autre Athenes. Pourtant falloit il euitier
que Grece ne fust borgne. A ces fins fut en la fin
determinē, que la ville seroit gardēe: & que les
tours & meurs seroient seulement abatuz & que
certain gouuernement seroit ordonnē aux Athe

Athenes & Sparte les deux yeulx de Grece.

niens, iuxte lequel ilz viuroient, la paix tant d'un costé que d'autre gardée. Les Atheniens par se *La rendue des Atheniens.* pact se rendirent de leur bon gré, & leurs meurs abatuz avec grand triumphe, & si dançoient au son de la fluste, vne partie de leurs nauires fust brullée, & l'autre partie emmenée des Lacedemoniës. Ces choses aduindrēt en la fin du vingtz & septiesme an, que ceste pitoyable bataille auoit duré. Or nonobstant que ceste guerre fust finée, si craignoient les Lacedemoniëns Alcibiades, qui s'en estoit fuy avec les Persans, apres qu'il fut mis hors d'Athenes. Doncques les Lacedemoniens feirent requeste aux Persans qu'ilz missent a mort cestuy Alcibiades, ce qu'ilz feirēt par trahison, iaçoit qu'ilz l'eussent receu par droit d'hospitalité, comme celuy qui auoit totalement son espoir a la confiance des Persans. *Alcibiades apres s'en estre fuy en Perse fut tué.* Mais il est ainsi praticqué entre les mondains, que la ou fortune s'encline, la faueur des hommes a de coustume s'encliner. Celuy certes qui est en aduersité doibt craindre, & se garder de la trahison de ses amys mesmes, aussi le semblable doibt faire celuy qui est hay des hommes pour ses vertuz & belles graces. Cestuy Alcibiades estoit homme bien instruiet aux armes, mais *Alcibiades homme cheualceux mais litigieux.* d'une nature querelleuse & non paisible, Et qui auoit esté auther long tēps y auoit de rōpre la paix entre les Atheniës & Lacedemoniës, & auoit ioué tant de ruses par toute la Grece qu'on disoit de luy publicquemēt: Si fust aduenü q̄ deux

Le second Liure des Chronicques

Alcibiades eussēt esté nez en Grece, elle eust esté pdue. Mais ces entreprinſes la viennent a fin malheureuse: Pourtant fina en ce poinct. laçoit que les batailles des villes eussent en c'est endroit prins fin, toutesfois soubdain apres, chez les Atheniens recommencerent mutineries & dissensions. Pource que la ville estoit pleine de gentz mutins & seditieux, ce que voiantz les Lacedemoniens, constituerent trente personnages, qui furent appelez tyrantz, auxquelz estoit donné la puissance, de punir les seditieux, & affin qu'aucun ne s'opposast par tumulte a telz seigneurs, grandz garnison de souldardz estoit mise au chasteau pour resister a telz mutins.

Trente tyrantz en Athenes.

Du reſtabliſſement d'Athenes apres ſa destruction.

DE ceſte ſeuerité deuant diſte vſerent les Lacedemoniens, pour refraindre & retrencher les mutineries publiques: & estoit grand beſoing d'y metre tel ordre. Ces trente personnages vſoient de leur puissance enuers les turbateurs du bien public & les seditieux: Conſequemment quelques vns d'entre eulx, par vne hayne & rancune inueterée occirēt des plus puifſantz de la ville, & personnes meſmes bien renommées, gentz de bien & de bonne atrempance: ainſi que nous auons veu aduenir en noſtre temps. Or comme ceſte tyrannie fuſt odieu-

se & desplaisante a vn d'entre eulx nommé The^{Thyrames}ramenes, homme vaillant & equitable, lesdictz^{nes mis a mort.} tyrantz le misrent a mort, affin qu'il fust exemple de terreur aux autres: & la confiscation des biens des executez estoit partie entr'eulx. Tous les gentz de bien, & bons bourgeois s'enfuirēt d'Athenes, & vindrent a Thebes & arges, ou furent receuz, par pitié & cōpassion de si indigne calamité, & mesmes contre le commandement des Lacedemoniens, par lequel estoit deffendu de ne heberger les baniz d'Athenes. Or entre lesdictz baniz, estoit vn nommé Thrasylulus^{Thrasylulus.} hōme qui f'estoit iadis porté vaillāt en la republicque. Cestuy amassa tous les exilez du pays, & avec l'aide secrette des Thebaïnoys, feist prinse d'un chasteau ioignant d'Athenes, puis mist le siege deuant Athenes, & eut victoire des tyrantz, & receut la ville. Les pauures Citoyens banyz furent restabliz par cestuy Trasybulus, & fut restauré l'estat de toute la republicque selon l'ancienne mode, mesmes la police, les iugementz & ordonnances. Grand' louēge merita Thrasylulus pour^{Louenge de Thrasylulus.} l'atrempance de son entendement, pour ce qu'apres tant belle & notable victoire mesmes de ses ennemys, leur ayma mieulx pardonner, que de les metre a mort selon le droict. Et comme il cōsideroit. Que ce n'eust pas esté chose tost faicte d'executer tous les coupables, & faire reuenir les biens ostez aux bourgeois, & les rēdre a leurs vrais heritiers, lesquelz biens estoient desia par-

Le second Liure des Chronicques

tenuz au troiesme & quatriesme possesseur, les va tous ataindre, d'auoir generalement alliance, amitié, & paix ensemble, & que nul pour l'aduenir n'eust recordation de végeance, & iniure faicte, qu'un chascun fust possesseur de ce qu'il auoit, & qu'il se contentast de son estat. Par ceste temperance finalement la tranquillité de la republicque fut réparée. Et est vn bel exemple, c'est auoir que par bienueillance & misericorde, la paix est plus stable & ferme en telles mutineries & pertubatiōs ciuiles, que si elle se faisoit par force, & selon le droict.

Bel exemple de conseruer la paix.

Les Lacedemoniens faictz plus orgueilleux & insolentz a cause de leur grand' posterité, voulurent metre hors d'Asie les Persans, desquelz auoient esté aydez au parauant. Mais les Persans constituerent Conon chef de leur exercite, lequel s'en estoit fuy d'Athenes pour la mutinerie des Citoies. Et de cestuy Conon furent succomez

Conon capitaine des Persans.

Les Lacedemoniens vaincuz cōtre les Thebanoyz.

les Lacedemoniens: lors desplaisantz de leur mesaduenture, en reiecterēt toute la faulte aux Thebanoyz, pour ce qu'ilz auoient receu les banys d'Athenes, a ceste occasion enuahirēt leurs pays, dōt vint la racine de nouvelle bataille, en laquelle furent tous mis a mort les Lacedemoniens, adonc la puissance des Thebanoyz commença a croistre. Ceste guerre finie emprindrent vne autre cōtre les Phocēses, lesquelz furent deffaictz, & ceulx qui demeurent sauluez, furent enuoyez en exil. Finalement Philippe roy de Macedone

Les Thebanoyz destruiserēt les Phocēses. Philippe dōt les Thebanoyz.

deffist & dópta les Thebanoyz: Et ainsi par apres furent destruićtes les villes d'Athenes & Sparte, & toute la puissance des Grecz perdue & anichilée. Mais cōme apres iceulx Grecz ne gardassent les cōditions de paix faicćtes avec le roy, Philippe c'estascauoir les Atheniens & Thebanoyz, Philippe fut cōtrainćt d'euader toute la Grece. Or c'est assez parlé des pitoyables batailles de Grece en bref, lesquelles furent faicćtes apres le regne de Xerxes cent trēte ans, durāt lequel tēps n'y eust gueres de paix. Lesdictz conflictz sont descriptz copieusement de Thucidides Xenophon & plusieurs autres. Nous pēsons quād a nostre costé auoir faicćt assez, d'auoir mis deuant les yeulx des lisantz l'exemple des Atheniens, qui est le principal contenu en ceste histoire.

Des Philosophes.

EN ce temps que ces guerres furent faicćtes, les bōnes lettres aussi fleurirēt: Hippocras medecin vescu depuis le temps d'Artaxerxes Lōgumai, iusques au regne d'Ochus cēt quatre ans. Et cōbien q̄ toute Grece le magnifiast, si fut il encore en grād prix & hōneur enuers les roys de Macedone, chez lesq̄lz cōsuma la meilleure ptie de son aage. Soran^o escript q̄ cestuy Hippocras fut mādē pour venir veoir le roy Perdicas, pource q̄ plusieurs disoiēt ledićt roy estre malade de fiebure phtisicq̄, & auoit esté habādōné des autres medecins. Mais incontinet qu'Hippocras fut ve

Le second Liure des Chronicques

*Perdicas
guery par
Hippocras.*

tu, congneust bien que Perdicas n'estoit en langueur pour foiblesse aucune de force de corps, mais que sa douleur estoit procedee d'amour intrinsecque. Veritablement il aymoit oultre mesure vne ieune damoyelle seruiteuse de son pere, & toutes les fois qu'il la voioit, la pensee & la couleur luy changeoient. Voyla comment Hippocras entendit la cause de la maladie, & luy donna remede pour la deicter. D'aduantage au temps que la peste estoit, donna conseil qu'on mist le feu a vne grand' forest qui la estoit contre l'air infect, dont venoit la peste, & en ceste sorte garda de la peste toute Thessalie. Aussi fut il en grand bruit pour aucuns naturelz miracles. Sus son sepulchre long temps furent les mousches a miel, du miel desquelles les enfantz malades estoient guaris si on les en oignoit.

Soubz le temps d'Artaxerxes Mnemon fut Soerates, qui par enuie d'aucuns ses ennemys fut tue en prison. Ilz l'accusoient qu'il estoit auteur de nouvelle doctrine en la ville. Mais par le vouloir de Dieu, bien tost apres ses ennemys furent puniz, car furent occis l'un apres l'autre.

Platon, Eudoxe, Aristote.

*Platon.
Eudoxe.*

A Pres ceulx cy furent en prix Platon, & Eudoxe homme trescauant en l'art d'astrologie, lequel apporta c'est art d'Aegypte en Grece. Apres cestuy fut aristote. Or seditz philosophes

phes tindrent le premier lieu entre tous autres, & les principaulx furent Eudoxe & Aristote, qui ne furent curieux de vaine beauté & reluisance de parolles en leur oraison, ains de bonnes & graues substances. Certainement ilz consummerēt leur temps en science qui est tresutile, si comme a la congnoissance des choses naturelles, aussi a aprendre en quelle forte il fault honnestement viure. C'est vne chose fort delectable de confiderer & contempler, comme en nostre nature le seigneur Dieu a estably & inseré toutes especes de vertuz. Aristote n'estoit pas procedé de parentz de basse estophe. Il eust a pere Nichomachus Les parètz d'Aristote. Nichomachus, homme de bien grand' autorité enuers Amyntas roy de Macedone, or estoit il son medecin ordinaire: il print son origine de la race d'Hippocras, & pour ceste cause Aristote fut parapres en grāde reputation, a la court du roy Philippe filz d'Amyntas, tellement qu'il luy bailla son filz Alexandre a endoctriner: Il l'instruisit a philosophie, affin qu'il fust plus prudent a parler & a cōsulter. Or c'est assez parlé des besongnes de Grece, qui aduindrent durant le temps de ceste monarchie.

De Romme.

LEs Roys deiectez de Romme, l'estat de la re- Quant com-
mencerēt les
consulz Rō
mains.
publicque Rommaine se changea. Le dōmaine commença a estre enuers le senat, & tous les

Le second Liure des Chronicques

ans estoïent créés deux cōsulz ensemble, desquelz l'autorité en ceste office estoit seulemēt annuel le . Ce changement de la republicque aduint au temps de Cyrus premier monarque des Persans : l'an apres la creation du monde trois mil quatre centz cinquante , & apres que Babylone fut vaincue de Cyrus sept ans.

Oultre les grādz affaires qui aduindrent a Rōme , auec ce furent faictes merueilleuses mutations & horrible mutineries en la republicque, esquelles sont mis deuāt les yeulx exemples, que les grosses villes , & haultes republicques , sont bien a tard sans grād tumultes & discords . Mais ceste mode, c'estascauoir que la fouueraine puissance gysoit entre les mains de deux cōsulz durra tousiours iusques au temps de Iules Cæsar, qui vsurpa a soy la monarchie . Entre le commencement du consulat , & le dōmaine de Iules Cæsar furent quatre centz soixante & cinq ans.

Ce seroit vne chose longue de reciter en cest endroiēt les hystoires des Rommains . Je vueil seulement monstrier le temps de deux notables aduentures qui aduindrent soubz ceste monarchie . L'an troys centz & deux apres la fondation de la ville Rommaine, c'estascauoir, non pas lōg temps apres la bataille de Xerxes, soubz le commencement du regne d'Artaxerxes Longuemain, maintes controuerfies & discordz s'esleuerent en Romme . Or cōme ainsi fust que les Rommains n'vsassent encor de certain droiēt & certaines or

*La cause
des loix Rō
maines.*

donnances, souuent les hommes estoient oppri-
mez en iugement & hors le iugement sans l'a-
uoir merité : pource que nul n'entendoit certai-
nement & a la verité que c'estoit que droict. Et
pource que le peuple a ceste cause se debatoit &
mutinoit, fut ordonné que certaines loix seroient
escriptes. C'est merueille qu'ot d'efficace statutz
couchez par escript, pour conseruer entre les re-
publicques paix & vnion, ce que tesmoigne clai-
rement cest exemple. A cela furent esleuz & de-
putez dix hommes, enuoyez en Grece, pour co-
gnoistre les droictz, coustumes, & maniere de vi-
ure des grosses villes, & vsoient, a faire recueil
des meilleutes loix, du conseil de Hermodore
d'Ephese, & autres philosophes. Lors furent e-
scriptz douze tableaux, qui estoient penduz pu-
blicquement en la court Rommaine. Voyla la
source du droict escript des Rommains, qu'ilz
emprunterent premierement des Grecz. Ces dix
hōmes dominoient troys ans : il falloit, que tous
les iours fussent declarées lesdictes loix. Mais en-
tre ces dix hommes Appius abusa de sa puissan-
ce, pource qui commanda qu'on appellast la fil-
le de Virginus, sa propre fille, comme si elle eust
esté chamberiere de l'autre, c'est a scauoir de Vir-
ginus, mais c'estoit affin que soubz couleur de
droict, il l'atirast a sa cordelle, & la deflorast : ce
que voiant le pere, & pensant bien qu'elle ne
pouoit estre deliurée des mains d'Appi^o pour sa
grad' puissance, la tua en plein iugement, affin q̄

*Dix hommes
enuoyez en
Grece.*

Le second Liure des Chronicques

sa maison ne fust fouillée de ceste infamie. Apres
*Les dix hō-
mes deposez* amassa force gend'armes, & feist vn renfort con-
tre lediēt Appius tyrant. Lors furent deposez de
leur office les dix hōmes, & fut estably nouveau
magistrat. Appius fut prins, & mis en prison, en
*Exemple de
vengeance.* laquelle se tua. C'est exemple nous tesmoigne
qu'vne iniustice & tyrannie ne demeure iamais
impunis.

L'an troys centz soixante de la construction
de Romme, vn exercite de François & Allemās
*Rōme brus-
lée des Frā
& ys & Al-
lemans.* ensemble, feist entrée en Italie, & bruslerent Rō-
me. Mais Camillus, que le peuple au parauant a-
uoit expulsé de la ville, feist l'office d'v hōme de
vertu: Car toute iniure dissimulée & mise soubz
le pied, laquelle auoit soufferte, sans l'auoir meri-
tée, avec vn amas de compaignons recueilliz au
voisinage de Romme, donna l'assault aux Fran-
çois & Allemās estans en la ville, sans qu'ilz s'en
desiassent, & deliura le capitol & le reste des Ci-
toiens de l'obseſſion desdictz ennemys. La ville
de Romme endura ce chaplis au temps d'Arta-
xerxes Mnemon, & quasi au mesme temps qu'A-
thenes fut prise & destruite des Lacedemoniēs.

*La premie-
re mention
des Allemās
es bystoires.*

En ceste hyſtoire est faicte mention premie-
rement deuant tous, des Allemās: & cela fut faict
non pas totalement quatre centz ans entiers de-
uant la natiuité de Iesuschrift. Veritablemēt des-
dictz Allemans Milan, & maintes autres villes
furent construites en Italie.

De la tierce Mo- narchie.



'An d'apres la creation du mō
de 3634. Quand le royaume
des Persans eust duré 191 an.
C'estascauoir 320 ans deuant
la natiuité Iesuschrist, la tierce
monarchie commença, laquel-

le nous appellons la monarchie des Grecz : & *Commence
ment de la
tierce monar-
chie.*
maintenant est le domaine du monde transla-
té des regions Orientales en Occident, & d'Asie
en Europe. Et commença de ce temps a s'abo-
lir ladiète Asie petit a petit & de plus en plus, nō

Le second Liure des Chronicques

aux choses seulement qui appartient a la puissance de l'empire, mais aussi qu'ad aux choses qui conservent temperance de meurs, les vertuz, le regime de la republicque, & toutes autres bones graces. Et iacoit q ces choses fussent quelquefois corrigees & restaurées par les Romains audict pays d'Asie, toutes fois en la fin les Barbares enuahirēt la-dicte regio, & la destruisirēt, tellement q ceste partie du monde, qui estoit tresexcellente en amenité & beaulté de situation, sagesse & bonté d'hommes, & puissance de royaumes, maintenant est presque tournée toute en turpitude, & cauerne de larcins. D'aduataigne les souuerains dons de Dieu, maintenant sont en Occident, considéré q le monde petit a petit decline & viēt a sa fin. ceste monarchie print son fondement d'Alexandre roy des Macedoniens, q nous appellons grand a iuste droit: non seulement pour la puissance de son empire, ains pour ses belles vertuz, desquelles estoit ennobly, en sorte qu'il ne fut trouué second a prince de la terre en graces & perfections d'esprit. Il est bien estimé des prophetes Hieremie & Daniel, pource qu'il fut tresfort & tresheureux Empereur. Daniel painct en ses escriptz vn Bouc, duquel le Belin vaincu, se posterne & humilie deuant ledict Bouc, & expose clairement pour le Bouc le roy des Grecz, & le Belin le roy des Persans. Certes les vertuz & belles victoires par lesquelles Alexandre fut aorné de Dieu, dōnerent occasion a quelques vnz, de faindre touchant sa generation fa-

*La ruine
d'Asie.*

*Alexandre le
grand.*

*Par le Bouc
est entendu
Alexandre
& par le
Belin Da-
vid.*

bles vaines & impertinentes, mais ie laisse a en parler. Biẽ est il certain, que les grãds & bienfor tunez princes font regis & gardez de dieu & par iceluy embellis tant seulement de telz dõs & excellences. Consequemment veult que la maiesté des empires soit conseruée en iceulx, qui sont nobles par la splendeur de leurs maieurs, & clarté de race: & ainsi fut né Alexandre roy de Macedone. Son pere estoit nommé Philippe, & sa mere Olympias. Et ceste mesme nuit que fut conceu Alexandre, on diẽt q̃ Philippe veit en son dormãt, cõme il auoit ataché vn seau au ventre d'Olympias, auquel estoit emprainẽ l'effigie d'vn Lyon. Par cela on interpretoit q̃ la royne Olympias en ceinte du roy Philippe enfanteroit vn trespuissant prince. Veritablemẽt le pere & la mere yssi rêt de la pl^r noble maison q̃ fust en toute Grece pour le tẽps. Philippe, fil est besoĩg de croire aux hystoires, veint du parẽtage d'Hercules, & Olympias d'Achilles. Voyla leurs antecesseurs, du tresillustre sang desquelz print son origine le tresrenommé prince Alexandre.

Le pere & la mere d'Alexandre.

Le songe de Philippe.

La race du pere d'Alexandre.

Hercules	Et fut né Alexandre le grãd
Hyllus	environ 800 ans, apres la
Cleodéus	guerre Troyenne. Ce fut le
Aristomachus	premier roy de Macedone
Temenus	duquel Herodote escripuit
Perdicas	l'origine.

Le second Liure des Chronicques

Argeus
Philippe
Aeropus
Alcetas
Amyntas
Alexandre
Amyntas
Philippe
Alexandre le grand.

La race d'Olympias mere d'Alexandre.

Achilles
Pirrus
Molossus roy d'Epire, & Pielus: les deux nacquirent d'Andromache.
De Pielus yssirent les autres subsequentz Roys d'Epire.
Tarymbas
Alcetas
Neoptolemus & Arymbas.
Olympias fille de Neoptolemus, & mere d'Alexandre.

Voyla la genealogie d'Alexandre, recueillie de trescertaine hystoires, qui preue bien qu'Alexandre descendit de la posterité de souuerains & excellentz princes.

Philippe occis pour vn delict impu ny,

Philippe occis, pource qu'il auoit permis q le delict de quelq puissant personnaige d'autour de luy, q auoit maculé & souillé ordemēt quelq en-

fant noble demeuraſt ſpūny, ſoubdain les Eſclauons & Grecz laiſſerēt le party des Macedoniēs, lors le royaulme Macedonicque fut en grand perplexité & detreſſe. Car apres la mort de Philippe, Alexandre n'auoit ſeulement que vingt ans. Et cela fut, lors que les Grecz comptoient la cētiefme & vnzieſme Olympiade. Mais Alexandre apres auoir prins l'adminiſtration du royaulme, a ſon commencement aſſubiectit de rechief les Eſclauons, puis apres feiſt le voiage a Thebes: pource que les Thebanoys auoiēt aſſiegé la garniſon q̄ Philippe auoit miſe au chateau de Thebes, & eſtoient confederez avec les Perſans, qui euadoient le royaulme Macedonicque. Or ce pendant qu'Alexandre aſſiegeoit Thebes, les Atheniens luy enuoierent Ambaſſadeurs, pour impetrer la paix. Benignement & courtoieſement les receuſt Alexandre. Sur ces entrefaictes les Thebanoys demeurērent obſtinez, & ne queroient ne paix, ne mercy.

*Les geſtes
d'Alexandre
le grand.*

Et comme Alexandre euſt faiēt crier deuant l'aſſault, qui ſe voudroient rendre voidaſſent hors de la ville, & que leur vie ſeroit ſauluée: au contraire les Thebanois feirent crier, que ceulx qui voudroiēt garder la liberté des Grecz avec eulx & le roy des Perſans, ſe vinſſent rendre a eulx, pour vaincre le tyran Alexandre. Adōcques lediēt Alexandre deſpitē pour ceſte iniure, faiēt donner l'aſſault, & toſt apres la ville fut ſacagée & miſe en ruine, & ne fut parapres reſtaurée.

Thebes deſtruite, & parapres nō reedifiee.

Le second Liure des Chronicques

rée. Voila la premiere grand' ville que döpta Alexandre. Souuent nous voüons aduenir par permission de Dieu, q̄ les puiffantz & souuerains Monarques söt la ruine & fleau de pl⁹ renommées villes.

*Combiē fut
grād l'exer
cite d'Alex
andre en
Asie.*

Après qu'Alexandre eust fait paix en Grece, entreprint le voiage d'Asie, avec vn ost de quarante mille pietös, & quatre mille hömes de cheual seulement. Puis estoiet demeurees en Asie quelqs petites bēdes, au precedēt enuoiées par son pere Philippe, avec leql petit exercite assaillit les Persans, & fait illec de gros cōflietz, & p force occupa maintes puiffantes villes, entre lesquelles estoit Sarde, Milete, & le Tyr: aux assaultz d'icelles, Alexandre endura maintz gros perilz & dāgiers. Il vainquit le roy Darius & le meist en fuite, conseqüemēt prit la mere dudiēt Dari⁹, la royne sa fē

*Sarde.
Milete.
Le Tyr.*

*L'humanité
d'Alexandre.*

me, ses filles, & vn filz, ce neauuois les traita humainement, & cōme il appartenoit a psonnages de sans royal, la royne q̄ ia estoit aagée, il l'appella sa mere, & baisoit doulcemēt son filz, comme si feust esté le sien propre. C'est merueille q̄ cestuy roy fut estimé par toute Asie pour telles graces & vertuz, & mesmes du roy Darius, en sorte que sur toutes fins vouloit faire paix avec Alexandre, & luy döner volontairemēt la moitié de son royaume. Mais fut respōdu d'Alexandre, q̄ cestuy monde ne se pouoit regir par deux soleilz, & si se vouloit rēdre a luy avec son royaume, le receuroit en grace avec toute benignité & courtoisie. Mais de rechef feirēt guerre Alexandre & Darius,

*Darius vain
cu d'Alexandre.*

ou fut succöbé ledi& Darius, & en s'enfuiant fut occis d'un de ses propres seruiteurs & capitaines nommé Bessus. Tost apres y arriua Alexandre le trouuât fort nauré, & presque mort, döt fut grädemēt marry, luy prometât q̄ la deloyaulté notable du capitaine Bessus enuers luy q̄ estoit son seigneur ne demereroit ipunie: Pourtāt fait il paprespre dre ledi& Bessus, & lier entre deux arbres abaifsez d'ehault, puis les fait lascher, si qu'en gräd violence & force par merueilleux tourmēt fut mis en piece ledi& capitaine. A ceste raison fut fait Alexandre Monarcq̄ en Asie, & cösequēment occupa les autres regions & villes, c'estascavoir Babylone, & Suse & autres. Le commencement de ceste Monarchie d'Alexandre, fut apres la mort, de ce dernier Darius, c'estascavoir au commencement du septiesme an, du regne dudi& roy Alexandre.

La deloyaulté de Bessus. Exemple de vengeance.

Le commencement de la Monarchie d'Alexandre.

Apres ceste victoire Alexandre deuenü plus insolent & orgueilleux, commença a boire plus que de raison & s'enyurer: Tellement qu'il feist metre a mort aucuns de ses princes & conseilliers, du nombre desquelz estoit le tres excellent & tressaige Duc, desia vieil Parmenion. D'aduantage ledi& Alexandre estant en colere, tua en vn conuiue son bien renommé Duc Clytus, pource qu'il auoit preferé a luy son pere Philippe. Mais apres que sa complexion fut muée, aussi sa fortune se changea, Iaçoit qu'il n'eust encor l'esperit posé & tranquille. Il feist parer la guerre aux Iudes & Scytes que l'on di&

Parmenion,

Clytus.

Le second Liure des Chronicques

Tartes, mais ne vesquit gueres depuis. Il mourut en l'an trentedeux & vnze moys de son aage.

Cestuy ne regna q̄ douze ans sept moys apres la mort de son pere Philippe, & en si petit espace de temps, feist tant de guerres, qu'a grand difficulté, si grand exercite d'hommes eust peu visiter & chemine en tant de regions, mesmes en temps de paix. Il regna en Babylone apres Darius seulement cinq ans & vnze moys. Telles histoires enseignent que telz gr̄ads seigneurs sont conduictz par volunté celeste.

Alexandre estoit garny d'Heroicques & belles vertuz, desquelles metre maintenāt sur le bureau les exemples, ie n'aurois loisir, pour cause de briefueté, dequoy nous vsons en ceste Chronicque. Entre tous autres ie vueil a tout le moins reciter vn cas. Toutes les fois qu'un acteur se trouuoit deuant luy en iugement en l'absence de sa partie, ledict Alexandre souloit presenter vne oreille audict acteur recitant sa cause, & clorre d'une main l'autre oreille: affin qu'il donnast a entendre qu'il gardoit ladicte oreille sauue pour escouter l'autre partie, & qu'il failloit egallement ouyr les deux litigantz: ce qui appartient a l'office d'un bon prince & d'un vray droiturier iuge. En c'est endroit Alexandre donna notable & bel exemple aux gr̄ads princes, cest auoir qu'ilz debuoiert ouyr les deux parties ensemble en vne cause, ainsi comme chez les Atheniens les iuges iuroient de faire arrestz selon le

Alexandre estoit notable exemple pour les bons princes.

Quelle chose iuroiēt les iuges d'Athenes.

droict escript, & d'ouyr la cause egallemēt de l'une & l'autre partie.

*De la reuerance & atrempance dequoy usa
Alexandre enuers les Iuifz.*

Herusalem réedifiée les Iuifz auoient vesçu L'allée d'Alexandre contre les Iuifz.
 en grand' paix soubz ces debonnaires roys des Persans. Or comme Alexandre eust assiegé la ville du Tyr, demanda ayde aux Iuifz, lesquels donnerent responce, qu'ilz ne le scauroient faire honnestement, pource qu'ilz estoient subiectz des Persans, & que lesdictz Persans leur auoient mesmes fait beaucoup de plaisir. Alexandre oyant ceste excuse, fut courroucé, & apres auoir vaincu le Tyr, delibera d'aller avec toute sa gen d'armerie contre les Hierosolimitains. Mais Iad Iadus grand prestre.
 dus grand prestre reuestu des aornemētz sacerdotaulx avec autres anciens personages partist de la ville & alla au deuant d'Alexandre, pour demander la paix. Alexandre lors voiant ce prestre en tel habit, soubdain deuala de dessus son cheual & se mist a genoulx deuant ledict prestre, & volontairement le feist iouir de la paix. La reuerence que feist Alexandre au prestre des Iuifz.
 Tous les princes s'esmerueillantz, qu'Alexandre vsoit de si grand' humilité enuers vn prestre de nation estrange, & qu'en si petit moment estoit reuenue de son ire: Parmenion adoc, qui pour son antiquité & prudence estoit chery & aymé du dict roy Alexandre, luy demanda de quelle reue-

Le second Liure des Chronicques

rence il auoit esté meü, de s'estre ainsi humilié enuers ledict prebstre. Lors respondit Alexãdre, qu'il auoit veu en Macedone vne image en son dormãt qui ressembloit audiect prebstre, laquelle l'auoit admõnesté de venir en Asie, & q̃lle luy dôneroit ayde, & pour ceste cause faisoit hõneur a celuy mesme dieu q̃ pour lors luy estoit apparu. Apres ces choses Alexãdre entra dedès la ville de Hierusalẽ avec toute paix & douceur, oyant reuerẽment les prebstres parlãtz de la doctrine de religion, lesquelz enseignerent audiect roy la prophetie de Daniel, ou il estoit contenu qu'un roy des Grecz domineroit en Asie, & eũers les Persãs. Dõt fut grãdement assẽuré Alexandre, parquoy mist les Iuifz en liberté, & enrichit le temple de grãds & beaulx presentz. Il retourna en Babyloñe iuxte la p̃phetie de Hieremie, & a ceste occasion garda le souuerain Dieu son Eglise foible & debile en ce temps la, auquel pour la grande mutation des royaumes du monde, furent guerres presque en toutes regions de la terre.

La diuision des royaumes apres Alexandre.

Roxane femme d'Alexãdre. **A**lexandre auoit prins a femme Roxane fille d'un prince de Perse, qui estoit grosse quand il mourut. Apres sa mort, cõe il n'y eust vray heritier au royaume autre q̃ le fruit q̃ ladicte Roxane portoit en son vêtre, les princes delibererẽt ensemble touchãt le gouuernemẽt dudiect royaume. Doncques fut determiné au commencement

eslire certains gouverneurs, iusques a ce q̄ la roy-
ne eust fait son enfant: & si festoit vn masse par
succession hereditaire le royaume luy aparten-
noit. Au cōtraire par aucūs, entre lesquelz estoit
Perdicas, Arideus frere d'Alexandre prince crain-
tif & maladif fut substitué au lieu de roy & la
plus grand partie se consentit a ceste opinion.
Mais les princes furent contrainctz ce neaumoins
de constituer aucuns qui gouvernassent ledict
royaume: & entre telz gouverneurs Perdicas es-
toit le plus principal, & soubz le nom du frere
d'Alexandre, & par ceste couleur ce p̄dant l'effor-
çoit d'occuper tout le royaume petit a petit, &
premierement par ruses hōnestes, puis apres par
force aperte.

*La contē-
tiō des prin-
ces, apres la
mort d'Alex-
andre.*

*Perdicas.
Arideus fre-
re d'Alexā-
dre.*

*La finisse
de Perdicas.*

Cestuy soubhaitoit auoir a femme Cleopatra
feur d'Alexandre, & esperoit par ceste voie pouoir
obtenir facilement le royaume: Mais Antipater q̄
regnoit en Macedone, sentāt la trōperie de Perdi-
cas, empescha le mariage: pour ceste cause a tous
propos tafchoit Perdicas de faire metre en prisō
Antipater. Voyla sommairement quasi l'occasiō
de la guerre meue entre les princes d'Alexan-
dre. Perdicas eust quelques ligues de son costé:
D'autre part contre cestuy Perdicas conspire-
rent de foys a autre Antipater, Antigonus & Pto-
lomée. Perdicas inuada premierement Pto-
lomée en Aegypte, ou il fut tué soubdain de ses
propres soudartz. Ce fut la peine, q̄ le p̄mier au-
theur de seditiō être les p̄ces d'Alexandre auoit

Cleopatra.

Antipater.

*Antigonus.
Ptolomée.*

Le second Liure des Chronicques

tres bien meritée. Or la fin de ceste malheureuse fortune ne se peult alors terminer, & n'y auoit esperance de paix aucune, si les complices de Perdicas n'estoient deuant estainctz: d'aduantage on ne pouoit iamais esperer au monde cōcorde & vnité constante, consideré qu'apres la mort d'Alexandre, le monde estoit quasi comme sans chef. Or n'apparoissoit en si grand trouble rien, que toute honnesté & regime subuerty, & vne licēce & bandon de pilleries entre les hommes, Voila comme royaumes & Empires ne peuvent demeurer en leur entier au monde, s'ilz ne sont instituez & conseruez de Dieu. Lediēt seigneur

Du royaulme d'Alexandre quatre royaumes surēt faictz.

Dieu auoit or donné que du royaulme d'Alexandre yssiroient quatre puissantz princes. Ainsi estoit il predict par Daniel, c'estascauoir qu'apres que ce Bouc, qui signifioit Alexādre, auroit vne corne rompue, quatre cornes luy naistroient au lieu: ce qu'expose l'ange, des quatre royaumes instituez apres la mort d'Alexandre. Mais c'est vne chose principalement digne de merueilles, q̄ Dieu a voulu ces royaumes, aduenir ausdiētz princes, qui estoient du lignage de Philippe & d'Alexādre. Sus ces entrefaictes Perdicas, qui estoit forligué de race royalle, est priué de c'est honneur, Il aduient communément que celuy qui oultre sa vocation legitime desire gouernerment publicq, & s'ingere de son gré aux grands affaires, soit reiecté de Dieu, ainsi que nous voiōs estre aduenu a Absalon & plusieurs autres. Dōc

*Il fault en-
suiuir la vo-
cation ou
Dieu appel
le l'homme.*

ques

ques ces royaumes furent partis entre les princes, qui au parauant auoient esté cōstituez Lieutenantz au royaume par Alexandre.

Seleucus fut fait roy de Syrie

Ptolomée fut créé roy d'Aegypte

A Antigone escheut le royaume d'Asie.

Cassandre regna en Macedone & Grece. Ba-

tailles cruelles furent entre ces roys, pour la monarchie, qu'vn chascun souhaitoit. grands meur-

dres se commettoient pour lors en Macedone.

Cassandre commanda qu'on meist a mort la tres honneste royne mere d'Alexandre, laquelle en mourant demonstra certes vne merueilleuse cō-

stance, & signifiante d'honneste honte. Veritablement icelle, sans estre aucunement effrayée,

oultre la coustume des autres femmes, vint volūtairement au deuant du bourreau, & luy presenta sa teste a couper: & comme le corps estoit a

terre, de la main serra ses habillemētz, affin qu'elle ne demeurast descouuerte, & moins honnestement en aucune partie de son corps. Semblable-

ment ledict Cassandre commanda qu'on print Roxane & qu'on la mist en prison. Mais le sci-

gneur Dieu bien sceust veger ceste desloyaulté, quant apres la mort dudit Cassandre, ses deux

filz Antipater & Alexandre persecuterent l'vn l'autre par guerres & dissensions, pour le royaume de Macedone. Antipater attira a soy Lysimacque, qui regnoit es enuironz d'Hellespont, duquel eust la fille en mariage. Alexandre impe-

La tyrātie de Cassandre.

La mere d'Alexandre, precieux exemple de pudicitie, est mise a mort.

Exēple de vengeance.

Le second Liure des Chronicques

*Demetrius
roy de Ma-
cedone.*

tra ayde de Demetrius, qui estoit filz d'Antigone. Or l'un & l'autre frere furent tuez de ceulx a qui auoient demandé secours: Antipater fut occis de Lyfmachus son beau pere, & Alexandre de Demetrius. Finablement le royaume de Macedone appartient a Demetrius filz d'Antigone. Certainement cestuy fut prince honneste & bien fortuné en ses affaires. De cestuy Demetrius tous les autres roys de Macedone prindrent leur origine, iusques a ce temps auquel le dernier de sa race fut prins des Rommains, & en print fin le royaume de Macedone.

En passant, a cest endroit ie réciteray vne histoire, par laquelle pourra facilement considérer le faige lecteur, qu'en Greece, apres qu'elle se fut perdué par mutuelles guerres, & qu'elle vsa du secours des princes estrangiers, toute honnesteté de bonnes meurs ensemble avec l'empire & la re-publicque fut degastée & aneantie. Or comme cestuy Demetrius, duquel maintenant auons fait mention, souuent hantast en Athenes, les Atheniens vsèrent enuers luy de si grand flaterie, qu'ilz l'appellerent Dieu, & par adoration luy faisoient honneurs diuins: avec ce en leurs sacrifices vsèrent d'un chant solennel, disant que tous les autres Dieux dormoient, & que Demetrius estoit tout seul vray Dieu, qui entendoit a leur salut. Ces blasphemies & horribles propos donnent tel moignage, que toute honneste honte estoit totalement estaincte en Athenes. Au demeurant il

*La flaterie
bêteuse des
Atheniens.*

est de necessité, que ie laisse a parler des affaires de Macedone, & que ie narre les nōs de ces roys, qui regnerent en Syrie & Aegypte. Certainemēt ces deux royaumes, furēt entre les quatre preallegués, trespuissātz & fleurissant, & profite beaucoup a ceulx qui lisent les escriptures sainctes de congnoistre l'ordre desdictz roys, esquelles est fait souuent memoire d'iceulx. Les Iuifz auoiēt grande amitiē & priuaulté touchant traphiques & marchandises, avec ces deux royaumes.

Des roys de Sirie.

S Eleuc⁹ fut prince né en Macedone, a la cuiſſe duquel estoit vn signe en maniere d'ācre de nauire, ce qu'eurēt to⁹ ses posterieurs. Cestuy print p force la ville de Babylone. Puis apres Antigone & Demetrius filz dudiēt Antigone tous deux roys d'Asie furent vaincūz dudiēt Seleucus. Antigone fut occis & Demetrius mourut en prison. Apres ces choses Seleucus descōfit Lyſimacque. Mais apres ceste victoire, au septiesme mois fut tué Seleucus de Ptolomée Ceranne, frere de Ptolomée Philadelphie. Voyla les horribles exemples de la desconfiture & cheute de si grāds royaumes, qui a iuste droit nous doibuent esmouuoir a la craincte de Dieu, affin que nous ne pensons, que les haultz affaires se gouernent seulement par nostre prudence & par cōseil humain, mais par le secours & faueur du souuerain Dieu.

*Seleucus.**Antigone
Demetrius.**De qui fut
tué Seleucus.**Exēple de
craincte de
Dieu.*

Le second Liure des Chronicques

- Antiochus Soter.* Antiochus Soter, filz de Seleucus, apres la mort de son pere regna en Syrie.
- Antiochus Theos.* Antiochus Theos filz de cestuy, eust premierement a femme Laodice, de laquelle eust deux filz: c'est a scauoir Seleucus Callinicus, & Antiochus surnomé Hierax. A cestuy bailla Ptolomé Philadelphé sa fille Berenice pour femme: mais apés la mort d'Antiochus, Laodice cōtraignit son filz Seleucus a occuper le royaulme, & metre en prison sa Maratre Berenice. Seleucus suiuant le cōseil de sa mere, assiegea ladicte Berenice, & l'at tira finablement par magnifiques promesse a luy faire rēdition volūtaire: mais cestuy Seleucus ne luy garda fidelité, ains cōmanda qu'on feist mourir cruellement ceste bonne roync. Daniel auoit prophetizé clairement, que la roync des Aegyptiens souffriroit telle chose chez les Assyriens, & que le roy d'Aegypte, en feroit la végéace. Apres le cas cōgneu, Ptolomé Euergetes frere de Berenice s'en alla en Syrie, & icēta hors du royaulme Seleucus, & apres auoir sacage maītes villes, retourna en Aegypte. Cōsequēment Seleucus voulāt recouurer son royaulm, amassa q̄lqs bēdes, & demanda secours a Antiochus Hierax son frere, cestuy estoit ieune prince, a ceste occasiō esperoit quelq̄foys tenir ledict royaulme. Lors la paix faicte entre Ptolomé & Seleuc^o, Hierax inuada le royaulme de son frere Seleucus, vsant en cest affaire du renfort de soudartz estrāgers. Certainemēt les Galates, lesquelz Brennus auoit cō-
- Ptolomé Euergetes.*
- Les Galates conduitz de*

duictz des régiõs de Germanie en Grece, auoiẽt desia fait long tẽps entrẽe en Asie, semonds aux gaiges desdictz roys, entre lesquelz estoient faites diuerses batailles. Or furent dõnẽes aux Galates les terres qui habitoient en Asie pour lors. Dont sont dictz les Galates auxquelz prescha sainct Paul l'Euangile. Et ne doibt on doubter que ce ne fussent Allemans, car en vn seul mot les Germains & Gaulloys estoient appellẽs des Grecz Celtes, & par eschange de mot, pour Celtes ont estẽ nommẽs Galates. Consequemment par le secours des Galates Antiochus surmonta son frere Seleucus, mais Antiochus fut deffait de foys a autre par le roy d'Asie, avec la plus grã de partie du royaulme de Syrie qu'il perdit: par apres fut cõtrainct de s'enfuir au roy Ptolomẽe Euergetes: & comme il fut receu, soubz cõdition qu'il ne partiroit de sa court, tost apres pensa de se retirer secrettement, ce que cognoissant Ptolomẽe, le fist occir. Voila le cas qui aduint finalement a Antiochus Hierax. Enuiron ce mesme temps son frere Seleucus tũba de dessus son cheual & mourut. Ces deux freres qui auoient perpetrer beaucoup de maux cheurẽt en ceste malheureuse fortune & fin miserable.

Antiochus le grãd, infesta par bataille Ptolomẽe Philopater roy d'Aegypte, mais fut roidemẽt repoulsẽ, apres la mort de Philopater, retourna avec sa gend'armerie en Aegypte: mais les Rõ mais prindrẽ en tutelle Ptolomẽe Epiphane en

*Germanie
en Grece,
par le capi-
taine Bren-
nus.*

*Grands exẽ-
ples de ven-
geance.*

*Antiochus
le grand.
Ptolomẽe
Philopater.*

Le second Liure des Chronicques

La cause de la guerre entre Antiochus & les Rommains. Hannibal. cor ieune prince,auxquelz auoit esté recõmandé par son pere. Cela fut cause de grosse guerre, laquelle fut menée plusieurs ans , entre les Rommains & Antiochus . Hannibal suyuit le party d'Antiochus, qui quelque temps fut capitaine en ceste bataille , & plusieurs regions de Grece par apres s'adioignirët a Antiochus. Mais par bataille aduerse tout plain de foys affoibly , fut contraiët de querir la paix . Puis luy fut delaisié des Rõmains ceste partie du royaulme seulement, q est située oultré la môtaigne de Taurus: d'aduantage fut cõtrainët d'enuoier a Rõme pour ostai ge son filz Antiochus Epiphane . Mais finalement apres qu'Antiochus eust pillé le tresriche tẽple de Belus en Syrie, fut enfermé & enclos d'vne cõpaignie de puissantz & rustiques , qui le tuèrent, luy & tout sont exercite. Telle fut la fin du grand Antiochus.

Antiochus Epiphanes baillé en ostai ge aux Rommains. Le tẽple de Belus en Syrie.

L'estat de Hierusalem soubz le regne d'Antiochus.

Hierusalem, depuis le temps d'Alexandre iufques a Antiochus le grãd, fut assez en bõne paix. Mais apres que guerre fut meue entre ces deux roys, c'estascavoir Antioch^o le grãd & Ptolomée Epiphane, les Iuifz, pource qu'ilz estoient situez entre deux, furent quelque peu oppressez & infestez de l'vne & l'autre partie. Et iaçoit q Hierusalem adherast plus aux Aegyptiës, toutesfoys n'estoit subiecte ny aux Syriens, ny aux Aegyptiës.

Scopa lieu renat de Ptolomée Epiphane.

Quand au reste Ptolomée Epiphane enuoya son capitaine Scopa, cõtre Antiochus le grãd, q print quelques villes de Syrie , & vne partie de Iudée:

Mais cōme Antiochus eust enferré & oppressé le dict Epiphane, pres du fleuve Jourdain, veritable mēt marcha iusques en Hierusalē. Lors les Iuifz soy humiliātz volontaiemēt se rendirent audiēt Antiochus, & la paix fut faicte entr'eulx & le dict roy: a ceste cause les permist Antiochus viure en repos, & leur ayda a reparé leur cité de Hierusalē, & en ce poinct vesquirent les Iuifz en trāquillité soubz cestuy Antiochus, laçoit qu'il y eust appareçe de peril pour lesdictes guerres, a raison qu'il estoiet voisins des roys prealleguez.

Antiochus le grād delaiissa troyz filz, c'est asca uoir Seleucus surnommé Philopatre, Antiochus *Seleucus* Epiphane, & Demetrius. Apres la mort du pere, *Philopatre.* Seleucus regna peu de tēps, les autres deux freres estoient detins en ostaige a Romme. Quand Antiochus Epiphane eust sceu la mort de son pere, eschapa secrettement de Romme, retourna en Syrie, & fut crée roy. Seleucus n'estoit propre a gouuerner le royaume, & mesme ne vesquit gueres apres la mort de son pere.

Antiochus Epiphane fut d'vne merueilleuse *Antiochus* finesse & audace, & auoit tresbien aprins, a l'exē *Epiphane* ple des Rommains s'accōmoder au tēps & meurs *dict Epima* de tous. tolerer & endurer de ceulx, avecques les- *ne* quez il viuoit, il fait le saige avec les saiges, il s'abandonnoit aux ieux & plaifances ou il cōgnoif soit que ieunes gens dissolutz prenoiēt plaisir & recreation: rendoit le peuple subiect a luy par amitié beau parler & affabilité, & toutes les foys

Le second Liure des Chronicques

qu'il faisoit banquetz & festins, commadoit ie-
ter & respandre grosses sommes d'argent entre
le peuple, soy delectât a le veoir recueillir. Pour
la dissolution de ses meurs fut appellé par après
Epimanes au lieu d'Epiphanes. Epimanes cer-
tes signifie fol, & Epiphanes noble & illustre.

Le commencement de son regne print four-
ce après la mort d'Alexandre cent trentesept ans.
Et cōme il tint en sa main ses royaumes heredi-
taires, ce neaumoins se transporta en Aegypte.
Et enuiron ce temps Ptolomée Epiphane mou-
rut. Cestuy auoit eu a femme Cleopatra seur du
dict Antiochus Epiphane, q̄ soubz ceste vmbre
cōmença a vsurpér le royaume des Aegyptiēs,
Ptolomée faignant estre tuteur du petit roy Ptolomée e-
Philometor. stant encor enfant, lequel estoit dict Philome-
tor. Or cestuy Antiochus ne monstroit que tou-
te humanite & bienneueillance a son nepueu
Philometor, & voulut que le grand Caire & les
autres villes se rendissent a ce ieune roy, affin
que soubz ceste couleur peust attirer petit a pe-
tit a soy tout le royaume. Apres auoir mis ordre
par tout, se partit dudit royaume, & vīt en Hie-
Iason. rusalē, a la requeste & persuasiō de Iason, qui affe-
ctoit a l'aide d'Antioch⁹ la dignité de grād preb-
stre. Or estoit il aīsi disposé entre les Iuifz pour
lors, que les plus puillantz & riches par finesse
& cautelles paruenoient a ceste dignité, par con-
spirations des roys estrangiers, & ce pendant fai-
soient mourir les vrais successeurs de tel hōneur

sacerdotal, A ceste cause fut de rechief puny de Dieu griefuement ce peuple Iudaicque. Voila le premier pparatif de guerre d'Antiochus en Hierusalem, auquel constitua vn grand prebstre, destruisist le tēple, & occist plusieurs. Cela aduint le sixiesme an du regne d'Antiochus, apres la mort d'Alexandre cent quarante trois ans. Depuis, apres deux ans finis, c'estascauoir cent quarante cinq ans apres la mort dudit Alexandre, dressa Antiochus sa gēd'armerie encor vn coup, pour aller en Aegypte. Les villes festoient de rechief rendus au ieune roy de ladicte Aegypte, lequel auoit demandé ayde aux Rommains. Or comme Antiochus inuadoit Aegypte: Popilius fut enuoyé des Rōmains par Ambassade, lequel somma au nō desdictz Rommains ledict Antiochus de partir dudit royaulme, & qu'il desistast a molester le ieune roy par bataille. Disant q̄ les Rommains auoient proposé par leurs forces le conseruer en son royaulme. Lors respōdit Antiochus qu'il deliberoit sus l'affaire. Mais Popilius ne luy voulut oncques donner loisir de delibérer, mais de sa Hallebarde fit vn cercle autour dudit Antiochus, & luy commāda de dire si vouloit partir ou non ainçois qu'il fut hors dudit cercle: Antiochus effraié de la seuerité & cōstance de Popilius, (il auoit congneu, & craignoit gradement la puillāce des Rommains) promist volontairement s'absenter & vider dudit royaulme d'Aegypte. Pourtant fut il cōtrainct avec

Le preparatif de guerre d'Antiochus en Hierusalem.

L'autre preparatif d'Antiochus en Aegypte. Popilius des Rommains enuoié en Ambassade a Antioch^o.

Exemple de la seuerité des Rommains.

Le second Liure des Chronicques

*Le second
voiage d' An-
tiochus en
Hierusalē.
La tyrānie
d' Antioch⁹,
enuers les
Hierosolimⁱ
tains.*

grand' honte de partir. Mais pour l'impatiēce de son dueil, enflammé d'ire & indignation s'en retourne encor vn coup en Hierusalē. Et ce fut pour la deuxiesme fois qu'il mena son exercite en ladicte ville, & exerça sa tyrānie plus cruellemēt beaucoup, qu'il n'auoit fait au parauant. Il cōmanda que les Iuifz adorassent les idoles des gētilz, & qu'on bruslast les liures de la Bible, & laissa en garnison a ladicte ville grand nōbre de meschantz garnementz qui feirēt aux Iuifz tous les mauix du mōde, principalement a ceulx q ne vouloient renoncer leur foy, & a ce faire vferent de l'aide de ceulx qui festoient reuoltés de la religiō desdictz Iuifz. Auec ce le tēple fut prophané, & y misrēt selon la superstitiō des gētilz vne idole. Mais qu'est il question d'en parler tāt? Lesdictz sacquemētz s'efforcerēt d'extirper la parole de dieu & l'vniuerselle loy, & en leur lieu itroduire l'vsage & coustume des gētilz. Non certes par follie, ains par grād' prudence auoit print ce cōseil icy Antioch⁹. Pource qu'il voioit les Iuifz a cause de leur religion resister souuent aux roys des gētilz, & vouloit a ceste raison oster la diuersité de religiō. En ceste maniere les pēlées humaines se iouēt des choses diuines, & pour leur plaisir veullent establir vne religion. Pourtāt soubz l'image & exēple de cestuy Antiochus, Daniel à depaict l'Antechrist, & à signifié son regne pour l'aduenir estre en ceste sorte, auquel soient affligez les Chrestiens, & la parole de Dieu destrui-

*Exemple
d'humaine
prudence es
choses diui-
nes.
Antiochus
represente
L'ante-
christ,*

Et, avec ce de fois a autre vne religion establee, en forte qu'elle soit contraire a la parole de dieu, par laquelle aduienne le moien de paruenir a la puissance, & acquerir tresamples richesses. Côme il est manifeste q̄ fait Mahōmet, qui institua vne faulſe religion, & soubz l'vmbre d'icelle establir nouueau regne. Si q̄ telle religiō n'est point veue impertinente ains adoulcist & attire principalement raison humaine. Cestuy Mahomet en instituant sa loy, laissa toutes les haultes substāces & articles de nostre foy, & retint seulement la doctrine des commandementz de bōnes meurs. Or c'est merueilles q̄ cela attire & alleſche la raison des hommes, pourtāt fait plus facile entrée aux cueurs humains, que la doctrine de nostre foy, qui est par dessus tout humain entendement, tāt est haulte, noble & excellente.

Pourquoy est la religion de Mahomet a-traynte.

Touchāt la tyrānie d'Antiochus il en est parlē aux liures des Machabées; Et Daniel tesmoigne que le peuple Iudaicque auoit meritē telles peines pour ces pechez. Or ce pendant qu'affligeoit nostre seigneur Dieu son peuple, si ne l'estaignit il totalement. Il suscita Iudas Machabeus, lequel avec peu de bēdes assaillit les capitaines & lieutenant d'Antiochus, & a l'aide de Dieu furent def-faitz, si que cestuy recouura le temple, au troiesme an apres que l'idole fut posée audict temple par le commandement d'iceluy Antiochus.

La promesse de Iudas Machabeus.

Daniel a cōprins tout ce temps d'affliction des Iuifz en deux mille trois centz iours, q̄ font six

Le second Liure des Chronicques

ans six mois, & quelques iours. La perfecution dura depuis le troisieme an du regne d'Antiochus, iusques a l'huictiesme & quelques mois. De ceste separation de temps a vſé Daniel, affin qu'on cõgneust, que l'Idole auoit esté au temple mille deux centz quatre vingtz & dix iours, qui font trois ans six mois. Et fut recouré le tẽple apres la mort d'Alexandre cent quarante huict ans. L'an 348 apres que Iuda fut deliuré de la seruitude de Babylone, & 152 ans deuant la natiuité de Iesuschrist.

*La peine
d'Antioch^s
pour son in
fidelité.*

Finablement Antiochus pour son infidelité, & blaspheme merita, non seulement la perpetuelle destructiõ de sa race, ains l'euerſiõ de tout le royaume des Syriens, pource qu'apres la mort dudit Antiochus, tousiours fut guerroié entre deux personages, ou plusieurs, pour la successiõ du royaume, affin qu'on voie clairomẽt par c'est exemple, de quelz fondemẽtz sourdent les causes, pour lesquelles les royaumes sont gastez & desolez, ainsi qu'o veoit puis n'agueres estre aduenue au royaume de Hõgrie. Antiochus Epiphane mourut au voiage qu'il prepara cõtre les Iuifz de rechief, pour véger l'iniure qui luy auoit esté faicte & le dõmage. Apres sa mort, son frere Demetrius partit de Romme & vint prendre faisine du royaume, apres auoir tué Antiochus surnommé Eupator filz d'Antiochus Epiphane.

*Antiochus
Eupator.*

Le Du Alexandre apres auoir exité vne mutinerie contre Demetrius occist ledict Demetrius.

Demetrius laissa deux filz, c'est ascauoir De-
 metrius & Antiochus Sedetes. Et de cestuy De-
 metrius de fois a autre fut desconfit Alexandre.
 Consequemment s'esmeut discord par l'instiga-
 tion d'un nommé Triphon contre Demetrius,
 qui le poulsa hors du royaume : mais retourna
 quelq' fois ledict Demetrius au royaume, & en
 la fin mourut d'un coup d'espée. Antiochus Sede-
 tes fut deffait des Parthes.

*Demetrius,
Antiochus
Sedetes.*

Cestuy Demetrius eut un filz nommé Antio-
 chus Griphō. Antiochus Sedetes delaisa un filz
 appellé Antiochus Cyzicenus. Entre ces deux
 fut guerroyé pour la succession du royaume de
 Syrie, & l'un & l'autre fut tué. Puis apres le filz
 de ceulx cy, a l'exemple de leurs pere n'eurent pas
 moins de debat a q' auroit ledict royaume, & se
 debilitèrent tant a la fin par mutuelles guerres,
 que Syrie fut contraincte se metre a l'obeissance
 des roys estrangiers. Elle s'adioignist a Tigranes
 roy d'Armenie. Et en ceste sorte fut translaté le
 royaume de Syrie de la posterité de Seleucus
 aux princes d'estrange contrée. Finablement
 apres que Tigranes fut occis de Pompeé, Syrie
 fut redigée soubz la puissance des Rommains.
 A tant suffise du royaume de Syrie.

*Tigranes oc-
cis par Pom-
pée.*

Des Roys d'Egypte apres Alexandre.

PTolomée filz de Lagus, duquel est touché en
 Pausame, qui dict qu'il estoit bastard de Phi-
 lippe pere d'Alexandre.

*Ptolomée
filz de La-
gus.*

Le second Liure des Chronicques

*Ptolomée
Philadelphe
amoureux de
paix, & des
artz.*

2 Ptolomée Philadelphie. On fait grand' estime de cestuy roy, pource qu'il ayma paix, & pourtāt aussi qu'il se delecta en toute espece de sciences, & institua tresbonne maniere de faire en la republicque. Personnaiges doctes & discretz se retirent vers cestuy de tous les pays du monde, lesquels il entretenoit doucement & liberalemēt.

*La librairie
de Ptolomée*

Il eust vne librairie, qu'au monde ny auoit de mieulx equippee & fournie de liures, & a ceste cause eust cognoissance avec les Iuifz. Or cōme il estoit soucieux de congnoistre de l'origine de toutes nations, religions, & sciences, trouua que le peuple de Iudée estoit le plus ancien de tous les pays, & que cestuy seul auoit trescertaines hystoires de la creation du monde. Doncques demanda il, qu'on luy enuoiaist de Hierusalem soixante & douze personaiges: par l'aide desquelz la sainte Bible fust traduite d'Hebreu en son langage: & par cela la Bible fut mise en langue estrangiere premieremēt. Et n'y a point de doute que par ceste mesme raison, ne fust conuertuy Ptolomée a vraye foy.

*La Bible
translatée.*

*Ptolomée
Euergetes.*

3 Ptolomée Euergetes inuada Syrie, & vengea la mort de sa seur Berenice.

*Ptolomée
Philopator.*

4 Ptolomée Philopator vainquit Antiochus le grand: apres cela, deuint merueilleusement dissolu, & fut tellement amoureux d'une damoyfelle, qu'il commanda qu'on feist mourir la royne sa femme, pour la grand' amour dequoy il aymoit ladicte ieune damoyfelle.

- 5 Ptolomée Epiphane, qu'Antiochus le grand inuada, puis luy bailla sa fille en mariage. *Ptolomée Epiphane.*
- 6 Ptolomée Philometor: Antioch^o Ppiphanes oncle dudiect luy feist la guerre, mais les Romains le deffendirent, & sommerent lediect Antiochus de vuidier d'Aegypte, dequoy nous auos touché au precedent. *Ptolomée Philometor.*
- 7 Ptolomée Euergetes remit Demetrius, qui auoit esté poulsé hors de son royaulme. *Ptolomée Euergetes.*
- 8 Ptolomée Physco, ressembla mieulx a vne beste qu'a vn hōme, pour sa cruaulté deshonnefte. Il prit sa seur en mariage, & eust des filz d'elle: puis feist seruir deuāt sadiecte seur vn de ses filz mort pour méger, finablement fut deiecté du royaulme. Les roys subsequētz furent notez de semblable villenie, tellemēt qu'ilz auoiēt affaire avecques chiens, & exerçoiēt pl^o grād' tyrānie q̄ le precedent. *Ptolomée Physco mieulx beste qu'homme.*
- 9 Ptolomée Alexandre *Ptolomée Alexandre.*
- 10 Ptolomée Latyrus *Ptolomee Latyre.*
- 11 Ptolomée Auletes, que l'Empereur Gabinius restitua. *Ptolomée Auletes.*
- 12 Ptolomée Denys, qui cōmanda occir Pompée, & puis apres ioua de mauuaise poincte a Iules Cēsar, pour ceste cause le poulsa hors du royaulme lediect Iules, & donna lediect royaulme a sa seur Cleopatra, laquelle se tua finalement, quāt elle sceust qu'Anthoine, q̄ detenoit lediect Iules, fut vaincu par Auguste. Cōsequēment Aegypte vint a la dominatiō des Rōmains: & fut en ceste sorte la posterité tresnoble de Ptolomée estaïcte. *Cleopatra.*

Le second Liure des Chronicques

Des Iuifz.

Nous auons touché deuât, qu'après le retour des Iuifz de Babylone, la charge du royaume demeura enuers le sang & race de Dauid, & ne reſtoit ſeulement qu'ilz eſtoient priuez de la dignité d'appellation royalle, car ſeulement eſtoient appellez princes, & non pas roys. Or regnerent ilz, iuſques au temps d'Antiochus, & d'iceulx faiët mention ſainct Luc, en la genealogie de Ieſuſchrift.

Zorobabel regna	58
Reſa Miſcolam	66
Iohanna Ben Reſa	53
Iudas le premier Hircanus du temps d'Alexandre	14

Après Alexandre.

Ioſeph le premier	7
Abner Semei	11
Eli Matathia	12
Aſer Maath	9
Nagai Artaxat	10
Hagai Eli	
Maſlot Naum	
Amos Syrach	14
Matathia Siloa	18
Ioſeph le ieune	50
	Ceſtuy

Cestuy eut grand' priuaulté a Ptolomé Euergetes, est nommé en Eusebe Arses.

Ianna second Hircané 16 cestuy mena grã's ^{Ianna 2.^e} ^{Hircané} guerres contre les Arabes, & souuent fut victorieux. Or comme quelque fois fust assiegé dens vn chasteau par Antiochus Epiphane, & ne pouoit auoir de renfort, toutesfois ne se voulut rendre, mais en bataillant vertueusemēt, resista aux ennemys, iusques a ce qu'il fut occis. Ce fut le dernier prince de la race de Dauid qui domina sur le peuple Iudaicque. Apres cestuy furent seigneurs du royaume des Iuifz les Machabées, qui furent de la ligue sacerdotale. Mais apres ceulx cy, le royaume de Iuda fut translaté a la race d'Herodes, qui estoit des gentilz, mais elle auoit receu la circoncision. Veritablement nostre Seigneur Dieu auoit predict, q̄ le sceptre & la maiesté du royaume seroit tollu a Iuda, & aux succeffeurs de Dauid, a l'aduenement de Iesuschrist: ^{L'aduenement de Ie.^s suschrist.} Et n'auoit esté aliené ledict royaume de la posterité de Dauid, bien cent & soixante ans deuant ainçois que Iesuschrist naquist, en sorte que les viuantz auoient fresche memoire, que ceste maison de Dauid auoit dominé. En ceste maniere les princes des Iuifz sont recitées de sainct Luc, iusques au dernier Ianna Hircane, & apres cestuy, il nombre aussi les autres, qui n'ont point regné, iusques a Iesuschrist. Pourtant ie metray cy dessoubz en brief des Machabées & de la posterité d'Herodes.

Le second Liure des Chronicques

Du genre des Machabées.

Matathie. Matathias admonnesta ses filz, de resister a Antiochus, & regnerēt ceulx cy en ordre, par succession comme princes.

Iudas Machabeus. Iudas Machabeus p̄mier, descōfist les chefz de guerre d'Antiochus Epiphanes, & en 3 ans recouura le tēple, & eust de triūphātes victoires. Mais incontinent apres l'apoinctemēt fait, cōspira avec les Rōmains, parquoy fut deffait & mourut tost apres. Le seigneur Dieu ne veult point que nous appuions totalement au support humain, ains q̄ nous cōfions a luy. Cestuy regna cinq ans.

Ionathas. Ionathas regna dixneuf ans: Cestuy suiuit le p̄ty d'Alexandre, qui vsurpoit le royaume en Syrie. Puis apres fut par grād' trahison occis de Triphon: Veritablemēt la fin de luy fut malheureuse, pource qu'il vsoit d'aide de mauuais garnementz & personnes seditieuses.

Simon. Simon regna huiet ans: il vainquit Antiochus Griphon, finalement fut desconfit par trahison de son propre gendre.

Iehan Hircane. Iehan Hircane fut filz de Simon, & regna vingt & six ans de son tēps. Antiochus Griphon assiegea Hierusalē, mais appaisé par somme d'argent, laissa la ville, & leua le siege, Consequemment Hircane obtint Samarie.

Les Roys Machabées.

Aristobule. **A**Ristobule filz d'Hircane regna vn an, & voulut estre courōné, cestuy fut le premier roy

en Hierusalem, apres le retour des Iuifz de Baby-
lone. Il tua son frere Antigone, pourée qu'il crai-
gnoit que cestuy n'affectast le royaulme.

Alexandre filz puisné d'Hircane regna vingt
& sept ans: & apres luy sa femme Alexandra eust
la domination du royaulme neuf ans.

Alexandre laissa deux filz, Hircane, & Aristobu-
le, iacoit qu'Hircan^o fust l'ainé, toutesfois fut il
de s^o frere Aristobule deiecté du royaulme, qui a
force vsurpa la dignité du n^o royal, mais Hircan-
us fut aydé d'Antipater prince d'Idumée, & de
son pere Herodes, & d'Areta roy d'Arabie cōtre
fondict frere Aristobule. Or ne fut pour lors en
Iudée l'estat des affaires moïs Barbare & estrāge,
la mode des gētilz, qu'au royaulme des autres na-
tiōs. Puis apres aussi tost q'Pōpée eust prins Hie-
rusalē, cōstitua pour grād p̄bstre Hircanus, print
Aristobule, & le mena avec ses deux filz a Rōme.
Mais cōe ilz faisoiet le voiage, Alexandre eschap-
pa, retourna en Iudée, & de rechef fut puissāt p̄-
ce. Finablement fut deffaict p̄ Gabinius empereur
des Rōmains en Syrie, & apres p̄ le cōmādemēt
de Scipion eust la teste coupée en Antioche. An-
tigone fut laissé a Rōme de Iules Cēsār, mais
long temps apres fut faict mourir en Antioche
par Antoine, trois ans apres qu'Herodes fut cō-
stitué Roy. Or ce pendant Hircane estoit grand
prebstre, si nous voulons faire venir a compte le
temps d'iceluy, nous trouuerons qu'il regna trent

Le second Liure des Chronicques

te quatre: Et fut fait mourir par Herodes. C'est vne chose espouventable en la lecture des histoires, de veoir; que seulement ne perissent les nobles familles entre les hommes, ains aussi la posterité des sainctz & vertueux psonnages degenerer totalement de la preudhommie & bonté de leurs maieurs, & tumber en toute villenie & deshonesteté.

En quel temps furent les Phariſées & les autres sectes chez les Iuifz.

Les Machabées.

OR comme pour la tyrânie & batailles d'Antiochus, la principaulté, & grand' prebstrise eust commencé a estre dissipée & desirée chez les Iuifz, si que ce pendant les Machabées s'allierent avec les roys des gentilz, qui a leur gré establiſſoient ou depoſoient les princes, ou les grâds prebſtres en Iudée, Lesquelz roys n'auoiēt aucun ſoucy de vraie religiō & culture de Dieu, ſus ces entrefaictes ne ce peult faire, qu'en la religiō des Iuifz ne ſeſleuaſſent ſectes & diſſentions diuerſes. Ainſi voit on aduenir, quand on n'a certain chef, ou quand les cheſz de l'Egliſe ſont negligentz de fidelité & reuerence due a Dieu, & quierent ſeulement auoir puissance mondaine, a l'exemple des ſeigneurs temporelz & perſonnages prophanes.

Trois manieres de ſectes chez les Iuifz.

Trois ſortes de ſectes ſeſleuerent en Iudée: la premiere fut des Phariſées, c'eſt adire ſeparez. Ceulx cy furent les plus doctes, & vſerent de ie

ne scay quelles cōstitutions humaines sus la lōy de Moyses, parquoy estoient segregez des autres. Toutes fois leur doctrine fut vn peu pl⁹ saine & droicte, que celle des autres. Ilz donnerent a cognoistre, qu'apres ceste vie, y auoit immortalité, *Les Phari-*
& que Dieu vouloit venger & punir les pechez, *sees.*
Ilz creurent aussi qu'vn Messias debuoit venir au salut des fideles & croiant veritablement, & que cestuy seroit iuge des pecheurs. Or a ceste se-
cte fut donnée la charge de la republicque deuant les autres sectes, avec ce lesdictz Pharisees estoient plus riches & puissantz.

La secōde secte estoit des Sadducées. Ceulx cy *Les Saddu-*
soubz l'vmbre de leur beau nom cachoient leur *cées.*
infidelité, zaddic vault autant a dire cōme iuste, & Sadducées sont iustes & saintz personnages. Ainsi est il estably & disposé au mōde, que ceulx q sont les pires, colorēt leurs couuoitises & mauuaistiez par appellatiōs belles & hōnestes. Ceulx cy disoient qu'il n'y auoit point de vie apres la mort & q Dieu auoit ordōné seulement, q nous vescuissions hōnestement & en tranquillité, receuant ce pendant en ceste vie le loyer de iustice estably d'iceluy Dieu. Ilz interpreterēt les escriptures selon le iugement d'humaine raison, & ne vouloient ouyr autre chose, & ce qui conceuroit les meurs. Veritablement ceulx cy furent Epicuriens *Les Sadu-*
totallement. Finablement s'augmenterēt en *cées furent*
puissance, se qu'ilz destourberent beaucoup les *Epicuriens.*
Pharisees. C'est vne chose horrible a ouyr, qu'en

Le second Liure des Chronicques

vñ peculier & propre peuple de Dieu, doctrine paienne eut fait telle entrée, qu'ilz ne craignoiet publicquement enseigner & dire constamment, qu'après la mort n'y auoit point d'autre vie.

*Les Essées
& Anabaptistes ressemblent l'un à l'autre.*

Les troisiemes furent nommez Essées, lesquelz cōsiderantz q̄ les Pharisiées & Sadducées fuuoiēt leur desir sensuel soubz honneste couuerture de tiltres, & qu'ilz ne faisoiet riē correspōdāt a leur profession & religiō, pourtāt delibérerēt, de mōstrer publicquemēt par faitz, la seuerité & austerité de leur vie, & voulurēt estre nommez Essées, c'est adire ouriers ou besongneurs. Assā signifie besongner, dōt furēt dictz Essées: ainsi cōme nous voioīs en nostre tēps les Anabaptistes blasmer les lutheriēs & les papistes, & veulent estre veuz les plus p̄faitz & saintz. Les Essées menerent quasi vie semblable aux Anabaptistes: ilz s'abstindrēt de mariage, & eurēt toutes choses cōmunes être eulx. Donc icelle secte, fut vne grosse & folle superstitiō de moynerie & abus de religion, & q̄ ne peust durer lōguement. En ceste maniere pour le iourdhuy l'Eglise est diuisée en trois pties: veritablemēt le secōd aduenemēt de Iesuschrist n'est point loing. Les Anabaptistes tiennēt le lieu des Essées, & quāt aux deux autres pties, les vnz tiennēt le lieu des Pharisiées, & les autres des Sadducées. Tout ce q̄ fut fait en Iudée, representoit l'estat de la religion Chrestienne pour l'aduenir. Ces sectes icy premieremēt sourdirent entre les Iuifz, soubz le regne de Iehan Hircane filz de Simon, deuant la natiuité de Iesuschrist 125 ans.

*L'estat de
l'Eglise pour
le temps qui
court.*

De la race d'Herodes.

Du tēps q̄ Iules Cēſar feiſt la guerre en Aegypte, Antipater prince d'Idumée luy dōna ſecours avec grād' fidelité, & pour la memoire de ce bien-faiēt, lediēt Cēſar le conſtitua lieutenant au pays de Iudée, qui pour l'heure fut contraincte d'obeir en ſon royaulme aux princes eſtrangers & aduolez: Mais des le commencement avec grād' reſiſtēce ſ'oppoſerent les Iuiſz, portans a grād' regret obeiſſance a vn hōme Idumēā, ſi qu'en la fin le feirēt empoisonner, p̄ vn Iuiſ nōmé Malchus.

Herodes vēgea la mort de ſon pere Antipater, & ĩpetra d'Auguſte & d'Antoine la ſucceſſiō du royaulme Iudaicque, en l'Olympiade cēt quatre vīgtz & deux: & cela fut āps Alexādre 2 cētz quatre vīgtz & douze ans. Ceste cauſe fut, p̄ laquelle Iudée receut roys eſtrāgiers d'Idumée, & āps auoir tins lōguemēt ſiege, Herodes cōtraignit les Hieroſolymitains a ſe rendre: & n'eſpandoit on peu de ſang, ains que de leur bō grē ſ'aſſubieētif ſent les Iuiſz aux loix d'Herodes. Certainement au trētiefme an du regne d'Herodes naſquit noſtre ſeigneur Ieſuſchriſt. Voila les plus grand's & preſque les plus principales mutatiōs du royaulme ſommairemēt comprinſes, qui ſont aduenues en Iudée au tēps de ceste Monarchie, iuſq̄s a la derniere Monarchie & temps de Ieſuſchriſt.

Cōbien qu'on cognoiſſe aſſez, que les roys de Iuda apres la natiuité de Ieſuſchriſt fuſſent de la maiſon & race d'Herodes, ſi les metray ie

Le second Liure des Chronicques

toutesfois par ordre tous, affin que le lecteur pl⁹ facilement puisse cognoistre, comme les vnz sont descenduz des autres, & comme ilz ont administré legitimement par successiõ lediçt royaume, iusques a la destructiõ de la ville de Hierusalẽ, iaçoit q̄ quãd au iuste ordre qui apartiët en histoire, ie ne sois encor parueniu iusques la. Car il reste a reciter les gestes des Rõmains aĩçois, lesq̄lz sõt aduenuz au tẽps de la monarchie des Grecz.

*Herodes
Ascalonites*

Herodes premier, qui estoit diçt Ascalon, eust plusieurs filz, entre lesquelz fist occir Aristobule, Alexandre & Antipater, pour la conspiration qu'ilz auoient faicte contre luy: Mais apres cestuy regnerent Archelaus, Herodes surnommé Antipas & Philippe. Entre ceulx la eust diuision pour le royaume.

Archelaus fut par testament esleu roy de son pere Herodes: mais Auguste ne voulut pas cõfermer la volüté dudiçt Herodes: ains l'establit prince, soubz c'est espoir toutesfois qu'il seroit faicte roy, si gouuernerait honnestement le royaume. Dõcques cestuy regna neuf ans, & vĩa de grãd' tyrãnie, il establit & deposa les grãds prebstres. Il rauit la femme de son ppre frere Alexãdre. Finalement fut accusé pour ses meschancetez enuers Auguste, q̄ le priua de son royaume, & pour son supplice fut bany en Galilée. Affin qu'il consommast le demeurãt de son aage en exil: apres, ceste partie de Iudée fut regie des lieutenãtz Rõmains, premierement par Cyreni⁹, cõsequẽment p̄ Pilate.

*Archelaus
enuoié en
exil par Au-
guste.*

Herodes Surnomé Antipas, frere d'Archelaus, auoit esté cōstitué de son pere prince de Galilée. Cestuy osta la femme de son frere Philippe du vi uât dudi& Philippe, or le cas aduint en ceste sorte : Herode faisoit vn voiage a Romme, & en allant d'aduēture se diuertit au logis de son frere, q se tenoit en la premiere partie de Iudée ce pēdāt y eust familiarité & priuaulté entre Herodes & Herodias fille d'Aristobulus & seur d'Herodes Agrippe: doncq cōuindrēt ensemble Herodes & Herodias, qu'au retour de Rōme il l'ēleueroit, ce qu'il feist parapres. Sain& Iehā baptiste reprint ce deli&, & eust pour ceste cause la teste trēchéc. Mais Herodes ne demeura impuny de ce cas, car fut bany avec Herodias par Caius Caligula en Leonie ville de Galilée, laquelle Herodias l'auoit indui& qu'a son voiage de Rōme il impetra le royaulme des Iuifz, ce ql ne fait, & d'aduātage pdit ceste ptie dudi& royaulme ql auoit possedée au parauāt. Il regna en Galilée 24 ans.

*Herodes.
Antipas osta
la femme de
son frere
Philippe.*

*Sain& Iehā
Baptiste.*

*Exemple de
vengeance.*

Herodes Agrippa fut filz d'Aristobule, du ql nous auōs parlé au precedēt: Cestuy Aristobulus fut filz du p̄mier Herodes, & fut occis de son pere. Herodes Agrippa fut captif a Romme du tēps de Tybere, puis apres fut grandemēt en la grace de Cai^o Caligula, il impetra de luy la partie que tenoit son frere Philippe, & eust le nom de roy. Consequemmēt obtint ceste terre qu'eust Herodes Antipas, & de Claude impetra Samarie & Iudée, & a ceste occasion toute Iudée fut de rechef

Herode Agrippa.

Le second Liure des Chronicques

Sainct Iacques apostre. subiecte a l'obeissance d'un seul seigneur. De cestuy mesme Herodes sainct Iacques le maieur apostre fut occis ce qu'on treuve aux actes au 12 chapitre. Ledit Herodes regna 7 ans.

Agrippe, au temps duquel fut destruite Hierusalem. Agrippa filz d'Herodes Agrippe estoit encore ieune prince quand son pere mourut, pour ceste cause de rechief Iudée fut gouvernée par les preteurs Rommains. Claude par apres donna a Agrippe ceste partie de Syrie q s'appelle le royaume Chalchique : il luy donna aussi le pays que possedoit Philippe, pres de Iudée. Nero luy donna semblablement quelques villes de Iudée. Au temps de cestuy Agrippe, Hierusalem fut destruite, & est fait mention d'iceluy au 21 chapitre des actes des apostres. il regna 27 ans. Philo escript que cestuy Agrippe eust un filz, qui regna avec Ben Cosban, lequel Ben Cosban vsurpa le royaume enuers les Iuifz, & esmeut grand mutinerie en Syrie & Iudée, du temps de l'Empereur Adrian. Voila toute la race d'Herodes iusques a la destruction de Hierusalem, ce que nous auons assemblé en brief, affin qu'on cognoisse clairement en quel ordre ilz ont succédé au royaume, ce qui est tresnecessaire de cognoistre en la Bible. Depuis le temps du premier Herodes, iusques a la destruction de Hierusalem il ya 103 ans.

De Romme.

EN la tierce monarchie nous auons fait mention en brief de la ruine & decadéce des Persans, de la felicité & infortune des Grecz, & des variables mutations & troubles des Iuifz. Maintenant reste faire recit par semblable briefueté des temps des grãd's guerres, qui ont esté faictes par les Romains depuis Alexãdre. Mon œuure certes seroit bien gros, si ie voulois compter les hystoires entieres. Nous auons touché deuant, q̃ aucunesfoys les souueraines monarchies furent ordonnées diuinement, afin que les grãds princes fussent domptez, & que droit fust estably a l'en cõtre des grãd's tyrannies. On peut veoir & considerer en toutes monarchies, lesquelles n'õt esté quasi augmentées pour autre raison, sinon qu'elles ont subiugué les trespuissantz roys. Si les Rõmains ont cõmencé a estre gros seigneurs en Italie, il fault entendre que premierement auoient inuadé les Espaignolz & Carthaginois, & cõtre iceulx meurent guerres tresdifficiles & de longue durée, combien que lesdiãtz Romains cependant ne fussent vne foys desconfitz.

*pourquoy
furēt les mo-
narchies
principale-
mēt establies
de Dieu.*

De la bataille des Carthaginois.

Sicile fut cause de la bataille faicte encõtre les Carthaginois. Pource que le roy Hieron demãda secours aux Rõmains cõtre iceulx Carthaginois, lesquelz cõme ilz tinssent ia de long tẽps la plus grãd' partie de Sicile, par apres exciterent

*Hieron.
Sicile occa-
sion de la
guerre de
Carthage.*

Le second Liure des Chronicques

diuers tumultes . Pour ceste raison les Rōmains dressèrent vne exercite cōtre les Carthaginois, l'an de la fondation de Rōme quatre centz quatre vingtz , & dura ceste bataille vingt & deux ans entiers. Premièrement les Rommains souffrirent vne boucherie miserable , quand Regulus fut prisonnier en Carthage. Cestuy Regulus fut enuoyé des Carthaginois a Romme , pour persuader au Senat Rommain, de renuoyer les prisonniers de Carthage, & par cela seroit luy mesme deliuré , s'il impetroit ceste chose enuers le parlement: & s'il ne le pouoit faire promettoit sa foy de reuenir en Carthage. Or incontinent que lediēt Regulus fut a Rōme, mist en teste aux Senateurs qu'on ne feist permutation de luy aux prisonniers de Carthage, qu'ilz considerassent qu'il estoit desia vieil, caducq & debile, & d'aduātaige qu'il ne pouoit viure lōguement. Qu'est il question de tenir plus long propos? Brief le Senat vsa de l'opinion dudiēt Regulus , lequel s'en retourna en Carthage, ainsi qu'il auoit promis, ou il fut faict mourir par tourmentz nouueaulx & non encores vsitez , & entre ses autres supplices , on diēt qu'on luy couppa les paupieres des yeulx , affin qu'il veillast tousiours , & qu'il ne peust dormir . Premièrement est cestuy homme loué principalement, pour sa fermēte amour enuers la republicque, de laquelle il proposoit l'vtilité au salut de luy & des siens . Il est prisé aussi pour sa foy promise, pource qu'il retourna en Car

*Regulus
pris des
Carthagi-
noys.*

*La peine de
Regulus.
L'amour de
Regulus en
uers la repu-
blique, &
la foy en-
uers ses en-
nemys.*

thaige, & pensoit bien qu'on le feroit mourir cruellement. Finablement les Carthaginois furent contrainctz de demãder apoinctement aux Rommains. A l'isle d'Eguse fut baillée iournée par les Rommains aux Carthaginois, & furent occis des Carthaginois treze mille, & trête deux mille prisonniers. Mais ainsi que les Carthaginois demandoient la paix, leurs captifz furent deliurez des Rommains volontairement, sans en prendre rançon. Ces choses aduindrent apres la mort d'Alexandre, quand Ptolomée Euergetes dominoit en Aegypte.

La iournée d'Eguse.

De Hannibal.

L'An de la construction de Romme cinq cêtz trente six, la seconde bataille punique fut cõmencée de Hannibal cõtre les Rommains, le fondement de ceste guerre fut pour Espagne, laquelle comme quelquefois l'eussent perdue les Carthaginois, a ceste heure la, de rechief la subiugua Hannibal. Croyez que iamais les Rõmains n'endurerent telle deffaicte, comme ilz furent en ceste iournée. fortune certes se mōstra enuers eulz si ennemye, que Hannibal entra iusques en Italie, ou par luy furent cõquis troys foys, Et iaçoit qu'aux premieres deux iournées la plus grand' partie des Rommains fut mise a rouverte, toutesfoys n'y a point de comparaison a la tierce, en laquelle furent occis des Rommains environ qua-

La seconde bataille punique.

La cause de la secõde bataille punique, Espagne.

La perte des Rommains a la seconde bataille punique.

Le second Liure des Chronicques

Scipion le ieune.

rante mille, & plusieurs prisonniers. Ceste deffaitte donna si grand' terreur a la ville, que plusieurs gentilz hommes Rommains assemblez delibere rent laisser la ville, & foy retirer en Grece. Mais apres que Scipion le ieune eust ouy ces nouuelles, vint a eulx, & les admonnesta d'estre constantz a deffendre leur pays, dict d'aduantage, que s'il aperceuoit aucun voulant fuir, que soubdain luy donneroit de son espée dens le corps. Pour ceste raison contraignit il les ieunes gentilz hommes a faire foy ensemble, & iurer saintement, qu'ilz ne partiroient de la ville, mais au contraire endureroient l'une & l'autre fortune, c'est adire bien & mal, pour l'amour du pays. Veritablement cestuy Scipion meist fin a la guerre, apres qu'elle eust duré seize ans. Il vainquit en Aphricque Hannibal, & cōtraignit les Carthaginois a demāder la paix, laquelle fut faicte par ceste loy, que les Carthaginois debuoient rendre Hannibal es mains des Rommains. mais cestuy eschappa & s'enfuit au roy Antiochus le grand, lequel il anima a faire grosse & redoubtable guerre cōtre lesdictz Rommains. Mais le roy Antiochus succomba, ce que nous auons dict deuant. Facilement on peult recueillir de cecy, en quel temps fut faicte la seconde bataille punicque, qui fut vingt ans deuant Iudas Machabeus.

La fuite de Hannibal au roy Antiochus.

De la bataille des Rommains en Macedoine.

EN l'an cinq centz cinquante & cinq apres la fondation de Romme, batailles sourdirent en Macedoine. Premièrement contre Philippe, a cause de la confederation avec Hannibal contre les Rommains. Cestuy Philippe haioit grandement le nom Rommain. Il metoit a sa phantasie que la ville de Romme seroit quelquefoys la ruine de tous roys & trespuissantz monarcques, en sorte qu'il est commun que cestuy souloit dire qu'il viendroit vne tempeste d'Italie en Grece, pour la vehemēce de laquelle toutes les pertes & descōfitures q̄ Grece auoit souffertes des Persans & autres, n'estoiet que roses au prix de celles qui debuoiēt venir de Romme. Pourtāt quād il fut assailly des Rommains, prudentemēt demāda la paix, & feit alliāce avec iceulx. Parapres son filz Perseus, qui estoit plus audacieux & querelleux, dressa vn ost, se confedera avec plusieurs roys, & enuahit les villes des Rommains qui estoient en Grece: si que de prinfault furent les Rommains desconfitz par ledict Perseus. Mais non long tēps apres ceste guerre, il demanda volontairement la paix ausdictz Rommains: mais reffusoient a la luy bailler, & enuoierent en Macedoine Paul Emille, duquel fut vaincu Perseus, & prins avec sa mere, sa femme & ses enfantz en ceste maniere furent domptez les roys par la puissance des Rommains. Cestuy Perseus fut dernier roy entre les roys de Macedoine. Et en cest endroict fut estaincte la noble lignée de Demetrius, de

*Philippe,
cause de la
guerre des
Rōmains en
macedoine,*

*Perseus filz
de Philippe
dernier roy
de Macedo
ne,*

*Paul Emil-
le,*

Le second Liure des Chronicques

laquelle nous auons touché deuant. Consequem-
ment le filz de cestuy Perseus, fut notaire a Rom-
me, & par apres le royaulme de Macedone fut
tousiours administré & regi par les Empereurs
Romains. Ceste guerre avec Perseus s'esleua,
nō pas beaucoup deuant qu'Antiochus Epipha-
ne inuadast les Iuifz.

De la destruction de Carthage.

*La tierce ba-
taille puni-
que.* EN l'an six centz & deux apres l'edification de
Romme, la tierce & derniere bataille puni-
que, avec les Carthaginois, fut commencée, pour
cette occasion: les Carthaginois n'estoient point
a la grace de leurs voisins, (ainsi comme souuent
on voit entre villes & princes dissensions soy es-
leuer) lesdictz voisins demanderent secours aux
Rōmains cōtre lesdictz Carthaginois. Or apres
auoir longuement contenu, fut disputé a Rom-
me a la court de parlement, a scauoir mon fil e-
stoit bon de destruire totalemet Carthage, pour
ce qu'elle estoit tousiours querelleuse, & ne vou-
loit viure en paix. Scipion Nasica auoit esté d'o-
pinion qu'elle ne fust destruite: allegant que la
chose ne seroit honneste, aux Romains, d'exer-
cer si grāde tyrannie, & tuer cruellement vn peu-
ple tant renommé. D'aduantage si le cas se fai-
soit, q̄ ce seroit chose inutile: & q̄ sans ceste dite
ville, Aphricque ne pouoit demeurer en l'obeif-
sance des Romains, si n'estoit question d'ad-
uenture

*Disputatiō
entre les Rō-
mains, si Car-
thaige deb-
uoit estre to-
talemēt de-
solée.
Scipion Na-
sica.*

uenture de faire ladicte Aphricque deserte & la metre en friche. Tiercemēt il alleguoit, qu'il estoit necessaire aux Rommains, auoir ceste ville icy ennemye & aduerse, par laquelle estoient incitez a promptitude & exercice de guerre: autrement aduiendroit silz n'auoient ennemys, qu'ensemble auroient tout plain de guerres intestines. Au cōtraire Caton entre autres argumētz ^{Caton.} metoit sur le bureau, qu'il voioit manifestement les Rommains degenerer petit a petit des vertuz & force des maieurs. Pour ceste cause, si Carthage ville trespuissante persistāt en son estat, cognoissoit la lascheté, mufardie nonchallance & pusillanimité des Rommains, il n'est rien si certain que de rechief ne bataillast, pour la domination de l'Empire, & qu'elle n'opprimast & assubiectit a sa puissance les Rommains. Pourtant affin que cela n'aduint, disoit estre tresutile & tresnecessaire de destruire la ville.

Le Senat pour telles oppinions, ne decerna ee neaumoins aucun arrest: ains ordonna que Caton l'ancien, & quelques autres seroient enuoyez a Carthage, pour experimenter la besongne, si on debuoit craindre pour l'aduenir aucun peril des Carthaginois, affin que ledict Senat deliberaist avec meur conseil qu'il estoit de faire. Mais qu'est il besoing de si longues parolles? Caton apres auoir fait le voiage, recita qu'on debuoit plus craindre les Garthaginois que deuant. Disant que iaçoit qu'iceulx n'eussent roy-

Le second Liure des Chronicques

aulmes, toutesfoys la ville estoit si puissante & forte, si qu'a grand difficulté s'eust peu tenir en paix, & qu'elle machinerait tousiours quelque chose pour se venger. Oultre Caton auoit apporté avecques soy des figues nouvelles de merueilleuse grosseur, lesquelles monstra au Senat. Or comme on luy demanda dont il les auoit apportées, respondit qu'il seroit bien en troys iours par mer, ou elles auoient esté prinſes, & qu'il les auoit cueillies en la terre de leurs ennemys, disant voz ennemys ne sont loing de vous ceulx qui souhaitent vostre empire. Le Senat esmeu de telles persuasions, ordonna qu'on feist la guerre a Carthage, & qu'elle fust destruite & rasée totalement, affin qu'on n'eust esperance de la reedifier par apres. Or a mener l'exercite, Scipion le ieune, filz de Paul Emile fut estably chef, & au quatriesme an, apres auoir battu & donné l'assault a ladicte ville six iours entiers, fut prinſe. Et iaçoit que Scipion permist a tous s'en aller franchement, toutesfoys y eust merueilleuse tuerie, en la sacageant. Apres par le commandement dudit Scipion le feu y fut mis, & brusla par l'espace de seize iours continuz. Voyla la miserable ruine de la tresillustre & florissante ville de Carthage, en laquelle tant de princes renommez ont dominé, de la dignité desquelz, amour de briefueté ne permet d'en parler plus oultre. Carthage fut en fleur enuiron sept centz ans. Le lecteur debonnaire peult certainement contem-

Scipion le ieune.

Carthage destruite.

pler deuant toutes choses a cest endroi& vn horrible exemple de la vengeance diuine, en la rui-
ne & desolation tant cruelle, de ceste noble &
tant puissante ville. On dict que Scipion apres
le feu & deflagration de ladicte ville, monta sus
son cheual & vint au lieu pour veoir la misera-
ble fortune d'icelle ville arse & estaincte, & lors
meu de pitié pleura tendrement, disant, Certes
ie suis bien dolent de la ruine d'vne cité tant re-
nōmée. Je pense bien que pour l'aduenir Rōme
pourra tumber en pareille aduenture, car verita-
blement en la terre n'y a empire ne royaulme de
longue durée, mesmes nulle puissance n'est en ce
monde constante & asscurée.

*De la guerre des Cimbres, maintenant dictz
Frisonz, Ostrelins & Dains, en Italie.*

VOicy la seconde hystoire des Germains, au-
trement dictz Allemās, & de leur bonne for-
tune en Italie. Cimbres proprement sont Alle-
mans, ce que le nom de l'isle Cimbricque tesmoi-
gne. Veritablement les regions d'Alsate & Dan-
nemarche sont appellées l'isle des Cimbres. Selō
ce qu'escript Strabo Cimeriēs & Cimbres indif-
ferēmēt sont tout vn, l'origine du mot est venue
de Gomer, filz de Iaphet, q̄ habita les pays au de-
la de Thrace, q̄ regardēt dire&temēt les Allema-
ignes auxquelz se tiēnent maintenāt les Lituans,
& Liuoniens: Et pour ceste cause les Cimmeriēs

*La seconde
mention des
Allemās es
hystoires.*

*Les Cim-
bres ou Al-
lemās venuz
de Gomer.*

Le second Liure des Chronicques

furent cõgneuz du poete Homere: Car veritablement les Grecz cogneurent & háterent la region de Thrace qui est maintenát vne partie de Grece, ou Cõstantinoble est assise, & mesme les pays contiguz voisins & limitrophes. Quand au reste, le nom des Cimbres demeura seulement a Alsate & Damnemarche. Mais ces peuples qui regardent droiçtement vers l'Orient, furent appellez

Les Gothz. Gothz, desquelz nous parlerons parapres en l'histoire des Gothz. Semblablement est faicte claire mẽtion en cest endroit, des Teutones ou Teutoniques, autrement nõmez haultz Allemans, qui furent a la guerre avec les Cimbres. Il est tout certain qu'il y auoit grosse troupe de tous les pays d'Allemagne assemblee ensemble, & furent biẽ enuiron troys cẽtz mille hommes. La cõpaignie estoit si grande qu'elle se diuisa, si qu'une partie vouloit occuper les Itales, & l'autre la Gaule: Mais quand ilz assaillirent les Rommains, de rechief samasserẽt en vn mõceau, & battirẽt si biẽ lesdiẽtz Rõmains, qu'en quatre grãds cõfliẽtz furent succõbez, & en vne deffaicte, dõt Cepio estoit chef de la cheualerie Rõmaine, furent meurdrez & desconfitz des Rommains, bien quatre vingt mille: laquelle chose donna si grand' frayeur & terreur a Rõme, & a tout le peuple d'Italie, que iamais n'eurent si belles affres du temps du capitaine Hãnibal. Apres ces choses fut ordonẽ chef de ladiẽte gend'armerie des Rommains Marius, cõtre lesdiẽtz Allemãs. Or estoit Marius l'un des

*La bataille
des Allemãs
cõtre les Rõ
mains.*

pl^opreux & belliqueux cheualier, q fut pour lors a Rōme. Doncques marcha cestuy Marius en bataille contre lesditz Allemās, l'an six centz cinquante & deux apres la fondation de Romme: & dura ceste guerre troys ans, iusques a ce que lesditz Cimbres ou Allemās fussent opprimez, & toalemēt destruietz. Les hystoriens disent qu'au dernier conflēt les femmes des Allemās se monstrent si vertueuses, qu'elles ne feirent pas moindre boucherie des Rōmains q leurs mariz, & vserent de si grād' fureur qu'icelles allant au deuant des Rōmains, leur iectoiet contre le visaige leurs propres enfantz. Cest exēple certainemēt est de si grād' cruaulté, q quiconq en la lecture des hystoires aperçoit si grādes miseres & calamitez, a iuste droict doit craīdre l'ire de Dieu. Il fault dire q le seigneur Dieu estoit biē coursé de pmetre entre les humaīs si grād meurdre & senglēt tuerie.

Mari^o fait capitaine contre les Allemans.

Exemple de vehemente ire de Dieu.

De Sylla & Marius.

Scipion Nasica auoit bien dit de Romme, ce qu'il en aduint en la fin. Or comme les Romains pour leur puissance n'eussent sceu estre affoiblis des ennemys estrāgiers, eulx mesmes se pdirēt de leurs propres forces, & se tuerēt de leurs glaiues. Marius, duquel maintenant nous auons parlé, rapporta de fort belles victoires des pays estrangers, mais finablement fut Inuenteur & cause de trescruelle emotion en la ville de Rom-

Le second Liure des Chronicques

Marius cause de tumulte.
Sylla.
Mithridates.

me. Doncques comme Sylla fut estably chef & corunnal, pour faire guerre en Asie contre Mithridates: Marius eust despit qu'on proposoit vn ieune gentilhomme a luy, parquoy feist tant enuers les Tribunz qu'ilz s'opposassent au Senat, & que par la voix du peuple il fust esleu a ceste charge. De ceste haine sourdit grosse guerre entre Marius & Sylla. Or comme Marius eust excité ceste mutinerie a Romme, Sylla tandis feist son voiage en Asie: Mais Marius auoit impetré du peuple que Sylla n'allast en Asie, si qu'aucunz des amys dudit Sylla furent occis en ceste emotion, entre lesquelz fut le filz du conseiller Pompee, gendre de Sylla. Mais comme on eust annoncé audit Sylla, que par le commandement des Tribunz il n'entreprint le chemin en Asie, soudain l'enseigne desployée vint a Romme, & tua vn des Tribunz & plusieurs autres. Lors Marius s'enfuit en Aphricque. Tandis Sylla remet tout en son ordre a Romme, & paracheue son entreprinse d'Asie, & besongna tresbien. Il vainquit Mithridates, & par force occupa Athenes & toute la Grece, mesme rendit tributaires tout plain d'autres regions d'Asie. Ce pendant que ces choses estoient exploictées par Sylla, Marius sus ces entrefaites bien equippe reuiet d'Aphricque en Italic, entre a Rome, meurdrit & tue les plus principaulx & excellentz de Romme, si qu'il y eust pitoyable & lamentable boucherie en ladite ville, tant que Sylla fut contrainct de faire re-

La tyrannie de Marius.

tour au plus tost d'Asie pour donner secours aux
 siens: Mais ce pendant mourut Marius. Toutef-
 foyz le filz dudict Marius se dressa contre Sylla,
 dequoy espouenté Sylla, est bruit qu'il dit, que
 luy estant ieune auoit eu bonne fortune contre
 le viellard Marius, maintenant craignoit que ce
 ieune gentilhomme filz de Marius ne luy feist la
 pareille. Cest exemple prouue que les discretz &
 prudentz personnaiges, ont consideré curieuse-
 ment, & craint l'inconstance de fortune, qui a
 coustume d'aduenir aux choses humaines: Mais
 Dieu feist prosperer l'entreprinse de Sylla, pour
 triompher de ses ennemys, car il auoit iuste que-
 relle. Mais les hystoires disent q' ledict Sylla par
 apres fut beaucoup pl⁹ cruel qu'il n'appartenoit:
 Car il ne pardonna a aucun de tous ceulx qui te-
 noiēt le party de Marius, & ny eust aucun moyē
 ne fin d'exercer meurdre a Romme. En ce poinct
 fut vengée la tyrannie qu'auoit executée Ma-
 rius enuers les princes Rommains, lesquelz resta-
 blit tous en leurs pristines dignitez Sylla. De-
 bonnaire lecteur, tu congnoistras par ceste hy-
 stoire, que pour bien legiere cause, & petit fon-
 dement, aduint grād' misere, calamité & dissen-
 tion en la republicque, & que ce mal icy vint de
 foyz a autre, premierement entre les gros sei-
 gneurs, puis apres au peuple. Quāt au reste, Sylla
 vfa merueilleusement de grād' prudēce, car apres
 ce grād' discōrd & trouble, redigea en certain or-
 dre & cōferma l'estat de la republicq, dōt acquist

*Sylla crai-
gnoit l'incō
stāce de for-
tune.*

*Sylla plus
cruel qu'il
n'estoit de-
cent.*

Le second Liure des Chronicques

*Sylla de-
sa les tri-
bunz du peu-
ple.*

grád' gloire, mesme aneantist l'authorité des tribunz du peuple totalemēt: pource qu'iceulx souloient tousiours enflammer les couraiges dudiēt peuple contre le Senat. Mais parapres Pompée changea ceste ordonnance, qui au gré de la communauté reuocqua & restablist les tribunz, mais ce conseil luy retorqua en son deshonneur & dōmaige, car lesdictz tribunz furent autheurs de la guerre d'entre luy & Iules Cæsar.

*Les tribunz
restablist par
Pompée.*

De Pompée & Iules Cæsar.

*Occasïo de
guerre ciui-
le.*

LA tresapre bataille qui fut entre Cæsar & Pōpée, laquelle fut cause de la perpetuelle ruine & demolition de toute la republicque Rommaine, print son fondement de choses merueilleusement legieres: Et cela vint seulement par enuie qu'auoit Pōpée & autres personaiges sans charge, enuers Iules Cæsar, lesquelz affectoient les prouinces q̄ tenoit lediēt Cæsar. L'occasion de ceste guerre fut telle comme Cæsar estoit en Gaule, il desiroit qu'on eust esgard a luy absent, & qu'a son absence on le creast consul: & que cela se feroit pour son grád bien & profit, alleguāt, que s'il retournoit a Romme priué de consulat, ses complices qui estoient ses aduersaires, auoient proposé de l'opprimer, & faire qu'il seroit pellé en exil hors de Rōme. Parquoy feist tāt Cæsar enuers les tribunz du peuple, que la dignité de consulat luy fut promise, ce qu'il fut fait, mesme

par le consentement de Pompée estât pour lors Consul. Or quand le temps fut venu de créer autres Consulz, aucuns subornerēt le Senat, a s'opposer que Iules Cæsar ne fust fait Consul, & les dictz suborneurs tirerent de leur costé Pompée, & poulserent hors les Tribunz, qui fauorisoïēt a Cæsar. Or quand Cæsar aperceut la tromperie, & qu'on luy machinoit mal, il persista a la promesse qui luy auoit esté faicte, & demâda a estre Consul: Consequemmēt vouloit que les tribunz fussent remis en leur office. A ceste controuerse furent mises sur le bureau plusieurs opinions. Marc Cicero amenoit des raisons peremptoires *Marc Cice* qui estoient tolerables a l'une & l'autre partie. *19.*

Il voulut que Cæsar & Pompée tous deux ne se meslassent de la géd'armerie, & que Pompée s'en allast aux Espaignes ainsi qu'il auoit deliberé: & que Cæsar apres auoit laïslé l'exercite fut fait consul. Iules se consentit a ceste opinion, mais Pompée n'en voulut rien faire: parquoy Cæsar avec sa gend'armerie l'enseigne desployée entra en Romme: Pompée fuiant feist au contraire amas de tant de souldartz qu'il peust, mais Cæsar occupa l'Italie & l'Espaigne, & poursuivit Pompée iusques en Grece. Et iaçoit qu'encores Iules ne reffust a faire paix avec ledict Pompée, ains de son bon gré si offroit: toutesfois Pompée ne delaiissa a dōner respōce, qu'il ne recepuroit poit les ordonnances de paix, iusques a ce qu'il veit qu'on luy apportast la teste de Cæsar. Or quand

*Iules prince
modeste &
amoureux
de paix.*



Le second Liure des Chronicques

Cæsar eust ouy telles nouvelles, fut merueilleusement coléré. Et combiẽ que Pompée eust plus iuste querelle, toutesfois debuoit il vser de plus grand' humanité, enuers vn prince si noble & bien renommé, comme estoit Cæsar, qui mesmes luy offroit la paix, & queroit seulemẽt, qu'il fust en sauuegarde, & sans craincte de peril. Or quãd Cæsar veit qu'il estoit de necessité de prendre conseil, il inuada Pompée, & le desconfit. Pompée s'enfuit en Aegypte, ou il fut tué en trahison par le ieune roy d'Aegypte, duquel Pompée auoit constitué le pere audist royaulme. Consequemment Cæsar occupa l'Asie & l'Aphricque ensemble, en sorte qu'en souueraine puissance luy seul tenoit l'Empire Rommain. Si grande mutation & infelicité de la republicque Rommaine, print sa source de bien petite chose, comme nous auons dit: Ceste guerre veritablement apporta dueil a grands & petitz. Les histoires racontent qu'en ceste guerre ciuile furent tuez plus de trois centz mille hommes.

Fin de la troisieme Monarchie.

La quarte & der- niere Monarchie de l'em- pire Romain.



Iules Cæsar.



Rois mille huit centz quatre
vîgt dix & sept ans apres la crea-
tion du monde. *Le commen-
cement de la
Monarchie
Romaine.*

Sept cētz six ans apres la fon-
dation de Romme, quarante &
sept ans deuant la natiuité de Iesuschrist la Mo-
narchie Romaine commença: quand Iules fut

Le second Liure des Chronicques

faißt Consul, & que la guerre fut menée contre Pompée, dequoy maintenant nous auons parlé. Ceste bataille dura cinq ans. Apres la mort de Pöpée, restoit encores a Iules Cæsar de paracheuer tout plain d'affaires en Aegypte, Asie, & Aphricque, ou se tua Caton: & en Espagne, ou il occist vn des fiz de Pompée. Cõsequemment apres auoir rédu toutes regiõs paisibles, Iules retourna a Rõme au moys d'octobre, & puis apres aux ides de Mars fut tué en parlemēt de Cassius & Brutus & leurs complices. Doncques Iules ne regna en paix que cinq moys, & en ce tēps feist ordonner l'an iuxte le cours du Soleil par tout l'Empire Rommain. Il amena aussi d'Aegypte, vn tresseuant & grand philosophe: & fut le premier autheur, que les sciēces mathematicques & naturelles fussent exercées en Italie. Et ceste ordonnance de l'année, qui est bien pertinente & & commode, & de laquelle nous vsõs encore au iourdhuy, fut premierement commencée de Iules. Or comme se porterent laschementz & cruellement les meurdriez dudißt Cæsar, il apparoißt clairement par les gestes d'iceulx. Cassius, Brutus avec leurs compaignons auoient suiuy le party de Pompée. Mais par la clemence & courtoisie de Cæsar furent receues a Romme, en leur pristine dignité, & reintegrez a la possessiõ de tous leurs biens. Que diray plus? Iamais le mōde n'eust prince, qui apres sa victoire v'sast de plust grand misericorde enuers ses ennemys qui volontaĩre-

Catõ se tua

*L'ordonnã-
ce de l'an-
née cõman-
dée par Iu-
les Cæsar.*

*La clemē-
ce de Cæsar.*

mēt se rendirent, que feist cestuy Cēsar. Iamais ne declara son ire du depuis cōtre aucun, fors en la guerre, ou necessité requeroit de batailler: Veū toutesfois que deuant luy iamais Marius & Sylla ne se garderent a Romme d'exercer leurs larcins & pilleries, mesmes en tēps de paix. De tous ces cas la iamais Cēsar n'en perpetra aucū, mais au contraire receust en grace tous ceulx qui estoient alliez avec Pompée, & ne leur osta rien de leurs biens. Sēblablemēt ramena il vne vraie forme & maniere d'administrer la republicque, qui estoit tumbée par debarz & contentions, la restituant en son entier par grand' prudence, & la conseruant par authorité. De ceey pouōs nous considerer, que par dissentions & querelles ciuiles, sont dissipez iugementz, ordonnances & toute atrempance de meurs. Iules fut digne d'estre du nombre des trespreux & vertueux princes, qui par dessus les grands & autorisez personna ges furent enrichiz & douez des dons de Dieu cōme graces & vertuz, & qui ont regy les grands Empires & souuerains Royaulmes. D'aduantage n'estoit possible qu'apres la mort d'iceluy la paix publique peust estre retenue en son entier longuement, car il n'y auoit point d'autre qui apres ledict Iules eust telle authorité & puissance, pour conseruer par force vifue & massiue la tranquillité de l'Empire: Certainement pour icelle retenir en grands royaulmes, il est mestier de singuliere & grand' puissance. Pourtāt est il commun

Le second Liure des Chronicques

qu'iceluy souloit dire, q̄l ne craignoit pas mourir quant a foy, mais que sa mort seroit pour l'aduenir la ruine & decadence de la republicque & de l'Empire. Toutes ces choses ce neau moins ne destournerent ceulx desquelz il fut occis par coniuration, de leur meschante & iniuste entreprinse. Cassius fut premier autheur de ce meurdre, & seulement par enuie, pource que Cæsar ne se consentoit que ledict Cassius eust les prouinces qu'il affectoit. Brutus estoit d'une nature impetueuse & aigre, pourtant s'allia facilement avec Cassius, pour estre compaignon dudict meurdre: Metant ceste couleur deuant les yeulx des Rômainz, c'estascauoir que ce n'estoit chose honneste au Senat Rommain, tolerer vn seigneur plus grand que foy a l'Empire. Disoit d'aduantage que Cæsar estoit tyran, & qu'il estoit licite & honneste d'occir les tyrantz. Brutus lors fut enflammé par telz argumentz friuoles & impertinentz, qui souuent ont de coustume en semblables causes decepuoir ieunes gens, & hommes ignorantz. Certainement Cassius n'eust rien fait sans l'aide dudict Brutus. Voila en brief tout le narré de ceste histoire. Or le Seigneur Dieu n'a permis longuement ce delict tant enorme. Car autant qu'ilz estoient de conspirateurs en la mort de Iules, tous bien tost apres furent tuez & deffaitz. Quand Cæsar fut occis, il auoit cinquante & six ans, & domina à l'Empire cinq ans, & le commencement de son

Cassius.

Brutus.

regne print sa source de son Consulat, auquel mena la guerre contre Pompée. Voila l'exorde de la Monarchie Rommaine, laquelle Dieu figura en Daniel avec grand horreur: pource qu'il est recité en ce lieu, comme le monde sera d'icelle Monarchie plus griefuement affligé & persecuté, qu'il ne fut iamais au parauant. Consequemment est dict, qu'en icelle Iesuschrist naistra, & pourtant ce doibt estre la derniere Monarchie. Toutes ces choses sont predictes diuinement, pour confermer la foy des fideles de la certitude de l'aduenement de Iesuschrist. Aussi afin qu'on cognoisse que le monde ne sera perpetuel, ains perira quelque fois, & que les mauuaiz seront puniz, & les bons auront la vie eternelle. Les oracles des poetes gentilz, & les sentences des Sibylles sont conformes a cecy, touchant la perpetuité de l'Empire Rommain, comme nous lisons en Virgile, i'ay estably & ordonné dict Iupiter que l'empire Romain sera sans fin, lesquels propos sont veuz auoir prins leur fondement, de ce qui est cõprins en l'escripture sainte, c'estascauoir que l'Empire Rommain sera la derniere Monarchie en la terre. I'açoit que ce pendant les lettres saintes nous enseignēt qu'icelle doibt estre ruinée, toutesfois vne ptie de ladicte Monarchie doibt tousiours durer. C'estascauoir le nõ d'epire, & la sublimité Cesariēne demeurera iusques a la fin du mōde. Il fault cognoistre ces choses, afin q̄ nous sachons pour certain, q̄ cest Empire ne

La monarchie Rommaine derniere en la terre.

Le second Liure des Chronicques

peult estre destrui&t, ce que les exemples des histoires tesmoignent. Veritablemēt apres que la haultesse imperiale a esté trāslatée aux Allemās, ce royaume Rōmain a ěduré plusieurs assaultz; & souuēt a esté affoibly: Mais toutesfois n'a peu estre desolé encor' par puissance aucune, ains est demeuré tousiours stable, & s'est par apres restauré & reduict. L'vne fois a eu cedi&t royaume Empereurs qui n'estoiēt de grād' puissance, l'autrefois de tresfortz & opulentz. Il est cōmode & vtile de considerer ces choses es histoires, pour cognoistre droi&tement la volunté diuine en telles aduentures.

Auguste.

A Pres la mort de Iules grand's noises & differenz sourdirent en Romme. Marc Cicero, pour metre paix par tout, fut d'opinion q̄ pour l'aduenir on ne fist aucune violēce aux alliez & fauteurs de Cæsar, & aussi que ceulx qui auoient occis ledi&t Iules ne fussent plus en craincte de peril, & que tant d'vn costé que d'autre toute discorde & rancune fust sōpite & ensepuelie, pour pouuoir a perpetuelle & commune concorde: Ainsi que fut faict en Athenes par Thrasibule, qui establit la paix entre les Atheniens, qu'ilz appellēt Amnistie, c'est adire que l'vne & l'autre partie dissimulast l'iniure faicte; & que l'vn ne fist tort a l'autre pour l'aduenir. La chose fut faicte

Et par Cicero humainement & commodément,
 mais les ordonnances de la paix ne peurēt durer
 longuement. Car comme vn chascun parāpres
 voulüst dominer, lors fut de necessitē par cela,
 que maintes factions & liguez fourdissent. Le Se
 nat contre Anthoine attira a soy Octauien Au
 guste, pource qu'Anthoine affectoit l'Empire, *Anthoine.*
 Mais les gens d'armes par conspiration faicte
 contre le Senat tuerent plusieurs des plus grands
 de la ville, entre lesquelz Cicero fut occis. Tou
 tesfois l'Empire demeura a Octauien Auguste
 seul, qui estoit du sang de Iules: Iulie seur de Iu
 les eust a mary vn nommé Accius le begue, qui
 eurent vne fille appellée Accie, qui fut ma
 riée a vn nommé Octauien, & de ces deux la
 fut engendré Octauien Auguste, lequel Iules *Octauien
adopté de
Iules.*
 auoit adopté, parquoy fut surnommé Cæsar, &
 demeura parapres tousiours ce nom aux poste
 rieurs, quasi comme s'ilz passioient en la race des
 Cæsars avec le droit de succession: Ainsi comme
 fouloit estre faict, quand premierement on com
 mença a adopter des successeurs. Iules au com
 mencemēt ne fut pas dict Cæsar a raison du nom
 de l'Empire, mais pource que parauant plusieurs *Iules dict
Cæsar.*
 de sa race estoient ainsi appellez. Les grammariēs
 anciens & approuuez escriuent, que le mot de Cæ
 sar vient de Cæsaries, qui signifie belle perruc
 que: & ce surnom la eurent les Iules, pource que
 parauature vn ou deux de la race auoient beaulx
 cheueulx.

Le second Liure des Chronicques

*Dont vint
qu'Octaui^e
fut appellé
Auguste.*

Le senat donna a Octauien le nom d'Auguste, pour son bon heur & felicité en tous ses affaires. Augustus vient d'Augure, & signifie bien fortuné & heureux, & celuy a qui Dieu dōne prosperité par signes heureux. Cest epithete est a iuste droit donné au grand monarque du monde: Car le seigneur Dieu fauorise a vne puissance ci uile: & l'administration d'un Empire, est vne ordonnance & don de Dieu.

Auguste regna cinquante & six ans, mais les douze premiers ans il n'administra le royaume tout seul. Pource qu'il estoit ieune prince, n'aiāt pour lors que dix neuf ans, quand fut fait Empereur & créé cōsul, pource qu'il adheroit au senat, duquel fut fait Consul en despit d'Anthoine. Mais les gens de guerre vnanimés, s'opposèrent au senat & a ses ligues. Or comme ceste cōcorde n'eust sceu estre gueres longue, Auguste fut par apres contrainct desgainer l'espée contre ses cōpaignons mesmes, & ainsi seul iouist de l'Empire vniuersel. Mais quand le royaume fut confermé en bonne & heureuse paix, cestuy vfa en toutes ses besongnes de grand' moderatiō & attempāce, & fortifia tout l'Empire de statutz & ordōnances honnestes, en sorte qu'on recite qu'il disoit: que l'Empire seroit perpetuel, si ces ordōnances n'estoient ostées. Mais qu'est il besoing de si long narré? Auguste certes fut la perle entre tous princes saiges & moderez.

Tiers liure des Chroniques qui contient le temps depuis la natiuité de nostre Sei- gneur Iesuschrist.



V cōmencemēt de cest œuure,
nous auons diuisé toute ceste
Chronique, & les tēps du mō
de en trois parties, & cela iux-
te l'opinion d'Elie, affin que
plus facilement peussent estre
congneues les grandes mutations des choses au

Le tiers Liure des Chronicques

monde, & l'ordre des tēps . Et aussi affin q̄ ne fufions en doubte, que maintenāt n'est pas loing la cōsummation du mōde. Veritablemēt nous auōs maintenant presque attainct quatre mille ans, & quasi en ce temps est né Iesuschrist, ce qu'a prophetizé & predict le prophete Elie.

Quand Ie-
suschrist na-
quist.

En ce troisiēme volume nous traicterōs semblablemēt de la tierce partie de l'opiniō d'Elie, & cōmencerons ce liure a icelle. On peut clairement veoir qu'Elie n'a point failly en l'ordre des ans: Car Iesuschrist nostre seigneur vray Dieu & hōme, pour nostre vtilitē, est né en ceste vie, de la sacrée vierge Marie l'an quarante & deux de l'Empire d'Auguste: Lan de la creation du mōde trois mil neuf cētz quarāte & quatre. Or quād au vray compte des ans, il s'en fault quelque chose, que les quatre mille ans ne soiēt accōpliz . Mais, le prophete a dict d'aduātage: q̄ le seigneur Dieu hastera son aduenemēt, affin que le bout de toutes choses soit plus prochain. Or quant est de la natiuité, passion & resurrectiō de Iesuschrist, les deuotz & debōnaires Chrestiens pourront veoir tout cela amplement aux Euangelistes. Du tēps auquel souffrit, & resuscita de Mort Iesuschrist. Consequemment comme l'Euangile fut diuulgée en la terre, & en quelle sorte finalement commença en tout le monde la sainte Eglise, parapres nous le declarerons.

Des Germains maintenant dictz Alemans.

DV tēps d'Auguste, premieremēt furēt taftez *Les Allemās*
 & effaiez les Allemās des Rommains. Tibe *efprouuez.*
 re & son frere Drufus fuērēt auec leur gend'arme *par les Rō*
 rie es haultes Allemaignes, & inuaderēt les pays *mains.*
 qui font iuxtes les Rhetiens & Vandoyz : Mais *Tibere.*
 n'asubieētirent a leur Empire lesdictes regions. *Drufus.*
 Les Rhetiēs font, q̄ habitent la vallée du fleue *Rbetie.*
 Enus, depuis Tyroles iusques a Bregece & chāpe
 dun, & encores pl^o bas iusques a Nordling, ou est
 demeuré iusques au iourdhuy le nō de Ries . Les
 Vādoyz, c'est le pays Daouste & la haulte banie- *Vandoys.*
 re. Drufus descendit iusques a Maience, & nō pas
 loing d'illec, attainēt de maladie mourut. En ce
 mesme temps les garnisons des Rommains fu-
 rēt mises a Coulōgne, & feirent maintes courses
 iusques ē Vuestphalie & Saxoigne. Or pour lors
 le Duc de Saxoigne estoit nommé Hermanus, q̄
 les historiens appellent Armin prince de Cheru- *Cherufces*
 sce. Les Cherufces sont proprement les habitans *Armin.*
 de la forest Hercine, qu'on diēt autrement la mō
 taigne noire au pays de Soaue, du costé qui tend
 en bas enuiron vuesurus, iusques a la ville de bre
 me. Et a mon iugement c'est le pays qu'on diēt
 en cōmun langaige Alemand hertzisce . Cestuy
 Armin (ce que n'on n'esperoit) opprima les Rō-
 mains, & en deffist d'iceulx enuiron vingt & vn
 mille, & plusieurs autres, qui estoient venuz au
 secours desdictz Rommains.

Quintilius Varus chef de l'exercite Rōmain *Quintilius*
 se tua de son espée . De ceste bataille en escript *Varus.*

Le tiers Liure des Chronicques

curieusement Tacite, laquelle fut faicte entre les riuieres de Luppie & Amisie, soubz la ville de Casselle, nō pas loīg de Padebourne ville d'Vuest phalie. Or voicy ce que dit Tacite. Combien y eust il de gast entre les fleuues de Luppie & Amisie, non pas loing de la forest de Teutobourg, ou Varus & le reste de ses bendes demeura respandu sur la terre sans sepulture. Certes ceste tuerie, ne dōna pas moins de terreur & crainte au peuple Rommain, que quand les Cimbres autremēt dictz Allemans pillerent l'Italie. Veritablement les Rōmains craignoient qu'Armin n'inuadast a main armée l'empire Rōmain, & qu'il ne vint iufques a Romme. Auguste lors estoit si tresfaché, pour le grand peril ou se voioit estre, qu'il commanda qu'vn chascū se mist en armes. Aussi dict on de luy qu'il se lamētoit & crioit a haulte voix: Quintile, rend nous noz legiōs. Finablemēt les Rōmains se voiant ainsi persecutez par Armin, feirent tāt enuers les Saxōs qu'Armin fust guerroié par ses voisins. Or estoient ses voisins les Souaues & Bohemes habitās la riuiere d'Aulbe: Mais encores furēt ceulx cy vaincuz p Armin, si qu'il occupa leurs regions, cōme Vuestphalie, la montaigne noire, Saxoigne, la Marche, Mesnie & Boheme. Cestuy regna enuiron douze ans, & finablemēt fut tué des siens en trahison. Or c'est assez parlé du temps d'Auguste.

Tibere troisieme Cesar.

L'an du monde	3960
L'an de Romme	769
L'an de Iefuschrist	16

ET si apres Auguste furent plusieurs grandement reputez, & nobles Empereurs (Or si le seigneur Dieu garde & cōserue les republicques aussi donne il telz personages, qui sont aptes & habiles a conduire les haultz affaires d'icelles) toutesfois parapres en eust de mauuais & dissolutz, en sorte qu'il semble que celuy qui dit par ioyeuseté, q̄ les images de tous les bons princes pouoient estre pourtraictes & grauées en vn anneau, parla tresbiē, & a la verité. Certes il est grādement profitable, veoir & considerer les choses proposées es histoires, & mesmes prédre garde es exēples des mauuais princes, affin q̄ p̄ terreur de la peine, de laq̄lle ilz sont puniz, nous autres chrestiens aprenōs a craindre Dieu. Tibere ne fut filz *Tibere.* d'Auguste, mais apres la mort des vrais heritiers d'Auguste ledict Auguste adopta Tibere filz de Liue de sō p̄mier mary, Liue fut en secōdes nocces femme d'Auguste. Et pource q̄ Tibere fut bō gēdarme, tousiours s'en seruit Auguste au lieu de capitaine & lieutenāt en ses guerres. Cestuy Tibere fut le p̄mier Empereur a q̄ se rēdit le Senat de Romme subiect & obeissant. Il regna 23 ans.

L'an quinze du regne de Tibere, Iefuschrist nostre seigneur ataignit de son aage le trentiesme an, & en cest an fut baptizé de saint Iehā Baptiste. *Quand Iefuschrist fut baptizé.*

Le tiers Liure des Chronicques

ste, & commença la predication de son Euāgile, de penitence, & remission des pechez. Aussi de la vie eternelle. Et fut l'an du monde 3975. L'an apres le commencement de la Monarchie d'Alexandre trois centz quarāte. Adiouxtes iusques au second an du regne d'Artaxerxes Longuemain cent quarante cinq ans, & tu auras par ceste raison quatre cētz quatre vingtz & cinq ans: Et voila les soixante & neuf sepmaines, desquelles parla Daniel, ce qui a esté plus proluxement touché de par nous au precedent.

Quand Ie-
suschrist fut
crucifié.

L'an dixhuiēt du regne de Tibere, Iesuschrist nostre sauveur fut crucifié, mourut, & resuscita de mort a vie le tiers iour. Apres sa resurrection cōmanda a ses Apostres prescher son Euāgile par le monde vniuersel, ce qu'ilz commencerēt soudain a faire quand le iour de la Pentecouste receurēt du ciel le sainēt esprit, apres l'Ascētion de Iesuschrist visiblement montant au ciel.

Ou est l'E-
glise & le
royaulme spi-
rituel.

Doncques a ceste heure la fut la parolle de Dieu, & vn royaulme spirituel, avecques ce vne Eglise de ceulx qui croioiēt, ou vn peuple Chretien, non seulement au royaulme de Iudée, mais en l'vniuersel monde, ou est preschée l'Euangile par les Apostres, & ou leurs escriptz furent portez. Le seigneur Dieu certainemēt auoit promis, qu'il operoit par predication de parolle: pourtāt au lieu ou est enseignée la parolle, en ce mesme endroit est de necessité estre aucūns qui soiēt des appartenances du royaulme de Iesuschrist auquel

domine & opere cestuy feigneur, iouxte ce propos: ie seray tousiours avecques vous, iusques a la fin du monde. A cestuy feigneur Iesuschrist nostre saulueur & vray Dieu est deue louenge, gloire & action de graces perdurablement. ainsi soit fait.

Quand au demeurant il est bien requis que nous demonstons, combien de grands & merueilleux assaultz a souffert l'Eglise des Chresties en partie par les persequutions temporelles des ennemys, & par les hereticques, qui parapres de leurs infideles & irreuerentes doctrines, ont desiré miserablement la cōcorde de l'Eglise: ce qu'a apporté bien plus grand' playe & contemnemēt a ladiete Eglise, que toutes autres afflictions temporelles.

L'an dix & neuf du regne de Tibere, apres la resurrection de Iesuschrist, Sainct Estienne premier martyr fut lapidé: & en ce mesme an saint Paul fut conuert y a la foy, Et cela aduint

*En quel
tēps saint
Estienne fut
lapidé.*

L'an du monde	3983
L'an de Romme	792
L'an de Iesuschrist	39

CAius Caligula quatriesme Empereur, regna *Caligula*
troys ans dix moys: il fut de tresdissolue vie, il deflora toutes ses feurs: finalement fut tué par coniuration domesticque du lieutenant de sa gend'armerie. Cestuy Caligula cōmanda qu'on mit son image au temple de Hierusalem, affin

Le tiers Liure des Chronicques

qu'il fust adoré, ce qui auoit esté prophetizé par Daniel, disant: quand Israel voirra vne idole posée au temple, a ceste heure la, la fin de Hierusalem sera bien pres. Cela aduint

L'an du monde 3987

L'an de Romme 769

L'an de Iesuschrift 43

Claude.

Claude cinquiesme Empereur, regna treize ans neuf moys & mourut empoisonné. Le second an du regne de Claude, saint Pierre apostre vint a Romme, qui quelques ans au parauât auoit presché en Antioche: & en cest endroi& print son commencement l'Eglise Rommaine.

L'an 44 apres la natiuité de Iesuschrift

L'an 3988 apres la creation du monde

L'an 797 apres le commencement de la fondation de Romme.

L'an du monde 4000

L'an de Romme 809

L'an de Iesuschrift 56

Nero.

Nero sixiesme empereur regna quatorze ans. Cestuy vescu hōnestement l'espace de cinq ans a son commencement, puis apres fut tresui-tieux pour son intemperance de viure, & sa cruelle tyrannie. Il tua sa mere, sa femme, & puis apres plusieurs honnestes & bons personaiges, entre lesquelz fut Senecque. Finablement habandonné de ses lieutenantz & chefz de guerre, comme le Senat Rommain le cherchoit pour en faire la punition, s'enfuit, & se tua, ains qu'il fust trouué

des soudartz qu'on y auoit enuoyez: & le cas ad-
uint l'an de son aage trente & deux. Or de ceste
heure la le royaulme Rommain totalement fut
translaté des posterieurs & affins d'Auguste &
de la bonne princesse Liuie.

Du temps de Nero sainct Pierre fut crucifié quād sainct
Pierre fut
crucifié.
a Romme. Apres luy sainct Lin fut fait pape; &
consequemment sainct Paul fut decapité. Et si Sainct Lin
fait pape.
Sainct Paul
decapité.
on nombre les ans de sainct Paul, il prescha l'euā
gile enuiron trente quatre ans.

Du temps de Nero apparut vne comete six Vne comete
fut veue du
tēps de Ne
ro.
moysoultre la coustume des autres cometes, qu'ō
ne voit si long tēps. Au parauāt aussi soubz le re-
gne de Claude fut veue vne comete & troys so-
leilz, qui signifioient pour certain, que troys prin-
ces en brief debatroyent pour la principaulté de
l'Empire. En ceste maniere certesie croy que ce-
ste grande comete signifioit non seulement sedi-
tion, ains aussi changement pour l'aduenir en
tout l'Empire Rommain, & principalement la
ruine lamentable du royaulme des Iuifz.

Sergius Galba, Otho, & Vitellius.

Entre ces troys y eust differēt pour l'Empire, Sergius Gal
ba.
Otho.
Vitellius.
E apres la mort de Nero. Cōsequēment Galba
par la trōperie d'Otho fut tué en la court Rōmai-
ne. Puis apres Vitellius fut créé Empereur en Al-
lemaigne par la gēd'armerie, & enuoya quelques
bendes en Italie, mais Otho vint au deuant, &

Le tiers Liure des Chronicques

guerroya quatre foys cõtre icelles compaignies, troys foys fut vainqueur, mais a la quatriesme fut deffaißt. Et iaçoit que volontairement les soudartz se vinssent offrir a luy, toutesfoys ne vouloit longuement guerroyer. On recite de luy qu'il disoit, qu'il ayroit mieulx la paix publique que sa vie priuée, & son honneur particulier. Et le quatriesme moys apres la mort de Galba, il se tua d'un poignart. Ce pendant en Orient fut crée Empereur Vespasien par la gend'armerie: cestuy enuoia vn exercite en Italie, duquel les compaignies de Vitellius furent descõfites. Par apres s'esleuerent noisës & querelles en Romme, Vitellius fut prins, & lié, les mains derriere, ayant vne corde au col, trainé parmy les rues de Romme, & iecté en la fange, & finablement occis, ainsi que bié l'auoit merité. Cestuy estoit de telle nature, que mieulx auoit gagné estre appellé cruelle beste qu'homme. Ce fut la premiere brigade qui aduint pour l'election de l'Empire apres la mort d'Auguste.

Vespasien.

L'an du monde	4016
L'an de Romme	825
L'an de Iesuschrist	72

VEspasien septiesme Empereur regna neuf ans. Cestuy fut prince saige & honneste, & tresdigne de l'Empire. Or cõme Caligula, Claude, & Nero oultre mesure eussent enduré & toléré toute dissolution & ordure de vie non seule-

ment en autruy , mais eulx mesmes en faisoient mestier : Cestuy a l'opposite remit sus en Romme continence, a trépance, & restitua toutes honnestes loix & coustumes. Il augmenta aussi l'Empire moiennement de toutes sortes de viures, & pourueut les prouinces de subsides necessaires. Outre ces choses establit en Romme gaiges publicques aux medecins, & professeurs des autres sciences.

De la derniere destruction de Hierusalem.

LE second an du regne de Vespasien, Titus filz En quel tēps Titus filz de Vespasien assiegea Hierusalem. dudit Vespasien commença a assieger la ville de Hierusalem, lors qu'on faisoit la pasque au mois d'april, & cōsequitiuemēt la meist a feu & sang au mois de septembre. Mais durant ce temps en ladicte ville y eust si grand' misere & calamité pour la faim, pour les seditions & meurdres intestins, q̄ iamais en ville on veist aduenir. Les meres faisoient cuire leurs propres enfantz, mais n'auoient loisir de les manger, car leurs estoient ostez par les soudartz a force, qui les transgloutifsoient, & ce pendant lesdictes meres mouroient de faim. Maintz furent qui se tuerent eulx mesmes. Iosephe escript qu'en ladicte ville estoient bien enuiron dix centz mille hommes. Or comme le temps de Pasque fust, certes il estoit venu grand' multitude de peuple en Hierusalē, d'aduātaige ceulx qui habitoient aux villages par tout

Le tiers Liure des Chronicques

le pays de Iudée s'estoiēt amassez pour venir au dit lieu, non point pour autre raison, sinon qu'ilz auoiēt espoir d'estre sauluez dedès ladicte ville, pource qu'elle estoit tresbiē munie & forte. D'oc entre si grosse troupe de peuple, la plus grand' partie mourut de faim, de peste, & de glaiue. Titus enuoia seize mille prisonniers en Alexãdrie, pour faire les ouuraiges mechanicques ainsi que seruiteurs & manouuriers. Pareillemēt en mena auecques luy deux mille, qui le suiuiot en son triũphe, puis les feist deuorer par les bestes cruelles aux spectacles publicques en Romme. Mais qu'est il besoing de plus long propos? Il n'est orateur au monde qui sceust exprimer si grand' misere. Le seigneur Dieu voulut a ceste heure la demõstrer vn nouueau & singulier exemple aux hommes, ou fut considerée la grandeur de fureur diuine enuers ceulx qui faisoient mespris & contemnement de fidelitẽ & reuerence deue au createur. Veritablement le cueur seroit bien dur, qui ne s'amoliroit & auroit frayeur & crainte, voiant cest horrible exemple. Il est bien requis de prendre garde en ceste hystoire, & considerer, que si nostre seigneur Dieu n'a point vsẽ de clemence & misericorde enuers ce peuple en le punissant pour son infidelitẽ, lequel il auoit esleu specialement pour estre sien, & qui estoit descendu de tant parfaictz & sainctz personaiges, par plus forte raison fera moins misericordieux aux payens & gentils. Et en faisant telles menaces,

en cest exemple Dieu nous a declairé signifiante de sa misericorde & bienueillance: affin que nous ne doubtons aucunement, qu'apres la destruction du royaume Iudaicque, noz predecesseurs & maieurs qui iadis estoient gētilz, ne soient par apres faitz le peuple esleu, & vrayz enfantz de Dieu, filz ont creu fermement en Iesuschrist.

Ceste desolation de la ville de Hierusalē aduint le second an du regne de Vespasien, l'an apres la natiuité de Iesuschrist soixante & quatorze, quarante ans apres la passion. L'an de la creation du monde quatre mille dixhuiēt. Or le temple de Hierusalem auoit esté en son entier, apres le second an du regne d'Artaxerxes Longuemain cinq centz vingt & six ans. Maintz horribles signes auoient au parauant donné signifiante de ceste ruine & miserable infortune, qu'amour de briefueté ne permet estre recitez pour le present. Vn an quasi entier fut veu vn glaiue ardent sur ledict temple. Nous auons adioinct cecy, affin qu'aucun follement & temerairement ne vilipen de les signes, qui portent tesmoignage de l'indignation & fureur de Dieu, par lesquelz il nous semond a faire penitence, affin que la vengeance diuine soit appaisée, ou destournée, ce qui aduint diuinement de grace & misericorde aux Niuiutes.

Signes venus deuant la destruction de Hierusalem.

L'an du monde	4025
L'an de Romme	834
L'an de Iesuschrist	81

Le tiers Liure des Chronicques

L'humanité de Titus. **T**itus huitiesme Empereur regna deux ans. Cestuy fut filz de Vespasien, acomply de toutes sortes de vertuz, pourtant fut il bien estimé de tous, & nommé par excellence l'amour & delices des hommes. Or comme il aperceust qu'aucunz machinoient cõtre luy pour auoir la dignité Cefarienne, commanda qu'on les auertist amiablement qu'ilz s'abstinsent de leur entreprinse, & qu'en cest affaire tous leurs pourchatz estoient vains & friuoles, & que l'Empire estoit vn don de Dieu, qui aduenoit a ceulx qu'il plaisoit a Dieu. Or ne les traicta cestuy Titus plus rudement. Il mourut (ainsi qu'aucunz disent) empoisonné.

Après la mort du pape Lin, Anaclete fut troiesme en la papaulté.

L'an du monde	4027
L'an de Romme	836
L'an de Iesuschrist	83

Domitian. **D**omitian neufiesme Empereur, frere de Titus, regna quinze ans. Il mena guerre en *Les Cattes.* Allemaigne, & principalement contre les Cattes, que nous appellons au iourd'hui Hesses. Cestuy vfa de tyrannie, & toute dissolution en Rome, pour laquelle chose fut finalement occis. Il *Les philosphes mis hors de Rome.* expulsa de Romme les phisiciens & philosophes, persequuta les Chresties, & les feit mourir a l'exemple de Nero.

Anaclete

Anaclete mort, Clement premier de ce nom fut fait pape.

L'an du monde	4043
L'an de Romme	852
L'an de Iesuschrist	99

Nerua 10 Empereur, regna vn an & quatre *Nerua* mois. Il adopta Traian qui pour lors estoit capitaine en Allemagne a Coulongne. Ledit Nerua mourut l'an de son aage soixâte & huit.

L'an du monde	4044
L'an de Romme	853
L'an de Iesuschrist	100

TRaian 11 Empereur, regna 19 ans & six mois. *Traian prin ce de bonnâ*
Ce fut le premier Empereur de nation estrâ *re,*
ge: il n'estoit pas Italien, mais Espagnol de race.
Cestuy fut si bon, que par apres quand se faisoit vn Empereur, on souloit desirer & soubhaier, qu'il fust esgal a Auguste en felicité, & a Traian en bonté. Comme cestuy Traian faisoit vn lieu- *Le notable dict de Traian, quâd il établit vn licutenât en sa court,*
tenât en sa court, luy mist vn glaiue en sa main, disant ces parolles: vse de ce glaiue a l'encontre de mes ennemys en causes iustes: Mais si ie fais iniustice, desgaine le contre moy. Iamais l'Empire Rômain n'auoit esté si ample & spacieux que du temps dudit Traian, & oultre l'exemple des autres Césars, ce fut celuy q occupa plus auât les

Le second Liure des Chronicques

regions & pays orientaulx. Il mena grand's guerres en Hongrie & Allemaigne.

*Sainct Iehan
l'Apostre ve
uenāt de l'is
le de Path-
mos.*

Du temps de Traian sainct Iehan l'Apostre, qui fut banny par Domitiā, retourna en Ephese de l'isle de Pathmos. Si nous comptons le nombre des ans, nous trouuerons que sainct Iehan endoctrina le peuple l'espace de plus de soixante ans. O Dieu tout bon, combien ledict sainct Iehan veist de miseres & calamitez en si long temps, entre lesquelles, la plus grande fut, la destruction & ruine de son pays qui estoit la ville de Hierusalem. Je obmeētz & delaisse les contentions qu'il eut avecques plusieurs Hereticques. On lit de luy que quelque foys il se trouua a vnes estuues, ou estoit vn Hereticque nommē Cherinthus, assis avec vne cohorte de ses compagnons, & ledict Cherinthus commença a disputer asprement, & blasphemer le nom de Iesuschrift, disant qu'il n'estoit Dieu. Lors se leua sainct Iehan, & dict a ses amys qui estoient assis en ce lieu, venez vous en quant & moy, sortons d'icy, Dieu ne veult plus endurer ces blasphemes tant execrables & eshontez. Or quand il fut party, la maison tomba, & occit ledict Cherinthus & son train. C'est vn exemple redoutable, contre ceulx qui blasphemement le nom de Dieu par manifeste infidelité, c'estascauoir qu'iceluy ne permettez telz meschantz demeurer finalement impuniz.

*Cherinthus
hereticque
occis par la
cheute d'vne
maison.
Exemple de
vengeance.*

Clement mort, Euaristus son successeur fut

cinquiesme pape . Apres la mort d'Euariste, Alexandre premier de ce nom fut sixiesme pape. La persecutiō des Chrestiens soubz Traian.
 Soubz Traian plusieurs Chrestiens furent affligez . Consequemment fut ordonné que lesdictz Chrestiens ne seroient actionnez en iugement, s'ilz n'estoient deuant accusez publicquement, puis seroient puniz : Et dict on que Pline fut cause de ce bien. Traian mourut d'un flux de ventre.

L'an du monde	4064
L'an de Romme	873
L'an de Iesuschrist	120

Adrian douziesme Empereur regna vint ans: Il fut adopté de Traian. Cestuy estoit prince de grand' prudence: Il ne s'appliqua a la guerre cōme Traian, mais fut forte studieux de paix: Par ainsi institua l'Empire en bonne forme & estat, & fut grandement loué de tous, apres Auguste ne fut veu Empereur a Romme plus vtile au Royaulme que cestuy Adrian. Il fut grand astrologien, si que tous les ans faisoit vne pronostication. Il osta les gaiges aux Regentz peu scauantz a Romme, & ce pendant les entretint de ses biens, affin qu'ilz n'eussent necessité: metant au lieu gens scauantz . Ledit prince semblablement fit faire de belles librairies: Or estoit il tresdocte & bien expert en Grec & Latin.

Adriā grā d'astronome.

Du temps d'Adrian les Iuifz commencerent à

Le tiers Liure des Chronicques

*Les Iuifz
feirēt entre
eulx vn
Messias.*

restaurer leur royaulme, & trouuerēt entre eulx vn Messias: Mais Adriā les vainquit, iaçoit que ce fust avec grand' peine, puis apres commanda qu'on rēdifiast Hierusalem, & qu'on la nommast de son nom Elia. Premierement cestuy Adrian fut fort contraire aux Chrestiens, & commanda qu'on les perfequast, Mais comme aucuns Chrestiens eussent escript liures en l'honneur dudit Empereur, qui sont encore de present en force & vigueur, lois fut esmeu a compassion, & commanda qu'on n'emprisonnast aucun, pour religion nulle.

*La douceur
d'Adriā en-
uers les chre-
stiens.*

Alexandre succeda Xiste septiesme pape premier de ce nom.

*Celuy qui
inuenta la
ieune de
Karesme.*

Après Xiste succeda en la papaulté Thelesphore huitiesme: Et dict on que cestuy fut inuēteur de la ieune de Karesme.

L'an de Iesuschrist

140

*Antonin le
debonnaire.*

ANtonin le pitoiable treziesme Empereur, fut adopté d'Adrian: il regna 23 ans en si grā de moderation & estude de paix, qu'on recite de luy qu'il souloit souuent dire: qu'il estoit plus hō neste a vn Empereur de conseruer vn Citoien, que tuer mille ennemys.

A Thelesphore succeda Hygine pape neufiesme. A Hygine Pie 10 A Pie, Anicet vnziesme.

L'an de Iefuschrist

163

MArc Antoine philosophe quatorzième Em^{per} MarcAntoi
 pereur, regna 19 ans. Cestuy avec son frere ^{ne.}
 Lucius Verus par droict equitable administra ^{Lucius Ve-}
 l'Empire, & ces deux furent Empereurs ensem- ^{rus.}
 ble: Mais Verus ne vescu pas guieres longue-
 ment a l'Empire. Marc fut prince tresscauant &
 vertueux. Il feit la guerre en Allemaigne, con-
 tre ceulx qui habitoient Morane & Silese, &
 aussi contre les Vaudoyz. Cestuy composa tout
 plain de bonnes loix, qui sont encore en estat de
 present es liures des Pandectes. Il feit aussi des li-
 ures entiers, que nous auons veuz.

Du temps cestuy, Ptolomée Astronome ^{Ptolomée}
 vescu, duquel a bon droict en ce passage nous ^{Astronome.}
 faisons mention. Veritablement le bon seigneur
 Dieu a voulu que tant nobles sciences fussent
 conseruées par cestuy personnage, iusques a no-
 stre temps. Or cestuy Ptolomée n'estoit Roy,
 (car a ceste heure la Aegypte delaiissa a auoir
 Roys) ains estoit Philosophe en Aegypte chez
 les Alexandrins. Dieu certes auoit ennobly &
 decoré l'Aegypte de sciences mathematicques ^{Aegypte}
 & naturelles, depuis le temps de Ioseph filz du ^{decoree de}
 patriarche Iacob, par lequel premierement Ae- ^{sciences na-}
 gypte les receust, & retint iusques a cestuy Pto- ^{turelles.}
 lomée: & ont duré enuiron deux mille ans. Pre-
 mierement Alexandre a cause de cela, feist grad'

Le tiers Liure des Chronicques

L'eschole
d'Alexan-
drie.

estime d'Aegypte, aussi feirent les Rommains, & affin que ces belles sciēces ne perissent, despē dirent grosse somme d'argent pour garder l'escole, qui fut finablement destruiete & bruslée, quand le royaulme d'Aegypte fut translaté des Rommains, & pitoyablement desolé par Mahomet. Mais affin qu'aucunz fragmētz de telz artz tant necessaires demeurassent, sans point de faulte le Seigneur Dieu voulut que par cestuy Ptolomée fussent redigées en ordre, pour estre conferuez a la posterité, raison pourquoy nous debuons grandement remercier cestuy seigneur

Les Mahō-
metistes

Dieu. Or apparoit il bien par cela que les Mahōmetistes ne sont dignes d'estre appellez hommes, mais plus tost bestes, a raison qu'ilz voulurent depopuler & abolir, vne tant ancienne academie, qui auoit fleury au deuant plus de deux mille ans, & aussi qui auoit esté conserué & gardé de tant honnestes & nobles princes, & en laquelle toutes sortes de sagesse & discipline estoient mōstrées & enseignées, non pas sans vn souuerain benefice de la bonté de Dieu.

A Anicet succeda Soter douziesme pape, par lequel fut estably & ordonné, que les espousailles se feroient publicquement en la face de l'Eglise.

Commodus 15 Empereur regna douze ans, *Commode.*
& fut egal a Nero en la cruaulté.
Eleuthere succeda a Soter en papaulté.

L'an de Iesuschrist

195

Aelius Pertinax 16 empereur regna six moys. *Aelius Per-*
Il fut tué par Iulian, qui achepta le nom de *tinax.*
Cæsar des gens de guerre.

L'an de Iesuschrist

196

Didius Iuliã 17 Empereur, regna sept moys. Il *Didius Iu-*
fut grãd legiste: Cestuy fut occis de Seuere. *lian.*

L'an de Iesuschrist

196

Seuere 18 Empereur regna dixhuiet ans. Ce- *Seuere.*
stuy auec gros dâgiers redressa l'Empire, qui
estoit en decadence.

Victor 14 pape fut successeur d'Eleuthere en la
papaulté. A victor succeda Zephirin 15 pape. Du
temps de cestuy Origene fut, qui lisoit public- *Origene le-*
quement de theologie en Alexandrie. Les liures *cteur public*
de cestuy furent reiectez par apres, pource q'l mes- *que.*
loit tout plain de disputations inutiles & allego-
ries superflues. Cõsequẽment fut permis de mix-
tionner & inserer la Philosophie de Platon auec *La philoso-*
les saintes lettres, dont vindrent grandes incom- *phie de Pla-*
moditez a l'Eglise. Certes la philosophie de Pla- *ton.*

Le tiers Liure des Chronicques

ton n'est plus en commun vsage : & a l'opposite celle d'Aristote est en bel & droict ordre : & si elle est entendue comme il appartient, elle peult apporter grand fruct aux Chrestiens scauantz.

La philosophie d'Aristote.

L'an de Iesuschrist

214

Antonin Bassian.

ANtonin Bassian Caracalla 19 Empereur, regna six ans. Cestuy tua son frere Geta : il se maria avec sa maratre . Il pria Papinian de l'excuser du meurdre de son frere. A quoy fut respondu par ledict Papinian , qu'il n'estoit si aisé de deffendre vn meurdre, comme il estoit de le faire & perpetrer . Pour ceste cause Antonin commanda qu'on feist mourir Papinian , qui estoit bien digne d'estre en l'office d'aduocat ou il estoit, certes pource qu'au nom de iustice & honnesteté , il ayma mieulx encourir le danger de sa vie, qu'approuuer vn acte deshoneste. Non long temps apres ledict Empereur Bassian fut tué & puny de sa tyrannie.

Papinian le giste & aduocat.

Exemple de vengeance

Calliste seiziesme pape succeda a Zephirin au pontificat.

Macrin.

Macrin 20 Empereur avec son filz Diadumene ne regna qu'un an & deux moys. L'un & l'autre eurent les testes coupées.

L'an de Iesuschrist

221

Varus Heliogabalus 21 Empereur regna quatre ans: Cestuy ne laissa memoire aucune de luy, non plus qu'eust fait vne infame & orde beste: finalement fut occis de ses soudartz.

Varus Heliogabalus.

L'an de Iesuschrist

225

Alexandre Seuere 22 Empereur: sa mere fut appelée Mámée, il regna treize ans: & dict on qu'il fut filz de Bassian. Cestuy Alexadre fut créé Empereur n'ayant encore que douze ans, par le consentement des gens de guerre, & du Senat ensemble. Pour son application a vertu fut grandement loué. En tous ses affaires il vsa du cõseil de Vlpian Iuriste seulement, & ne se monstrois familier a aucun, qu'a cestuy seul. Ce dequoy estoient grandement despitez les gens de guerre & gentils hommes d'autour ledict Empereur, pource que par le conseil de cestuy Vlpian pensoient que ledict Cæsar les traitoit assez rudement: parquoy quelquefoys se iecterent sur ledict Vlpian le menassant a tuer, lors l'Empereur se va metre entre deux, & couurit Vlpian de son manteau, affin que sa baronnie entendit qu'il estoit soucieux du salut dudit Vlpian. Or estoit cela vn bel exemple de vertu imperiale: par lequel est signifié clairement, que les grands princes doibuent exposer leur vie & leur corps en danger, pour garder iustice & equité.

Alexandre Seuere.

Vlpian.

Bel exẽple pour conseruer vne vertu.

A Calliste succeda Urbain premier de ce nom,

Le tiers Liure des Chronicques

pape dixseptiesme . Apres Vrbin fut mis en la papaulté Pontian 18 pape.

L'an de Iesuschrist

238

Maximin. **M**aximin 23 Empereur regna troys ans. Cestuy en ses ieunes ans auoit esté pasteur en Thrace: puis suiuít le train de la guerre: & pour la grandeur inusitée de son corps, & sa singuliere hardiesse, vint petit a petit iusques a estre fait Empereur par la gend'armerie Rommaine, sans l'authorité du Senat. Il dompta la Germanie iusques a la montaigne noire en Suaue, & ceste haulte partie d'Allemaigne iusques aux François Orientaux. Cestuy exerça grand' tyrannie, pour ceste cause le Senat contre luy designa d'autres Empereurs: & a ceste occasion aucunesfoys estoient faictes guerres entre les Rômaines, esquelles le ieune Gordian fut tué, & Gordian l'aisné se pendit. Finablement Maximin avec son filz fut occis des gens de guerre en Aquilée.

*Maximin
dompta la
Germanie.*

Gordian.

Autherus pape 19 fut crée apres Pontian.

L'an de Iesuschrist

241

Gordian. **G**ordian 24 Empereur regna six ans. Il fut fait Empereur du Senat, avec Pupien & Balbin contre Maximin. Comme Pupien & Balbin ne vouloient rien faire quelconque au gré & vouloir des gens de guerre, furent tuez d'iceulx

a Rōme: a ceste occasion Gordian le ieune iouist seul de l'Empire. Cestuy eust la victoire des Persans en Orient, & restablist plusieurs villes à l'Empire. Mais comme il endurast l'exercite auoir faultes de viures, Philippe fut fait Empereur, par le commandement duquel, Gordian fut fait mourir.

Quand Gordian fut fait Empereur, il y eust si grāde eclipse de Soleil, que ce pendant qu'elle duroit, fallut allumer la chādelle comme s'il eust esté nuit. Auec ce, se feirent tout plain de tremblementz de terre, par lesquelz maintes villes perirent. *Eclipse de soleil.*

L'an de Iesuschrist

247

Philippe 25 Empereur regna cinq ans. Il fut Arabe de nation, il auoit esté capitaine plusieurs ans. Cestuy esleua a l'administration de l'Empire auec luy son filz Philippe. L'un & l'autre fut occis par Decius, pource qu'ilz auoient receu baptesme, & festoient faitz Chrestiens. Ainsi les Empereurs par permission diuine s'entretuoient, ce qu'il nous doibt par raison donner craincte de vengeance diuine. *Philippe premier Empereur chrestien.*

L'an du monde

4192

L'an de Iesuschrist

248

Soubz le regne de ceulx cy, on comptoit droi-

Le tiers Liure des Chronicques

Et eurent mille ans que Romme estoit cōstruictē:
& cestuy an fut solemnisé avec grand' magnifi-
cence & sumptuosité de jeux & misteres.

Fabian.

En la papaulté succeda a Autherus Fabian 19
pape. On dict que cestuy baptiza l'Empereur
Philippe, & fut le premier chrestien entre les
Cæsars.

L'an de Iesuschrist

253

Decius.

DEcius 26 Empereur regna deux ans. Il fut
prince non moins prudent que bon gend'ar-
me. Cestuy esleua son filz avec luy a l'Empire.
Tous les deux furent occis des Gothz, ap's auoir
faict entrée en Thrace, & qu'ilz s'estoient dressez
vers Hongrie. Et iaçoit que au parauant les Rō-
maïs eussent eu affaire avec les Gothz Barbares
& estrangiers, toutesfoys ie vueil a cest endroit
commencer l'histoire des Gothz. Veritablemēt

*Le commen-
cement de
l'histoire
des Gothz.
Exemple de
vengeance.*

lesdictz Gothz eurent pour lors vne gend'arme-
rie d'environ troys centz mille hommes: Et fei-
rent vn acte digne de memoire, d'auoir vaincu
Decius prince si hardy & cheualeureux. Mais
Dieu voulut finalement venger la tyrannie d'i-
celuy Decius, pour ce que par edict publicque
il commanda que tous chrestiens fussent mis a
mort. Il feit occir le pape Fabian, & Cyprian en
Aphricque, & maintz autres saintz personnai-
ges. Pour ceste cause les Gothz, & les autres na-
tions estranges, apres auoir faict entrée en Italie,

*Cypriā mar-
tyr.*

dissiperent & gasterent tout le royaulme Romain, pour l'effusion du sang des Chrestiens. Certainemēt vne Sibylle auoit predict̄ telles choses debuoir aduenir, d'aduantaige cela est clairemēt exprimé en l'Apocalypse.

A Fabian succeda Cornille 20 pape, qui condamna l'heresie de Nouatian, touchant sa peruerse doctrine de penitence. Cestuy disoit que ceulx qui retumboient en peché apres le baptesme, ne pouoient retourner a salut, & par cest infidele erreur, induisit tout plain de personaiges a desesperance, & dissipa la concorde de l'Eglise.

*L'heresie de
Nouatiā cō
damnée.*

L'an de Iesuschrist 255

Vibius 27 Empereur regna deux ans avec son filz Volusian. Apres la mort de Decius, Gallus fut salué de la cheualerie comme Empereur. Consequemment ces deux predictz furent occis des gens de guerre.

*Vibius.
Gallus.
Volusian.*

Apres Cornille, Lucius fut fait 21 pape.

L'an de Iesuschrist 257

Valerian 28 Empereur regna six ans. Il fut esleu de l'exercite, en la haulte Germanie, & confirmé par le Senat. Cestuy estoit natif de Romme d'une tresnoble maison, & estoit monstre vaillāt en Allemaigne. Finablemēt fut prins du roy Saporez chez les Persans, & vesçut en tres

Valerian.

*Sapores roy
des Persans.*

Le tiers Liure des Chronicques

Exemple de grand' insolence.
deshonneſte ſeruitude. Or eſtoit ce roy Barbare, plein de ſi grand' inſolence & inhumanité, qu'après la prinſe de ceſtuy Cēſar, il vſoit d'iceluy au lieu de ſelle ou ſcabelle metant les piedz ſur le dos de ceſtuy Valerian quand il vouloit monter a cheual: Mais ledict Saporeſ fut puny ſa foys par Odenatus capitaine des Rommains.

Galien,
Galien filz de Valerian 29 Empereur fut avec ſon pere a l'Empire, & après la prinſe de ſon dict pere il regna neuf ans. Il fut bien inſtruit eſ bonnes lettres: mais fut adonné a ſuperfluité & gourmandiſe, ſi qu'il gouerna ſon royaulme aſſez nonchalamment, parquoy ſe diminua ledict royaulme ſoubz luy de pluſieurs regions: Ce pendant Poſthumus eſtoit lieutenant des guerres en Allemagne, qui pour ſa ſinguliere diligence en ſes affaires fut crée Empereur, de ſon oſt. Mais comme Galien enuoiaſt ſes bendes contre ledict Poſthumus, entre les autres dreſſa vne bende de François. Et a ceſte occaſion leſdictz François furent eſmeuz a la guerre les premiers, leſquelz par après (poſé ores q̄ Poſthumus fut mis a mort par trahyſon & fineſſe) touſiours demeurèrent en armes: comme nous dirons par après, quand viēdra a parler de Charles. En paſſant, & en brief nous auons bien voulu monſtrer ceſ chofes, afin que le lecteur ne puiſſe ignorer, l'occaſion pourquoy les François ſ'oppoſerēt premieremēt aux Rommains, & a ceſte occaſion par après furent faitz les plus puiſſantz en Germanie & Gaule.

Les François ſ'oppoſantz aux Rommains.

Donc en ceste maniere premierement les Gotz commencerent a gaster le royaulme Rommain, puis apres les François, & consequemment aussi les autres nations, affin que sus ces entrefaites ie me taise de la desconfiture faicte par les Persans aux Orientaulx.

L'an de Icsuschrist

272

Flavius Claudius 30 Empereur regna deux *Flavius Claudius.*
 ans. Cestuy fut grandement prisé pour ses heroiques & belles vertuz. Pour ceste cause luy bail la lon l'Empire deuant la mort de Galien par le consentement dudict Galien, de la cheualerie, & du senat. Il guerroya merueilleusement cõtre les Gotz en Hongrie & Macedone, & tousiours fut vainqueur. Par semblable surmõta les Germains qui auoient faict entrée en Italie, & restitua l'Egypte a l'Empire. Mais les destinées eurēt enuie que cestuy eust plus long regne, parauanture pource que les Rommains n'estoient dignes d'auoir tant excellent prince. l'Empire Rommain debuoit petit a petit decheoir, lequel fut aucunement reparé & restably par ledict Claude, & par troys ou quatre de ses successeurs. Du parentaige de cestuy Claude, fut Constantin le grand, cõme nous monstrerons par apres. *Constantin le grand.*

Valerian feît martirer le pape Lucius, & succe da a luy en la papaulté, Estiène premier de ce nõ 22 pape. Le successeur d'Estienne fut X iste secõd du nom 23 pape. Denys pape 24 suiuit X iste.

Aurelian. Aurelian 31 Empereur regna cinq ans six
 mois. Pour ses excellentes vertuz au mestier
 des armes, fut esleu a l'Empire par Claude. Ce-
 stuy vainquit par bataille aspre & cruelle les Frã
 çoyz, non pas loing de Maience, consequitiue-
 ment les Gothz en Esclauonie. D'aduantaigé
 surmonta en Orient la royne Zenobia, qui oul-
 tre la nature des femmes fait beaucoup d'actes
 de prouesse, & mena grosses guerres contre les
 Rōmains. Or cestuy Aurelian merite bien auoir
 louenge non vulgaire & commune, pource qu'en
 son ost voulut que constamment entre les gen-
 d'armes moderation, & discipline militaire fut
 tousiours gardée. Quelquefoys aduint qu'un ieu-
 ne soudart auoit violé son hostesse: Quand Aure-
 lian l'eust entendu, voulut que cestuy violateur
 & adultere fut puny griefuement: adonc cōman-
 da il que deux ieunes arbrisseaux fussent courbez
 par le coupeau iusques en terre, & que le malfai-
 cteur fut lié aux branches desdictz arbrisseaux,
 puis apres qu'on laschaft lesdictz arbrisseaux op-
 posites l'un a l'autre, affin que par la repugnance
 d'iceulx a grand' violence fust desiré & mis en
 pieces. Cestuy Aurelian fut aussi grand persequu-
 teur du nom Chrestien.

*Aureliã est
 studieux de
 discipline
 militaire.*

Des Manichées hereticques.

Incontinent

Incontinent apres l'Euangile publiée & pres-
 chée, maintes sectes & dissentions s'esleuerent
 entre les Chrestiens. Mais ie n'ay pas ce vouloir
 en ceste petite Chronicque narrer tous les er-
 reurs d'un chascun hereticque, qui de sa poison a
 infecté & troublé maintes grâdes regions & vil-
 les, ains seulement les plus grands & apparentz
 erreurs, affin que le debonnaire & fidele lecteur
 cognoisse qu'entre les choses humaines n'est rié
 plus pestilent que mauuaise doctrine, & que tous
 hereticques de leur nature sont couuoiteux de se
 dition, & ne desirent autre chose que par tumulte
 publique & discord, deffendre & accroistre
 par tous pays leur erreur. Veritablement Satan
 leur maistre & autheur est menteur & homicide
 ensemble. On voit ces deux vices estre commu-
 nément en personaiges schismaticques, les-
 quelz enseignent choses faulses, & ont de coustu-
 me d'exciter meurdres par discords & mutine-
 ries, & troublement des republicques.

*Les heretic-
ques s'ot cou-
uoiteux de
seditions.*

Du regne d'Aurelian les Manichées heretic-
 ques premierement commencerent, & leur au-
 theur fut Manés natif de Perse. Cestuy treslarge-
 ment respâdit son venin, premierement chez les
 Arabes, puis en Aphricque, & par succession de
 temps tant s'escreut, que par apres de deux cétz
 ans ne peust estre amorty & sopit. Le fondement
 de leur doctrine estoit, que deux Dieux estoient,
 l'un bon & l'autre mauuais, & tous les deux en-
 semble eternelz. Ceste doctrine estoit veue pro-

*Les manés
chées here-
ticques.
Manés na-
tif de Perse.*

*La doctrine
des Manés
chées.*

Le tiers Liure des Chronicques

bable & consone a raison humaine , veu q̄ Dieu de sa nature est tout bon, & a l'opposite le mal a si grand' violence, que necessairement il falloit qu'il y eust vn Dieu propre, qui fut Autheur du mal egal a l'autre Dieu en puissance & eternité. Oultre ces choses lesdictz Manichées furent d'opinion que Iesuschrist n'estoit point vray Dieu, & ne recepuoiēt aussi les liures des apostres, mais inuentoient doctrines particulieres, qu'ilz appelloient l'Euangile de Iesuschrist: ilz se vantoient par semblable auoir speciales illuminations du ciel, & disoient qu'ilz donnoient le saint Esprit. Cōsequemment instituerent cerimonies propres & vserent de difference de viandes. Ilz interdīrēt les mariages, affermahtz par ces choses la, que le saint Esprit leur venoit. Ilz enseignerent aussi qu'on debuoit reiecter toute puissance ciuile & superiorité, & que mariage, & regime des republicques procedoient du mauuais Dieu, & n'estoient establiz du bon Dieu. De nostre temps vn nommé Thomas le Monneieur est en Thuringe tumba en ceste heresie.

Thomas le Monneieur hereticque.

L'an de Iesuschrist

280

Tacitus.

Tacitus trentedeuxiesme Empereur regna six moys.

Probus.

PRobus 23 Emperereur regna six ans quatre moys. Cestuy est nōbré entre les princes biē reputez, il fut esleu de la gend'armerie, & confer

né du Senat. Il fut autheur de la paix es haultes & basses Allemaignes . Il vainquit les François & Thuringeois, & aux annales de cestuy Empereur est faicte la premiere mention de la nation Thuringeoise.

A Denys succeda en la papaulté Felix pape 25. a Felix succeda Eutichian pape 26. Caius pape 27 suiuit Eutichian.

L'an de Iesuschrist

287

Carus 34 Empereur regna deux ans . Cestuy *Carus* feist ses deux enfantz Carin & Numerian Empereurs auec luy . Numerian fut bon & scauant prince . Carin pour sa malice fut comparé a Nero.

L'an de Iesuschrist

288

Diocletia 35 Empereur regna vint ans. Il fut *Diocletian* prince meur & saige, & ennobly de maintz beaulx actes . Il restablit l'Aegypte a l'Empire. Quát au demeurát grád ennemy de la professiõ Chrestienne. Cestuy pensoit remettre l'Empire & l'aciene forme de la republicque en son premier estat:& cõe il fait toutes choses p iugemēt de raisõ, ne voulut pœur ceste cause tolerer opiniõs differētes touschāt la religiõ. Sēblablement cognoissant qu'ē si grád' diuersité de guerres luy seul ne pourroit garder la grandeur de si hault & exault

Le tiers Liure des Chronicques

ce Empire:oultre consideroit que souuentesfoys estoit aduenü que quelques vnz par seditions & troubles auoient affecté l'Empire, & s'estoient faitz Empereurs:a ces fins de son bon gré voulut que Maximian en pareille puissance eust le gouuernement de l'Empire cōme luy:Et cestuy Maximian fait la guerre en Gaule.

Maximian.

Veritablemēt ces deux princes furent appelez Augustes . Ilz en esleurent encore deux, qui ne furēt esgaulz a eulx en puissance,mais estoiet comme leurs successeurs : & n'estoient ceulx cy dictz Augustes,ains Cæsars. Diocletian eslit Galery, & Maximian Constant. L'vn & l'autre Auguste, c'estascauoir Diocletian & Maximian laifferent le gouuernement de l'Empire, & de leur bon gré retournerent à tranquillité & repos de vie priuée & particuliere: Mais Maximian par apres fust volūtiers reuenu a la dignité imperialle, affin qu'il eust prouueu son filz Maxēce a l'Empire: & a ceste occasion Constāt son gendre feist tuer ledict Maxence. Ainsi communément aduient il, que quand les grands royaumes & Empires doibuent ruiner & decheoir, parauant, toutes choses sont pleines de seditions & haines intestines, ce que cest exemple prouue assez. Diocletian vescu plusieurs ans sans charge: finalement se tua, pource qu'il estoit menacé de Licinius & Constantin, auxquelz il estoit suspect, pource qu'il auoit suyui le party de Maxēce leur ennemy.

Galery.

*Maxence.
Constant.*

Constantin 36 Empereur regna avec Galery Maximin, & l'un & l'autre acquist bon bruit a l'Empire. Constant apres la mort de Diocletian regna quatre ans. Il assubiectionna les regions des Gaules & de Germanie, & les rendit paisibles. Semblablement vainquit les François & Allemands. Or la Germanie est partie en ceste sorte: *La separation de Germanie.* Les François v surperent le pays qui est situé enuiron le Rhin: les Allemans sont dictz les haultz Germans. Constantius mourut en Engleterre, & au lieu de luy fut fait Costantin son filz Empereur.

Constantin 27 Empereur regna 30 ans, il restitua l'Empire a sa pristine tranquillité & repos. Or comme Maxence eust exercé a Romme cruellement sa tyrannie, fut vaincu par Constantin, & en fuyant se noya dedens le Tybre: & fut *Maxence noyé dès le Tybre.* lors puny de sa cruauté & tyrannie, qu'il auoit executée enuers plusieurs personnaiges, & principalement a l'encontre des Chrestiens. Donc quelques ans Constantin & Licinius ensemble regirent l'Empire en grand' concorde & amitié, & Constantin donna sa seur en mariage a Licinius. Mais nous voyons communément aduenir es grands royaulmes & Empires aucuns affaires ou deux ensemble ne peuent bonnement accor-

Le tiers Liure des Chronicques

*La cause du
differēt en-
tre Constan-
tin, & Lici-
nius.* der. Or dict on que le differēt d'entre Constan-
tin & Licinius vint, pource que Licinius hayoit
les Chrestieſ, & auſſi que Coſtantin l'auoit prié,
de n'entreprendre plus ſus iceulx Chreſtiens. Fi-
nablement ledict Conſtantin contrainct avec
grand' difficulté ſurmonſta ledict Licinius, & le
laiſſa ce neaumoins en vie: par ceſte loy & condi-
tion qu'il viuroit pour l'aduenir ſans charge. A
cauſe dequoy Conſtantin fut ſeul Empereur, &
redigea tout en paix & bon & honneſte ordre.
Ceſtuy fut le premier apres Philippe qui confeſ-
ſa publicquement le nom Chreſtien. Et ne fault
doubter qu'iceluy ne fuſt prince vrayement fide-
le & debonnaire: Certes il euſt la treſſacrée Euan-
gile en ſi grand' reuerence, que pour teſmoigna-
ge publicque de ſa foy, deuant tout le monde fai-
ſoit porter deuant luy touſiours le liure des Euā-
gelistes. Il cōmanda qu'a ſes propres deſpens les
volumes de la Bible fuſſent eſcriptz, tranſportez
& reſpanduz en toutes regions. Ceſtuy Empe-
reur ſemblablement fut cauſe que le ſainct & vti-
le concile de Nice fut faict, affin qu'en ceſte ma-
niere il rendit l'eſtat de l'Egliſe de ſon temps a
requoy & pacifique. Or ceſ faictz icy ſont di-
gnes d'un bon & debonnaire prince, qui meritēt
bien plus grand' louenge, que les grands biens &
donations qu'on dict qu'il ſeit au pape. Iaçoit
que ceſtuy ait deſſeruy los & gloire a ceſte cauſe
qu'il eſlargiſt leſdictes aulmoſnes a la cōſeruatiō
des miniſtres de l'Egliſe & de la doctrine euange-

*La deuotiō
de Conſtan-
tin en l'E-
uangile.*

*L'office d'ū
prince Chre-
ſtien.*

*Le concile
de Nicē.*

licque. Quant au demeurant le tresbon Empe-
reur fut si liberal enuers le pape, qu'a son vſage
luy donna la ville de Romme, & la moitié de son
Empire, ainsi que cõptent quelques fabulateurs.
Nulles hyſtoires approuuées ne portent tesmoi-
gnage de la chose.

De cestuy Cefar fut nommée la ville de Con-
stantinoble & edificée. Consideré qu'en ce mesme
lieu au parauant y auoit eu vne ville renommée
pour la frequēce des marchādises qui y affluoiēt
dicte Bizance. Le ſiēge de l'Empire depuis fut
transporté a Constantinoble, ce que les subſequē
tes hystoires racomptent.

*Constantino-
ble nommée
au parauant
Bizance.*

Or comme ainsi soit que cestuy prince ne fust
de petite estoppe, mais l'vn de ceulx que le sei-
gneur Dieu voulut enrichir & ennoblir de singu-
lieres graces & ſouueraines vertuz: a iuste droict
nous reciterons en cest endroiēt l'origine de son
lignage, affin qu'on congnoiſſe que les grandes
& belles perfections ſont données de Dieu & ef-
largies particulierement enuers les haultes mai-
ſons & nobles familles.

Claude Empereur tant bien renommé, eust
deux freres, c'estascauoir Quintille & Crespe.
Claudia fille de Crespe fut donnée en mariage
au noble & illustre prince Eutrope, & ceulx cy
ſont la source de la race de Constantin.

*Les maieurs
de Constan-
tin.*

Eutrope principal ſeigneur en Rõme eust en ma-
riage Claudia niepce de l'Empereur Claude, &
d'Eutrope, Claudia naſquit Cõſtati^o Empereur,

Le tiers Liure des Chronicques

cestuy Cōstātius eust en premieres nopces Theodore fille de la femme de Maximian qu'elle eust de son premier mary de laquelle Theodore Constantius eust six enfantz cōme dict Iehan le maire. Or ledict Constantius repudia ladiete Theodore & eust a femme Helene fille vnicque & heritiere de Cloel roy d'Angleterre, & de ceste Helene nasquit Constantin le grad. ledict Cōstantin espousa Fausta fille de Maximian de laquelle yssirent troys filz, c'estascauoir Constantius Constantin & Constans, qui tous troys furent Empereurs.

De l'hereticque Arrius.

*Arrius le-
cteur public
que au colle
ge d'Alexā
drie.*

*La doctrine
d'Arrius.*

*Alexandre
Euesque.*

DV temps de Constantin Arrius vescu. Cestuy fut regēt au college d'Alexādie en Egypte. De l'heresie & erreur duquel l'vniō de l'Eglise fut miserablemēt dissipée & desirée. Il enseigna que Iesuschrist n'estoit vrayemēt ne natu rellement Dieu. Quand au reste, ce seroit chose trop prolix, de narrer de quelz alleschemētz cestuy vsa pour persuader aux hōmes, & cōfermer son erreur. Or ceste heresie tāt pleust au monde, que les plus scauantz Euesques, & presque toute l'Eglise oriētalle, & plusieurs en occidēt en furēt touchez. Toutesfoys ce pendāt deux notables & vrayz catholicques Euesques resisterent a ladiete heresie vertueusemēt. Le p̄mier estoit Alexādre, qui impetra de l'Empereur Cōstātīn, q̄ le cōcile de Nice fut assemblé, auquel fut condāné l'here-

ſie Arriane. Pour ceſte occaſion fut deſtitué Arrius & banny hors du royaulme . Mais apres la mort de Conſtantin quelque prebſtre eſtoit en la court de Conſtantius, & bien familier dudi& Conſtantius, ſi qu'il ſe fioit audi& prebſtre de tous ſes affaires & ſes ſecretz : Ceſtuy feit tant enuers ledi& Empereur qu'Arrian fut reuocqué & remis en ſon premier eſtat. Lors la flâme qui eſtoit au parauant ſopite & amortie, commença plus aſprement a ſe r'enflamber & reuiure, en ſorte que l'Empereur meſme en fut eſprins & embrazé. Or fut iournée prinſe par le commandement de l'Empereur pour veoir diſputer enſemble Arrius & Alexandre, Alexandre fut tout le long de la nuit dens l'Egliſe en oraiſon, pria& le Seigneur Dieu qu'il ne vouliſt permettre que le venin d'Arrius ne ſe reſpandit plus largem&ent. Doncques le matin lors qu'eſtoit baillée l'heure de diſputation, comme Arrius venoit a l'auditoire, en chemin cōmença à auoir vne douleur de ventre: & entra en vn retrai& pour ſe deſcharger ou il mourut ſoubdain par le vouloir de Dieu . Mais apres que ledi& Arrius fut en ceſte ſorte ſuffocqué & eſtain&, toutesſois ne ceſſa la ſemence de ſa peſtilente doctrine plus amplement a ſe reſpandre & eſpartir, ſi que les conſpirateurs de ceſte ſecte commencerent de plus en plus ſe dilater . Finablement Alexandre mort, Athanaſe ſ'oppoſa aux dictz Arrians : Mais ceſtuy fut exilé de Conſtantius, d'Aegypte ſ'en

*Conſtantius
ſai& Arrian.*

*La mort
d'Arrius.
Exemple de
vengeance*

Le tiers Liure des Chronicques

*Athanasie
bany s'è fuit
d'Egypte
iusques a
Treuës.*

fuit iusques a Treuës . Et iaçoit que le voyage fust bien long , toutesfois fut contrainct & secrettement se cacher iusques au bout de huit ans chez ceulx de Treuës en Allemaigne . Ce pendant ladicte heresie s'augmenta par grand force, si qu'elle se traina par toute l'Eglise orientalle, en sorte que la plus grand' partie des Chrestiens en temps adheroit a la secte des Arriens, & de ceste heresie petit a petit autres maintes sectes pullulerent . Finablement apres que le nom des Arriens fut estainct par les decretz de plusieurs cõciles, ce neaumoins par apres de rechief soubz les noms d'autres, ceste mesme secte a esté renouellée & refricassée en l'Eglise . En Romme estoient diuerses opinions ensemble, & diuerses sectes perfequutoient l'vne l'autre, tellement que les vnz faisoient tout plain de tumulte es temples des autres, & y perpetroient meurdres & occisions . L'estat de l'Eglise certes estoit pour lors piteux & miserable, qui a iuste droit donna occasion non seulement aux Gentilz, d'empeschement & obstacle, qu'ilz ne retinssent la sainte parolle de Dieu, mais aussi qu'aucunz Chrestiens se reuoltassent de leur foy, & se ioignissent a l'idolatrie des Gentilz . Entre lesquelz fut l'Empereur Iulian . En ce mesme temps de ceste tant pernicieuse & dommageuse heresie, s'esleua Mahommet finablement, auquel fut ouuerte la fenestre de toute meschanceté par Arrius, qui estoit le precurseur & herault de ce tres

*Arrius pre-
curseur de
Mahommet.*

cruel & meschant Antechrist. Or comme les pensées des hommes estoient lors errantes & vagabondes en si grand different d'opinions, Mahomet vint, qui inuenta cauteusement & malicieusement la tierce voye, par laquelle promettoit remedier a la diuersité de telz erreurs. Adoncques osta il toutes disputations, ce que approuuoient les hommes. Mais de ces choses nous en parlerons cy apres. Et suffise d'auoir recité cecy de l'erreur des Arrians, & autres semblables heresies, desquelles a ceste cause nous auons icy fait mention, affin qu'il soit veu, combien les heresies engendrent d'incommoditez, de meurdres, de seditions & perturbations a la republicque & a l'Eglise.

A Gaius succeda en la papaulté Marcellin pape 28. A Marcellin succeda Marcel 29. Eusebe pape 30 suiuit Marcel. Apres Eusebe fut Melciades 31 pape. A Melciades succeda Syluestre pape 32. Apres Syluestre fut fait pape 33 Marc.

Non pas long temps deuant la mort de Constantin, vne grande Comete fut veue, l'espace de quelques moys, qui signifioit la trespiteuse guerre & emotion qui suiuirent la mort dudit Empereur.

Vne Comete
te veue.

Le tiers Liure des Chronicques

*Constantin.
Trois freres
ensemble re
gnantz.*

Constantin 38 Empereur regna 24 ans. Il auoit esté déterminé par Constantin le grand pere de cestuy, que les trois freres seroiēt ensemble Empereurs : & que Constantin auroit pour apennaige les Gaules, Espagne & la Germanie: Constantius les parties d'Oriēt: & Constans l'Italie & Esclauonie: Or Constantin qui estoit le puisné, ne fut content de son tenement, mais vouloit regner seul, parquoy se transporta en Italie contre son frere Constans, se confiant a sa force, pource qu'il auoit plus vaillantz souldardz. Mais le Seigneur Dieu ne souffrit que la folie & temerité de Constantin demeurast longuement a punir: Car biē tost apres fut tué. A ceste raison Constant iouist de l'Empire de tout l'Occident, lequel il administra heureusemēt. Or cestuy eust vn ducteur, Capitaine ou Lieutenant soy tenant a la ville d'Auguste qui depuis fut nommé Constance, auquel il auoit vne fois saulué la vie. Ledict Capitaine nōmé Magnence tua sondict Seigneur Empereur tant courtois & tant bening, & print possession de l'Empire, & dressa vne armée contre Constantius. Lors Constantius crea son nepueu Gallus le Cæsar d'Orient, & se delibera de bien recepuoir cest inuenteur de seditiō & traistre Magnentius, finablement le vainquit. Or le chaplis fut si grand ainsi comme on dict, que les forces de l'Empire furent tellement debilitées, que par apres plusieurs ans ne peurent retourner en leur pristine vertu, la fleur de la che

*Exemple de
vengeance.*

*L'ingratitude
d'Ortrabi
son de Ma-
gnence.*

ualerie y fut estaincte, en sorte que long temps apres l'Empire ne pouoit resister aux natiõs barbares. Apres ceste grande tuerie Magnence homme vitieux se tua, & ainsi vengea Dieu le meurtre commis en la personne de Constant prince tresdebonnaire. *Magnence se tua.*

A Marc succeda au pontificat Iules premier de ce nom pape 34. Et apres la mort de Iules Liborius fut pape 35. Lequel pource qu'il resista a l'heresie Arriane fut deposé par Constantius, & a son lieu fut mis Felix 36, qui pour la crainte de l'Empereur dissimula l'erreur des Arriens. En ce temps furent faitz fennes & congregatiõs a Milan par les Arriens, ou furent concludz articles tous differentz aux decretz du concile de Nice, mais telles opinions furent parapres reiectées. Ces exemples tesmoignent, qu'il y auoit ores en l'Eglise piteux estat. *Liborius pape. Felix pape dissimulateur.*

Iulian l'Apostat 39 Empereur regna deux ans. Il fut nepueu de Constantius, & frere de Gallus, ainsi que nous auons dit deuãt. Cestuy estoit si scauant qu'en son adolescence lisoit publique mēt de sainte escripture en l'Eglise de Nicomede: Puis apres s'en alla en Athenes, ou il estudia en philosophie. Mais apres la mort de son frere Gallus q fut occis, fut enuoié par son oncle Constantius es Gaules, & en la Germanie, & nõ pas *Iulian l'Apostat.*

Le tiers Liure des Chronicques

*Iulian fait
empereur a
Argentorat.*

loing d'Argentorat desfeist trente mille Alle-
mās: Parquoy audict lieu soubdain par la faueur
des gend'armes fut designé Empereur. Conse-
quemment comme grandes dissensions estoient
entre les Chrestiens pour la diuersité de leurs o-
pinions touchant leur foy, pour lesquelles les
vuz estoient en doubte, les autres se departoient
de la religion Chrestienne pour seruir au culti-
uement des idoles. Ainsi fut fait Iulian apostat.
Or estoit il en sa grand ieunesse, & hantoit sou-
uent avec les grands orateurs & philosophes, qui
disputoient de Dieu selon ce qu'ilz pouoient cō-
prendre en leur raison humaine. Sus ces entre-
faictes ledict Iulian ne persequuta les Chrestiens
apertement, ains proposa de les abolir subtille-
ment. Il deffendit publicquemēt qu'ilz n'eussent
plus d'escoles, affin qu'ilz ne receussent aucune
doctrine & enseignement touchant leur foy: pé-
sant par cela, que la ou la doctrine seroit ostée, fa-
cilement la religion s'anientiroit. Aussi deffen-
dit il, que les Chrestiens n'eussent droit de guer-
roier avec les Romains, & qu'ilz n'eussent au-
cunement l'administration de la republicque. Il
osta les biens aux Eglises, disant par mocquerie
qu'il faisoit plaisir aux Chrestiens, car apres qu'ilz
seroient pauures, plus facilement entreroient au
Royaulme des cieulx, veu que leur Euangile
prometoit Paradis aux pauures. Assez violente-
ment cestuy oppugna la foy des Chrestiens,

*Iulian osta
le droit de
guerroier
aux Chre-
tiens.*

mesmes par ses escriptz en plusieurs lieux publicz . A l'encontre desquelz Cyrillus escripuit diligemment: le liure qu'il composa contre ledict Iulian , on le treuve encores maintenant en la ville de Phorcen en Allemaigne , entre les livres de Iehan Reuchlin , lequel est bien digne d'estre leu . Semblablement Nazianzenus respondit audict Iulian , mais assez laschement . Certes il n'estoit assez d'efficace pour confuter les finesses desquelles vsa ledict Iulian cuidant aneantir l'Euangille . Or ledict Iulian deffendoit que les Chrestiens n'eussent entre eulx Iuges qui eussent a condamner & iuger criminelz , ne administrateurs en leur republicque , pource qu'il alleguoit que l'Euangile disoit qu'il ne falloit faire vengeance . Or peult on doncques bien penser que sans Recteurs du bien publicque les choses humaines ne peuvent aucunement estre stables . Cestuy Iulian deschifre ces choses la assez prolixement & cauteleusement , si est ce qu'un bon & vray catholicque n'ignore point , que les punitions faictes par les iuges ne sont prohibees en l'Euangile , mais bien celles qui se font particulierement par gens ne aians charge ou autorité . Les cautelles & tricheries de Iulian furent merueilleusement nuisibles & dommageuses aux Chrestiens , en sorte que publicquement on faisoit faire oraisons a Dieu , affin qu'il luy pleust changer le propos dudit Iulian tant pernicieux ennemy de

Cyrille &
Nazianze-
nus respondi
t a Iulian.

Come doit
estre deffen-
due ven gean-
ce.

Le tiers Liure des Chroniques

son euangile. Doncques apres qu'iceluy fut allé en Perse, fut occis en quelque lieu apart & solitaire, & comme il estoit tumbé a terre pour le coup qui luy auoit esté donné, rendât l'esperit ietta sa main au ciel pleine de sang & dit, Or maintenant as tu la victoire de moy Galiléen, par ce mot denotant Iesuschrist, que cestuy appelloit Galiléen. Consequitiuement fut fait que par l'infidelité dudiect Iulian, l'Empire fut translaté de la tresnoble famille de Constantin le grand.

La mort de Iulian.

Exemple de vengeance.

L'an de Iesuschrist

367

Iouiniã tres catholique Cesar.

IOuinian 40 Empereur regna sept mois. Il fut prince bon & catholicque. Il reuocqua les Euesques exillés par Constantius & Iulian, & cõmanda qu'on paiaist les dixmes aux Eglises. Cestuy prins de siebure pour auoir endure trop grand trauail, mourut.

L'an de Iesuschrist

368

Valentinian 41 Empereur regna douze ans. Il adioignit auecques luy pour son confort son frere Valent. Valent eust le pays d'Orient, & Valentinian occident: Les deux furent Chrestieés. Valentinian auoit esté capitaine soubz Iulian, mais fut destitué par lediect Iulian, pource qu'il ne voulut delaisser l'integrité de la religiõ Chrestienne & aussi pource qu'il auoit donné vn soufflet

flet a vn prebſtre payen, duquel il auoit eſté inui-
 té a ſacrifier, comme ceſtuy prebſtre en attendãt
 l'Empereur Iulian, ieſtoit quelque eau d'idola-
 trie: mais le ſeigneur Dieu, pour l'iniure que ce-
 ſtuy Valentinian auoit ſoufferte par Iulian, le re-
 cõpenſa de ceſt honneur imperial. Il mena grãd'
 guerre en Germanie, & opprima les Saxons &
 Bourguignons. Or ces Bourguignõs ſont cõptez
 entre les Saxons, pource qu'en ce temps la ſe trã-
 ſporterent au fleuue du Rhin: & iaçoit qu'ilz fuf-
 ſent poũr lors deſcõfitz par Valentinian, ce neau-
 moins ſe renforcerent par apres, paſſerẽt le Rhin,
 & occuperẽt ces pays, qui pour le iourdhy ſont
 nommez Bourgoigne. Mais de cela nous en par-
 lerõns apres.

*Valentinian
 donna vn
 ſoufflet a vn
 prebſtre
 payen.*

*Bourgui-
 gnõs dictz
 Saxons.*

Valent apres la mort de ſon frere regna troys
 ans. Il fut deffenſeur de l'herēſie Arriane: Mais
 pour ſon infidelitẽ fut griefuement puny, quand
 fut deſconfit par les Gothz. Ceſtuy en ſ'enfuiant
 ſe ieſta dedens vne ville, mais les Gothz y mirẽt
 le feu, & lors fut bruſſẽ Valent dedens ladiẽte vil-
 le. Apres la mort de Valent, les Gothz feirent
 beaucoup de dommaige a ceulx de Conſtantino-
 ble, mais la royne femmẽ de Valent leur eſlargit
 groſſe ſomme d'argent, parquoy la ville fut gua-
 rantie & ſauluẽe.

Valẽt Arriẽ

*Exẽple de
 vengeance.*

Après la mort du pape Felix Damafe fut pa-
 pe 37. Chez ceſtuy Damafe ſainct Hierome en
 ſa ieuneſſe ſe tint, & luy ſeruoit comme de no-
 taire.

*Sainct Hie
 rome notai-
 re du pape
 Damafe.*

Le tiers Liure des Chronicques
Après Damasc Syrice fut crée pape 38.

L'an de Iesuschrist

383

Gratian.

Les Gothz
vaincuz par
Theodose.

Gratian 42 Empereur regna apres la mort de Valent six ans . Cestuy estoit le filz aisné de Valentiniã, & en la vie du pere fut associé a l'Empire . Apres la mort de sondict pere il adioignit avec luy son frere puisné Valentinian. Consequēment voyant que l'Empire se troubloit, pour seditions innombrables qui se faisoient pour lors, & qu'il ne pouoit estre regi sans l'aide de quelq̄ prudent & bien fortuné prince, doncques eslit il pour son cōpaignon Theodose, lequel il enuoya en Orient, ou furēt de par ledict Theodose vaincuz les Gothz en Constantinoble, & deiectez de Thrace. Gratian fut en trahison occis es Gaulles par son lieutenāt Maxime, qui se feist Empereur par tyrannie . Gratian estoit prince bon & scauant, & deuot catholicque , il enuoya confession de sa foy par escript a sainct Ambroise. Semblablement Valentinian frere dudiect Gratian fut tué en trahison par son lieutenant, Arbogaste . Mais Theodose assembla vn grand exercite, & deffist Arbogaste. Maxime fut prins & mis a mort. Arbogaste se tua , ainsi Theodose regna tout seul.

Maxime &
Arbogaste
exemples de
trahison.

L'an de Iesuschrist

388

Theodose 43 Empereur regna deux ans, apres *Theodose.*
 que Gratiã eust esté tué par Maxime. Cestuy
 fut de nation Espagnol; & rendit tout le royaul
 me paisible, depuis Germanie iusques en Aegy-
 pte. Cestuy fut premieremēt en Germanie, mais
 fut r'appellé de Gratian en Thrace, puis apres
 Stillico fut par Theodose enuoié en Allemai- *Stillico.*
 gne, qui assubiectit les François a garder paix.
 Outre ces choses ledict Theodose mist la paix *La reuerēce*
 aussi en l'Eglise, feist congreger tout plain de cō- *de Theodo-*
 uentiōs. & voulut q̄ la doctrine de religion Chre- *se enuers*
 stienne fust publiée & diuulgée par toutes re- *l'Eglise.*
 gions. Sainct Ambroise pleura sa mort, & entre
 autres choses dict de luy: i'ay grandement estimé
 ce prince, pource q̄ quād il rēdoit l'ame, il se dolo
 soit & soucioit plus de l'estat de l'Eglise, que du
 peril & perte de sa vie: d'aduantaige estoit mer-
 ueilleusement en esmoy de la religion Chrestien-
 ne. Voyla finablement les vertuz appartenantes
 proprement aux princes vertueux & debōnaire:

A Syrice succeda Anastaise premier de ce nō
 pape 39. Innocent premier de ce nom pape 40.
 suiuit Anastaise.

De Pelage hereticque:

DE ce temps vescu Pelage en Angleterre. Ce *Pelage hēte-*
 stuy soustenoit q̄ no⁹ n'estiōs iustifiez & sau- *ricque en*
 uez par la misericorde de Dieu pour l'amour de *Angleterre.*
 Iesuschrist, mais de noz propres ceures & vertuz

Le tiers Liure des Chronicques

naturelles, & q̄ la vraye & solide iustificatiõ ne se faisoit deuant dieu, ny les pecheurs n'obtenoiẽt remissiõ de leurs pechez par la foy qu'ilz auoiẽt en Iesuschrist, ains par leurs effortz & bonnes operations. Contre cestuy escripuit vertueusement

Sainct Augustin cõtre Pclage. sainct Augustin: & impugna vaillãment son opinion, & soustint cõtre lediẽt hereticque, que par foy viue nous sommes sauluez, & nõ par noz merites seulement, & que par la misericorde de Dieu nous auons remission de noz pechez, si nous confions en luy. Or si nous obtenions remission de noz pechez par noz œures, iamais la conscience ne seroit certaine & assuree, ains tousiours seroit en doubte si telles operations seroient suffisantes & agreables a Dieu, veritablement les effortz & actions humaines sont trop foibles & ne sont assez vallables pour appaiser Dieu courroussẽ pour noz pechez, & aussi q̄ p̄ icelles puisse estre tollue l'horreur a la mort. Le seigneur Dieu toutesfois veult auoir & tirer obeissance de no^s, semblablement veult que nous facions bonnes œures, & que noz consciences soient assurees que par cela nous plaisons a luy, & qu'iceluy no^s veult exaulser quand nous le prions en veritẽ, & en la fin nous sauluer. Donc ces choses la ne consistent point a la dignitẽ de noz operations, mais en la promesse & misericorde de Dieu. Ceste opinion la de monsieur sainct Augustin, quand elle est congneue, apporte grand' consolation es consciences des fideles Chrestiens: & enseigne que

c'est que vraye foy, & que ce pendant Dieu veult que nous vacquions a bonnes œuures. Voyla ce que demande iceluy: Et par vraye foy nous donne remission de noz pechez, en ayant esgard a noz merites. En aucunz conciles faictz de nostre temps la doctrine de Pelage fut condamnée.

Au concile faict en la cité de Carthage l'erreur de Pelage fut condamnée.

La destruction de la quarte Monarchie.

L'an de Iesuschrist

398

ARcadius filz de Theodose regna treize ans en Orient a Constantinoble. En pareille puissance son frere Honorius gouerna l'Occident vingt & neuf ans du viuant d'Arcade & apres la mort d'iceluy, Honorius suruesquit.

Arcadius.

Honorius.

Des Gothz.

L'an de Iesuschrist

405

L'an de Romme

1157

L'an du monde

4349

DE ce tēps les Gothz vindrent premierement en Italie avec grande & redoubtable compaignie. Mais comme ainsi soit que par tout soit fait grand' mention des Gothz, en cest endroit sommairement nous retirerons les hystoires de leur origine & de leurs gestes.

Les Gothz premiere-ment en Italie.

Les Gothz n'auoient pas le nom de Gothz

Le tiers Liure des Chronicques

seulement, mais aussi les Vandoys, Rugians & Huns estoient dictz Gothz: & semblablement Gothz sont Allemans de l'isle de Godlande, qui occuperent le pays de Liuonie & Lituanie. Certainement l'une & l'autre region est assize emmy la mer au cōtraire des Godlâdoys: Et de cela est venu que Procopius a escript veritablement que ceulx cy sont dictz Cimmeriens & Gethes. Pour vray ces Gothz icy du temps des Rommains cheminerent iusques en Thrace & Hongrie, & les Empereurs Rommains s'efforcerent de les repoulsier, mais ce fut en vain. Nous auons touché le commencement de leur histoire soubz l'Empereur Decius: Certainement la premiere & tres grande bataille contre iceulx Gothz fut soubz Decius, auquel conflict fut occis ledict Decius, Et combien que par apres les Empereurs Rommains besongnassent tresbien contre lesdictz Gothz: si demeurerēt ilz en Thrace & Hongrie, & en Asie enuiron Constantinoble occuperent quelques regions. On dict aussi que pour le iourd'huy ya des Gothz en l'isle Tauricque qui parlent Allemand, & se nomment Gothz. Or delaisferent les Gothz finablement Hongrie & Thrace en ceste maniere, pour ce que de leur plein gré premierement partirent de la & s'en allerent en Italie, & apres en Espagne: Consequemment le reste des Gothz qui demeurerent en Thrace & Hongrie furent opprimez des Vandoys & Huns venantz de Scythie maintenant appellee

*Les Gothz
en l'isle Tau
ricque.*

Tartarie. Les Huns fischerent leurs mansions en Hongrie . Et ces regions qui sont en partie autour de Hongrie & en bas , furent occupées des Vandoys.

Soubz Arcadius & Honorius les Gothz *Theodose.* entrèrent en Italie. Le tresnoble Empereur Theodose auoit estably deux lieutenantz a ses filz, c'estascauoir Rufin & Stillico , & leur bailla la *Rufin.* charge de ses deux ieunes princes Empereurs, mais l'vn ne fut gueres feal a son seigneur . Rufin estoit François de nation : Cestuy incita les Gothz a l'encontre d'Arcadius , esperant a ceste occasion iouir quelquefoys du Royaulme, mais il fut frustré de ses entreprinſes , car il fut tué par Stillico. Stillico estoit Vandoys: & *Stillico.* comme aucunz des Gothz fussent venuz contre Arcade, Stillico feist par merueilleuse astuce que la soulde & penson qui se souloit donner aux Gothz ne leur fust plus payée : Semblablement cestuy Stillico esmeust les Vandoys contre les Gothz: donc lesdictz Gothz premierement excitez par Rufin , puis apres irritez par Stillico, avec leur roy Radagase vindrent en nombre de *Radagase.* deux centz mille, & entrèrent en Italie , & en ce mesme an que nous auons dict deuant . Et les histoires font mention que pour lors a Rome furent grandes mutineries a l'encontre des Chrestiens , & disoient les idolatres , que ceste tant pitoyable ruine & decadence de l'Em-

Le tiers Liure des Chronicques

pire, estoit aduenue pour le contemnement des Dicux, & aussi pource qu'on auoit delaislé le cultiement acoustumé de leur religion. Au demeurát Stillico vainquit le roy Radagase & tout son ost en vn destroit depuis la ville de Florence iusques au mont Apennin. Voyla la premiere histoire des Gothz en Italie.

Alaric.

Aprés Radagase, yn autre exercite de Gothz vint en Italie soubz leur roy Alaric. Enuers lequel feist tát Honorius, qu'il partit d'Italie pour s'en aller es Gaules, qui pour lors estoient courues & gastées par les François orientaulx, Bourguignons & Vandois: en sorte que Honorius n'auoit plus de fiance a retenir la Gaule, a ceste raison inuenta qu'il estoit bon de faire guerroyer ensemble les nations Barbares pour le pays de Gaule. Mais qu'aduint il? Quand Alaric fust prest de partir, Stillico le vint opprimer & assallir a despourueu & mesmes durant les trefues, le propre iour de Pasques. Le iour d'après Alaric dressa son exercite, & deffit Stillico, puis de despit qu'il auoit contre ledict Stillico assiegea Romme. Honorius pour lors estoit a Rauenne, & commanda qu'on coupast la teste a Stillico, pource qu'il auoit ioué vn tour de traistre, pensant par cela paruenir a l'Empire. Or n'y auoit il après Stillico aucun chef de guerre commode assez pour deliurer la ville de Romme de siege. Donc après l'auoir assiegee l'espace de deux ans

Alaric la print, & fut le quinzième an du regne d'Honorius, quatre centz douze ans apres la natiuité de Iesuschrist & mille cēt soixante & quatre ans apres la fondation de ladicte ville.

Alaric print Romme.

Touchant ce que Varro escript, que les douze Vaultours qu'auoit veu Romulus donnoient signe que la ville de Romme debuoit durer douze centz ans, & iaçoit ce que le nombre desdictz ans ne soit fort loing de ce compte: Toutesfois i'estime l'interpretation d'iceulx proprement debuoit estre atribuée au temps de Totilas, qui par apres du temps de Iustiniã brusla pour vray & demolit Romme, & cela fut fait cent trente six ans apres Alaric. Certainement Alaric ne destruisit point la ville, ains commanda par edict publicque, qu'on pardonnast a tous ceulx qui se saueroient dans les temples des Chrestiens. Alaric de rechief se partist de la ville, & non long tēps apres sa mort Ataulph^o fut roy des Gothz, cestuy reuint en Romme, & print Placidie sœur de l'Empereur Honorius, mais icelle appaisa ledict Ataulphe si qu'il print a mercy la ville. Puis dressa son chemin vers les Gaulles, consequemment en Espagne: Doncques en ce point finalement en ce temps les Gothz se transporterent en Espagne l'Italie delaissee. Au parauant Alaric auoit enuahy les Espagnolz, puis les Gothz demeurantz de ce temps en Espagne tindrent le royaume. Les Vandoys vindrent apres en ladicte Espagne, puis les Soaues. Mais les

Les douze Vaultours

qui voit Romulus.

Totilas.

Ataulphus.

Le tiers Liure des Chronicques

*Les roys de
Espaigne ve
nuz des
Gothz.* Gothz y demeurèrent, & les Vandois s'en allerēt en Aphricque. De ces Gothz icy sont nez les catholicques Roys d'Espaigne, desquelz a pris son origine l'Empereur Charles cinqiesme. Iaçoit que parapres les Sarrazins inuadassent l'Espaigne, & qu'en icelle se feissent puissantz, toutefois ne sceurent anichiler totalement les autres roys de la race des Gothz.

L'an de Icsuschrist

456

Genferich. L'An de Rōme 1207. Genferich vint d'Aphricque en Romme, cestuy estoit Vandoys, & vilainement gasta la citē. Mais qui fut cause de sa venue, nous le dirons apres, quand l'occafion s'offrira de toucher des Vandoys.

Dietrich de Berne.

*Les vns l'ap
pellēt Theo
doric les au
tres Tetric
de Verōne.
Othacare-* Les Gothz ne vindrent plus en Italie, si nō du temps de l'Empereur Zeno, quād Othacarus deuint puissant en Romme. Cestuy estoit barbare, natif de Rugie, & auoit esté souldart soubz Augustule autrefois en Rōme, & a ceste occasion fait riche & puissant exerça grand' tyrannie, en sorte que les Rommains chercherent r'enfort cōtre luy. Puis y fut enuoyé par l'Empereur Zeno Dietrich surnommé de Berne en Italie. Cestuy apres auoir occis Othacare regna en Italie 32 ans: Il estoit fort amoureux de paix, & fait de grands

biés en Italie, tellemét q̄ (ainſi que narrét les hiſtoires) l'Italie iamais n'eut prince eſtráger ſi benigné & ſi clement. Il donna a l'Egliſe pluſieurs biens, pour nourrir les miniſtres de la parolle de Dieu, & pour conſeruer la doctrine de religion. Mais il eſtoit gaſté de l'heréſie Arriane, comme les autres Gothz. Comme les Gothz demáderét a l'Empereur Valent des prebſtres par leſquelz fuſſent inſtruiétz en la religiõ Chreſtiéne, il leur enuoia des docteurs Arriás. Certainemét les belles vertuz dont reſuiſoit ceſtuy Dietrich, méritent bien les louéges qui ſont encores de preſent couchées en vers, touchant l'hõneur de ſa perſonne, & qui publicquement ſont châtez. En iceulx vers eſt faicte mentiõ des Geátz, qui denotét les barbares q̄ ceſtuy vainquit & debella. Il fut ſurnómé de Berne, pource q̄ ſouuét ſe tenoit a Verõne auecq la court. Oultre ceſtuy, en fut vn autre Dietrich, pareillemét Goth, par la proueſſe duq̄l Attila fut mis a mort, mais mourut en ce meſme cõfliet. Il fut ſi cheualeureux & vaillãt perſonnage, que nul ne ſe fut ozé trouuer deuant Attila, fors ceſtuy, il n'eſtoit ſurnommé de Berne, mais il eſt certain qu'il eſtoit de ſon lignage. Il veſcut deuant Dietrich de Berne bien quarante ans.

Alaric

Ataulphus

Vuallia

Dietrich duquel fut Attila occis.

Hermenrich

Les Roys des Gothz occidentaux en Eſpaigne

Les Gothz occidentaux.

Attila.

Les Gothz furent Arriens.

Le tiers Liure des Chronicques

Les Gothz Dirmarus
orientaulx. Dietrich de Berne

Les roys des Gothz O-
rientaulx en Hongrie.

Himelsuite.
Adelrich

Himelsuite fille de Dietrich de Berne eust vn filz nommé Adelrich, qui regna en Italie huit ans, & se tint en Romme apres la mort de son grand pere Dietrich de Berne, or ceste princesse acquist grand' louenge en son regne. Apres la mort de son filz, elle bailla le royaulme a son parent Theodatus: Mais oublieux de ce biēfait par trahison commanda qu'on la feist mourir du temps de l'Empereur Iustinian. Oultre ceste cy, Dietrich de Berne eust encores plusieurs filles: Aussi bailla il la fille de sa femme en mariage au roy de Thuringe. Ce que ie n'ay voulu en cest endroit obmettre, pour la singuliere louenge, & grand honneur des princes de Thuringe.

Theodatus.

Theodat⁹ regna deux ans, & fut puny pour sa trahison & desloyauté. Or comme la tres honneste royne Himelsuite se fust recommandée elle & son filz a l'Empereur Iustinian, ledict Iustinian chercha les moyens & occasions de véger le meurdre fait a la personne de ladicte princesse, & enuoia Belissaire en Italie contre les Gothz. Lors les Gothz eurent soustpeçon de Theodatus, pource qu'il ne resistoit aux entreprinſes de Bellifarius, quasi comme s'il eust voulu trahir lesdictz Gothz, lesquels pour ceste cause eslirent pour leur roy Vuitthique, par le cōmandement duquel fut mis a mort Theodatus.

*Exemple de
vengeance.*

Vuitthicque regna trois ans. Contre cestuy *Vuitthic-*
 avec grand' prudēce guerroya Bellifaire: Or *4^{me}.*
 Vuitthicque eust vne gend'armerie bien en or-
 dre, de plus de deux centz mille hommes. Belli-
 faire se tint a l'enclos de la ville de Romme, la-
 quelle fut assiegée p' ledict Vuitthicque biē l'es-
 pace d'vn an entier, & lors vint vne grande fami-
 ne, non seulement en Romme, ains aussi par tou-
 te l'Italie. Adonc Bellifaire suiuit les Gothz va-
 gantz & errantz diffuz & espars sans ordre pour
 la grandeur de la faim, & les conquesta, & print
 Vuitthicque, circonuenue par finesse. Quand au
 reste les Gothz ne peurent estre totalement def-
 faitz, mais la paix fut faicte avecques eulx par
 Iustinian, & leur fut permis d'habiter le pays de
 puis les Alpes iusques au Pau, & qu'ilz ne passif-
 sent point oultre. Ledit Iustinian reuoca Belli-
 faire: Car il craignoit qu'ō ne le feist Empereur
 en Italie, & qu'il n'vsurpast l'Empire, iaçoit que
 le bon Bellifaire feal seruiteur ne pensast rien de
 tout cela. Doncques retourné en Constantino-
 ble, amena avecques luy en triumphe Vuitthic-
 que prisonnier, & tout plein d'autres gros gētilz
 hommes.

Après le depart de Bellifaire des Itales, To-
 tilas fut fait roy des Gothz, & regna dix ans. Or
 les forces desdictz Gothz auoient esté grande-
 ment amoindries, & apētissées par Bellifaire, si
 que les Lieutenantz des Cæsars les traictoient as-
 sez insolentement, & les Italiens aussi. Pourtant

Le tiers Liure des Chronicques

*Totilas guer
roia heureau
semēt a plai
sance.*

s'efforcerēt ilz de repoulser l'iniure a eulx faicte; adōc Totilas guerroya contre ses ennemys en la pleine de plaisir avec grand hōneur, & en petit train de gēd'armes. Or cōme l'exercite des ennemys fut de plus de vingt mille hōmes, cestuy Totilas n'en auoit seulement q̄ huit mille. Quāt au demeurant Totilas cōsiderāt q̄ ses aduersaires estoiet fortz, & qu'a grād' difficulté donneroient lieu il cōmāda q̄ si petit nōbre de souldartz qu'il auoit, mais gens de fait & bien experimētez au mestier des armes, passastēt a trauers l'eau, & ain si par finesse assaillit il ses ennemis du costé dont ilz ne se guettoient, & gaigna le cāp. Cest acte la est digne de memoire: mais cecy est encor plus a

*Exemple de
pitiē apres
la victoire.*

louer, qu'apres la victoire il vsa de grād' clemence enuers ses ennemys, & ne s'aida de tyrānie, ne de rigueur a l'encontre d'aucun: Pour ceste cause plusieurs villes de leur plein gré se rēdirēt souz son empire. Si aucunes nobles & honnestes femmes, ou ieunes gentilz hommes estoient prins en la guerre, les faisoit metre en sauuegarde, & les rēuoioit sans rāçō en leur pays. Quād cestuy print Naples q̄ estoit grādemēt affamée, il feit bailler aux habitātz forces viures, ēuoia les souldartz de Cæsar bagues sauues, leur feit bailler argēt pour faire leur voiage, leur dōna nauires & cheuaults.

Or cōme Totilas ne fut pas moins heureux q̄ de bōne grace enuers tous, Iustiniā fut cōtrainct faire reuenir en Italie son Lieutenant Bellisaire. Cestuy estoit entre tous autres Cheualiers Rō-

mains instruiſt & experimenté aux armes. Mais
 Totilas apres auoir tenu longuement ſiege de-
 uant Romme, print ladiſte ville, & la diſſipa, & en
 la chaulde pluſieurs perſonages furent occis: Mais
 par les prieres du pape Pelage, Totilas comanda ^{Pelage pape}
 qu'on ſauuaſt le reſte, & qu'on ne reſpandiſt plus ^{pe.}
 de ſang, meſme qu'on ne violaſt ne defloraiſt fem-
 me ne fille, ne pillaiſt eglise: Coſequemēt enuoia
 en ambassade ledict pape Pelage p deuers l'epereur
 pour traicter paix, diſant q ſi l'appointement ſe
 faiſoit il ſauueroit la ville: autrement qu'il la bruf-
 leroit affin q deſormais ſes enemys ne ſi fortifi-
 ſent, ne n'ilz fuſſent receuz. Mais Iuſtiniã ſoy cõ-
 fiant a la proueſſe de Bellifaire, reffuſa l'appoint-
 tement. Pourtant Totilas deſpité de la reſpõce
 de Cæſar, commanda que tous les Citoiens vui- ^{Romme pill}
 daſſent, & qu'ilz allaſſent demeurer ailleurs: Et ^{lée & bruf-}
 incõtinét les murs baſtilles & tours miſes a fleur ^{lée par To-}
 de terre comanda qu'on meiſt ſemblablement
 le feu a la ville. Apres ce ſacagement finable-
 ment vint a ladiſte ville deſemparée Bellifaire,
 & feiſt reparer les murailles: Mais toſt apres re-
 tourna en Grece, ſe deſſiant comme vn prudent
 & ſaige gend'arme qu'on ne vouliſt braſſer quel
 que choſe a l'encõtre de ſon ſeigneur Iuſtiniã, en
 ſon abſence: Lors ſoubdain de rechief ladiſte vil-
 le de Romme fut aſſiegée par Totilas & reſpriſe.

La deſolation de Romme.

Le tiers Liure des Chronicques

Rôme qua-
tre fois prin-
se.

Doncques la ville de Rôme fut prinse qua-
tre fois des Gothz & Vandoys dedens l'espä-
ce de cent trente neuf ans. Premièrement par A-
laric, durant le regne d'Honorius.

L'an de Iesuschrist

412

Secondement par Genserich Vandoys du tēps
de l'Empereur Martian.

L'an de Iesuschrist

456

Tercement par Totile roy des Gothz: & ce-
ste oppressiō de ladicte ville fut la plus dō-
mageuse & miserable de toutes. Car elle fut pri-
se & bruslée ensemble. Le 21 an du regne de Iu-
stinian. Et l'an mil trois centz apres la constru-
ction d'icelle.

L'an de Iesuschrist

548

Quartement elle fut prinse au troisieme an
d'apres ceste destruction.

L'an de Iesuschrist

551

Apres ceste desolation Totilas commença a
la réedifier, & permist que les Citoiens re-
uinssent. Or de quelle douceur & pitié vsa ce-
sty, & comme il se porta humainemēt par apres,
les

les histoires, & escriptz q ont esté faictz de sa benignité & courtoisie en portent assez grand tesmoignage, disantz que le bõ prince n'aymoit pas de moindre affection ses subiectz & principalement les Rommains, qu'un pere faict ses propres enfantz, parquoy luy appartenoit bien estre en l'office ou il estoit. On dict que ledict Totilas faisoit ces choses icy par l'admonestement & conseil de saint Benoit.

Totilas enseigné par saint Benoit.

Consequitiuement Iustinian enuoia contre Totilas en Italie Narses prince de singuliere prudence. Cestuy appella les Lombardz a son ayde. Ceulx cy furent Saxons, qui s'estoient dressez vers le pays d'Austriche en bon equipage & ordre de gend'armerie: Narses les amena en Italie, & par leur réfort ledict Narses vainquit Totile, & consequemment Teia, qui fut le dernier roy des Gothz en Italie. Et voyla la fin du regne des Gothz es Itales, qui auoit duré depuis Dietrich de Berne iusques a Teia soixante ans. Ces trois princes, c'est a scauoir Dietrich, Totile & Teia, furent tresprudetz & cheualeureux: leurs gestes & beaux faictz en donnent tesmoignage, en sorte q si on a esgard a leurs vertuz & graces, on trouuera qu'ilz ne tiédront rien des meurs Barbares. Apres la victoire des Gothz, la puissance, & richesses des Lombardz commencerent a s'escrioistre, & leur escheut vn des royaumes d'Italie: & n'occupèrent toute ladicte Italie, mais seulement ceste region qui maintenant s'appelle Lombar-

Narses.

Teia.

Le tiers Liure des Chronicques

Quand Lōbardie Espaigne, & vne partie de Gaulle furent translatées de l'Empire Rommain.

die. Le regne des Lombardz dura iusques au tēps de Charlemaigne. Quant au regard des Gothz, iaçoit qu'ilz fussent deiectez des Itales, toutefois parapres se feirent puissantz es Espaignes, & tindrēt le royaulme iusques a present. Et ainsi finalement soubz le regne d'Honorius, premierement Espaigne, & vne partie de Gaulle fut forclose de l'Empire Rommain. Les Itales du viuāt d'Honorius furent restablies en requoy & tranquillité. Les Gothz en partie s'en allerent en la Gaulle Cisalpine, & en partie aux Espaignes: d'aduantaige la puissance des François estoit pour lors grande es Gaulles.

Apres Innocent, Sofimus fut fait pape 41. A Sofimus succeda Boniface premier de ce nom pape 42. A Boniface succeda Celestin pape 43.

L'an de Iesuschrist

428

Theodose.

Theodose le filz puisné d'Archade 45 Empereur, regna a Cōstātinoble vingt & sept ans apres la mort d'Honorius. Il associa avec luy a l'Empire oriētal Valentinian filz de Cōstantius & de Placidia qui estoit fille de Theodose.

Des Vandoys.

Quand les Vādēlz vindrent en Aphricque.

DV temps de cestuy Theodose, l'an de Iesuschrist 433. les Vandoys vindrent en Aphricque, a ceste occasion qui s'ensuit: deux ducz Rom

mains s'etrehayoiēt & auoiēt desia guerroyé l'ū
 contre l'autre, l'vn de ces deux nommé Boniface
 sollicita diligemment les Vandelz, qui pour lors
 estoient en Espagne, affin qu'ilz se transportas-
 sent en Aphricque, ce qu'ilz feirent agreable-
 ment. Or les Gothz estant puissantz en Espai-
 gne, ne pouoient endurer les Vandelz avec eulx:
 Donc ainsī que nous auons recité deuant, les Vā-
 delz incitez par Stillico a l'encontre des Gothz
 auoient occupé les regions qui sont enuiron la
 Hongrie, c'estascauoir les Vualachies mainte-
 nant subiectes au Turcq; & Esclauonie, ou les
 Gothz auoient habité au parauant. D'aduan-
 taige estoient en Germanie, dont partirēt pour
 aller en Gaulle, ou feirent de grandes insolenc-
 ces & oultraiges: mais furent deiectez de Gaul-
 le par les François & Gothz. Consequemment
 transportez en Espagne furent contrainctz de
 rechief a guerroyer contre lesdictz Gothz: la puis-
 sance des Vandelz commença a s'escroistre en
 Aphricque. Sainct Augustin en ce temps mou-

*Sainct Aug.
 gustin Euef.
 que de la vil-
 le de Hyppo:*

rut, auquel temps la ville d'Hyppo fust assiegée
 par Genferich roy des Vādelz, de laquelle estoit
 Euesque ledict sainct Augustin. Apres la mort
 de Valentinian, vn nommé Maxime se consti-
 tua a Romme Empereur de son gré: mais la roy-
 ne Eudoxia pource qu'elle vouloit que ses po-
 sterieurs fussent heritiers de l'Empire, se reti-
 ra par deuers Genferich pour auoir ayde con-
 tre ledict Maxime, par l'entreprinse duquel Gen-

Le tiers Liure des Chronicques

*La fidelité
des Vadelz.*

serich Romme fut prinse & gastée. Mais ce prince Vandois vfa enuers ladicte royne de foy & constance Vandalicque : il l'amena captiue avec deux de ses filles en Aphricque . Ainsi aduient il cōmunément, quand on cherche l'aide des estrangers pour conseruer & deffendre son pays. Consequitiuement soubz l'Empereur Iustinian , iacoit que lesdictz Vandelz ne fussent totalement destruietz en Aphricque : toutesfoys leurs affaires vindrent en telle destresse , qu'ilz ne sceurent plus fleurir par apres. Veritablemēt par Bellisaire fut prins leur roy Gelimerus, & lors l'Aphricque de rechief suppeditée, porta obeissance a l'ēpire Rommain . Mais non long temps apres , les Sarrazins commencerent a dominer en Aphricque. Or suffise d'auoir dit cecy des Vandelz.

Des Bohemes.

*Quand les
Vadelz vin
drēt premie
remēt en Al
lemaigne.*

*Bohemes
sont Alle
mans.*

C Ecy aussi est bien a noter, que durant ce tēps premierement deuant tous les Vandelz vindrent en Allemaigne , en laquelle pour le iourd'huy y ont encore vne grād' partie, c'estascauoir le royaulme de Boheme, qui iadis fut Allemand, & le mot Boheme assez le tesmoigne, qui fut deuaēt que les Vandelz iamais entraissent en ces terres. Le mot certes prêt son origine des Bauariēs, auxquelz fut subiecte quelquefoys icelle region, parquoy proprement est appellée Boienhein. Veritablement les Vandelz de Boheme ne veulent

estre nômez Bohemiens, ains veulent estre di&tz Zekfi pour le nom de leur capitaine, par la puissance duquel furent conduictz premierement en Boheme. Quât au reste les vieulx Allemands de Boheme furent confederez & en grand' reputation enuers les Rommains, & de leur louenges fait mention Cornelius Tacitus. A ceste occasiõ Allemaigne tr&slat&e de l'Empire Rommain. fut translat&e Allemaigne de la monarchie de l'Empire Rommain. Certainement les Françoys furent puiffantz es basses Allemaignes, es haul-tes les Allemands, & en Boheme les V&delz, puis apres ce qui aduint en Boheme, & quand elle fut assubie&tie de rechief par les Empereurs Allemands, nous le demõstrerons es histoires des C&ars: aussi nous enseignerons quelques autres choses du changement des affaires Allemaniques en cest endroi&t.

L'an de Iesuschrist

454

A Pres la mort de Theodose le ieune, Valenti- Valentini&.
nian fut 46 Empereur, & regna en Occident cinq ans, & durant la vie de Theodose il auoit regné vingt & cinq ans. Theodose mort Martian fut en Orient Empereur 47. De son temps le redoubté exercite d'Attila furuint.

Du prince Attila.

Le tiers Liure des Chronicques

Dont est nommée Hongrie. **L**Es Gothz premierement entrerent en Hongrie, puis apres les Vádelz, dernièrement les Hunz, & lesdictz Hunz retindrent la terre, dont est appellée Hongrie. Ce peuple inhumain feit tresgrande boucherie presque en toute l'Europe. Attila mena de Hongrie en Allemaigne vn exercite de troys centz mille hommes, & dissipa maintes puissantes villes, entre lesquelles fut Basle, Auguste, Argentorat, Vormace, Coulõgne & autres. Puis se transporta en Gaulle, & print le roy des Bourguignons, assiegea Orleans, & delibera de se faire seigneur de toute Europe.

Les gestes d'Attila.

Aetius.

Pour lors estoit en Gaulle cisalpine, (qui encore estoit subiecte aux Empereurs Rommains,) le capitaine Aetius Rõmain: Cestuy feist apoinctement avec les François & Gothz, affin que tous ensemble resistassent au tyran Attila, mais Attila craignant la puissance des Gothz, sollicita Dietrich roy d'iceulx, affin qu'ilz ne donnassent ayde aux Rommains: mais les Gothz avec singuliere cõstance reffuserent tout plat a auoir alliance & confederation avec ce tyran Barbare. Dõcques a Thoulouse ville de Gaulle tât d'une part que d'autre fut haillée iournée: de la partie des Rommains estoit Aetius, les Gothz & les François: d'autre part Attila. Et les histoires tesmoignent que iamais ne se feist si grand amas en Occident tant d'un costé que d'autre, que fust cestuy la. Le conflict dura depuis soleil leuant iusques a la nuit. Finablement Attila gaigna a

Iournée baillée a Thoulouse contre Attila.

fuir, & perdit cent quatre vingtz mille hommes, & fut detins en si grand' detresse qu'a bien peu qu'il ne se tua. Mais Aetius, les François & les Gothz, iacoit qu'ilz fussent vainqueurs, toutesfoys Dietrich roy des Gothz demeura en ceste iournée. Le filz voulut venger la mort de son pere, & delibera par vn renfort poursuiuir Attila, & destruire le demeurant de son ost, ce qu'il eust fait certainement, sil n'eust changé son propos par le conseil d'Aetius: mais le conseil d'Aetius fut mauuais, car a peu de train eust peu estre vaincu Attila. Consequemment cestuy Attila rafreschit sa gend'armerie & retourna en Hongrie, inuada l'Italie, mist par terre les villes en son entrée iusques a Apennin. Adonc le pape Lyon vint au deuant & luy pria de se retirer. On dist que Attila disoit qu'il auoit veu vne effigie de quelque personnaige iougnant dudict pape, qui l'espée au poing le menassoit, dont tout effrayé promist se departir. Quant au reste luy reuenu en Hongrie feist vnes nopces solennelles & se maria, & en la premiere nuit beust si bien qu'on le trouua mort. Voyla la fin de ce tirant, qui n'eust honte de se nommer en son tiltre publicque le fleau de Dieu.

*La mort
d'Attila.*

*Attila se
nõ moit fleau
de Dieu.*

De Venise.

Le tiers Liure des Chronicques

Venise.

EN ce temps fut cōstruite Venise, ville située en la mer, ou se retiroient tous les gros seigneurs d'Italie, pour la crainte d'Attila.

Mort Celestin Xiste troisieme de ce nom fut fait 44 pape. A Xiste succeda Lyon premier de ce nom 45 pape. Apres la mort de Lyon Hilaire fut pape 46.

*Ingratitude
enuers les
bons & che
ualeureux
personnai
ges.*

Valentinian Empereur cōmanda qu'on mist a mort Aetius. Pource qu'il le soustenoit d'afecter l'Empire. Mais voila la deserte du monde pour auoir bienfait. Stillico, Aetius & Bellisaire furent cheffz de guerre, autant vaillantz & preux que iamais eust l'Empire Rommain, & n'en furent oncques de telz, ne qui mieulx approchassent des vertuz & prouesses des anciens Romains: Mais receurent loyer peu digne pour tant de merites. Valentinian quelquefoys s'enquist a vn prince Rommain, ascauoir mon si Aetius n'auoit pas esté puny iustement, lors respondit qu'il ne scauoit, mais qu'il cognoissoit certainement que Cæsar de sa main gauche auoit coupé sa dextre.

Apres Valentinian, l'Empire Rommain fut presque tout dissipé & mis en pieces, & plusieurs se nommerent Cæsars en Italie. Toutesfoys ce pendant la maiesté du nom Cæsarique ioincte avec grand' puissance fut delaissee a Constantinoble, & par apres Iustinian restablit le royaume d'Occident par ces deux princes Narfes & Bellisaire. Mais apres la mort de Valentinian,

plusieurs ensemble furent appelez Cæsars en Italie, & l'Italie eust en l'espace de vingt ans neuf Empereurs, qui regnerent & succederent l'un a l'autre, & tuerent l'un l'autre. Le dernier fut appellé Augustule. La diminutiõ du nom estoit occasiõ & matiere de dire, que l'Empire des Augustes en Italie debuoit perir: Et certes soubz Augustule defaillit ledict Empire. finalement Othacare delecta ledict Augustule, contre lequel *Augustule.* Othacare fut enuoie Dietrich de Berne en Italie, du temps de l'Empereur Zeno. Doncques fut translaté l'empire d'Italie aux Gothz, lesquelz parapres furent deconfitz soubz Iustinian, ainsi que nous auons dict deuant.

L'an de Iesuschrist

460

LYon premier de ce nom fut 48 Empereur, il *Lyn.* regna seize ans. Cestuy crea son filz de mesme nõ empereur, mais pour sa grand ieunesse bailla la courõne de l'empire a Zeno mary de sa mere.

L'an de Iesuschrist

476

ZENO 49 Empereur regna 17 ans. Cestuy en- *Zeno.* uoia Dietrich de Berne en Italie, & le feit cõsul. Et pour les beaulx faitz dudiect Dietrich ledict Zeno fut plus honoré q ses vertuz ne le meritoient. Cestuy regna nõ comme Auguste, mais comme vn tyrant.

Le tiers Liure des Chronicques

L'an de Iesuschrist

492

Anastase.

A Nastase 50 empereur, regna 26 ans . Cestuy fut fouldroie & mourut.

L'an de Iesuschrist

519

Iustin.

Iustin 51 Empereur regna neuf ans . En sa ieu- nesse il fut porchier, puis faict gend'arme. Certes apres la mort d'Anastase, vn Eunuchus riche donna grand' somme d'argent a Iustin, affin que par la voix des gens de guerre cestuy Eunuche fut faict Empereur . Mais Iustin ayant esgard a son profit particulier, s'en dona parmy les ioues.

L'an de Iesuschrist

528

Iustinian.

Bellifaire.
Narfes.

Iustinian 52 Empereur regna trente huit ans . Cestuy meist son estude a reparer l'Empire, il fut nepueu de Iustin , filz de sa sœur , de grace de Dieu eust deux Lieutenantz , c'estascauoir Bellifaire & Narfes, p la besongne desquelz il meist a chef tout plain de belles entreprinſes. Bellifaire surmonta les Persans & faulua Syrie, & restitua a l'Empire l'Aphricque; D'aduantaige il gaigna tout plain de grandes victoires en Italie contre les Gothz, la puissance desquelz parapres fut totalement affoiblie & debilitée es Itales par le Capitaine Narfes . Iustiniã feist appoinctement

avec les François en Gaule, & permist de plein gré qu'iceulx habitassent la partie de Gaule Cisalpine, ainsi qu'a escript Procopius.

*Le droit ci
uil restably
par Iustini-
nian.*

Après que cestuy Iustinian eust rendu tout le pays paisible, il print peine de faire rediger les vieulx droictz, & loix Rommaines en liures des digestes: Mais lesdictz volumes non long temps après ledict Iustinian par les ordonnances & coustumes des Lombardz & François furent cassez & anullez: Toutesfois furent iceulx liures reuocquez en lumiere après quelque temps par Lothaire Empereur Saxon, duquel nous ferons mention après. Quant au reste il seroit bié prolix en ce passaige de reciter, combien a merité de louenge la prudence de cest Empereur, lequel voulut que ce droit & aussi de telles ordonnances fussent en commun vsage, qui n'est rié plus honnesté, bon & vtile, au raport de tous personaiges saiges & vertueux.

De Bellisairé.

IE ne puis bonnement obmettre de dire ceuy de Bellisairé, c'est qu'il se montra en tous ses affaires tresfeal. Il fut autheur de paix & de concorde par tout le monde. Il remeist sus l'Empire Rommain presque cheut & toalemét debilité. Brief il feist tant de plaisirs a son Seigneur & maistre, & mesmes a tout le monde, que l'on ne scauroit estimer plus, & qui les voudroit peser a

Le tiers Liure des Chronicques

*Mauuaise
deserte ren-
due par Iu-
stiniã a Bel-
bfaire.*

la balance, on trouueroit que ses biensfaictz sont singuliers & incroyables, & sont plus tost a vray parler d'os de Dieu, que benefices humains. Mais quel guerdon & loyer en rend le mēde, pour tāt de vertuz, merites & biēs de Dieu? L'exemple de Bellifaire assez en faict la preuue: auquel Iustiniã par legiere souspeçon & facile credēce sans coulpe aucune fait creuer les yeulx, & le destitua de tous ses biens & honneurs, si qu'il fut contrainct de mendier: & finalement mourut comme vn pauvre caymant. Ainsi certes persecute Satan les grands & vertueux personaiges, pource qu'il hayt toutes œuures de Dieu, & les souueraines vertuz qui fleurissent entre les hommes.

*L'applica-
ciõ de Satã.*

Semblablement Narses tumba en l'indignation de cestuy Cesar, mais il ne voulut retourner a Cōstātinoble: & affin qu'il fut plus en seureté, tout le demeurant de sa vie il demeura en Italie chez les Neapolitains.

A Hilaire succeda Simplicius pape 47.

Felix second de ce nō pape 48 fut apres Simplicie.

Après Felix Gelase fut faict pape 49.

A Gelase succeda Anastase second de ce nom pape 50.

*La premiere
contention
pour l'ele-
ction du pa-
pe.*

Anastase mort, Symmachus fut crée pape 51: du temps de cestuy s'esleua la premiere brigade pour l'election de la papaulté. Aucuns vouloiēt contre Symmachus faire pape vn nommé Laurens, & ce debat fut cause de grand meurdre en

Romme. Finablement Dietrich de Berne appai
sa ceste querelle.

A Symmachus succeda Hormifda pape 52.

A Hormifde succeda Iehan premier de ce nõ
pape 53.

A Iehan succeda Felix troifiesme pape 54.

Boniface second, pape 55 suiuit Felix tiers.

Boniface second, mort, Iehan second de ce nom
fut fait pape 56.

Agapet pape 57 suiuit Iehan second. Cestuy
impetra de Iustiniã, qu'on ne tolerast les heretic
ques a Constantinoble.

A Agapet succeda Syluerius pape 58.

A Syluerius succeda Vigilus pape 59. Cestuy
fut prins de Iustinian, & traicté assez inhumaine
ment, pource qu'il ne se voulut cõsentir au resta-
blissement des hereticques banyz.

A Vigilus succeda Pelage premier de ce nõ,
pape 60. Du temps de Totile.

Iehan tiers, pape 61 suiuit Pelage. De ce tẽps
la apparurẽt horribles signes au ciel en Italie. On
veit batailles ardãtes en l'air, & cometes, & Rõ-
me fut quasi noiée par l'inundation du Tybre.
Ces signes la figuroient la cheute & ruine de
l'Empire, & de l'Eglise, laquelle suruint par a-
pres. Veritablemẽt non point long temps apres
sourditi la peste & grand' poison de Mahom-
met.

*Signes veuz
en Italie de
uant la ve-
nue de Ma-
homet.*

Le tiers Liure des Chronicques

L'an de Iesuschrist

566

Iustin 2. **I**ustin secõd de ce nom 53 Empereur regna dix ans. Il estoit nepueu de Iustiniã, filz de sa sœur: du temps de cestuy les Lombardz habiterēt vnē partie d'Italie.

L'an de Iesuschrist

572

L'an de Iesuschrist

576

Tibere 2. **T**ibere second de ce nom 54 Empereur regna 7 ans. Il estoit Lieutenant de Iustin, & par adoptiõ fut receu son filz & son heritier a l'Empire. Il desconfit les Persans, mais ne fut heureux en Italie contre les Lombardz.

A Pelage succeda Benoist pape 62.

Après Benoist pelage 2 fut fait pape 63

Gregoire pape.

A Pelage 2 succeda Gregoire premier de ce nom pape 64. Cestuy ordonna partout plusieurs cerimonies: Certes pour les guerres & heresies tout estoit en trouble, & ne faisoit on rien par ordre & police certaine. Doncques Gregoire delibera par telles cerimonies reduire l'estat de l'Eglise en concorde. En ce temps sourdit debat de la principaulté de l'Eglise. Maurice Empereur vouloit que le Patriarche de Constantinoble fust dict Euesque vniuersel en l'Eglise des Chrestiens, mais Gregoire ne s'y voulut consentir, & vsant de constance Chrestienne escripuit, que nul ne se deuoit attribuer tel honneur;

Doibt il estre vn Euesque vniuersel en l'Eglise Chrestienne.

qu'entre les Chrestiens fut nommé Euesque vniuersel.

L'an de Iesuschrist

584

MAurice 55 Empereur regna vingt ans. Il vfa *Maurice.*
de grandes victoires encontre les Persans &
Hongres : Puis fut tué de son Lieutenant Focas,
duquel il auoit songé merueilleux & horribles
songes, & cōme il s'enqueroit de luy, on luy res-
pōdit que c'estoit vn homme craintif & qu'il ne
le falloit doubter: lors dit Maurice : s'il est hom-
me timide, il peust estre homicide.

Après Gregoire premier, Sabinian fut fait
pape 65.

*La cause de la brigue de la princi-
paulté papale.*

SAbiniē mort, Boniface tiers fut crée pape 66. *Boniface
fait vniuersel euesque.*
Cestuy obtint de l'Empereur Focas avec
grand' contention, que le pape Rommain fut or-
donné l'Euesque vniuersel de toute l'Eglise Chre-
stiēne. Et des ce temps ne cesserent les papes Rō-
mains d'augmēter de tout leur effort leur digni-
té & puissance.

A Boniface tiers succeda boniface quart, pa-
pe 67.

L'an de Iesuschrist

604

Le tiers Liure des Chronicques

F. cas.

FOcas 56 Empereur regna huit ans. Soubz cestuy grandement s'affoiblirent les forces de l'Empire. La Gaulle se reuolta totalement, aussi fait Espagne, Allemaigne & Lombardie. Semblablement Cosroa roy des Persans occupa en orient maintes regions & citez. Il posseda aussi la ville de Hierusalem, & emporta avecques luy la croix de nostre sauveur Iesuschrist. Non long temps apres Focas fut occis de son Lieutenant Priuque, ainsi fut il puny de la trahison, de laquelle il auoit vŕe enuers son seigneur Maurice.

Exemple de vengeance.

L'an de Iesuschrist

612

Heracle.

Heraclius 57 Empereur regna 29 ans. Cestuy reŕtablit a l'Empire, Hierusalem, Syrie & Aegypte. Et apres la victoire des Persans, rapporta la sainte croix de nostre seigneur Iesuschrist, & premierement la translata a Constantinoble, puis apres a Romme. La bataille d'Heracle contre les Persans dura six ans entiers, puis Cosroa roy des Persans fut occis de son propre filz.

De

De la quarte Monarchie.
De Mahomet, & du
royaulme des Sarrazins.

149



Mahomet natif d'Arabie, chez ^{Mahommed} les Sarrazins & Agarenes, se di- ^{prophete} soit estre pphete & roy ensem- ^{d'Arabie.} ble, & l'occiō fut, pource que ^{Agarenes.} les Agarenes demeurantz a l'en- ^{trée d'Arabie,} furent de tout ^{temps} adonnés a guerre ; & pillerie , & l'Empe- ^{reur} Heracle s'en ayda contre les Perfans , & les ^{souldoya:} souldoya: mais apres qu'il en eust fait, ne vou- ^{lut} lut plus qu'ilz fussent a ses gaiges: parquoy se mu- ^{tinrent} tinrent contre les capitaines Rommains. ^{Veri-} ^{tablement} tablement a l'occiō de ceste emotion & tu- ^{L'occiō} ^{du regne de} ^{Mahomet.}

Le tiers Liure des Chronicques

multe publique, la puissance de Mahomet cōmença a croistre : pource que ce peuple ne voulut estre sans reſteur & gouuerneur, parquoy facilement adhera audiſt Mahomet, qui estoit le plus eminēt & excellent de tous, pour la grādeur de ses richesses & graces singulieres. Or dōcques affin que plus facilement il redigeast la maniere de viure & coustumes du peuple en certain ordre, delibera de faire statutz & ordonnances, non seulement touchant les affaires ciuilz, mais aussi d'aſtrindre les couraiges de cestuy peuple à ql-que nouvelle maniere & forme de religion, affin qu'il se monſtraſt plus obeissant, & qu'aucun motif de discord ne ſ'eſleuaſt entre eulx . Or voioit lediſt Mahomet diuerſes opinions discordantes touchant la doctrine de religion estre repandues de tous costez , & mesmes la concorde des Eglises diſſipée pour la varieté des heresies , & principalement pour l'infidele enſeignement d'Arrius. Donc voiant les consciences des hommes enuelopées d'erreur , & que leurs cuētr'estantz en doute, facilement auroient ſouſpeçon de la doctrine de Ieſuschriſt , & que a peu de momēt on les pouſſeroit ça & la ou l'on voudroit. Parquoy en ceste doute trouua Mahomet opportunité d'eſtablir & ordonner ceste forme de religion, en laquelle les principaulx poinctz de la foy de noſtre ſeigneur Ieſuschriſt estoient obmiz & delaiſſez. Et pour cause. C'eſt aſcauoir affin que ſa doctrine ne conſiſtaſt en di-

sputations douteuses & ambigues, ains qu'elle fust seulement mise en l'aprehension de raison, & qu'elle touschast des coustumes ciuiles, & aussi de la maniere de viure honnestement. Ce qu'il fust agreable a la nature des hommes: Et par cela les Gentilz, les Iuifz, les Arriens, & les Apostatz de la religion Chrestienne soubdain receurēt ceste nouuelle loy, & sembla estre pertinente & louable a tous: donc ce peuple icy de diuerses nations, de diuerses langues, & de diuerse maniere de viure amassē ensemble creust en vn moment, & s'augmenta tellement en richesse & puissance qu'il resista vertueusement aux Rommains. Premierement lesdictz Mahometistes prindrent Arabie, & assubiectionnerent vne partie de Syrie. Le seiour & demeure de Mahomet estoit ordinairement a la ville de Damasc. Consequemment se feist puissant en Aegypte. Suffise auoir en brief declairē cecy du commencement & source du redoubté royaume de Mahomet: auquel les princes Aegyptiens & Arabes regnerent, & se nommerent Souldans, c'est a dire princes: finalement ledict royaume fut translāt aux Turcs.

Ce Royaulme icy veritablement est vne des plus puissantes parties de l'Antechrist. Et d'iceluy sont trescertaines vaticinations contenues es liures des prophetes, par lesquelles nous sommes enseignēz & admonnestēz d'echeuer ceste peste. En Daniel il est figurē en ceste maniere, en

*La forme de
la religio de
Mahomet.*

*Mahomet
subiuga pre
mierement
Arabie.*

Les Souldans.

Le tiers Liure des Chronicques

*Le passaige
de Daniel
ou est enten-
du de Ma-
hommet.*

espece de beste terrible , ayant vne corne, par la puissance de laquelle troys autres cornes sont rompues. Ceste beste icy a des yeulx, & respand horribles blasphemés contre Dieu. Ceste corne, c'est Mahommet: les yeulx & horribles blasphemés cõtre Dieu, c'est l'Alcoram liure dudict Mahommet & sa doctrine, qui fut respandue & semée beaucoup plus oultre que les bournes & limites de son telement. Veritablement l'vniuerselle region de l'Orient est presque toute infectée de ceste diabolicque doctrine. Les troys cornes denotent, troys royaumes, c'est ascauoir Arabie, Syrie, & Aegypte que occupa Mahommet. Nostre seigneur Dieu a predict toutes ces choses icy, affin que nous fussions admonestez de n'encourir & eschoir en ce detestable & malheureux scandale. Consequẽment aussi affin que nous ne doubtissions q̄ cestuy royaume ne fust le dernier, & que nous attendissions le iour de l'extreme iugement. La posterité de Mahommet nõ contente & assouuie des limites de ses royaumes, guerroya avec les Empereurs de Constantinoble pour l'Empire d'Asie.

Le royaume Sarrazin fut dict premierement le royaume de Mahommet. Combiẽ que cestuy fust Agarene de nation, toutesfoys changea il ce

Le royaume Sarrasin estoit le royaume de Mahomet. nom, non sans grand occasion, pource que la promesse contenue aux escriptures apertenoit aux filz d'Abraham engendrez de Sarra, & non pas a Agar. Or les Agarenes estoient venuz d'Agar.

Quant au reste Mahomet donna ceste couleur a son peuple, & luy persuada qu'il estoit esleu & aymé de Dieu, & que c'estoit audict peuple qu'appartenoit la promesse de benediction, affin qu'il dominaft par tout le monde. Ledit Mahomet Mahomette changea le nom des Agarenes a Sarrazins. interpreta toutes les promesses faictes es escriptures sensuellement & charnellemēt, mesmes tout a escient chāgea le nom d'Agarenes a Sarrazins, cōme filz eussent esté filz de Sarra, & nō d'Agar. Doncques lesdictz Sarrazins faictz puiffantz nō seulement en Asie, mais aussi en Aphricque, penerent iusques en Espagne, & en occuperent lōguement la plus grand' partie, mesmes feirent tout plein' d'incursions en Italie.

De l'origine des Turcs.

LE motif des Turcs pour venir de Tartarie Les Turcs estoient premierement Tartres. en Asie fut cestuy, les Sarrazins voulātz guerroyer contre les Persans, lesdictz Persans demander ayde aux Turcs. Or cesdictz Turcs estoient Tartares se tenantz ioignant la montagne de Caucaſe. Le cas aduint non long temps auant le regne de Charles le Chaulue, enuiron cinq centz foixāte & dix ans apres l'incarnatiō de nostre seigneur Iesuschrist. Dōcques apres ceste guerre petit a petit les Turcs commencerent a demeurer en Asie, cōme il aduient souuent, quād on faide de gens estrangiers. Pourtant que les Turcs estoient adonnez de leur nature aux ar-

Le tiers Liure des Chronicques

mes, aduint que finablement la charge de l'Empire oriental leur escheut. Et premierement le Turcq

*Othonian
Grand Turcq.*

Othonian commença a excéder en force & puissance, du temps d'Albert premier duc d'Autriche qui fut Empereur, & filz de l'Empereur Rou. Cela fut apres la natiuité de Iesuschrist environ mille troys centz ans. Or depuis le regne dudict Othonian, le royaume de Mahomet fut nommé l'Empire des Turcs. En cest endroit est bien requis de noter, que ceste presente race Turquoise commença a subiuger les autres nations & a dominer du temps de cest Albert premier duc d'Autriche, & aussi a l'on esperance que pareillement sera reprimée & ancantie par vn Empereur du sang & lignage d'Autriche.

*En quel
temps com-
mencerēt les
Turcs a do-
miner.*

L'effigie & semblance de ce royaume Turquois est figurée & descrite es saintes lettres pleine de terreur, afin que nous n'ignorissions, que ce royaume estoit, le royaume de Satan, & que nous ne fussions espouëtez pour sa puissance & prosperité, & aussi que nous ne feissions reuolte de la foy de Iesuschrist, pour nous adioindre a l'infidelité Mahometique. Le prophete Ezechiel & saint Iehan appellent les Turcs Gog & Magog.

*Gog &
Magog.*

Gog signifie tente, & Magog peuple hors des tentes: les Tartres se tiennent en tentes. Ezechiel dit q nostre seigneur Dieu parmist q Gog s'augmentast en puissance pour les pechez du peuple.

Mahomet est interpreté fureur ou indigna

tion. Turcq signifie géd'arme ou peilleur. Metho Que, signi-
 di^o a nômé ce peuple rouges Iuifz, pource qu'ilz fic Mahom-
 ont emprunté quelques cerimonies des Iuifz. Les met.
 turcqs n'estoient vrayz Iuifz, mais furent appel-
 lez rouges Iuifz pour cause qu'ilz estoient cōui-
 teux de meurdre & sang, ou pource que Mahom-
 met auoit prins son origine en Edon ville d'Ara-
 bie. Doncques Edon est autant a dire cōme rou- Que, signi-
 ge. Methodius recite que Gog & Magog estoiet fic Edon.
 encloz oultre les montz Caspies c'est adire Cau-
 case, & qu'ũ renard leur feroit passaige pour sail-
 lir hors. Ce renard c'est Mahomet, car par sa
 loy cōmēcerēt a dominer, & deuinrēt puiffantz.

Nous auons dit deuant cōment la monarchie
 Rommaine paruint en Occidēt. Maintenāt nous
 disons cōme les Empereurs Rōmains furent pri-
 uez p les Mahōmetistes, d'Aegypte, Syrie, Asie &
 Aphricq, & Cōsequēmēt les Turcqs pour le iour
 d'huy ont pris la Grece, gasté & destruit tout le
 reste ou fouloiet auoir lesdictz empereurs droit.

A Boniface quart succeda Deus dedit pape
 68 du temps de l'Empereur Heracle.

Après cestuy Boniface quint fut pape 69. du Sainct Gaul
 tēps de cestuy fut saint Gaullois: qui prescha la loys, pres-
 doctrine Chrestienne es haultes Allemaignes. cha l'Euan-

Après cestuy fut fait Honorius premier de ce gile es haul
 nō pape 70 & de son tēps regnoit Mahomet. tes Allemai-
gues.

Après la mort d'Honori^o Seuerin fut pape 71.

A Seuerin succeda Iehan quatriesme, pape 72.
 apres Iehan Theodose Grec fut pape 73.

Le tiers Liure des Chronicques

L'an de Iesuschrist

641

Constantin
filz d'Heracle.
cle.

Constātin filz d'Heracle 58 Empereur regna quatre moys, sa maratre nommée Martine le feist mourir par poison, afin qu'elle constituast son filz Empereur.

L'an de Iesuschrist

642

Heracleonas.
nat.

Exēple de
vengeance.

Heracleonas filz d'Heracle 59 Empereur regna deux ans apres la mort de Cōstantin. Le Senat & le peuple de Cōstantinoble apres auoir congneu le delict & meurdre en la personne du dict Constantin, se fleuerent contre Heracleonas & sa mere, au filz couperent le nez, & a la mere la langue, & les bānirent avec vn patriarche qui estoit leur complice a ce crime.

L'an de Iesuschrist

643

Constant.

Constant filz de Constantin 60 Empereur regna 27 ans. Il fut vaincu en Oriēt des Sarrazins, & en Italie des Lombardz. Il fut prince fort auariteux, a la fin fut fait mourir par quelques ynz de ses subiectz a Syracuse dens vn being.

A Theodose succeda Martin premier de ce nom, pape 74, durant le regne de Constant.

Eugene premier pape 75 fust successeur de Martin.

Vitalian pape 76 suiuit Eugene.

L'an de Iefuschrift

670

Constantin filz de Constant 61 Empereur re- *Constantin*
 gna 17 ans. Il fut nommé Pogonatus, c'esta- *nommé Fo-*
 dire barbu. Il guerroya sept ans contre les Sar- *gonatus.*
 razins, & en tua en vne bataille trente mille, en
 sorte qu'ilz furent contrainctz de faire appoin-
 ctement, pource qu'ilz estoient fort debilitez.
 La paix fut traictée avec iceulx, mais a ceste con-
 dition qu'ilz feroient tous les ans tribut audict
 Empereur Constantin.

Après Vitalian Adeodatus fut fait Pape 77.
 du temps de Constantin Pogonatus.

Après Adeodatus Donus fut pape 78.

Agatho pape 79 suiuit Donus.

Après Agatho Lyon second fut pape 80.

A Lyon second succeda Benoist second, pa-
 pe 81.

Après cestuy, Iehan cinqiesme fut pape 82.

Conon pape 83 suiuit Iehan cinqiesme.

L'an de Iefuschrift

687

Iustinian filz de Constantin 62 Empereur re- *Iustinian.*
 gna 16 ans, mais ne furent continuz. Or quand
 il eust dominé dix ans, il fut deiecté & expulsé p
 Leontius, qui regna après l'expulsion dudidit Iu-
 stinian trois ans. Leontius fut prins par Tibere

Le tiers Liure des Chronicques

*Leonce.
Tibere.
Apſimare.* Apſimare, qui apres lediſt Leõce regna ſept ans. Conſequemment fut reſtably Juſtinian, & apres la prinſe de Leonce & Tibere tous deux proſternez a terre deuant Juſtinian, lediſt Juſtinian les pilla aux piedz, & feiſt crier publicquement, tu marcheras ſus l'Aspic & le Baſiliſc, puis les feiſt occir.

Bede en Angleterre. Apres Conon Sergius fut faiſt pape 84. Et alors furent grand's diſſentions pour l'electiõ, Du tẽps de ceſtuy, Bede veſquit en Angleterre.

Iehan ſixieſme pape 85 ſuiuit Sergius.

A Iehan ſixieſme ſucceda Iehan ſeptieſme pape 86.

A Iehan ſeptieſme ſucceda Zoſimus pape 87. Constantin pape 88 ſuiuit Zoſimus,

L'an de Ieſuſchriſt

713

Philippe Bardesanes. **P**hilippe Bardesanes 65 Empereur regna vn an & ſix mois. Il fut prins par ſon Lieutenãt deieſtẽ de l'Empire & priuẽ des yeulx.

L'an de Ieſuſchriſt

715

Anaſtaſe mis en vn monaſtere. **A**naſtaſe 66 Empereur regna vn an & trois mois. Il fut pris du chef de ſon armẽe Theodoſe, deſtituẽ de l'Empire, & affin qu'il veſcut ſolitairement fut mis en vn monaſtere.

L'an de Ieſuſchriſt

717

Theodose 67 Empereur regna vn an seule-
mēt. Il delaiſſa l'Empire, quand il veit que
Lyon l'affailloit, ſoy deſiant qu'il n'eust ſceu gar-
der le royaume. Parquoy ſe rēdit moyne, & me-
priuée.

*Theodose
ſe rēdit moy
ne.*

L'an de Ieſuſchriſt

718

LYon troiſieſme, Empereur 68 regna 24 ans
Il fut appellé Iconomachus, c'eſt adire expu-
gnateur des images, pource qu'il cōmanda qu'on
oſtaſt des tēples les images & ſtatues des ſaiētz,
& qu'on les bruſlaſt. ſoubz ceſtuy la ville de Cō-
ſtantinoble fut aſſiegée par les Sarrazins l'eſpa-
ce de huit ans, leſquelz furēt en grand' deſtreſſe
pour la peſte & famine qui eſtoit en leur camp,
& finalement deſſaiētz par les Bulgaires qui dō-
nerent cōfort audiēt Cæſar, & leurs nauires bruſ-
lées par feu gregeois.

*Lyon troiſ-
ieſme diēt
Iconoma-
chus.*

Après Cōſtantin, Gregoire ſecōd fut pape 89.
du temps de Lyon expugateur des images.

A Gregoire ſecōd ſucceda Gregoire tiers pa-
pe 90.

L'an de Ieſuſchriſt

742

CONſtantin filz de Lyon 69 Empereur regna
trente & quatre ans. Il fut appellé Coproni-
mus, pource qu'il feiſt ſon ayſement dedens les
fons & eaux dequoy on baptize. Ceſtuy auſſi fut
deſtructeur des images.

*Constantin
Copronime.*

L'an de Ieſuſchriſt

777

LYon quatrieſme, filz de Copronime 70 Em-
pereur regna 3 ans.

Lyō quart.

Constantin
filz de Lyō
quatre.
Irene.

Constantin filz de Lyon quart fut 71 Empe-
reur . Il regna avec sa mere Irene dix ans.
Ceste cy estoit d'Athenes, & par dessus toutes au-
tres femmes gouerna l'Empire tresprudētemēt
& en acquist grand' louenge . Apres la mere de-
iectée dudit Empire, le filz domina cinq ans.
Mais ceulx de Constantinoble ne peurent endu-
rer ses imperfections, & reuocquerent la mere d'e-
xil, qui regna apres trois ans. Doncques Irene &
Constantin furent ensemble a l'Empire dixhuiēt
ans . Iusques a l'an de Iesuschrist quatre centz &
vn . Jaçoit ce que les Empereurs Chrestiens qui
se disoient Empereurs Rommains fussent touf-
iours a Constantinoble, iusques a ce que ladiēt
ville fut occupée des Turcqs finalement: Tou-
tesfois ce pendant cōme la puissance dudit Em-
pire eust commencé a s'afoblir, en sorte que les-
diētz Empereurs ne pouoient plus bonnement
garder leur nom & l'Italie, parquoy furent con-
trainētz les Rommains s'adresser aux François
pour auoir secours, la puissance desquelz estoit
lors tresgrande . Pour ceste cause la maiesté du
nom Cæsarien paruint a Charles. Et pource que
les Empereurs Alemās avec grand' force ont gar-
dée & tinze l'Italie toufours, de propos deliberé
en cest endroiēt ie laisseray les Empereurs Grecz
(dōt les aucunz ont esté lasches & inhabiles aux
affaires de grād' importāce) & reciteray par or-

dre les Empereurs Alemás, qui pour leurs nobles vertuz, & beaulx gestes sôt dignes d'estre louez.

A Gregoire tiers succeda Zacharie pape 91.

Du viuant de cestuy pape Hilderic *Hilderic.* vieil roy des François fut destitué & poulsé en vn monastere, & Pepin fut fait roy en son lieu. Or estoient *Pepin.* les vieulx roys paruenuz a paureté. Si que toute la puissance du royaume estoit tumbée entre les princes. Certes du tēps de Zacharie pape deuât diēt fait Boniface *Du temps que saint Boniface prescha en* prescha en *Alemaigne.*

A Zacharie succeda Estienne secōd, pape 92. Cestuy prouocqua Pepin d'aller en Italie contre les Lombardz, qui contraignit leur roy (pource qu'il estoit assiegé) a demander appointement & garder les conditions de paix.

Après Estienne second Paul premier fut crée pape 93.

A Paul premier succeda Estienne tiers, pape *Contention pour l'electio papale.* 94. Du temps de cestuy fourdirēt grands tumultes a Romme pour l'electio du pape. Vn nommé Constantin fut fait pape a force, & apres deicté de la papaulté, & mesmes tous ceulx qu'il auoit ordonnez furent destituez & reiectez.

A Estienne tiers succeda Adriā premier, pape 95. Cestuy attira Charlemaigne en Italie contre Didier roy des Lombardz.

Lyon troisieme, pape 96 suiuit Adrian. Durant le tumulte sours en Rōme. Cestuy s'en fuit a Charlemaigne, duquel fut restably. Puis crea lediēt Charlemaigne Empereur & le couronna.

Des Empereurs Alemans.



Charlemaigne.

L'an de Iesuschrist	801
L'an du monde	4745
L'an de Rome	1551

Charlemai-
gne.

Le commen-
cement de la
translation
de l'Empire
aux Ale-
mans.



Charlemaigne fut par le pape
Lyon tiers couronné de la cou-
ronne imperiale le propre iour
de la natiuité de nostre Sei-
gneur. Ce fut le premier com-
mencement de la translation de

l'Empire aux Alemans, & par ceste translation escheut a l'Italie & au royaume occidental vn trespuissant chef & fauegarde tresseure & ferme. Iacoit ce que les Emperours Alemans ne fussent tousiours esgaulx en puissance, ainsi comme en nul royaume tous les Roys n'ont esté pareilz en force & heur: Toutesfois ont esté telz que par leur prouesse & vertu souuēt ont deliuré les Itales de dangiers & perilz, & ont cōserué en occident non seulement la paix & tranquillité des republicques, ains aussi la religion entiere en l'Eglise. Et si on veult estimer la maniere de viure & les gestes des Emperours Alemans, on iugera qu'ilz furent princes de vertu & non barbares, & non moins excellētz que les souuerains & louables Emperours Auguste, Traran, Adrian & Constantin: Et si on veult droitement iuger on trouuera qu'il y auoit plus d'hōnesteté & d'atrempance qu'en iceulx. On trouuera d'aduantage qu'ilz n'ont prins guerre par ambition, ou couuoitise de leur profit particulier, ains par necessité & contraincte seulement, pour conseruer la religion Chrestienne, pour defendre la liberté de l'Empire & le salut de leurs subiectz.

*Louēge des
Emperours
Alemans.*

Mais moy cognoissant la petitesse & foiblesse de mon entendement, iacoit ce que ne sois digne de iuger & parler des vertuz, graces & excellēces des grāds personnages, toutesfois i'ay voulu d'extoller aucunz princes par dessus les autres. Le pèse que c'est l'office d'vn chascun histo-

Le tiers Liure des Chronicques

rien, faire aucunesfois digression pour faire recit de routes bonnes vertuz, & les presenter aux lifantz a veoir, comme vn exemple d'imitation. Or entre les choses humaines, n'est rien plus honneste, ne recreatif, que la cognoissance & contemplation des vertuz heroicques qui reluisent aux souuerains personaiges. Pourtant ie desire mettre deuant les yeulx d'un chascun Chrestien, les excellentz princes qui ont fleury en bonté & singularité de meurs, affin qu'on cognoisse, qu'on prise, & ensuiue les vertuz d'iceulx. Et cela pourra estre cause d'amander la vie, & enflammer les cueurs des bons a bien faire. Doncques ces princes icy sont telz a mon iugemēt, qu'a iuste droit sont dignes d'estre preposez aux anciens Romains, si on a esgard a leur prudence, ou a leur proesse, ou a leur honnesteté ou atrempance.

Le Catalogue des Empereurs Alemans.

Charlemaigne.

Loys le debonnaire filz de Charles.

*Après ceulx cy furent six Empereurs Saxons
qui ensuiuent.*

Henry premier.

Otho le grand.

Otho second.

Otho tiers.

Henry

Henry second, qui fut inhumé a Bamberge,
Lothaire Saxon.

*Consequemment ceulx cy furent
Françoys:*

Conrad
Henry filz de Conrad.

Ceulx cy furent Suaves:

Frederic Barberouffe
Frederic second
Puis apres Rudolphe
Sigismond
Maximilian.

*Des Allemans, & l'occasion du royaume
aulme des Françoys.*

AL'Empire des Rōmains toute Allemaigne
n'estoit obeissante, mais tenoit seulement ces
pays qui sont entre le Rhin & la Dunoc. Et ce pendant
les Allemans donnerent bien a besongner
aux Empereurs Rōmains, iusques a ce qu'ilz les
retinssent en obeissance & subiection.

Du temps d'Auguste Drusus, & Germanicus
menerēt guerre en Allemaigne, puis apres Caius,
& cōsequemment Vitellius & Domitiā. Traian
auoit assubiecty les basses Allemaignes iusques

*Ceulx qui
mencerent la
guerre en
Allemaigne
depuis le
temps d'Auguste.*

Le tiers Liure des Chronicques

a la riuere de Mogane. Maximin paruint iufques a la foreft hercinie qu'on appelle la montaigne noire . Valerian fut avec fon oft es haultes Allemaignes . Soubz Galien les François animez commencerent a se rebeller , mais leurs violences furent appaifées aucunesfoys par les Empe-reurs fubfequentz . Aurelian aupres de Maience les vainquit . Probus eust de belles & grandes victoires es basses Allemaignes . Constantin edifia la ville de Spire . Iulian , Valentinian & Theodose reprimerent les Allemans & François , & occuperēt les regions voisines du Rhin , & Suaue . Mais apres que la puissance des François & Allemans eust commencé a s'escroistre , les Empe-reurs ne reuindrent poinct es Allemaignes . De la premiere origine des François aucunz en comptent en diuerfes sortes : mais on tient pour certain que du temps d'Auguste les haultz Allemans estoient dictz François . Certainement deuant le regne dudit Auguste on ne treuue es hystoires rien certain de l'estat d'Allemaigne . On peut prouuer clairement par Strabo que les François furent de grand' antiquité es haultes Allemaignes , qui du regne d'Auguste escripuit son liure d'hystoires , & fut a la guerre avec les Rommains . Ledict Strabo dit que les François sont meslez & ioinctz avec les Vandalz c'estadire Bauariens , desquelz pour le iourd huy sont limitrophes & voisins en partie . Or l'emotion des François sourdit pour ceste

*L'origine
des François.*

cause du regne de Galien, Posthumus estoit chef
 de l'armée Rommaine en Allemaigne: Cestuy
 pour sa bonté singuliere, & vertu de bien regir
 son exercite, fut par le peuple esleu Empereur,
 ce pendant que Galien vacquoit a oysiueté, & a
 ses menuz plaisirs en Romme. Doncques quand
 ledict Galien eust entendu que Posthumus estoit
 crée Empereur, il enuoia en bon equipage vne
 bande de gend'armes contre ledict Posthumus.
 D'autre part Posthumus commande que ses sou-
 dartz se tiennent prestz & appareillez, entre les-
 quelz, les principaulx estoient les François.
 Et iaçoit ce que ledict Posthumus fut en trahi-
 son parapres occis secretement, toutesfoys les-
 dictz François animez & esmeuz aux armes, de-
 meurerent & tindrent bon tousiours, & descen-
 dirent de la riuere de Mogane iusques au Rhin,
 & oultre encore, & de commencement osterent
 la ville de Treues aux Rommains, puis apres
 entrerent en Gaule. Mais apres que avec les
 Rommains ilz bataillerent contre Attila, de-
 puis furent tousiours cheriz & aymez des Em-
 pereurs, en sorte que l'apoinctement & pact fut
 fait avec iceulx, & leur parmist Iustinian d'oc-
 cuper & tenir en leur obeissance ceste partie de
 Gaule, qui se nomme encore au iourd'huy Fran-
 ce. Pourtant les François habiterent les pays
 du Rhin & vne partie de Gaule ensemble, &
 l'vne & l'autre terre n'estoit qu'un royaume,

*Les gestes
 des Fran-
 çois, &
 pour quelle
 occasion ilz
 se reuolterēt
 de l'Empire
 Rommain.*

*France par
 tie de Gaut
 le.*

Le tiers Liure des Chronicques

& n'estoit gouvernée que par vn seul roy . Certainement les louenges des François sont par toutes histoires celebrées & mises en prix, en partie pour leur singuliere prudence & bon heur d'administrer & gouverner leurs royaumes, & en partie pource qu'au commencement de leur regne ilz prindrent la doctrine de la religion Chrestienne, & l'ont voulue dilater & escrire . Or de ce temps les Allemans s'estoient reuoltez de l'Empire Rommain . Les Allemans c'estoit le peuple des haultes Allemaignes, qui pour le iourd'huy sont dictz & nommez Suaves, Suisses, & Bauariens . Doncques apres la destruction de la monarchie Rommaine, premierement Allemaigne fut diuisée en Allemans & François . Mais les François du temps de Pepin pere de Charles, furent faitz maistres & seigneurs des Allemans . Doncques apres que le royaume fut ainsi party, ilz appellerent les haultes Allemaignes le royaume oriental, & les basses Allemaignes & la Gaulle ensemble, le royaume occidental : Et pour ce partaige de royaumes, les noms encore pour le iourd'huy sont demeurez en Allemaigne .

Pour quelle raison les Allemans se departirent de l'Empire Rommain . L'Allemaigne diuisée en Allemans & François .

Les parentz de Charlemaigne appellez grands maistres en Allemaigne .

Les parentz & maieurs de Charlemaigne furent princes Allemans, lieutenantz & gouverneurs de la court des roys d'Allemaigne, & leur estoit deleguée l'office de grands maistres . On dict que leur duché hereditaire & premier domaine estoit ou maintenant est la compté pala-

tine enuiron le Rhin : Il n'est rien si certain que les premiers comptes Palatins descendirent des posterieurs de Charlemagne, finalement comme la lignée royalle de iour en iour, & de plus en plus commençoit a descroistre & a s'afouli. Et au contraire ces princes icy maieurs de Charlemagne estoient faictz puiffantz & fleurissantz, fut faict par le consentement du pape, que l'administration du royaume seroit transferee auxdictz princes : doncques ainsi fut Pepin, faict roy, & gouerna ensemble Allemagne & Gaule. Apres la mort de Pepin Charlemagne fut roy des François bien trente deux ans ainçois qu'estre Empereur, puis quand fut crée Empereur, il regna encore quatorze ans. Doncques au royaume & a l'Empire cestuy domina ensemble (si nous voulons calculer sommairement) l'espace de quarante six ans. Cestuy nasquit au chasteau d'Ingelhein en la compté Palatine non loing de la ville de Maience. Au commencement de son regne mena la guerre en Aquitaine contre les Sarrazins : consequemment contre les Saxons, bien enuiron trente ans, lesquels il subiuga, affin qu'ilz fussent soubz l'obeissance de l'Empire & aussi qu'ilz tinssent la foy Chrestienne. Il feit assez d'autres guerres, desquelles, pour abreger ie me tairay.

Didier roy des Lombards affecta l'Empire de toute l'Italie, s'en alla a Romme, & commanda faire mourir quelques vnz des plus prin-

*Les cöptes
palatins ve-
nuz de Char-
lemagne.*

*Pepin roy
d'Allemai-
gne & de
Gaule.*

*Le lieu ou
nasquit
Charlemai-
gne.
Les gests
de Charle-
magne.*

*Didier roy
des Lom-
bards.*

Le tiers Liure des Chronicques

cipaulx citoyens. Doncques fut enuoiée ambassade de par le pape Adrian a Charlemaigne, afin qu'il luy pleust deliurer de craincte de peril Romme & Italie, (certes Pepin pere de Charlemaigne au parauant auoit gardé Romme de la tyrannie des Lōbards) cecy oyant lediēt Charlemaigne se transporta en Italie, assiegea Pauie, & contraignit Didier de se rendre. Mais apres que Charlemaigne eust eongneu que la gent Lombarde estoit vne nation seditieuse, adonnée a ligues & partialitez, & qu'a grand' difficulté se tiendroit en paix & requoy, consideré qu'autrefois auoient fait mesmes la guerre les vnz contre les autres. Doncques affin que la paix fust constante & permanente par les Ita-

Charles possesseur de la Lombardie.

les, Charlemaigne occupa toute la Lombardie, & constitua gouuerneurs audict pays comme en son royaulme, il mena prisonnier avecques luy, le roy Didier, ensemble sa femme & ses enfantz, & commanda qu'on les gardast au Liege. Telle fin eust le regne des Lombards en Italie, qui auoit duré deux centz trois ans, depuis l'an de Iesuschrist cinq centz soixante & douze, du regne de Iustin, iusques a l'an de Iesuschrist sept centz soixante & quinze. Et estoit six ans deuant que Charlemaigne fust Empereur. Et iaçoit ce que lediēt Charlemaigne, apres auoir esté en Romme avec sa gend'armerie, eust rendu tout paisible, non seulement en Lombardie, ains aussi au pays qui est oultre Romme: toutesfoys ne vou-

loit a soy vsurper le tiltre de maiesté imperiale, affin qu'il ne priuast les Grecz de leur honneur, & de ceste dignité. Il permist que les villes imperiales de l'Italie ne fussent en rien violées ne rompues, & qu'elles retinssent leur pristine liberté: Mais retint le royaulme des Lombards, comme le sien propre. Certainement cestuy royaulme n'auoit encores gueres esté subiect aux Cæsars.

*L'atrem্পã
ce & mode
ration de
Charlemai-
gne.*

Tassilo duc de Bauiere esmeut guerre contre Charlemaigne, mais ledict Charlemaigne le desconfit le vingtiesme an de son regne, & occupa sa duché. Lors Tassilo fut enuoie en vn monastere avec son filz. Or ne feist cela ledict Charles indiscretement, & n'vsa de si grand' seuerité enuers son parent Tassilo sans cause, car au parauant il festoit monstré seditieux & mutin enuers ledict Charlemaigne, ce neaumoins l'auoit receu en grace, mais ledict Tassilo recidiua & ne garda sa promesse.

*Tassilo duc
de Bauiere
opprimé par
Charlemai-
gne.*

L'an trente deux de son regne, Charlemaigne se trāsporta a Rõme, & restablit le pape Lyon en son pontificat, enuers lequel les Rõmains auoieēt excité quelque trouble & tumulte, si qu'il auoit esté contrainct de s'enfuir. Or comme Charlemaigne eust experience, que l'Italie ne pouoit estre paisible, & mesmes q̄ les villes mises en liberté, ne laissoieēt a faire toutes choses, selõ leur appetit sensuel & defordõné, lors p̄ necessité cõtraieēt receust a soy l'Empire de toute l'Italie. Il bailla

Le tiers Liure des Chronicques

au pape quelques villes & regions pour entretenir les ministres en l'Eglise . La mesme nuit de la natiuité nostre seigneur Iesuschrist le pape cōmença a crier a haulte voix que Charles estoit empereur des Rommains tousiours Auguste & prospere . Et dit on que lediēt Charlemaigne respondit telles parolles : Certes ie ne fusse point venu en ceste Eglise , si i'eusse pensē que cela me fust aduenu . Or ne voulut lediēt Charlemaigne recepuoir le tiltre imperial sans le consentement & voix de ceulx de Cōstantinoble, doncques Ire ne mere de Cōstantin & Nicephore cōsentirent que Charlemaigne fut Empereur de l'Occident, & de plein gré s'y accorderent . Car ces regions n'obeissoient plus aux Cæsars Constantinopolitains.

Charlemaigne fait Empereur en Occidēt.

Les Hongres assailiz par Charlemaigne.

Or incontinent que lediēt Charlemaigne fut fait Empereur, & apres auoir avec grand trauail & labour rendu l'estat d'Italie tranquille & pacifique, delibera faire la guerre aux Hongres . Et dura ladiētte guerre huiēt ans, parquoy furent les Hongres presque tous deffaitz . Lors mist garnison d'Allemans Charlemaigne en Hongrie pour garder le royaulme: & a ceste occasion voit on encores iusques a ce iourd huy qu'aucunz Allemās demeurēt en aucunz pays de Hongrie qui se nōme les sept chasteaux. Il est recirē es histories, que Charlemaigne rapporta de Hongrie grādes richesses , & cela est vray semblable : car les Hongres furent plus de deux centz ans a exer-

Les sept chasteaux.

cer les armes, & rapportèrent presque de toutes nations proies & depouilles, & ce pendant nulz ennemys estrangiers ne faisoient incurfions & ribleries en leur royaume: parquoy fans doubte furent trouuez chez les Hôgres maintz pretieux & grands thresors . En ces entrefaictes le filz de Charlemaigne nommé Charles feist Boheme tributaire, & eust victoire cõtre le roy dudit pays appellé Lechone: Et ainsi finablement Charlemaigne fut faict trespuiffât Monarque de toute Italie, Gaule, Allemagne, Boheme & Hongrie, & redigea l'vniuersel Empire d'Occident en estat tranquille & paisible, ainsi redigé le retint & conserua. Doncques ledict Charlemaigne merite bien estre au nombre & Catalogue des souuerains princes, pour ses vertuz lesquelz nostre Seigneur Dieu a donnez au monde pour reparrer les republicques, & pour restituer entre les hommes iustice, equité, honte honneste, attempance, paix, vnion, & iustes loix, comme furent au temps passé Dauid, Hercules, Cyrus, Alexandre, Iules, Auguste, Constantin & Theodose.

*Boheme
vainqueur
avec son Le
chone.*

Premierement & principalement es gestes dudit Charlemaigne est a noter qu'iceluy ne querelloit, sinon enuers les tresgrands princes & roys dôcques a retrencher l'orgueil & insolence d'iceulx nostre Seigneur Dieu enuoie les principaulx & souuerains Monarques. Ainsi que de nostre temps nous auons veu Charles quint re-

*Pourquoy
les Monar
ques, &
grands sei
gneuries s'õt
enuoiez de
Dieu.*

Le tiers Liure des Chronicques

frener l'appetit sensuel, concupiscence, & bombans des Romains & Venitiens.

Il n'est decent que les grands Monarques soient seulement annoblis par armes & actes de prouesse, ains aussi est conuenable qu'iceulx establistent les republicques d'honnestes loix & doctrine de religion. Ce dequoy fut grandement curieux Charlemaigne. Il feist celebrer quelques conciles a Romme & a Francford, & aucunes fois aussi en Gaule. Semblablement fonda trois Colleges publiques, pour escroistre dilater & conferuer la doctrine de la religion Chrestienne c'estascauoir a Boulõgne, a Paris & a Padoue. En Alemaigne pareillement cõstruisit plusieurs monasteres au lieu d'escolles, pour enseigner les ieunes enfantz, d'aduantage feist rediger le droit des François par ordre, & aussi commada qu'on meist par escript les liures des loix. Veritablement le vieil droit des Romains auoit esté aboly & anichilé long temps parauant par les Lombards & François.

Oultre, il commanda qu'on feist recueil des histoires des Alemans, & des Hymnes ensemble, esquelles il print si grand plaisir qu'il les aprint par cueur & les chantoit souuent.

Il fut tresfacond a parler Alemand & Latin: Il fut bon Grec aussi, tellement qu'il ouyt aucuns Ambassadeurs Grecz, & leur donna response en Grec. Cestuy pareillement feist des harengues en belle & longue oraison latine. Enco-

Les gestes de Charlemaigne du temps de paix.

Trois colleges instituez par Charlemaigne.

Monasteres vadis estoient escolles.

Charlemaigne scauant en Grec & Latin.

re pour le iourdhuy nous auons des vers de fa façon assez passables, lesquelz on diët qu'il feist de la mort de son parent Roland. En sa viellesse il estudia en astronomie. En son disner & souper faisoit faire lecture des liures sainct Augustin.

En l'Eglise il chantoit avecques les prebstres les heures canoniales, & les saintes leçons par semblable, & voulut que les princes de sa court en feissent de mesme a l'exēple de luy, auxquelz il ordonna des leçons, lesquelles sembloient estre faictes pour corriger & amender ses fautes & ceulx de ses gentilz hommes. Il estoit ardent zelateur de la doctrine Chrestienne, & se declara tel tant qu'il vescu, en sorte qu'il n'estoit second a prince de ce monde, en debonnaireté & honneur diuin. D'aduantaige cestuy enuoia grosses sommes d'argent aux Chrestiens captifz & qui estoient detenez en estranges royaulmes, & impetra enuers les roys Sarrazins que les professeurs du nom Chrestien fussent traictez plus doucement.

Aux ventz & aux moys il imposa les noms, desquelz nous vsons encore pour le iourdhuy: Tellement que de toutes ces choses icy on peut facilement estimer que cestuy Cæsar estoit aorné & ennobly diuinemēt de vertuz & felicité pour gouverner le monde, si qu'a iuste tiltre fut appellé Charles le grand. Or comme cestuy fust de toutes ces vertuz acomply, & renommé par toute

Le tiers Liure des Chronicques

la terre, apres auoir faißt paix par tout, reparé les loix, redigé par ordre l estat de religion Chrestiéne, affin qu'il rōpist l'occasion des grandes incōmoditez qui eussent peu aduenir, deuant sa mort establit son filz Loys son heritier & successeur a l'Empire. Puis apres mourut a Aix la chappelle, L'an de son aage soixante & douze. Deuant son decez le pont qu'il auoit faißt faire sur le Rhin pres de Maièce auq̄l on auoit esté dix ans a le cōstruire, & qui auoit cousté gros argēt, fut brullé. Ce feu la signifioit que l'Alaigne non long temps apres seroit dissipée par les Gaulloys ou François.

Que signifioit le pont qui print en feu pres de Maièce.

Loys le debonnaire second Empereur Alemand.





'an de Iefuschrift 185 Loys le de *Loys le de*
 bõnaire filz de Charlemaigne, *bonnaire.*
 commença a auoir l'administra-
 tiõ de l'Empire, & regna vingt
 six ans. Charlemaigne eust plu-
 sieurs filz, qui moururent deuant

le decez du pere. Loys au commencement de son Empire renouuella avec les Constantinopolitains les appoinctemēs de paix qu'auoit fait son pere, & les ratifia. Puis esleut son filz Lothaire pour son consort a l'Empire, affin qu'il regnast en Italie. Lediēt Lothaire fut enuoïé a Rõme, & par le pape Paschal couronné du diademe imperial & nommé Auguste. Consequemment fut assemblé vn concile a Aix la chappelle de p Loys pour reformer l'estat de l'Eglise, & avec grand' diligēce fut lediēt Loys soigneux que choses necessaires a viure fussent assignées aux ministres de l'Eglise, vne transaction aussi fut faite entre luy & le pape, affin que ses successeurs congneussent de certain ce qui appartenoit audiēt pape, & aussi les terres proprietaires a l'Empire.

Cestuy Empereur debõnaire fut prins de son *Loys prins*
 filz Lothaire, par le conseil de quelques Euesques *par son filz.*
 & princes, pource que lediēt Lothaire craignoit pour l'aduenir, que par l'instinct & persuasion de son pere ne donnast la charge de l'Empire a son frere puisné. mais apres la deliurāce dudiēt Loys, retourna comme au parauant a l'administration de l'Empire, & contraignit par force son filz Lo-

Le tiers Liure des Chronicques

thaire d'aller en Italie : finalement retourna en grace avec son pere.

*Le pape Estienne con-
fermé par
Loys le debonnaire.* Apres Lyon Estienne quatriesme fut fait pape 97. Cestuy demanda estre confirmé par l'Empereur Loys.

A Estienne succeda Paschal pape 98. & cestuy aussi enuoia son ambassade vers ledit Loys pour estre semblablement confirmé.

Le pape Eugene 99 fut successeur de Paschal.

Apres Eugene second, Valentin fut designé pape 100.

A Valentin succeda Gregoire quart pape 101. Cestuy reffusa la dignité, ainçoys qu'il fust confirmé par Loys le debonnaire.

*Lothaire premier de ce nom, troisieme
Empereur Alemand.*

*Les freres
de Lothaire,
Loys Ger-
manicque,
& Charles
le Chaulue.* L'An de Iesuschrist 841 apres la mort de Loys le debonnaire, Lothaire son filz regna quinze ans. Or maintenant prend fin le siecle doré de la bonne lignée & race de Charlemaigne. Lothaire eust plusieurs freres, c'estascauoir Loys Germanicque & Charles le Chaulue : Entre lesquelz se meust debat pour leur partaige, dequoy f'ensuiuit guerre nō moins grande & aspre, que malheureuse & lamentable. Certainemēt le conflict fut si grand entre eulx en la Gaulle, que, (cōme tesmoignent les histoires) les forces des François orientaulx furent tellemēt affoiblies, que iamais par apres ne se sceurēt resouldre. Loys Germanie

que & Charles le Chaulue furent vaincqueurs. Apres ceste grand' boucherie par les princes furent faictes trefues, & les freres se reconcilierent ensemble. Loys eust a apennaige, Alemaigne, Suaue, Bauiere, Boheme, Auftriche, France orientale, Thuringe, Saxongne, & tout le pays iusques au Rhin. Cestuy fut nommé roy, & faict on grand' louége de luy. Les successeurs de cestuy, sont les ducz subsequencez des François orientaulx. Il at tira Boheme a recepuoir la foy Chrestienne.

Les ducz de France orientale descenduz de Loys Germanique.

A Charles le Chaulue escheut la plus grand' partie de France occidentale, & de cestuy les roys des François occidentaulx sont venuz.

Lothaire retint l'Italie, & la Gaulle Narbonense, & le pays qu'on nomme maintenant Lorraine: Aussi luy demeura l'eminence de la hautesse Cæsarienne. A ceste cause la Gaulle fut diuisée finablement & separée d'Alemaigne: Consequemment Lothaire donna le regime de l'Empire a Loys second son filz, lequel desia grand print habit de moyne.

Lorraine.

Pourquoy fut Gaulle separée d'Alemaigne.

Plusieurs cometes furent veues ce mesme an deuant le discord & bataille de ces freres.

Apres Gregoire quart, Sergius second fut pape 102. Cestuy changea son nom: On dit qu'au parauant il se nommoit Groin de pourceau. De cestuy Loys second filz de Lothaire fut couronné a Romme.

Sergius pape, deuant appelé Groing de pourceau.

A Sergius second succeda Lyon quart, pape 103. Cestuy feist edifier la tour Anglesche

La tour Anglesche.

Le tiers Liure des Chronicques

a Romme. Il fut accusé par quelques rapporteurs enuers Lothaire qu'il machinoit translater l'Empire des François Orientaulx aux Grecz. Or quand Lothaire fut venu a Romme, cestuy pape se purgea du cas imposé.

*Iehan huit-
iesme pape,
estoit femme*

Après Lyon quart fut fait pape Iehan huitiesme. Il fut natif de Maience, & dit on que c'estoit vne femme.

Après Iehan huitiesme, Benoist tiers fut pape 104. De ce temps grands debatz & brigues s'ourdirent pour l'election papale, mais Lothaire les appaisa.

Loys second quatriesme Empereur Alemant.

L'An de Iesuschrist 856 Loys second, filz de Lothaire receut le regime de l'Empire, & regna vingt ans. Il retrencha avec grand' impetuolité Les Sarrazins entrez en Italie, & les vainquit apres auoir reparé la paix par toutes les Itales. cestuy mourut, & fut inhumé a Milan.

*Loys second
inhumé a
Milan.*

Après Benoist tiers Nicolas premier fut fait pape 105.

*L'affection
du pape de
transférer
l'empire aux
Gaullois.*

A Nicolas succeda Adrian second, pape 106. Cestuy fut esleu du clergé & du peuple.

Après Adrian second, Iehan 9 fut pape 107. Cestuy conclud avec les roys de Gaule de transférer l'Empire des Alemans, a Charles le Chaulue, puis apres a Loys le begue son filz : Mais les Alemans retindrent l'Empire par force, ce que nous

nous dirons parapres. Sus ces entrefaictes, comme ledict pape machinoit ces choses, fut prins, mais eschappa, & s'enfuit es Gaulles vers Loys le Begue.

Charles le Chaulue Empereur Gaulloys.

L'An de Iesuschrift 876 Charles le Chaulue Charles le Chaulue. vint a Romme, & avec l'aide du pape Iehan neufiesme fut designé Empereur: & regna deux ans. Cestuy estoit frere de Lothaire, & filz de Loys le debonnaire, auquel, au partaige des royaumes luy estoit escheut le royaume de Gaulle. Or de ceste heure machinoit le pape Romain transferer la maiesté de l'Empire, des Allemans aux Gaulloys, mais les filz de Loys Germanicque y resisterent: laquelle chose oyât Charles le Chaulue, les menassa haultement, & dit Menaces Fraçoyses. qu'il meneroit tant de géd'armes oultre le Rhin, que les cheuaults asseicherent ladicte riuere, si qu'on y pourroit passer sans mouiller le pied. Apres ces choses ses deux nepueux s'en allerent au deuant a Coulongne, ou non loing d'Andernacque ledict Charles le Ghaulue fut vaincu de ses deux nepueux. L'an d'apres Charles le Chaulue s'en alla en Italie, ou le suiuirent ses deux nepueux. Mais quand ledit Charles en ouyt le bruit print melencolie, & luy suruint vne malladie dequoy il mourut. Ce pendant le pape Iehan La mort de Charles le Chaulue. dessus nommé s'efforce constamment a transf-

Le tiers Liure des Chronicques

later ledict Empire aux Gaulloys , & vouloit que le filz de Charles le Chaulue succedast a son pere . Pour ceste cause fut prins de l'ambassade des Allemans a Romme : mais eschappa de leurs mains, & s'enfuit au roy de Gaule, ou il feist Empereur le filz de Charles le Chaulue nommé Loys le Begue , lequel regna apres la mort de son pere deux ans.

Loys le Begue Empereur.

Charles le Gras , cinquiesme Empereur Allemand.

Charles le Gras.

L'An de Iesuschrist 881 l'Empire retourna aux Allemans . Or comme les Sarrazins feissent de rechief entrée en Italie & gataissent tout , les Rommains reuocquerent le pape de Gaule , les Italiens auoient besoing d'aide contre lesditz Sarrazins . Lors estoit mort le roy de Gaule , & n'estoit encore l'heritier royal capable a gouverner , dont sourdirent en Gaule grandes dissensions touchant le regime & administration dudict royaume, iusques a ce que le filz du roy fust paruenü en aage . Donques le pape contrainct par grand' necessité, demanda aide aux Allemãs, pour oster l'Italie de craïcte de peril. Lors vint en Italie Charles Gras filz de Loys Germanicq , & apres auoir repoulsé les Sarrazins print la couronne imperialle l'an de Iesuschrist 882. & regna apres son courönement 9 ans. Enuiron ce temps les Normands assaillirent la Gaule, & y feirent

tant de dommaige, que les Gaulloys furent contrainctz de demander secours aux Allemans: lors par le consentement de tous cestuy Charles fut fait roy de Gaule, & a ceste occasion tint les Gaules & Allemaignes ensemble. Mais non long temps apres ces dictz royaulmes furent difsipez. En la bataille de Morane Charles le gras ne pouant porter le labeur & ennuy, delassa l'Empire, & constitua Empereur le filz de son frere nommé Arnoul, lequel luy feist pension suffisante pour le train d'un roy ce pendant qu'il vesquut.

Mention des Normands qui assallirent les Gaules.

*Arnoul, sixiesme Empereur
Allemand.*

ARnoul filz de Carloniam duc de Bauiere, Suaue & de Francone fut nepueu de Charles tiers, au lieu de luy fut fait Empereur l'an de Iesuschrift 891. Il regna douze ans. en son commencement vainquit les Moraniens, puis apres les Normands, lesquelz partiz de Gaule, estoient desia venuz iusques au Rhin, faisantz entrée a Vormace feirent mourir l'Euesque de Maience. Finablement surmontez par cestuy Arnoul se reduiserent a la foy Chrestienne. Consequemment quand le duc de Spolite nommé Vuido eust esté fait Empereur par quelque mutinerie qui lors se feist, Arnoul se transporta en Italie, & print Romme, puis fust

Arnoul Empereur.

Les Normands vaincus.

Le tiers Liure des Chronicques

couronné du pape Formose. Doncques de rechief fut l'Italie occupée, & Vuido enuoié en Exil, puis ledi&t Arnoul restitua a l'Empire la duché de Bourgogne.

A Iehan 9 succeda Marin pape 108.

A Marin succeda Adrian 3 pape 109.

Estienne 5 pape 110 suiuit Adrian 3.

Après Estienne 5, Formose fut fait pape 111.

De rechief fut grand discord a Romme pour l'election papale, pource q̄ Sergius fut crée pape avec ledi&t formose: mais ledi&t Sergius fut deicté par les fauteurs de Formose, puis l'Empereur fut fait venir en Italie par ledi&t Formose, afin qu'a ceste occasiõ la papaulté luy demeurast. Or s'en estoit fuy en Gaulle Sergius, & s'efforçoit par l'aide des François de conquerter ladi&te dignité. Mais quelques ans apres le decez de Formose, fut fait iceluy pape, & exerça tyrannie & insolence non seante a mansuetude & douceur papale. Il commanda qu'on desfouist le corps de Formose, & le feist degrader, puis apres luy auoir coupé la teste, avec grand opprobre le feist iecter au Tybre. On escript de cestuy Sergius, qu'il n'estoit qu'un asne: *Et s'etz en donnant assez la cõgnoissance.*

Sergius pape ignorant & tyrant. Exemple de grand cruaulté papale.

A Formose succeda Boniface 6, pape 112.

Après Boniface 6, Estienne 6, fut pape 113. Cestuy condána & aneantist toutes les ordõnances de Formose. Rommain pape 114 suiuit Estiène.

Theodose second, pape 115 fut successeur de

Romain. apres Theodose fecond, Iehan 10, fut pape 116. Cestuy approuua & receust les ordonnances de Formose, au parauant reiectées d'Estienne sixiesme.

Après Iehan 10, Benoist quart fut pape 117.

Après Benoist quart Lyõ quint fut pape 118. Cestuy fut prins par Chrestofle.

Après Benoist quart Chrestofle fut pape 119. Cestuy fut prins par Sergius tiers.

Après Chrestofle Sergius tiers fut pape 120. Cestuy feist couper la teste du corps de Formose apres qu'il fut deterré. C'est vne chose pleine

d'horreur de lire & de faire mention de si grand' tyrānie, laquelle exerçoient. entr'eulx les papes de Romme. Il ne se pouoit faire qu'en si grand' cruaulté, on eust esgard a pitié Chrestienne: parquoy ne se doibt esmerueiller aucun, si aucunz abuz, & opinions mauuaises ont fait entrée en l'Eglise, voiant tel desordre entre les chefs.

*La tyrānie
des papes
Romains.*

*Loys tiers de ce nom, septiesme
Empereur Allemand.*

L'An de Iesuschrift 903 Loys filz d'Arnoul, fust Empereur apres son pere, & regna dix ans. On ne lit en aucun passaige qu'il print la couronne. Or apres la mort d'Arnoul, les Hongres inuaderent la Germanie par grande impetuosité. a ceulx cy s'opposa le tresbon prince & Empereur Loys, & les endommagea grandement pres le

Loys tiers.

*Les Högres
pillantz la
Germanie,
& l'Italie.*

Le tiers Liure des Chronicques

fleuve de Lycus , mais par apres de foys a autre fut par iceulx vaincu. Finablement lesdictz Hongres vainqueurs feirent gros dommaiges , excez & oultraiges aux Suaues , Françoys orientaulx, Bauariens , & Austrichois. Ilz tuoient tout sans auoir esgard a aucun , & sans en prendre vn a mercy. Brief ilz gasterēt temples, villes, bourgz, villages , & finablement bruslerent tout . Puis entrerent en Italie, & vserent de pareille cruauté . En ce temps estoit Berengier prince de Friul, lequel cueillit vn grand tas de gens de guerre cōtre lesdictz Hongres, & iaçoit ce qu'il gueroiaist peu heureusement : Toutesfoys par ceste gend'armerie acquist si grād bruit, que par apres se voulut nommer Empereur.

*Berengier
prince de
friul.*

*Conrad premier de ce nom, huictiesme
Empereur Allemand.*

*Conrad pre
mier.*

L'An de Iesuschrist 913 Conrad fut fait Empereur , & regna sept ans . il fut couronné du pape. Cestuy estoit nepueu de Loys tiers de son frere : il fut duc de Franconie , & dernier de la tresnoble posterité de Charles le grand , comme on pourra veoir par apres en la genealogie dudict Charles , laquelle nous auons mise icy desoubz , affin qu'on cognoisse a combien de fortunes & diuerses mutations fust exposé le Royaulme des Germains ou Alemans , ce qu'on ne peut lire, sans grande admiration . En tout lieu

on veoit les grands Royaulmes au monde pour quelque temps fleurir, mais finalement soy debilitier, & estre meslé de troubles & emotions: toutesfoys ce pendant sont gardez de Dieu, & ne perissent totalement. Loys tiers ne delaiſſa aucun filz de luy: a ceste cauſe les François & Saxons contendoient enſemble pour eſlire Empereur Otho duc des Saxons, mais ce tresbónaire *Otho duc de Saxoigne.* Otho empescha, & ne voulut que ceste iniure fut faicte a la tresnoble lignée de Charlemaigne: pour ceste raiſon fut de conſeil qu'on feiſt Empereur Conrad duc des François orientaulx. Parquoy ledict Conrad ſucceda a l'Empire, mais Otho eſtoit en plus grand' autorité: & du viuant de Conrad feiſt beaucoup de choſes a l'Empire: & ce pendant ledict Otho ſe monſtra entierement fidele enuers ledict Conrad. Sus ces entrefaictes Berengier duc de Foriul vſurpoit en *Berengier.* Italie le nom d'Empereur, & incita les Hongres de piller encore vn coup la Germanie, mais Conrad avec l'aide d'Otho les ſurmonta.

Après la mort d'Otho, Conrad craignoit que le filz dudit Otho nommé Henry le Faulconier ne ſ'eſcreuſt trop en puissance: parquoy voulut ſoubtraire vne partie des biens qu'il auoit dónnez a ſon pere Otho. Et cõme ledict Héry en fuſt mal cõtent, Conrad ſ'eſforça par cela de le moleſter, & euſt la charge de ce faire, l'Eueſque de Maience. Mais les trahiſons furēt deſcouuertes: dõt Henry grandement mutiné, ſe retira vers ſes

Le tiers Liure des Chronicques

Le motif de la guerre entre les Franconiens & Saxons. subiectz, & osta tout ce qui apartenoit audit Euesque de Maience en Thuringe & Hasse. & de cela sourdit grosse guerre entre les François orientaux & les Saxons.

Vn peu deuant que Conrad voulüst mourir, appella son frere le duc Ebrard, & luy commāda qu'il portast la couronne imperiale a Henry duc des Saxons, pource qu'il estimoit digne de gouverner l'Empire. Il dōna semblablement charge a sondict frere qu'avec la plus grand' diligence que faire se pouoit, qu'il mist fin a la guerre qu'il auoit emprinsē contre ledict Henry, affin que les François ou Franconiens encore viuantz de sa race, ne fussent toalemēt destruietz & aneantiz. Car il consideroit que les affaires de Henry prosperoient par le vouloir diuin. Ebrard obeist au mandement de son frere Conrad volontairement, & porta la couronne audit Henry, parquoy l'apoinctement fut faict d'un costē & d'autre, & se monstra ledict Ebrard par apres fidele a Henry. A ceste occasion aduint, que l'Empire fut translātē de la posteritē de Charlemaigne aux Saxons.

L'Empire translātē aux Saxons.

La genealogie de Charlemaigne.

Charlemaigne Empereur.

Loys le debonnaire Empereur filz dudit Charlemaigne eust troys filz c'estascauoir:

Loys Germanicque, Lotaire & Charles le Chaulue. Loys Germanicque eust a son apennage Alemaigne, & rendit a son obeissance les Bohemes. Ses filz furent Loys & Charles le gras qui fut Empereur & Carlonian. Arnoul qui fut Empereur apres Charles le gras fut filz de Carlonia. Les filz d'Arnoul furent Loys tiers qui fut Empereur & Conrad, & de ce Conrad icy faillirent deux filz c'estascauoir Cōrad dernier Empereur de ceste race, & Ebrard, dont descendirent les princes de Franconie.

Lothaire filz de Loys le debonnaire, & frere de Loys Germanicque fust Empereur & pour son partaige eust Lorraine & Italie. Son filz fut Loys second, Empereur, qui meist les Sarrazins hors d'Italie. Apres cestuy le pape voulut trāsferer l'Empire aux Gaullois ou Frāçoys, c'estascauoir a Charles le Chaulue & Loys le begue, ce qui fut fait, mais apres la mort de ces deux, les filz de Loys Germanicque restituerent l'Empire aux Alemans.

Charles le Chaulue fut filz de Loys le debonnaire & frere de Loys Germanicque & de Lothaire. Cestuy fut Empereur & roy de France ou Gaulle, il eust vn filz nommé Loys le begue qui fut apres luy Empereur & roy de Gaulle ou France.

Charles le Chaulue empereur Frāçoys. Loys le begue Empereur Françoys.

Non lon temps apres, le royaulme de Gaulle ou France fut translaté & mis hors de la race de Charlemaigne. On voit par cela qu'entre les cho

Le tiers Liure des Chronicques

ses humaines rien ne demeure constant & perpetuel, en son estat, & que les maisons des souverains princes & haultz Seigneurs, esleuées en sublimité, & qu'on a veu fleurir, par apres ont esté deiectées & abaissées.

Après Sergius, Anastase 3 fut pape 121.

Après Anastase 3, Lando fut pape 122.

Après Lando Iehan vnziesme, fut pape 123.

*Henry premier de ce nom, dit Faulconnier neufiesme
Empereur Alemand.*

Henry premier.

L'An de Iesuschrist 920 Henry premier de ce nom, appellé faulcônier fut Empereur. Il fut duc de Saxongne, regna 17 ans. Il ne fut point couronné du pape, & ne fut en Italie, combiẽ que deux princes en Italie s'attribuassent le nõ imperial, & qu'ilz guerroyassent quelque fois l'un contre l'autre pour la dignité. Cestuy debõnaire prince auoit assez d'affaires en Alemaigne, la qõlle pacifia avec grand' diligence & singuliere prudẽce, & la feist plus fleurissante qu'elle n'auoit esté au deuant. Veritablemẽt le royaume d'Alemaigne jamais ne fut sãs mutineries & seditiõs, & jamais Empereur n'y fut crée q̃ le plus cõmunemẽt n'y eust discord & q̃relle d'aucuns princes q̃ ont voulu vsurper le nõ d'Empereur. Toutesfois ce pendãt nostre seigneur Dieu s'est tousiours monstré ppice & fauorable aux Empereurs legitimemẽt esleuz & appellez, & a conserué l'authorité d'i-

*Alemãs mu-
tins.*

ceulx, & puny les mutins & querelleux. Le duc de Bauere nommé Arnoul cōtreuint a Henry a main armée, lequel pour repoulsier l'iniure a luy faicte, avec géd' armerie biē en ordre se trāsporta cōtre les Bauariens: mais ne les endōmagea aucunemēt, ains voulut parler avec ledict Arnoul. Ce qui fut faict, luy donnāt a entendre que la maiesté imperiale se dōnoit de Dieu, & que si ledict Arnoul eust esté esleu p la voix des autres princes, que volontairement, & de plein gré luy eust cedé, & qu'il eust esté le premier q̄ eust voulu monstrier obeissance. Doncques Arnoul oyant ces choses, en fait le recit aux siens: Desquelz fut respondu, que veritablemēt Salomon auoit dit, quand il auoit parlé de sagesse: Par moy les roys regnent & dominant. Et comme il soit ainsi (disoient ilz) que Henry soit muny & garny tresha bondāment de prudence & affabilité, nous estimons certainement que Dieu luy fauorise, parquoy seroit bon de rōpre vostre entreprise, & ne vous efforcer plus enuers luy de faire aucune chose. Doncques par ces remonstrances se tint a requoy le duc Arnoul, & sans respandre le sang de ses souldartz obeist volontairement audict Henry. Qui est celuy qui ne diroit q̄ telz princes fussēt courtois & humains & mesmes excellētz en humanité & sagesse? on treuve p̄ escript qu'a saint Ydalric apparut vne vision, touchāt le duc de Bauiere, il fut mōstré de Dieu audict saint vn duc ayant vne espée sans manche: Parquoy estoit si-

*Hēry demā
da a parla-
mēter a Ar-
noul duc de
Bauere.*

*La visio qui
apparut a
saint Ydal-
ric.*

Le tiers Liure des Chronicques

*Les gestes
de l'Empe-
reur Henry
premier de
ce nom.*

gnifie qu'iceluy duc ne debuoit vser d'espée, qui estoit a dire qu'il trauailloit en vain, cuidant par uenir a l'Empire, doncques admonnesta ledict saint cestuy prince Arnoul de n'ètreprédre plus rien indiscretemēt touchant l'affaire. Consequē- ment Brudebourg fut prins par Henry, & les Vā delz mis en son obeissance iusques a la mer, puis se conuertirent a la foy de Iesuschrist.

Pareillemēt ledict Héry print la ville de Pra- ge en Boheme & assubiectit a luy les Bohemes, puis desconfit quarante mille Hongres a Merf- bourg, parquoy fut en grād bruit & fort redoub té enuers les nations estranges, mesmes rēdit tou tes les Alemaignes paisibles & pacifiques, & re stitua Lorraine au royaulme d'Alemaigne, & cō questa sus Rudolphe la vraye lance dequoy no- stre Seigneur Iesuschrist eut le costé persé: Con- stantin l'auoit iadis conquise. Henry le faulcon- nier prochain de sa mort, constitua son heritier a l'Empire son filz Otho, affin qu'apres sa mort ne sourdist quelque brigue de la possession de l'Em- pire.

A Iehan vnzième succeda Lyon sixième, pa-
pe 124.

A Lyon sixième succeda Estienne pape 125.
Iehan 12 pape 126, suiuit Estienne 7.

A Iehan 12 succeda Lyon 7, pape 127.

A Lyon 7 succeda Estienne 8 Alemand pa-
pe 128.

Otho premier de ce nom Empereur Alemand
dixiesme.

Otho premier, filz de Henry le faulconnier, commença son regne l'an de Iesuschrift 938, & regna trête six ans, il print la courône a Aix la chappelle de l'Euesque de Maience. Au cōmencemēt de l'Empire dudict Otho s'esleuerēt trois grands troubles & tumultes, pleins de grands dāgiers & perilz.

Les auteurs du premier tumulte furent Ebrard comte Palatin, & Giselbert prince de Lorraine. Ceulx cy, pource qu'ilz estoient descēduz du sang de Charlemagne & des Frāconiēs, querelloient par droict de succession dernier l'Empire des Saxons aux Franconiens: & affin que leur emprinse fust veue estre plus iuste, ilz tirent a leur cordelle Henry frere aîné d'Otho, donnantz ceste couleur, & allegantz que soubz tiltre d'aînéesse luy appartenoit l'administratiō de l'Empire, & non a Otho. Ceste guerre auec Ebrard cōte Palatin & le duc Giselbert dura six ans, & y eust plusieurs cōfliēt. Hermā prince de Suave & Conrad duc des François orientaulx nommé le faige de Vuormace nepueu d'Ebrard suiuirēt le party de l'Empereur Otho. Ceulx cy menerent la derniere guerre a Andernacque, en laq̄lle fut deffaiēt Ebrard cōte palatin, & le duc Giselbert en s'enfuiant se noya dens le Rhin. Cest exemple icy est plein d'horreur, par lequel

Otho premier.

Trois emōtions premievement excitez contre Otho.

Ebrard comte palatin.
Giselbert duc de Lorraine.

Hēry frere d'Otho.

Hermā prince de Suave.
Conrad duc des François.

Le tiers Liure des Chronicques

Exemple de vengeance, mesmes envers les grands seigneurs.

nous pouons estre admōnestez que les seditieux, combien qu'ilz soient gros seigneurs, si sont ilz puniz de Dieu. Quāt au reste a parler de cestuy Ebrard, ascavoir mon si c'est celuy duquel nous auons touché deuant, qui apporta la couronne a Henry le Faulconnier, on n'en scait rien de certain. Veritablemēt les escripuains de noz histoires, ont estē hommes rudes & ignorantz des choses qui apartiennent a bien agēcer & dresser vne Chronicque.

La seconde emotiō d'Otho avec son frere Hēry.

Après ceste victoire, le debat qu'auoit l'Empereur Otho avec son frere Henry, ne fut point encore amorty & sopit, ne semblablemēt la querelle qu'il eust contre l'Euēsqe de Maience. Ledict Henry fut assiegē a Mersbourg: mais voiant que ses effortz estoiet vains & friuoles, & que sa gend'armerie de iour en iour se debilitoit, vint a mercy a sondict frere Otho, requerant pardō de son offence, fut receu en grace, & nō long temps apres, le duc de Bauiere s'alla mourir sans hair masse de soy, parquoy Otho donna la Duchē a sondict frere Henry. Cestuy Henry Empereur q fut inhumē a Bamberge fut nepueu de ce Duc icy Henry comme nous dirons parapres. Subsequitiuement l'Empereur Otho print Maience assiegēe, & l'euēsqe d'icelle, mais en peu de iours le meist en libertē.

La troistesme emotion cōtre Otho, vint par son propre filz.

La troiesime esmeute s'esleua long tēps apres contre Otho, par son propre filz nommé Ludolphe, & voicy la cause: Otho premierement print

a fême vne royne d'Angleterre appellée Edith, qui fut inhumée a Magdebourg. De ceste cy il auoit eu ce filz Ludolphe : apres la mort de laquelle il eust vne autre femme du sang de Bourgoigne, de quoy fut malcontent ledi&t Ludolphe . Mais ce qu'il en aduît apres, on ne cognoist rien de vray. Noz historiées n'ont point exprimé les gestes de ceulx qu'ilz ont couchez en leurs histoires entierement, & n'ont peu certainemēt, pource que les Monarques & gros princes aucunesfois ont veu en requoy & oisueté, si qu'ilz ont esté alienez & estrangez des affaires qui communement se font a l'administratiō d'vne republicque: & d'aduantage nosdi&tz historiens aussi se sont monstrez assez paresseux & negligentz, pource qu'ilz ne se sont enquiz a ceulx qui auoient la certaine cognoissance des choses, pour cognoistre les causes & occasions au vray d'vn chascun affaire, qui est le propre d'vn vray historien. Toutesfois ilz racomptēt que Ludolphe feit quelque assemblée a Salfelde, & en ce lieu conspira contre son pere Otho, ce que le mot emporte, car Salfelde signifie en langue du pays lieu de trahison & faulx conseil. Ce pendant Ludolphe eust tout plein de gros princes ses fauteurs, complices, & alliez en ce conseil & conspiration, entre lesquelz fut Conrad Duc des François surnommé le saige. Sus ces entrefaictes le pere estoit en Italie, mais incontinent apres qu'il fut retourné en Allemagne, il assiegea son di&t filz a Maience, mais

*Negligence
des Chronic
queurs Ale-
mans.*

*Le propre
d'vn vray
historien.*

*Salfelde
lieu de tra-
hison.*

Le tiers Liure des Chronicques

Ratisbonne. trouua le moien d'eschapper, & s'enfuit iusques a Ratisbonne, mais le pere le poursuiuit, & assiegea ladiete ville impetueusement l'espace de deux moys. En ce siege mourut grande quantite de gens entre lesquelz demeura vn des plus principaulx, le ieune duc de Bauiere nomme Arnoul. Apres la mort de cestuy, Ludolphe demandant pardon se vint iecter deuant son pere nudz piedz & a genoux & avec grand' desplaisance de l'offence commise requist mercy. Doncques fut il receu en grace de sondict pere, & la paix entre eulx deux fut tresferme & assuree.

Iamais prince, entre les Empereurs, n'eust autant a faire ne fut en si grands perils & dangiers, que cestuy Otho, comme ie puis considerer. Mais ce pendant, en tous les affaires fut tousiours heureux, & non sans la faueur incroyable de Dieu eternal.

Ce pendant que se font cesdictes guerres, cestuy Otho surmonta les Bohemes, Hongres & Francoys: Consequemment meist en paix l'Italie qui estoit en gros trouble, ce que nous dirons par apres briuelement.

Les Hongres defaictz par Otho.

Il deffait les Hongres a la ville d'Aouste au fleue de Lycus, & affoiblit tant leur puissance, qu'ilz n'oserent du depuis retourner en Allemagne. En ce conflict demeura Conrad le saige: Saint Vdalric Euesque d'Aouste estoit lors en la gend'armerie avec l'Empereur Otho.

Saint Vdalric avec Otho.

Or comme ledict Otho fut enuironné & circuit

cuit de tous costez de perilz & dangiers, les Franconiens auoient esperance qu'avec facile trauail de rechief translateroient l'Empire a leur nation : mais on congneust adonc en ce bon prince Otho, qu'a qui Dieu veult ayder, nul ne luy peult nuire. Innombrables ennemys vindrent enciendre Otho, comme Bohemes, François, Hongres, Italiens & Gaulloys, mais l'effort de toutes ces nations ne peust rompre la puissance de ce bon prince. Les Gaulloys le menassoient de mener en Allemagne si gros exercite qu'on n'auoit iamais veu, auxquelz donna responce ledict Otho, que princes saiges ne prenoient pas beaucoup garde a folles menaces, consideré que la victoire & aduerture de guerre est totalement en la main & volenté de Dieu. Semblablement cestuy respondit qu'il meneroit tant de chappeaux de fouerre en Gaille, qu'on ne veit iamais : & a ceste occasion tous ses souldartz porterent telz acoustrementz de teste, lesquelz il mena iusques a Paris. Or de ce temps Hugues prince en Gaille, tenoit le roy des Gaulloys son seigneur captif, & cestuy Hugues auoit propose de se faire roy & Empereur. Mais fut prins a Paris par Otho, lequel ensemble deliura le roy Loys son parent que cestuy Hugues tenoit prisonnier, & le restablit en son royaulme de Gaille. Cestuy Loys auoit espouse la sœur d'Otho nommée Gerburgue. Consequemment ledict

*A qui Dieu
veult ay-
der, nul ne
luy peult
nuire.*

*Hugues
prince en
Gaille.*

*Le roy Loys
restably en
son royaul-
me.*

Le tiers Liure des Chronicques

Otho restitua a l'Empire les basses Allemagnes, Lorraine & Bourgogne.

Les Hongres bien souuent auoient faict incursions & ribleries parmy le pays d'Italie, Et ce pendant aucunz Empereurs deuant le temps d'Otho ny pouoient metre ordre, ne secourir ladicte region, pource qu'ilz auoient assez affaire en Allemagne, lors les princes d'Italie contrainctz par grand' necessité de resister ausdictz Hongres, aduint que Berengier duc de Foriul en Italie assembla vn grand ost a merueilles & monstra sa puissance, puis apres vsurpa toutes les Itales. Et iaçoit ce que les autres princes querelassent ensemble pour la principaulté dudidit pays, toutesfoys cestuy Berengier plus eminent en biens & puissance que les autres occupa l'Italie iusques au troiziesme heritier, & s'atribua le tiltre de Cæsar, & exerça grand' tyrannie en ce lieu. Lors les Italiens se retirerent par deuers Otho, & luy demanderent confort & ayde pour resister a la cruaulté dudidit Berengier. Parquoy Otho se transporta en Italie, enuahit la Lombardie, & la conquesta. Berengier, pource qu'il se rendit volontairement impetra ceste grace enuers Otho, qu'il ne fut totalement poullé hors de l'Italie, mais iouist paisiblement de sa duché. Douze ans apres de rechief fut faict venir Otho en Italie, affin qu'il defendist & deliurast les Italiens, le pape & le clergé de la tyrannie de Be-

Berengier
se rendit a
Otho.

rengier, ce que mist a chef vaillamment & vertueusement Otho. Or quand de rechief fut venu en Italie, il banist Berengier & son filz Albert pour leur desloyaulté, Berengier & sa femme furent enuoyez a Bamberge, ou ilz cōsommerent le demeurant de leur vie en exil: il enuoia le filz a Constantinoble. En ce voyage Otho entra a Rome, & fut couronné du pape Iehan 12. Cestuy Otho fut le premier Empereur, qui feist serment de fidelité au pape, duquel serment on en veoit la forme a la distinction 63. au chapitre Tibi domino Ioanni.

Berengier avec sa femme & son filz prins, & bantz. Otho le premier Empereur qui feist serment de fidelité au pape.

Consequemment Otho pour la seconde fois retourna a Romme, affin qu'il chastiait le pape Iehan, pour plusieurs crimes, dont il estoit accusé. Pourtant cognoissant ses delictz s'enfuit pour la crainte d'Otho. A ceste cause fut mis en son lieu le pape Lyon huitiesme: Mais a l'absence d'Otho retourna ledict pape Iehan a Romme, & mist hors du siege le pape Lyon, lequel se retira vers Otho. Mais le tresprudent Empereur vſa en cest affaire de grand' industrie, affin qu'il ne fust occasion de scisme, il permit q̄ le pape Iehan iouiroit de la papaulté durant sa vie, mais apres sa mort ordōna que Lyon seroit restably comme vray & legitime pape, mais les Rōmains ne voulurent ratifier, car ilz repudierent Lyon, & eslirent vn nommé Benoist en despit de l'Empereur. Parquoy Otho retournant a Romme inuada les possessions de la papaulté, & feist grand' boucherie

Les querels des des papes.

Le tiers Liure des Chronicques

par tout il meist le siege deuant Romme, & affa-
ma les citoyens, dont furent contrainctz d'ou-
rir les portes. & apres auoir faict iustice des mu-
tins, & enuoié en exil leurs consulz, restablit
le pape Lyon, & mist tout en paix & tranquil-
lité, puis retourna en Allemagne & mena pri-
sonnier avecques luy le pape Benoist & commá
da qu'il fut ferré a la ville de Hambourg.

Pour la troisiésme foys Otho alla a Romme,
donna la chasse aux Sarrazins & Grecz estantz
aux bordaiges d'Italie, puis apres esleut son filz
nommé Otho pour estre son consort a l'Empi-
re, & le feist couronner, & sollicita que la fille de
l'Empereur de Constantinoble luy fust donnée
a mariage. De toutes ces choses la on peult esti-
mer facilement, que cestuy Otho estoit vn des
grands monarcques & souuerains princes, que
Dieu auoit enuoyé au monde, pour reparer
l'estat d'iceluy qui estoit en decadence & ruine.
Veritablement cestuy Otho redressa l'empire
Romain cheust & abatu, & rendit toute l'Eu-
rope tranquille & pacifique: il garda par sa def-
fense toute l'Italie & l'Allemagne. Dompta les
Hongres & Gaulloys. Brief il restitua l'Empi-
re a son premier honneur & clarté, & y mist tres-
bonne police: finalement mourut en paix a
Quedelnbourg. On recite aussi de luy, qu'il
trouua la mine d'argent au pays de Misnie, il
feist grands biens a l'Eglise donna grandes pos-
sessions pour conseruer la religion Chrestienne

*Quedeln-
bourg.
La mine
d'argét trou-
uée en Mis-
nie per l'em-
pereur
Otho.*

& pour augmenter le cultiueement de Dieu, institua pareillement plusieurs eueschez, comme Madebourg, Misnie, Brädembourg, Mersbourg & Ceitze.

Après Estienne huitiefme Martin tiers fut pape 129.

A Martin 3 succeda Agapit 2, pape 130.

A Agapit 2 succeda Iehan 13, pape 131. Cestuy couronna Otho premier: consequemment s'enfuit de Romme, craignant estre deposé par Otho pour sa sale & orde vie.

A Iehan 13 succeda Lyon 8, pape 132.

Or après que ledict Iehan fut retourné en Rome Lyon se retira a l'Empereur Otho, mais après la mort de Iehan ledict Lyon fut restably.

A Lyon succeda Iehan 14, pape 133. De cestuy fut couronné Otho second.

*Otho second de ce nom unziefme
Empereur Allemand.*

L'An de Iesuschrist 984 Otho second, fut Empereur, & regna après la mort de son pere Otho premier dix ans, & contre cestuy sourdit quelq mutinerie. Son parèt Henry duc de Bauie re affectoit l'Empire. Ce n'est pas ce Henry frere d'Otho premier, duquel nous auons touché deuant, qui conspira a l'encontre dudit Otho, & puis fut remis en grace, & fait duc de Bauie. Le premier Henry extrait du sang des Saxons

Otho secöd.

Henry duc de Bauie.

Le tiers Liure des Chronicques

estât duc de Bauiere, mourut 15 ans deuant Otho, & de cestuy Henry premier fut filz Henry de quoy maintenant nous parlons qui se rebella cõtre Otho secõd, mais ledict Otho soubdaĩ l'opprima, pource q̃ l'apliquoit a factiõs & noualitez.

Consequẽmẽt les Gaulloys assaillirent Otho a Aix la chapelle, sans qu'il s'en donnast garde, & a grãd' difficulté peust il eschapper de leurs maĩs.

Les Gaulloys dõptez par Otho 2. Mais apres auoir restauré son exercite se trãspor ta en Gaulle, & iusques a Paris gasta tout le pays, si que les Gaulloys furent contrainctz de faire apoinctement, & feirent sermentz qu'ilz ne se mesleroiẽt plus de deffendre Lorraine.

Otho secõd prins des mariniẽrs. Apres que les Allemaignes furent paisibles, cestuy Otho entra en Italie, & guerroya en Pouille auec les Sarrazins & Grecz : mais fut vaincu, & en s'enfuiant fut prins de quelques nautonniers, mais pource qu'il parloit bon Grec ne fut cõgneu, & facilement par quelque pecune se deliura des mains desdictz nautonniers, puis retourna en Romme, & administra l'Empire ainsi qu'il auoit acoustumé. On dict qu'il fut empoisonné par les Italiens, pource qu'il les traitoit assez rudement.

A Ichā 14 succeda Benois̃t 5, pape 134.

A Benois̃t succeda Donus 2, pape 135.

Après la mort de Donus Boniface 7, fut fait pape 136.

A Boniface succeda Benois̃t 6, pape 137. de son temps fut fait Empereur Otho tiers.

Otho troisieme de ce nom, douzieme
Empereur Alemand.

L'An de Iesuschrist 994 Otho troiziesme fut ^{Otho tiers ?}
Empereur, & regna apres la mort de son pere
90 ans. il estoit en grand' ieunesse, & n'auoit en-
core douze ans, quand son pere mourut: pour ce-
ste cause Henry due de Bauiere son parent l'en- ^{L'amour des}
uoia pour estre gardé a Romme, & ce pendát le- ^{Allems &}
di& Henry administra l'Empire. Or les Italiens ^{fidelité en-}
vouloient que Crescence fut fait Empereur, af- ^{uers leur}
fin q̄ la maiesté imperiale retournaist de rechief ^{prince.}
en Italie. Mais les Allemans feaulx enuers leur
seigneur, reuocquerent de Romme de par Hen-
ry leur ieune prince Otho, & par voix commune
fut designé Empereur, ce que ratifia le pape Be-
noist.

La premiere guerre qu'eust ledict Otho, fut
contre les Gaullois, qui oublieux de leur pro-
messe auoient inuadé encore vn coup Lorraine,
& prins quelques villes, mais ledict Otho les chaf-
sa, & retint Lorraine. Sus ces entrefaictes, vn prin-
ce Rommain nommé Crescence, vsurpa le nō im-
perial, & exerça grande cruaulté en Italie. Pour-
tát dressa grand' cōpaignie Otho, & vint en Rō-
me, prit Crescēce, luy fait couper le nez & les o-
reilles, & le feist metre sus vn asne, le visaige tour-
né vers le cul dudit asne, & le fait ainsi pour me-
ner pmy les rues de Rōme, puis en la fin le feist

^{Le supplice}
^{de Crescen}
^{ce, pour a-}
^{voir affecté}
^{l'Empire.}

Le tiers Liure des Chronicques

prendre affin qu'il fut veu d'un chascun & moqué, au lieu de spectacle.

De l'origine, & establissement des princes electeurs de l'Empereur en Allemaigne.

*Otho tiers
appellé la
merueille du
monde.*

OTho ayant desia vingt & huit ans de son aage, estoit de si bel esprit, que pour sa singuliere prudence communément on l'appelloit la merueille du monde. Consequemment les subtilitez des Gaullois estoient deslors cõgneues des Saxons. Pourtant apres auoir consideré, que par les papes Rõmains se faisoient tout plein de monopoles contre les Empereurs, & aussi en la republicque, Otho crea Bruno son parent pape de Romme, lequel apres auoir esté constitué en ceste dignité fut appellé Gregoire cinqiesme, & de cestuy, Otho print la couronne imperiale. D'aduãtaige apres que ce tresprudent & discret Cēsar eust consideré que les Italiens & Gaullois tousiours aspiroiēt de paruenir a la haultesse imperiale, & soustraire la dignité des Allemans, & mesme qu'entre lesdictz Allemans y auoit tousiours eu debat & brigue pour l'electiõ, & q̄ ce pẽdant telle monarchie estoit principalement necessaire a la terre Chrestienne, pour garder les papes Rommains & la liberté d'Italie, aussi a conseruer la concorde de religion en toute Europe. Mais pource qu'icelle monarchie ne pourroit durer long temps stable & constante, si elle n'estoit

*Bruno de
Saxoigne,
pape Romain.*

confermée perpetuellement par l'aide & cõfort de quelque particuliere & trespuiffante nation. Pour ceste cause par le support & faueur du pape Gregoire fut determiné & ordonné de faire des Electeurs, qui eussent pour l'aduenir puiffance & authorité d'eslire l'Empereur, leq̃l Gregoire, pource qu'il estoit Alemãd facilement se consentit a la chose tãt necessaire & cõmode: Et affin q̃ paix fut gardée a cause de la religiõ Chrestienne entre les sacrez prelatz & princes temporelz fut deleguée l'authorité de cõstituer & establir l'empereur Rõmain, & fut donné le droict a sept des plus gros princes d'Alemaigne, c'estascauoir a l'Archeuesque de Maience, de Colongne & Treues. A ceulx cy furent adioinctz le prince de Boheme, (or les Bohemes n'auoiẽt point encore de roy) le cõte Palatin du Rhin, le duc de Saxoigne & le Marquis de Brandembourg. Certes ie m'esmerueille que ceste tant haulte dignité ne fut cõmise aux autres princes, q̃ pour lors estoieẽt beaucoup plus puiffantz : Comme le duc de Bauiere, & les ducz de Suaue & Franconie. & principalement le duc de Bauiere, qui par dessus les autres estoit tresprochain affin d'Otho & auecques ce puiffant & opulent. Il auoit a son obeissance Bauiere, & Autriche iusques a Aquilée, laquelle Hery frere du premier Otho auoit vaincue & subiuguée. Semblablement le duc de Suaue estoit du parentaige dudict Empereur Otho. Veritablement le duc de Suaue dit Herman du regne du

A quelz p̃ces fut deleguée l'electiõ de l'empereur Rõmain.

Le tiers Liure des Chronicques

premier Otho , n'ayant heritier male, donna a mariage sa fille a Ludolphe filz du premier Otho, cõtre lequel Ludolphe, Otho son pere auoit fait guerre, ainsi comme il est touché deuant. Or de Ludolphe les ducz de Suaue sont descenduz. Doncques on se peult esmerueilleir qui fut l'occasion de ceste ordonnance, touchant les princes electeurs. noz historiens sont veuz auoir esté tant hebetez de bon iugement, qu'il ennuie a vn chascun d'ouir leur lecture. Iehan Stabius philosophe de l'Empereur Maximilian, m'a racõté plusieurs fois, que ledict Maximilian son seigneur & mecenas, se souloit plaindre de l'asnerie & ignorance des historiens Alemans, pource qu'ilz auoient escript les gestes des tant prudentz & bien renommez princes, (que Dieu auoit donnez au monde) non seulement sans ordre, mais les auoient deprauez & corrompuz en escripuant mal. Et auoit commandé qu'on redigeast par ordre vne Chronicque en brief de toutes les choses dignes de memoire qu'on recueilliroit de tous historiens, ce qui eust certainement esté fait, si il eust vescu plus longuement, ou si l'empeschement de ses gros affaires ne l'en eust destourbé.

Mais quant a moy, i'açoit ce que ie puisse estre veu presumptueux, & peult estre trop hardy, si ie dy ce qu'il m'en semble: toutesfois ie demõstreray les coniectures que i'en ay, affin que ie declare chose certaine d'vn affaire tant grand.

Iehan Stabius philosophe de l'Empereur Maximilian. Les historiens Alemans asmes.

Boheme est paruenue au droit d'election, *Pourquoy a Boheme droit d'election.*
 pour la conuenance de sa situation, & pource que de nature elle est munie.

Otho, prince du sang de Saxoigne a iuste droit a fait cest honneur aux Saxons: Car la duché de Saxoigne estoit tousiours la plus puissante des Alemaignes.

Les princes de Saxoigne parétez d'Otho, pour lors tenoient Brandembourg: parquoy on peult facilement coniecturer qu'Otho fauorisa plus a cesdictes regions, qu'aux autres duchez. *Brandembourg.*

L'estime q la prerogatiue de l'election deuant les autres principaultez aduint aux côtes Palatis, nō point pour autre cause, fors qu'on vouloit faire cest honneur aux posterieurs de Charlemaigne, affin que ceste dignité ne feust seulement aux Saxons, mais vne partie d'icelle fut transmise aux Franconiens, pource que les comtes Palatins de ce teps estoient de la race dudiect Charles le grand. *La comte Palatine.*

Quant au reste, combien merite de louenge ceste ordonnance touchant les princes electeurs, ie ne le puis pas maintenant reciter comme il a parti droit bien. La chose mesmes preue assez l'vtilité & fruiet qui en est forty. Veritablement par ceste ordonnance l'Empire a duré en Alemaigne plus de cinq centz ans. D'aduantage il n'est rien entre les choses humaines meilleur, ne plus salutaire que telles institutions, par lesquelles est orlée l'occasion par apres de changer le gouvernement des Empires, ce qui fut fait *L'vtilité qui vient des princes Electeurs.*

Le tiers Liure des Chronicques

pour certain, par la benignité du souuerain createur . En ceste sorte on pourueut a l'Empire . Et l'Empereur pour certain a beaucoup plus d'aide des princes, pource qu'il est esleu du cōsentemēt d'iceulx , & moins de debat en peult sortir pour l'election , quand les soubhaiçtz des plus grands princes tumbent en vn seul. D'aduantaige quād la maieſté de l'Empire est deleguée a plusieurs ensemble, on peult esperer, quel estat dudict Empire est plus ferme , & plus de durée, que sil demuroit a la succession d'vn sang & lignage. Toutes ces choses la sont cause , qu'aucun discord ne sorte pour l'election , & que le chef de l'Empire occidental soit en vn certain lieu, affin que l'vnité de la religion Chrestienne, & la publique tráquillité soit conseruée soubz vn certain chief par tout le pays d'occident. Iadis les Atheniēs louerent grandement leur ordonnance , touchant les Arcopagites, & les Lacedemoniens leurs ſtatutz touchant les Ephores , & non ſans cause , car par ceulx la leurs republicques demeurerēt lōg tēps fermes & cōstantes. Or ceste cōstitution d'Otho touchāt les electeurs, d'autāt pl^o qu'elle est vtile d'autāt plus elle merite d'estre aprouuée & estimée, p la quelle, la ſtabilité de l'Empire, & la cōſtāce de religiō Chrestienne ont esté gardées plusieurs ans, nō point en vne ville ou regiō, mais en tout occident. Et doibuent leſdictz, electeurs nō pas peu estimer leur prerogatiue. Premieremēt a cause de toute la terre Chrestienne , pource qu'en

uers eulx ceste souueraineté & hauteſſe reſoſe. Ceulx cy ſont cōme vn ferme chef, ou perpetuel lemēt eſt apuīe ce royaulme occidental: Veritablement ilz ſont la racine, de laquelle fault que touſiours naiſſent les Empereurs & Cæſars. Conſequemment en ceste vie ne leur peult aduenir plus haulte & eminente dignité, qui ſurmōte de beaucoup la ſublimité de tous roys & princes. Pourtant ceste ordonnance peult eſtre dicte don de Dieu: Doncques la fault il bien priſer & garder en ſon entier, affin qu'aucune occaſiō ne ſoit donnée de diſſiper ce debonnaire ſtatut, ceste ſalutaire conſtitution & belle harmonie. Enuers iceulx veritablement conſiſte la charge de l'Empire Rommain. Doncques il eſt de neceſſité, que quand leſdiētz Electeurs fauldront, l'Empire auſſi ceſſera, & le iour extreme du iugement ne ſera loing. Car ſoubz lediēt Empire le monde doit prendre fin. On treuve par eſcript que l'inſtitution des princes Electeurs fut faiete,

L'an de Ieſuſchriſt	1002
L'an du monde	4946
L'an de Romme	1752

L'an 201 apres le couronnement de Charlemaigne.

A Pres que fut faiete ceste ordonnance, les Italiens exciterent diuerſes mutineries contre Otho tiers, en forte qu'il n'eult ſceu eſtre aſſeuré

Le tiers Liure des Chronicques

Otho troi-
iesme mou-
rut empoi-
sonné.

en Romme:& eõme il sen alloit en Allemaigne;
fut baillée vne poison a quelcun secretemēt par
la femme de Crescēce, dont ledict Otho fut em-
poisonné, & mourut l'an de son aage trente, &
est inhumé a Aouste.

A Benoisť sixiesme succeda Iehan quinze, pa-
pe 138. Cestuy fut prins par le pere de Boniface,
pource qu'il n'auoit consenty a l'election dudict
Boniface.

A Iehan 15 succeda Iehan 16, pape 139.

Iehan 17, pape 140 suiuit Iehan seiziesme. Ce-
stuy fut prins, & mis hors par Crescence, & de-
manda aide a Otho.

Après Iehan 17, Gregoire 5 fut pape 141. Ce-
stuy fut prince du sang de Saxoigne & fut fait
pape pour la cause que nous auons alleguée de-
uant. Les Italiens adonc s'appliquoient a no-
ualitez contre les Empereurs, si que iamais la
matiere de discord ne defailloit. Parquoy la cho-
se fut veue necessaire pour conseruer la paix pu-
blique, qu'il se feist vn pape Alemand. Mais
toutesfois ce pendant ledict Gregoire fut ex-
pulsé par les Italiens, & fut mis en son lieu vn
nommé Iehan: Mais Otho retourna a Romme a-
uec grand' puissance, & restablit ledict Gregoire
son parent.

Syluestre
pap & Magi-
cien.

A Gregoire 5 succeda Syluestre 2, pape 142.
On dit que cestuy fut Magicien.

Après ce Magicien Iehan dixhuiťiesme fut
pape 143. du temps de cestuy apparut vne come

te d'horrible aspect vers mydi, dont s'ensuiuit apres peste & famine.

*Henry second surnommé le boiteux Empereur
Alemand.*

L'An de Iesuschrift 1003 Henry second de ce Henry se.
cond. nom, duc de Bauiere, fut Empereur. Nous auons dit deuant qu'Otho premier auoit donné a son frere Henry la duché de Bauiere. Je pèse q̄ cestuy Henry Empereur, fut nepueu de Héry a qui fut donnée ladicte duché. Henry frere d'Otho premier, mourut quinze ans deuant la mort de son di& frere Otho. Telle a esté la negligence de noz historiens Alemans, que ie ne m'ose confier a leurs escriptz, & assermer de certain, si cestuy fut filz de Henry ou son nepueu filz de son frere. C'est merueille, que meimes les Chanoines de l'Eglise de Bamberge ne cognoissent de verité la genealogie de leur fondateur.

Cestuy Henry secōd fut fait le premier Em Le premier
Empereur
esleu par la
voix des ele
cteurs. pereur esleu par la voix des princes Electeurs, & regna vint & deux ans. Il fut prudent prince & victorieux, il mena maintes guerres avec grand Les gestes
de Héry se.
cond. heur. Au commencement fait tributaires les Bohemes & Vandelz lassez de batailles. Il assiegea Metz & Gád, & vaicquit Lorraine & Flādes. Il guerroya en Italie cōtre les Sarrazins, & les deicta dudit pays. Lors vainqueur fut couronné a Rōme p Benoist 7. Il conuertit les Hongres a no Estienne roy
de Hōgrie. stre foy, & donna sa seur en mariage a Estienne

Le tiers Liure des Chronicques

roy de Hongrie . Deuant sa mort, par le consentement des Electeurs, il denonça Empereur Conrad François, second de ce nom. Il fut fondateur de l'Euésché de Bamberge & est inhumé en l'Eglise dudit lieu.

Iehan dixhuiétiésme mort succeda au pontificat Iehan 19, pape 144.

Sergius quart, pape 145, suiuit Iehan 19.

Benoist 7, pape 146, suiuit Sergius 4 par lequel fut couronné Henry le boiteux.

Iehan 20, pape 147, suiuit Benoist 7.

Conrad second, Empereur Alemand 14.

Conrad second. **L'**An de Iesuschrist 1025. Conrad François fut fait empereur, Il se tint pres de Spire au chasteau de Limbourg, & regna quinze ans. Au commencement de son regne voiant que tout estoit en trouble, il feist que son filz fust esleu pour son consort a l'empire, affin que quād il seroit en Italie, ses subiectz, en Alemaigne ne fussent sans certain chief, & qu'il n'y eust quelque mutinerie.

Ernestus duc de Suaue. Ernestus duc de Suaue, & les Catules: (les Catules estoient gros seigneurs en Suaue) furent rebelles a l'Empereur : Mais cestuy Empereur les retrencha si bien, & referra qu'ilz obeirēt. Cōséquēment s'en alla en Hōgrie & la rēdit paisible. Il print Bourgoigne, le Liege & le royaume d'Arles, & les rendit a luy obeissantz puis entra en Italie, assiegea Milan, vint a Rōme, & fut couronné

ronné par le pape Iehan 20. Les Rommains s'esleuerent contre luy, mais il les defeist, puis l'apoinctemēt fut fait. Ce pendāt que ces choses se font en Italie, Ernestus duc de Suaue, esmeut nouuelles brigues de rechief, parquoy au retour dudict Conrad en Allemaigne, ledict Ernestus fut mis en fuite, & finablement occis. Conrad dōna la duché a Herman frere d'Eruestus. Plusieurs loix furent cōstruictes par ledict Conrad, qui sont encore au iourd'huy en regne. Soubz cestuy fut fait vn concile a Tribure pres de Maience qui cousta beaucoup, il feit faire l'Eglise de Spire, en laquelle il est ensepulturé, avec Gilese sa femme.

On fait grād' estime de ceste Gilese, elle fut royne de Bourgogne, de la race de Charlemaigne. Premierement fut mariée a Ernestus duc de Suaue, duquel elle eust deux filz, c'estascauoir Ernestus qui fut tué, & Herman: Consequēment fut espousée a l'Empereur Conrad.

Voicy ou est premierement fait mention de la Marche en Austriche, laquelle occupa Albert duc de Suaue frere d'Ernestus l'aisné. Il n'estoit point encore de memoire de la duché d'Austriche, le pays estoit tins des Suaues, qui auoient osté par force Austriche aux Hongres.

Semblablement la comté de Thuringe print son commencement du regne de cest Empereur Conrad: Loys le barbu estoit pour certain affin de la royne Gilese, de la race de Charlemaigne. Or pource que cestuy Barbu, auoit esté longue-

Gilese royne de Bourgogne

La premiere mention de la Marche en Austriche.

Le commencement de la comté de Thuringe. Dont sont venus les seigneurs de Thuringe.

Le tiers Liure des Chronicques

*Loys le Bar
bu.*

ment a la court dudi& Conrad, & auoit tresbien fait son debuoir touch& les charges q̄ luy auoit baillées ledi& empereur, par cela fut fait comte de Thuringe. Doncques les seigneurs de Thuringe sont descenduz de Charlemaigne apres Iehan vîgtiesme, Benoist septiesme fut pape 148. apres la fuite duquel, vn nômé Syluestre achepta la papaulté. Mais qu&d Benoist fut retourné, affin que Syluestre ne fut paisible, il v&dit son droi& a vn tiers qui fut nommé Gregoire. Parquoy Benoist ceda a cestuy : mais Syluestre voulut garder son droi& contre Gregoire. Ceste cōtrouersie cōtraignit l'Empereur Henry le noir a se transporter a Romme, lequel dechassa a iuste droi& ces troys monstres hors de la papaulté, & y mist au lieu Syndegere euesque de Bamberge, qui fut nômé Clement second, pape 149. duquel fut couronné Henry le noir.

*Troys papes
conten-
dantz pour
la papaulté,
depos&.*

*Quand les
cardinaulx
cōmencer&.*

Enuiron ce temps le nom des Cardinaulx cōm&ça a estre en vsaige: parquoy on peult estimer que ceste dignité en l'Eglise, n'est pas vieille.

Or pour cause q̄ gr&ds debatz & noifes estoî&t aduenues, pour la diuersité des voix touch& l'electiō des papes, H&ry le noir fait vne ordōn&ce, qu'aucun pape ne se feroit sans le cōsentem&nt de l'Empereur, & qu'il fust confirm& par iceluy. Ceste cōstitution icy fut fort impugn&e & debatue par les papes Rōmains, en sorte qu'il s'ourdît par apres d'horribles & cruelles batailles, du regne de Henry le quart, & Henry le quint.

Henry tiers dict le noir Empe-
reur Alemand 15.

L'An de Iesuschrift 1040 Henry troisieme ap^{Henry tiers.} pellé le noir, commença a regner, & dura son regne dix & sept ans. Premierement il inuada les Bohemes, mais fut vaincu, pourcé qu'ilz furent aydez par les Hongres. L'an d'apres lesdictz Bohemes furent tant lassez de guerre par ledict Henry, que le prince de Boheme contrainct par necessité, vint a Ratisbonne, & se rendit audict Empereur. Par apres entra en Hongrie, y mena la guerre troys ans, print quelques villes, & contrainit lesdictz Hongres de demâder paix. Consequemment il subiuga le duc de Lorraine, & le rendit obeissant a l'Empire.

Il deiecta de la papaulté trois papes qui contendoient ensemble, & mist a leur lieu vn eueque Alemand, qui depuis fut nommé Clement 2. A Capue il vainquit les Sarrazins. Puis retourné en Alemaigne fait celebrer vn concile a Maience, ou le pape Lyon assista.

Le duc de Bauiere Cuno, qui apres Henry fut ^{Cuno duc de Bauere mutin.} successeur a la duché, se confiant aux Hongres, conspira & sopposa a l'Empereur: il taschoit par ceste voye tirer a luy la possession du royaume, mais les Hongres furent vaincuz par Cæsar, & le ^{Mauuais conseil.} duc de Bauiere expulsé, & bany pour le demourant de sa vie en Hongrie. Bauiere ce pendant estoit sans duc & gouverneur.

Le tiers Liure des Chronicques

Ainçois que mourut Héry le noir, print soing de faire eslire son filz Héry, qui n'auoit que cinq ans seulement, & le feist couronner a Aix la chapelle, affin qu'il y eüst certain chef a l'Empire, & qu'il ne s'esleuast debat pour l'electiõ. Doncques cest enfant royal regna quelque temps soubz la tutele de sa mere. La mere de Henry quatriesme s'appelloit Agnés: elle fut natifue de Pistone côté de Gaulle.

Après Clement, Damase 2, fut pape 150. & occupa la papaulté par force.

A Damase 2, succeda Lyon 9, pape 151. Cestuy fût au concile qui tint a Maience, & hanta la court de Henry le noir quelque temps.

*Berengier
d'angiers
autheur d'er
reur touchât
le sacremēt
de l'autel.*

De son regne Berengier diacre d'Angiers estoit en France, & tenoit que le vray corps & sang de Iesuschrist n'estoit soubz l'espece du pain & du vin, selon l'ordonance de Iesuschrist mesmes. Ceste infidele heresie fut renouuellée en Souice de nostre temps par Zuinglius, & cest erreur fut cõdäné par le pape Lyon au cõcile de Vercelle: mais ce pendät la semèce de ceste meschäceté delaissée aux posterieurs, dõna biē a besongner.

A Lyon 9 succeda Victor 2, pape 152. Cestuy estoit au deuant Euesque de Fichsterte.

A Victor 2, succeda Estienne 9, pape 153.

A Estienne 9, succeda Benoist 9, pape 154.

Nicolas 2, pape 155, suiuit Benoist. Cestuy iesta Benoist hors du pontificat, & fut le premier qui ordonna, que le droit d'eslire vn pape seroit

seulemēt aux cardinaulx pour l'aduenir . Par cestuy de rechief fut condanné Berengier, & contrainct de se reuocquer , de ce qu'il auoit tins & diuulgé touchant le sacrement de l'autel.

A Nicolas 2 succeda Alexandre 2 , pape 156. & lors pour l'election du pape furent a Romme grosses brigues.

A Alexandre 2 succeda Gregoire 9, pape 157. qui estoit appellé deuāt Hiltebrád. Cestuy pourfuiuit, & excommunia Henry quatriesme, & luy mena grosse guerre soustenāt que les papes se feroiēt sans la voix & cōfirmation de l'Empereur, affin que lesdictz Empereurs desormais ne s'attribuassent l'authorité de dominer les papes, de laquelle chose nous parlerōs plus amplemēt, quād se viendra a rouscher de Henry quatriesme.

Henry quatriesme, Empereur Alemand. 16

L'An de Iesuschrift 1057 cōmença son Empire Henry quart apres la mort de son pere estant encore ieune, & regna cinquāte ans. En cestuy cy la vertu des Empereurs de ceste race ne defaillit seulement, mais le royaume de toute Alemaigne tellement commença a decheoir, que iamais par apres ne peult estre redigé en son premier estat, ne recourir entieremēt ses pristines forces. Le pape Hiltebrand fut autheur de ceste misere, qui entre les princes d'Alemaigne sema guerres & dissentions presque immortelles.

Henry quart.

Hiltebrand pape cause de grands maux.

Le tiers Liure des Chronicques

En la ieunesse de l'Empereur Henry, Agnés sa mere gouerna l'Empire en grand honneur:el le tint l'Alemaigne & l'Italie en grád' paix:mais l'Euesque de Coulongne amena secrettement ce ieune prince, qui auoit desia douze ans, & capable de gouerner, & ce pendant cestuy Euesque print le gouuernement du royaulme. D'auantage on dict qu'il le fait tresmal traicter.

Il seroit bien long de racõpter a cest endroit tout l'affaire entierement, ie reciteray seulement les choses plus dignes de memoire succinctemēt & briefuement. Le pere de cestuy Empereur, nommé Henry le noir, auoit fait vne tresbonne ordõnance, touchant l'election de papes, c'estascauoir qu'elle ne se feroit sans la permission des Empe-reurs. Or quand Hildebrád fut pape, au contraire establit vn statut, c'estascauoir qu'il ne falloit qu'un pape fut confirmé par l'Empereur. D'autre part cestuy Henry voulut que la constitution de son pere fut vallable, & que les Empereurs auoient droit de conferer les eueschez de leur Empire, mais Hildebrand ne voulut tolerer cela. Et aduint par apres souuent, que quand quelque Euesque mouroit, l'Empereur y presentoit, & le pape par semblable, & excommunioit le pape celuy que Cæsar y auoit mis. Finablement la misere paruint a ce point, que l'Empereur ne fut seulement excommunié du pape, mais fut cõmandé aux autres princes puissantz, d'essire vn autre Empereur. Et de ce ieu fut ainsi qu'un pro-

*L'ordonance
de Henry le
noir touchât
l'electiõ pa-
pale.*

*La vertu de
Hildebrand
à deroguer
à l'autorité
des Em-
pereurs.*

logue & prothocole, pour faire plaisir au pape, l'Euesque d'Halberstade en Saxoigne. *Ceux qui laisserent le party de Henry pour adherer au pape.* Doncques Otho duc de Saxoigne, & Rudolphe duc de Suaue a qui estoit mariée la sœur de Henry, laisserent le party dudit Henry : aussi feirent plusieurs Euesques, & principalement les Saxons. Du costé de l'Empereur estoient les Bohemes, & les princes Catules, auxquelz, apres auoir expulsé Otho Saxon, Henry leur auoit donné Bauiere. Consequemment quelques autres Euesques estoient pour l'Empereur, & reprouuoient la tyrannie du pape, pour auoir derogué a son plaisir, a l'authorité des Cæsars. Pourtant feirent ilz eulx mesmes des sennes, ou fut aneantie l'excommunication du pape, & ou ilz l'excommunioiēt leur foy.

Lors Henry determina de venir en Italie, pensant apoincter, mais ce pendant par son aduerser partie fut fait vn Empereur en la ville de Phorcen, c'est a scauoir Rudolphe, duc de Suaue, & fut *Rudolphe crée Empereur par les Euesques a Phorcen.* environ l'an de Iesuschrist mil soixante dix & sept. Audit Rudolphe fut enuoyée la couronne de par le pape, ou estoient escriptz ces petitz vers, Iesuschrist qui estoit dict pierre, Donna la couronne a saint Pierre: Et moy qui son lieu represente, Au duc Rudolphe la presente.

Par lesquelz vers voulut Hildebrand donner a entendre, que l'Empire estoit conferé par nostre seigneur Iesuschrist au pape, & que par les

Le tiers Liure des Chronicques

papes deuoit estre dōné aux princes l'un apres l'autre. Pour ceste cause retourna soudain Henry en Allemagne, & ietta Rudolphe hors de Suaue, lequel se retira en Saxoigne, & dōna quelques alarmes audiēt Rudolphe enuiron la riuie-re d'Vnstrot, ou demeurèrent & furent occis les Euesques de Vormace & de Magdebourg l'an 1080 pour le dernier conflict fut guerroié contre Rudolphe a Mersbourg, & en ceste guerre luy fut coupée la main dextre, puis s'enfuirent tous ceulx de son party a la ville de Mansbourg, Et comme lediēt Empereur Rudolphe fut couché au liēt, en la presence de tous ses Euesques, luy fut aportée sa main, & quand il la veit commen-

*La cōplain-
cte de Ru-
dolphe en-
uers les eues-
ques.*

ça a dire, messieurs les Euesques, voyla la main de laquelle i'auois faiēt serment de fidelité a mō seigneur & Empereur Henry: considerés maintenant comme vous m'avez bien conseillé d'auoir laissé son party. Ceste plaincte est totalement digne de pitié, qui approuue que l'entendement de ce bon prince auoit esté perturbé par mauuais conseil, & mesmes se faisoit coupable de seditiō. Or mourut il finalement enuiron l'an 4 de son election. Qui est celuy tant dur & obstiné, que cest exemple icy tant horrible, n'esmeust a obeir a son seigneur & gouverneur, & ne detournast d'estre seditieux & rebelle? les Euesques toutesfoys n'en furent pourtant plus paisibles, & apres ceste aduenture sollicitèrent que le filz de Henry print guerre contre son pere. Le pape Hiltebrād

se glorifioit qu'il auoit eu vision en son dormât, comme l'Empereur illegitime debuoit mourir la mesme année. Mais c'estoit la pphetie de Cai phe: Car la peine du supplice ne redôdoit a l'Empereur, ains aux complices du pape.

*Hiltebrand
pape vn se-
cond Cai-
phe.*

Après ceste victoire Henry vint a Romme, print la ville par force, & le pape Hiltebrand, & le deposa, & en son lieu meist l'Euesque de Raue ne nommé Clement, & de cestuy print la couronne imperiale. Au demeurant Hiltebrand non long temps apres mourut en exil.

Sigebert historien ne prise pas beaucoup ledict Hiltebrand, reprenant les actes dudict pape & disant que sans grande occasion il auoit trouble l'estat de l'Eglise & de l'empire qui estoit pacifique. Il escript d'aduantaige que Hiltebrand en mourant auoit grands regretz de cest affaire, & qu'il auoit donné charge a quelq Ambassade de demander pardon pour luy enuers l'Empereur Henry. Hiltebrand deffendit que les prebstres d'Alemaigne ne se mariaissent, & rompit plusieurs mariages desia contractez.

*Sigebert
historien.*

L'an mil cent trois apres auoir vaincu les Saxons, & occis Ecbert comte de Misne, auquel auoient donné espoir les Euesques d'estre Empereur apres Rudolphe. Semblablement apres auoir en Alemaigne & Italie tout rédu pacifique & tranquille, fut esleu par Henry quart, Henry cinquieme son filz, Empereur. Les Euesques subornerent cestuy a s'esleuer contre son pere, & qu'il le deie-

*Hiltebrand
premier pa-
pe qui rom-
pit les maria-
ges des preb-
stres en Alle-
m. igne.*

Le tiers Liure des Chronicques

Henry assiegea son pere, par le conseil des Euesques. Estast de l'Empire . Ce qui courrouça grandement le bon pere . Doncques Henry l'an mil cent & cinq premierement assiegea son pere a Maïence: Mais les princes reffuserent a batailler, parquoy Henry fut contrainct de leuer son siege, & delaisa Maïence, & s'en vint a Noremberge avec son exercite laq̃lle il print & sacagea en deux moys. Lors le pere poursuiuit le filz, & tous les deux ostz se trouuerent ensemble aupres de Ratisbonne: Mais a cause que les princes se mettoient tous iours entre deux, ne fut point guerroié . Alors le pere fut admonnesté du filz qu'il se gardast de ses propres seruiteurs, parquoy secretement se retira au Liege ledict pere & ce mesme an mourut . Mais pour cause qu'il auoit esté excommunié par Hildebrand pape, fut cinq ans sans inhumer, apres auoir eu son absoulte fut ensepulture en l'Eglise de Spire. Pour le iourdhuy on voit encor des escriptz, enuoiez par Henry pere de cestuy au Roy des François de l'iniure que luy auoit faicte son filz, de la malice & meschanceté de ceulx qui auoient incité le filz enuers ledict pere.

De la prinse de Hierusalem.

Godferoy de Billon.

DV temps de Henry quart on dressa vn exercite en Iudée cõtre les Sarrazins & Turcqs. Et estoit le principal conducteur & chief Gode-

froy de Billon, prince de Lorraine. Et de toute la fleur de la cheualerie Françoise l'accompagna.

L'an 1099 ledict Godefroy fut possesseur de ladiete ville, & soubdain en fut faict roy. Il refusa estre couronné de courōne d'or, pource qu'en ce lieu nostre seigneur Iesuschrist auoit esté courōné d'espines. Cela aduint quatre centz soixante & huit ans apres que ladiete ville fust mise hors de la puissance des Persans par l'Empereur Heracle. Mais par apres bien enuiron treize ans ou plus, les Sarrazins furent seigneurs de Hierusalem.

Consequemment plusieurs ans elapses les Sarrazins furent poulevez hors de Hierusalem par les Turcs. En ce temps de rechief les Chrestiens iouirent de ladiete ville, & rendirent tributaires plusieurs villes & regions d'autour. Ilz tindrent le royaulme enuiron 88 ans, iusques a l'an de Iesuschrist mille cent quatre vingtz & sept, soubz Frederic Barberousse. de rechief Hierusalem fut occupée par le Souldan.

*Changement de plusieurs Duchez en
Alemaigne.*

Quel amas de miserables & calamitez attira avecques soy la guerre ciuile en Alemaigne, esmeue par l'inuention du pape, on le peult bien estimer parce q plusieurs princes & gros seigneurs y laisserēt la vie & les domaines p cy par

*Guerre ciuile
esmeue
par le pape
en Alemaigne.*

Le tiers Liure des Chronicques

la muez & chāgez. Hēry quart dōna la duché de Bauiere aux Catules princes de Suaue . Apres la mort de Rodolphe cestuy donna a son gēdre Frederic de Stauffe la duché de Suaue . La race des princes de Franclant en peu de tēps faillit. Ecbert comte de Misne fut tué . Gebhard pere de Lotheraire qui fut parapres Empereur fut occis en guerre. Brief, la puissance d'Alemaigne fut totalēmēt changée & afoiblie par le discord ciuil des princes. Apres la mort d'Hiltebrand quelque psonnaige nōmé Victor fut esleu pape hors la ville de Rōme par les confortz dudiēt Hiltebrand, en despit du pape Clement . Mais apres la mort dudiēt Victor troisieme de ce nom, des mesmes confortz dudiēt Hiltebrād fut crée pape Urbain secōd. Cestuy retourna en Romme par l'aide des gend'armes qui s'en alloient en Hierusalem . Et quand il fut restably, il expulsa Clement.

A Urbain second succeda Paschal 2 . Premierēmēt cestuy fut prins de Henry cinquiesme. Puis osta la couronne imperiale audīēt Henry.

Henry cinquiesme, Empereur Alemand 17.

Henry cinquiesme,

L'An mil cēt & sept, apres la mort de son pere, Henry cinquiesme print le regime le l'Empire, & regna vingt ans. Les euesques le guerdonnerent comme il auoit bien meritē, pource qu'il auoit ensuiuy le conseil d'iceulx a guerroyer contre son pere, le tresdebonnaire & vertueux Em-

pereur . Cestuy Henry vint a Romme , mais ne peust impetrer du pape d'auoir la couronne imperiale , sil ne faisoit statut deuant , & ratifioit , que sans l'approbation & consentement des Emperours le pape Rommain & les Euesques seroient creés & esleuz . Oultre , par le pape fut mise sus champs enuiron ce temps si grande mutinerie & tumulte , que si l'Empereur Henry luy mesme n'eust mis la main a l'espée , & defendu sa vie , il eust esté occis . Apres auoir eu la victoire de ses ennemys , plusieurs des Rommains furent prins & faitz mourir . Le pape aussi fut prins , & emmené hors de Romme , & comme ledict Empereur Henry luy tint propos de son couronnement , & droit d'election a créer vn pape & les Euesques , ledict pape Paschal se consentit de plein gré , que les Empereurs obtinssent ceste prerogatiue , qu'aucun pape & Euesque ne fust crée sans leur voix . Puis l'Empereur & le pape retournerent en Rōme , & ledict Empereur Héry cinqiesme fut couronné par ledict Paschal .

Exemple de vengeance.

Mais apres le depart de l'Empereur d'Italie , le pape changea de propos , & apres auoir fait conuention , ne reuocqua seulement le priuilege donné audict Henry , ains l'excommunia . Ce que sachant apres ledict Empereur Henry , soubdain retourna en Romme avec grosse armée , & meist en fuitte le pape , & en esleut vn autre en sa place . Ce pendant les Euesques n'estoient oisifz en Alemaigne , qui de rechief esmeurent les Sa-

Le tiers Liure des Chronicques

rons contre ledict Empereur, en sorte que l'Alemaigne fut encore vn coup agitée de discordes mutuelles, & guerroya l'vn d'vn costé & d'autre par courses frequentes, & fut la bataille donnée

*La iournée
de Mansfeld.*

lan 1115 le troisieme de Februrier a Mansfeld, ioignant de la forest Catulaire, auquel conflict demeura le comte Hotere de Mansfeld. Henry voiant que ceste misere ne se pourroit appaiser, & qu'ilz seroient tousiours en guerre & noise, mesmes que les papes Rommains n'auoient iamais cessé, iusques a ce qu'ilz eussent bien donné a belongner a son pere, & a luy aussi, le tres-

*Henry cinq-
iesme ceda
le droit de
eslire les pa-
pes & Eues-
ques.*

debonnaire prince pourueut a la tranquillité publicque de l'épire, & ceda de plein gré au droit de son priuilege. Dõcques a ceste occasiõ la paix fut confermée entre luy & le pape: Consequemment entre les autres princes, & fut publicquement criée au fleue du Rhin, nõ loing de Vormace ou le camp de l'vn & de l'autre estoit planté. Grâce fut la ioye par toute Alemaigne pour l'appointement fait.

Cestuy Henry feit la guerre en Hollande & Lorraine. Consequemment Lothaire duc de Saxoigne, qui apres Henry fut Empereur, vint a Maience en robe longue de gros draps, se iecta a deux genoux deuant l'Empereur Henry luy demandant pardon, ce que voiant ledict Empereur, luy pardonna facilement, ainsi qu'il estoit misericordieux & bening. Cestuy Henry cinqiesme n'eust aucun hermasle, parquoy la duché de

Francland escheut a Conrad filz de Frederic de Stauffe, & de la seur de Henry cinquiesme.

A Paschal z succeda Gelase 2. cestuy fut deiecté de Romme par Henry cinquiesme, & a son lieu fut mis le pape Gregoire. Gelase mourut en exil en France.

Après la mort de Gelase second, Calliste 2 fut esleu pape en France. Cestuy vint a Romme, & eust quelques guerres avec Gregoire Antipape, lequel Henry cinquiesme auoit posé au pontificat. Finablement Gregoire fut prins & mis sus vn asne, le dos tourné a la teste dudit asne p derision. Soubz Calliste la paix fut faicte avec l'Empereur Henry cinquiesme.

A Calliste 2 succeda Honorius 2.

Après Honorius Innocent 2 fut faict pape. En despit de cestuy, fut esleu pape Pierre Leonis, qui se fait appeller Anaclete. De cestuy a force fut expulsé Innocent. Lothaire appaisa ce discord, qui par apres fut couronné par Innocent.

*Lothaire Saxon, dixhuitiesme Empereur
Alemand.*

L'An de Iesuschrist 1127 Lothaire duc de Saxoi *Lothaire Sa*
ne, fut faict Empereur par les Electeurs, le pe ^{XOR.}
re duquel nommé Gebhard fut tué par Henry
quatriesme. Lothaire regna treize ans.

Par apres cest empire Alemand fut affligé & persequuté de merueilleux assaultz. De rechief

Le tiers Liure des Chronicques

feſſeua vn grand & long tumulte contre Lothaire. Veritablement les Suaues & Franconiens, qui auoient deſia longuement guerroié avec les Saxons, auoient mal au cœur, de ce que la haulteſſe de l'Empire eſtoit tumbée aux Saxons. D'aduan taige il y auoit des filz des ducz de Suaue, engendrez & produictz de la ſeur de Henry cinqueſme. Auxquelz, querelloient leſdictz Suaues, debuoit appartenir de droit l'Empire. Henry cinqueſme auoit donné a Cōrad Suaue ou Lāſquenet ſon neveu, filz de ſa ſeur la duché de France orientale. Et a ceſtuy fauoriſoit le comte Palatin Geofroy, duquel Cōrad fut eſleu Empereur, & ſuiuirēt le party de ceſtuy les villes de Suaue & Franconie.

Conſequēmēt le duc de Bauiere Héry Catule, adhera a Lothaire, il eſtoit gēdre dudiēt Lothaire au nom duquel, la poſſeſſion de Saxoigne appartient aux Bauariens par ſucceſſion hereditaire. Et les Seigneurs qui pour le iourd'hui ſont appelez les princes de Brūſuig, ſont du ſang de Bauiere, du coſté de Henry Catule duc de Bauiere.

*Les princes
de Brūſuig
deſcenduz
des Catules.*

Or affin que Conrad anticipaſt Lothaire, vint en Italie, & occupa la Lombardie, ou il fut couronné de la couronne de fer. Ce pendant les villes de Spire, Vlme & Noremburg furent aſſiégées & prinſes par Lothaire, puis pourſuiuit Cōrad en Italie. Ceſtuy Saxon plus garny de prudence & cautelle que Conrad penſa que ſans le ſupport d'Alemaigne lediēt Conrad ne pourroit retenir l'Italie. Pourtant quand congneut Conrad

rad que les villes d'Alemaigne estoient perdues, & qu'il ne failloit plus esperer d'aide des Alemans pour garder l'Italie, delaiſſa les Itales, & par le moyen de ſainct Bernard feiſt apoinctement avec Lothaire, & luy quitta l'Empire.

Sainct Bernard fut cauſe de la paix entre Conrad & Lothaire Emperours.

Lothaire alla deux foys en Italie. Premièrement pour appaiſer l'emotion ſourſe en Rome contre Innocent, pource qu'un autre eſtoit eleu pape. Puis apres ſe transporta en Italie, contre un nommé Roger, qui auoit inuadé la Campagne, & la Pouille. Il ieſta ledict Roger hors d'Italie, mais apres la mort de Lothaire Roger retourna.

*Du reſtaſſement & reſtitution
des loix Rommaines.*

Lothaire n'eſt ſeulement priſé, pour ſa grand' proueſſe aux armes, par laquelle il meſt en paix & ioieuſe tranquillité les affaires d'Italie & Alemaigne: mais auſſi pour la diligence & amour qu'il auoit enuers la religion Chreſtienne & cultiuement de Dieu, & a la reparation des bonnes loix. De ſon temps fut en Italie un homme de grand ſcauoir nommé Vuernhere, lequel Accurſius appelle ſouuent Irnere, & ſe tenoit avec la royne Mechtilde. Ceſtuy trouua les liures des loix Rommaines deſia tous moiſiz, & couuertz de pouldre es librairies, & les reduiſit & re

Vuernhere reſtituteur des loix.

Le tiers Liure des Chronicques

mist en clarté. Lesquelz Lothaire commanda interpreter & declairer publicquement aux colleges, & de rechief qu'on procedast en iustice & iugementz imperiaux selon icelles loix.

*Louëge &
vtilité des
loix.*

Doncques a ceste occasion fut remis en vsaige ce beau thresor, auquel nul autre est a comparer pour son vtilité & pretiosité, duquel certainement sont procedées innombrables commoditez. Le premier certain droict, conforme a raison humaine fut restably par toute l'Europe. Certes toutes regions, & toutes autres loix vsent de ce droict Rommain, a cognoistre iustice & equité, quasi comme si c'estoit leur reigle & compas: car il est consonant a l'honesteté publique. Consequemment ces droictz icy restaurez, ne sont pas peu cõducibles & fructueux aux affaires comunz de la vie humaine, mais aussi donnent enseignement des bonnes meurs, ce qu'il ne se treuve gueres souuent aux autres liures. De ce droict icy restably, la netteté & mundicité de la langue latine a commencé quasi a renaistre & refleurir. Or apres que l'estude de cestuy droict fut instituée, soubdain on vit tout plein de grands clerics legistes, qui prindrent soing d'interpreter les loix, & telz droictz, & les reuocquerent en comun vsaige. Certainement ie ne me puis assez esmerueller, comme les hommes de ce temps acquirent si grãd science, auquel l'vsaige de la langue latine, les hi-

stoires, & finablement toutes les vieilles sciences Rommaines estoient delaissées & aneanties; en sorte qu'on peut estimer facilement, que ces premiers legistes estoient personaiges non seulement soigneux & diligentz en l'estude, mais de grand esprit, prudentz, & tresexperimentez a l'vsage des republicques: Car sans ceste exercitation, il n'eust esté possible, cognoistre les loix Rommaines. Doncques ces mesmes docteurs de droit, ne sont pas a estre reputez moindres, que les legistes anciens, c'estascauir Vlpian, Seruius & les autres.

Azo qui est vn des principaulx commentateurs du droit, fut du temps de Lothaire. Apres cestuy vint Accursius, & estoit du regne de Frederic second. Soubz Henry de Luxembourg furent plusieurs docteurs de grand bruit, comme Barthole & autres. Gratian qui assemble les liures de decret, fut du regne de Lothaire. Au deuant aussi il y auoit telz & semblables liures. Vn liure de ceste sorte auoit esté composé de quelque Euesque de Vormace, qui pour lors estoit en cours, & lequel nous auons veu de nostre aage. Quant au reste, apres que l'estude des loix, eust commencé par tout a fleurir, & que gens d'esprit, & grands clerics y mirent leur phantasie, comme il aduient souuent d'une chose nouvelle, aucunz moynes voyantz que la theologie commençoit a refroidir & a

Azo.
Accursius.

Barthole.
Gratian.

A quelle occasion les moynes commencerent a estudier en theologie.

Le tiers Liure des Chronicques

estre contennée, a raison de l'estude des iuristes, pour tant commencerent ilz a faire valoir l'exercice de theologie, & a l'exemple des legistes instituerent disputations scholasticques des choses sainctes. & fut la le commencement de theologie scholasticque, dequoy peu apres nous parlerons amplement.

*Conrad Lansquenet, Empereur
dixneufiesme.*

*Cōrad Lās
quenet.* **L'**An de Iesuschrist 1140 Conrad duc, natif de Suaue succeda a Lothaire Saxon a l'Empire, & de Henry cinqiesme fut fait prince des François orientaulx. Il regna quatorze ans. Cestuy ne fut couronné d'aucun pape. Il print les armes contre Lothaire, ainsi que nous auons dit deuant, mais fut contrainct de se rendre audict Empereur Lothaire: mais apres la mort dudit Lothaire, la succession de l'Empire escheut audict Conrad: iaçoit ce que Henry duc de Saxoigne & de Bauiere, gendre de Lothaire affectast la dignité. Cestuy Henry assiegea Conrad a Auguste, mais Conrad le deffit, & donna la duché de Bauiere au comte d'Autriche. Mais ceste guerre ne fut pas longue: Car peu de temps apres Henry mourut en Saxoigne, & fut porté au sepulchre de son beau pere Lothaire. Parapres pour la duché de Bauiere le duc & l'Empereur

Conrad eurent guerre contre vn prince nommé Catule, mais l'entreprinse dudit Catule fut vaine : pour ceste cause finalement fut reconcilié ledit Catule a Conrad a la faueur de Frederic qui parapres fut Empereur . Conrad par le conseil de sainct Bernard avec plusieurs princes & grosse armée feit le voyage de Hierusalem , contre les Sarrazins ennemys de nostre seigneur Iesuschrist , contre lesquelz aussi dressa gros exercite Loys roy des François , mais plusieurs soudartz furent occis , par la trahison d'Emanuel Empereur de Constantinoble . Ce pendant plusieurs conflctz furent faitz des nostres en Asie & Hierusalem . Au quatriesme an apres cest appareil de guerre Conrad reuint en Allemaigne, mourut a Gemund , & fut enterré a la ville de Lorches.

Conrad alla en Hierusalem contre les Sarrazins par le conseil de saint Bernard. Emanuel Empereur de Constantinoble peu fidele.

En la bataille faite contre les Catules, Conrad print la ville de Vucinsbourg & le chasteau, situez non loing de la riuere de Necchare . Lors commanda qu'on fait prisonniers tous les gens de cheual:aux femmes fut permis s'en aller leurs bagues saulues , & porter tout ce qu'elles pourroient porter : adonc laisserent leurs bagaiges, & aymerent mieulx porter leurs enfantz . Or comme aucunz debatissent la chose, voulantz retenir les enfantz prisonniers , disantz que l'Empereur auoit permis porter les biens & non pas les enfantz . A ceste heure la ledit Empereur

Le tiers Liure des Chronicques

*La vertu
des gentils
femmes de
la ville de
Vucins-
bour.*

Conrad print si grand plaisir a veoir la vertu de ces gentils femmes, qu'il ne permist seulement qu'elles emportassent leurs enfantz, mais aussi toutes leurs richesses & biens.

A Innocent 2. succeda le pape Celestin 2.

A Celestin 2. succeda Lucius 2.

Après Lucius 2, fut fait pape Eugene 3.

Contre cestuy fut fait vn autre pape par les Romains, duquel fut deiecté ledict Eugene, mais avec l'aide des François, retourna a Rome, eust la victoire de son ennemy, & fut restably.

A Eugene 3 succeda Anastaise 4.

Le pape Adrian quart suiuit Anastaise. De cestuy fut couronné Frederic Barberousse: mais parapres suiuit le party de Guillaume de Sicile, qui tenoit Naples, & assubiecit les Lombardz, par coniuration faicte contre l'Empereur, Cestuy pape excommunia Frederic, & concita maintes lamentables batailles en Italie. On treuve par escript qu'il disoit vn peu deuant qu'il mourust qu'en toute la terre n'y auoit point espece de vie plus miserable, que la papaulté, & que par sang conquerer le pontificat, ce n'estoit l'office de saint, mais conuenoit mieulx a Romulus faire telz actes, qui pour la monarchie Romaine auoit occiz son frere Remus.

*Guillaume
de Sicile.*

*La desloy-
aulté & ty-
rannie du pa-
pe.
Les regrets
du pape a la
mort.*

Ces parolles la tesmoignent assez, qu'il se re-

penoit de la controuersie emprinse contre l'Empereur Conrad.

Après Adrian, grand scisme s'esleua. Les Rōmans eslirent vn cardinal nommé Octauian, qui fut parapres appellé Victor. De quelques vnz fut esleu Alexandre 3. Frederic Barberousse fauorisa Octauian comme vray pape, mais pendant fait faire assemblée, & fut disputé, ascauoir mon lequel debuoit demeurer: mais Alexandre repudiant l'autorité de telles conuentions, se retira en France, & excommunia Frederic. Finablement a l'aide des Italiens, Alexandre iouist de la papaulté, & retourna en Romme, ou vint parapres Frederic, mais Alexandre craignant, s'enfuit a Venise, ou fut faite finablement la paix. Mais de ces choses nous en parlerons plus amplement en l'histoire de Frederic.

Le tiers Liure des Chronicques
 Frederic premier de ce nom,
 nommé Barberouffe vingtiesme
 Empereur Alemand.



Frederic
 barberouffe.



'An de Iesuschrist 1152 Frede-
 ric premier de ce nom, dict Bar-
 berouffe, fust esleu Empereur,
 & regna trête sept ans. Cestuy
 estoit descêdu de la noble mai-
 son des Suaues, nepueu de Con-
 rad, filz de son frere, prince de hardiessse, magna-
 nimité & iustice. Et ainsi comme ie puis confide-
 rer par ses gestes, il semble que cestuy Frederic
 tres humain Lansquenet, ne peult endurer les in-

ieurs que les papes Rommains luy faisoient : Et cela fut cause qu'il les traita assez durement. Au commencement de son regne meit en bõne paix Bauiere & Austriche & restitua a Henry Catule duc de Saxoigne, filz de Henry gẽdre de Lothaire la duché de Bauiere. Il feit Henry son parent comte d'Austriche, & meit bournes entre ces deux duchez maintenant dictes. A ceste heure la commença la duché d'Austriche. Or Henry Catule ne tint pas longuemẽt Bauiere: Pourçe qu'il laissa le party de Frederic en Italie, & concita enuers lediẽt Frederic en Alemaigne nouvelles mutineries; parquoy fut debouté par lediẽt Empereur, & la duché de Bauiere fut donnée a Otho de Vuitelsbach. Et du sang de cestuy Otho, ces princes qui pour le iourdhy tiennent Bauiere, & les comtes Palatins du Rhin, sont descenduz. Consequemment donna il droiẽt d'eleciõ de Saxoigne au prince d'Anhalt nommé Bernard. Hery s'enfuit en Angleterre avec sa femme & ses enfantz: Mais finablement quand fut retourné, fut fait appoinctement, par lequel Henry Catule debuoit obtenir la duché de Brunsuig. Lors Philippe Euesque de Coulongne avec grosse gẽdarmerie osta Vuestphalie de la duché de Saxoigne.

Quãd la duché d'Austriche commença.

Dont vindrẽt les ducx de Bauiere, & comtes Palatins.

Frederic assiegea Lubecque, & la rẽdit obeisante a l'Empire. Contraignit le roy des Danois a demander paix. *La ville de Lubecque.*

Lors les Milannois se monstrantz rebelles, *Milan.*

Le tiers Liure des Chronicques

s'efforçoient reduire a leur tenement les autres villes d'Italie. Or ce desir, ardeur & appetit de dominer, dure encore iusques a ce iourd'uy chez les Italiens: Pour ceste cause Frederic se transportant en Italie, pacifia tous troubles & dissentiōs. Parapres le pape Rommain sollicita les Milanois, & les autres villes a conspirer contre Frederic, & mesmes l'excommunia. a ceste occasion, pour la quatriesme fois alla en Italie, subiuga & meist a sac Milan, & essaia toutes les voies & manieres d'accorder avec le pape, mais ce fut pour neant: car on ne sceut destourner le pape Alexandre troisieme, qu'il ne fait fâcherie a ce prince tant humain: Pourtant retourna ledict Frederic a Romme, mais Alexandre s'en fuit a Venise, lors le filz de Frederic nommé Otho fut enuoie contre les Venitiens, apres la prise duquel en bataille nauale, la paix se fait. Frederic voioit pour vray, qu'en nulle sorte ne se pouoient appaiser les papes Rommains. D'aduantage consideroit, (oultre que son filz estoit prisonnier), les aduentures & infortunes, qui estoient aduenues a ses predecesseurs Empereurs: Parquoy vsa d'humilité bien grande. Il vint a Venise & deuât la porte du tēple se meist a deux genoux deuât le pape, & permist estre foulé aux piedz: Aussi commanda ledict pape qu'on criast ce diâō de luy, tu marcheras sur l'Aspic & le Basilisc, puis fut absoulz. Frederic au contraire comença lors a dire, ie me rends humble a saint

*Frederic ex
communié
du pape.*

*L'humilité
de Frederic.*

Pierre, & non a Alexandre. A quoy respondit Alexandre, l'humilité est exhibée a moy & a saint Pierre. Quant au reste, touchant ce cas que feist le pape, & ce qu'on en doibt estimer, i'en laisse le iugement aux lisantz. Batailles furent concitées par les papes souuent sans cause legitime. Alexandre querella a cause de sa particuliere election, & iamais ne voulut qu'aucun concile en fut tint, ne n'en voulut faire autre appoinctement. Et oultre cest oultraige, & iniure, pour son plaisir & fierté il vfa de grand' rudesse enuers la souueraine puissance de la terre Chrestienne, quand il foula aux piedz cediect Empereur, lequel Dieu a commandé honorer & priser.

Ceste transaction & appoinctement ainsi fait, Frederic eslisit son filz Henry pour estre son cōfort a l'Empire, l'an mil cent octante six. Affin que la dignité imperiale ne demeurast sans recteur, ce pendant qu'il feroit vn voiage en Asie. Il feist auoir la fille de Roger dicte Constance a son filz en mariage; Parquoy retourna le Royaulme de Sicile & de Naples, a l'Empire, & aux Alemans, & donna charge a son filz ieune Roy de gouverner l'Italie. Nō long temps apres avec tresgros appareil, & aussi grāde compagnie de tresnobles princes s'en alla en Asie, pour recouurer la ville de Hierusalé, qui de nouveau auoit esté perdue. Cestuy Frederic print en Cilicie maintes grosses & trespuissantes villes, & deffist les Sarrazins & Turcqs, donna si

*La grād' ty
vāne du pa
pe Alexan-
dre 3, enuers
l'Empereur
Frederic.*

Le tiers Liure des Chronicques

grād' terreur au Souldan qu'il feit demolir & raser a fleur de terre, les murailles de maintes grandes citez en Syrie, soy deffiant qu'il ne les pourroit garder ne retenir: puis s'en fuit en Aegypte. Les roys de France & Angleterre desia estoient arriuez en Asie avec grosse gend'armerie: Mais qu'aduint il, ce pendant qu'ilz estoiet tous amassez ensemble? Certainement fortune, qui n'est toujours bonne, commença a leur mal vouloir. Frederic apres auoir prins Armenie, pour se refrigerer, a raison de la grand' chaleur qui pour lors estoit, entra a cheual dedens vne impetueuse riuere, & fut illec noyé. l'ã 1189. Et ne se doit on esmerueiller si Frederic fut pery en ce fleue: Car les histoires racomptent de luy que souuent se mettoit en l'eau. En son autre voiage a Milan, les Italiens auoiet posé leur camp de l'autre costé de la riuere d'Abdue, qui n'est pas moindre q' Aulbe, & se mocquoient de Frederic, qui avec son ost estoit de l'autre part, estimantz qu'ilz se pouoient gaber & truffer de luy, sans qu'il leur peust nul mal faire, pour ce que la riuere estoit entre deux. Lors ledict Empereur hardiment se va iecter dedens le fleue, & commāda a ses gens de cheual le suiuir, ce que les Italiens n'eussent iamais pensé qu'il eust fait, a ceste raison estoient en desordre, les vnz couchez, les autres faisantz courses cy & la: Parquoy prindrent tous la fuitte, & furent deffaitz a peu d'exercite. Ce fait icy tesmoigne que cestuy Frederic estoit de gran

*Frederic ne
craignoit a
se merre sou
uēt en l'eau.*

de audace, & aussi qu'il n'auoit craincte se iecter pour peu de chose dedens l'eau. Le prince de Boheme fut fait Roy par Frederic, pour sa grande fidelité de laquelle il auoit vsé enuers ledict Empercur, a son voiage de Milan.

La principauté de Boheme, erigée en royaume.

A Alexandre 3 succeda le pape Lucius 3.

A Lucius succeda le pape Urbain 3.

Urbain 3 mort, Gregoire 8 fut fait pape.

A Gregoire 8 succeda Clement 3.

Celestin 3 suiuit Clement 3. Et de cestuy fut couronné Henry filz de Barberouffe.

*Henry Barberouffe vingt & uniesme Empercur
Alemand.*

L'An 1190 Apres la mort de Frederic, Héry sixiesme, filz dudit Frederic, fut Empercur, & regna sept ans. Il feist grosse guerre en Pouille, & finablement conquesta tout le royaume. En Alemaigne pour aduersaires eust les Euesques de Colongne & du Liege, consequemment les Bourguignons. En ce conflict fut tué d'un coup de ferrement l'Euesque du Liege, & de ceste aduerture esmeuz, les autres cesserent leur entreprinse, & volontairement obeirent. Cestuy Henry du contentement des Electeurs, crea Empercur son filz Frederic, encores ieune enfant. L'election fut confirmée par les seaulx desdictz electeurs, & fut cestuy nommé Frederic second. Mais Henry, ains qu'il mourust bailla l'enfant a tutelle, a son frere

Henry sixiesme.

Frederic second.

Le tiers Liure des Chronicques

Philippe, ensemble le gouvernement de l'Empire, lequel mesmes du viuant dudict Henry eust le regime imperial.

Innocēt 3 suiuit Celestin 3. Cestuy persequuta l'empereur Philippe, & racópte l'on qu'il disoit, qu'il vouloit oster la couróne audict Empereur, ou que ledict Philippe luy ostant son mitre. Il couronna au lieu de Philippe Otho Saxon, mais l'amitié ne dura gueres longuement: car Otho bien tost apres fut excommunié par ledict pape.

*Philippe filz de Frederic Barberouffe 22 empereur
Alemand.*

*Philippe
Empereur.*

L'An 1198 Philippe filz de Barberouffe fut esleu empereur, cestuy estoit duc de Suaue, & grand gouuerneur d'Italie soubz l'Empereur Héry: il regna 10 ans. De son temps grandes mutineries sourdirent en Alemaigne. Apres la mort de Henry, soubdain feist retour d'Italie en Alemaigne, & admōnesta les princes electeurs, d'eslire le ieune prince Frederic son nepueu qui ia auoit esté designé Empereur: Et affin que l'Empire ne souffrist mutation, qu'on le feist gouuerneur, ou Empereur, sans y eslire quelque autre prince. Or quād cecy eust senty Innocēt pape Rōmain, il sollicita a bō esciēt les princes electeurs, affin qu'un autre Empereur fust esleu: Monstrāt apertemēt qu'il n'édureroit q' Philippe le fust, il le hayoit, pource que lors qu'il estoit grād gouuerneur d'Italie, luy auoit faict quelque dueil, p'quoy auoit

esté excōmunié dudiēt pape: Mais quelque legat l'auoit absoulz, qui parapres en fut puny par lediēt Innocēt. Mais qu'est il question de si lōg narré? Brief le pape hayoit toute la race de Frederic, & tafchoit a l'aneātir du tout. Pourtāt Bartholde duc de Zeringē fut crée empereur par les electeurs, qui oultre ce qu'il estoit trespuissant en richesses, n'acquist iamais autre gloire ne los. Philippe lors estoit en la ville de Mulhausem, ou plusieurs princes de Boheme, Saxoigne, Bauiere & Suaue estoiet arriuez, par lesquelz fut lediēt Philippe fait Empereur. Mais incontinent que le duc de Zeringen congneut qu'il estoit moindre de puissance & force que n'estoit Philippe, vint frāchemēt a luy, & se rēdit cōme a son seigneur, refusant estre appellé empereur. Mais le pape Rōmain ce neaumoīs ne se departist de son emprinse: ains fait que le prince de Brūsuig, nōmé Otho quart, filz de Hēry qui fut exilé, fust fait Empereur. Et parapres le conferma & couronna lediēt pape Innocent, & excommunia Philippe, parquoy plusieurs princes laisserent le party de Philippe, & se retirerent vers Otho: Entre lesquelz estoit le prince de Boheme, le Comte de Thuringe Herman, & l'Euesque de Strabourg. Mais ce pendant nostre Seigneur Dieu toutesfois fortuna les besongnes de Philippe, en sorte que le surplus de sa vie regit l'Empire.

*Bartholde
duc de Zeringen,*

Otho quart.

*Nostre seigneur Dieu
a bien fortuné les affaires
de ceulx
qui estoient
droictement
esleuz.*

Premieremēt alla en Alsate, & print Argētorat, & contraignit l'Euesque de Strabourg se rendre

Le tiers Liure des Chronicques

a luy. Sus ces entrefaiçtes Otho estoit venu iusques a Spire, mais fut mis en fuite par Philippe iusques derriere Saxoigne, & comme lediçt Philippe le poursuiuoit en Thuringe, en ce lieu estoient venuz au secours d'Otho, le roy de Boheme & le comte de Thuringe, lesquelz n'en voulurent mëger & se rendirent a l'obeissance de l'Empereur Philippe. Puis assiegea Couloigne, & feit rēdre l'euesque dudiçt lieu, lequel combien qu'il eust couronné au parauant Otho, si fust il contrainçt de donner la couronne de rechief a Philippe a Aix la chapelle. Non long temps apres Otho a main armée acompaigné d'aucuns Euesques vint a Couloigne, & destitua l'Euesque; pource qu'il festoit reuolté de son party, poursuiuit Philippe. Consequemment lediçt Philippe feist retenir a Couloigne, & guerroia plusieurs fois contre Otho, & eust la victoire: mais Otho senfuit en Angleterre.

Finablement quand les princes veirent que le costé d'Otho estoit fort affoibly, & que Philippe estoit prīce pour entretenir l'empire, d'aduantage qu'il se monstroit fort familier a eulx, se tirerent de son party. Cestuy eust a femme Irene, fille de l'Empereur de Constantinoble, de laquelle il eust quatre filles, desquelles l'vne fut mariée au filz du roy de Boheme, l'autre au due de Brabant. Or quand les princes veirēt ces choses, delibererēt d'appaiser la cōtrouersie d'entre Otho & Philippe: Puis fut enuoīee ambassade

*Irene fille de
l'Empereur
de Constans
tinoble.*

au pape pour faire apoinctement entre luy & l'Empereur Philippe, & moyennerent que Otho fut receu en grace. Doncques furent par apres d'autre part enuoyez ambassadeurs par le pape en Alemaigne, & fut Philippe absoulz de son excommunication. L'apoinctement fut fait tel; c'est a scauoir q̄ Otho auroit vne des filles de Philippe en mariage, afin que le lyen de familiarité & concorde fust entre eulx deux plus constant & ferme.

Or quand ceste paix fut establie, Philippe par apres se tint a Bamberge; & quelque iour comme vn chirurgien le seignoit, n'ayant suspeçon d'aucun mauuais affaire le bõ prince, estant seul, au moins n'ayant pas grand train avecques luy en sa chambre, fors seulement son chancelier & son escuier de Vualpurck, soubdain va faire entrée en sa chambre Otho de Vuitelspach, la race duquel Frederic premier auoit fort esleuee & mise en credit. Cestuy voiant que l'Empereur n'auoit pas grand' compaignie, ne grand' aide, tire son espée, & luy en donne a la gorge. Lors l'escuier oyant ce bruit accourt pour secourir son prince, mais ce larron meurdrier se sauue a la fuite par sa legiereté. De ce coup mourut Philippe, & fut ensepuely a Bamberge: Mais par apres le corps fut transporté a Spire, par le commandement de Frederic second, & fut escript sur sa tombe, Philippe de Bamberge. Or ce meurdrier Otho de Vuitelspach ne fut priué finable-

Philippe occis en trahison, par Otho de Vuitelspach.

Le tiers Liure des Chronicques

Exemple de vengeance. ment de sa punition meritée : car luy mesme fut tost apres tué vilainement.

De l'institution de l'ordre des moynes mendiens.

*Sainct Do-
minicque.
Sainct Frã
çoys.*

DV regne de Philippe, sainct Dominicque & sainct François establirent l'ordre des moy- nes mendiens. Veritablement ceulx qui estoient pour lors chanoines, & moynes rentez, deuenuz puiffantz & riches seigneurs, ne tindrēt pas grãd cōpte de prescher & faire leur debuoir a l'Eglise, mais a tous propos prenoient guerre contre les Empereurs & autres gros princes. Doncques ces deux personnaiges sainct Dominicque & sainct François, voiantz l'abus, qui pour ce tēps estoit en l'Eglise commencerent a respandre la parolle de Dieu, & assemblerent compaignons avecques eulx, hommes modestes & pacifiques, & gens de letres, comme ilz estoient : Et en ce poinct fut le commencement de ceste besongne. Puis a leur exemple tout plein d'autres ordres furent. Comme il aduient souuent, toutes les foys qu'on a en admiration choses nouvelles. Mais tout ainsi qu'entre les choses mōdaines rien n'est constant, & de perpetuelle durēe en son degre: ainsi nous voions de present les ordres des moy- nes & tous autres estatz auoir perdu leur pristin mode de viure, si qu'il n'y a plus du premier drap.

Otho quart, uingtetroisiesme
Empereur Alemand.

L'An de Iesuschrift 1209 apres la mort de Philippe, la haultesse imperialle escheut a Otho prince de Brunsvuige, lequel au parauant auoit esté fait Empereur en despit de Philippe. Il regna apres le deces d'iceluy Philippe quatre ans. Et entre lesdictz quatre ans premierement alla a Romme, & receut la couronne imperialle du pape Innocent. Il vfa en Italie d'un royal & sumptueux appareil, & demonstra vne noble grauité enuers les princes & les villes, en sorte que tous en humilité l'honorèrent & reuererent. Apres son couronnement print quelques villes appartenantz a l'Empire, que le pape detenoit, mais cela fut cause que l'amitié d'entre luy & le pape fust rompue. Pourtant Innocent l'excommunia, luy estant encore en Italie, & deuant son retour en Alemaigne, & enuoia son ambassade aux princes electeurs, qu'ilz eussent a eslire Frederic second filz de Henry sixiesme.

Ce fut vne chose certes cruelle & orgueilleuse, que les Empereurs fussent ainsi excommuniés par les papes, & non seulement excommuniés, ains deiectez de leur Empire, tellement qu'on n'en peult estimer chose honneste; principalement si on considere les causes & raisons: Ceulx cy ensuiuantz, furent tous par ordre

Otho quart

La cruauté
et orgueil
des papes.

Le tiers Liure des Chronicques

excommuniez par les papes, & estoient ce pendant trespuissantz & saiges Empereurs, qui firent de grands & excellentz actes.

*Les Empe-
reurs excom-
munez par
les papes.*

Henry quatriesme, natif de Franconie.
Henry cinqiesme François oriental.
Frederic premier, Lansquenet.
Philippe, filz de Frederic premier.
Otho quatriesme, duc de Brunsvuige.
Frederic second, filz de Henry sixiesme.
Conrad, filz de Frederic.

L'an 1212 Otho feit retour en Alemaigne, iacoit ce qu'il congneust estre mal voulu des princes, toutesfoys les feit conuocquer a certain iour au concile de Noremburg, ou il admonnesta lesdictz princes, de ne vouloir permettre ce droit aux papes Rômain, de deiecter de l'Empire les Empereurs a leur plaisir, & que la dignité apartenoit aux princes Alemans, & non au pape. Par ceste adhortation il attira a soy quelques vnz d'entre lesdictz princes, & inuada Herman comte de Thuringe pere du comte Loys, auquel estoit mariée sainte Elizabeth. Or affin que ledict comte Herman eust la grace du pape, il contrevint a l'Empereur, côme a vn homme condamné & deiecté par les anathemes & excommunications papales. Lors fut Otho delaiissé de tous les princes, fors du comte de la Marche en Misnie. Doncques l'ennemy d'Otho, Frederic le ieune,

*Sainte Eli-
zabeth.
Herman cō-
te de Thu-
ringe.*

vint en Alemaigne : puis par la sollicitation du pape, le roy des François print les armes contre Otho . Puis quand les nouvelles furent venues audict Otho, de l'arriuée de Frederic, delibera aller contre ledict Frederic iusques en Alsate, il estoit a Brisace avec son ost, mais fut abandonné de ses souldartz, si qu'il fut contrainct de fuir iusques en Saxoigne. Puis apres auoir ramassé sa gē d'armerie, secouru aussi du roy d'Angleterre, eust guerre contre le roy des Gaulloys es basses Alemaignes, duquel fut vaincu, & mourut apres l'an 1218 . Il vesquit priué du tiltre de l'Empire cinq ans.

*Frederic second, uingtquatriesme
Empereur Alemand.*

L'An de Iesuschrist 1213 Frederic second de ce Frederic 2.
nom, filz de Barberouffe, roy de Naples & de Sicile, & duc de Suaue, apres l'expulsion d'Otho, fut fait Empereur, & fut couronné a Aix la chapelle . Il regna trente sept ans . Toutesfoys cinq ans ainçois qu'il mourut par le pape Innocent fut priué de l'Empire . Nul ne pourroit estre assez marry de l'infortune de ce trefestimé Empereur, consideré qu'il estoit prince de grand vertu, & excellence, & ce pendant endura beaucoup d'afflictions & persequutions, pour le plaisir des papes Rommains. Cestuy fut tresdocte en plusieurs langues. Il parla tresbien Alemand, La-

Frederic second parla Alemand, Grec, Latin, & langage Sarrazin.

Le tiers Liure des Chronicques

tin, Grec, & Sarrazin . D'auantaige il enflamma tout plein de bons espritz a la science des bonnes lettres . Il feit que l'almagest de Ptolomée fust tourné de langue Sarrazine en langaige Latin, & a ceste cause les sciences d'astronomie, lesquelles estoient ia de long temps en Europe aneanties, furent restaurées, & remises en clarté.

Frederic restaurateur de l'art d'astronomie.

Cestuy premierement mena guerre en Alemaigne, contre Otho quatriesme, par l'instinct & conseil du pape, mais il en rapporta telle deserte que les autres ses predecesseurs.

Secondement il mena guerre en Brabant contre le duc de Brabant & les alliez d'Otho, & restitua Lorraine a l'Empire Alemand.

L'an 1220 Frederic fut couronné par le pape Honorius troisieme . En Toscane, deux comtes auoient occupé quelques villes de l'Empire, mais Frederic les reduisist, & donna la chasse ausdictz comtes, qui se retirerent vers le pape Honorius, duquel furent receuz & gardez : puis feit commandement audict Frederic qu'il les restablist a la possession desdictes villes: ce que refusa de prisault Frederic, pour ceste cause fut excommunié dudiect pape, & l'amitié d'entre eulx deux brisée.

L'an 1222 de rechief Frederic retourna en Alemaigne, & au concile tins a Vuirsbourg cité capitale de Francone feist son ieune filz, nommé Henry son cōpaignon a l'Empire, & fut couron-

né a Aix la chappelle. Or parapres cestuy Henry fut prins de son pere Frederic, pour l'alliance faite en Lombardie avecques aucunes villes, qui estoient repugnantes & rebelles audict Frederic: & du viuant de cestuy pere, le filz Henry pourrist & mourut aux prisons.

*Henry fait
prisonnier
par Frederic
son pe-*

Iaçoit ce que Hierusalem fut desia perdue, toutesfoys les Chrestiens ce pendant possederent tout plein d'autres puissantes villes en Syrie. Mais de iour en iour croissant la puissance des Turcs, & la fortune des Chrestiens allant au rebours, vn nommé Iehan, qui auoit encore tiltre de roy en Hierusalem, vint a Romme, & demanda aide au pape Honorius, & impetra que Frederic fust absoulz. Doncques Frederic & les princes d'Alemaigne se consentirent de leuer vne armée, pour la deliurance de Hierusalem. Lors le roy de Hierusalem donna sa fille en mariage a Frederic, dont aduient, que encore pour le iourd'huy les roys de Sicile s'attribuent le tiltre dudict royaume. Or quand les bendes furent dressées, Frederic marcha en Hierusalem, acompagné de plusieurs princes d'Alemaigne, entre lesquels estoit le Landgraue & prince Loys, auquel estoit mariée Elizabeth, qui en ce voiage mourut a Brunduse maintenant dicte Brindes en Italie.

*Iehā roy de
Hierusalē.*

*Pourquoy
les roys de
Sicile s'attribuent
le roy
aulme de
Hierusalē.
Loys Land-
graue.*

L'an 1228 Frederic alla en Hierusalem, & feist tant par sa prouesse, que le Souldan luy rendit non seulement Hierusalem, ains plusieurs

*La prouesse
de Frederic.*

Le tiers Liure des Chronicques

Frederic fut couronné en Hierusalē. villes voisines de ladicte ville. Il fut couronné en Hierusalem l'an 1229. Il fortifia ladicte cité, & la ville d'Ioppe a l'encôte de la force des ennemys. Il feist trefues avec le Souldan par l'espace de dix ans. Il rescripuit toutes ces choses au pape, & demanda le benefice d'absolution: Frederic certes auoit esté excommunié par le pape Gregoire, ie ne scay a cause de quel droict au royaume de Sicile. Mais peu estoit au pape de denyer l'absolution a l'Empereur, il ioua ces ruses icy, & feist telles iniures a Frederic absent. Veritablement il anima les villes d'Italie contre ledict Frederic, & occupa par force quelques villes en son royaume hereditaire de Naples. Parquoy fut necessaire a Frederic de retourner en Sicile, & metre hors de craincte son royaume. Iaçoit ce que le pape eust ioué de plusieurs trahisons a Frederic absent, toutesfoys cestuy demanda a estre absoulz avec si grand' humilité, qu'il dit tenir le fief du royaume de Sicile du pape. D'auantaige conuocqua les princes d'Alemaigne en Italie, affin que par iceulx fust apoinctée la noise d'entre luy & le pape, pour ceste cause Gregoire donna absolution audict Empereur de rechief l'an 1230.

Vienne ville imperiale. Puis apres pour la troisieme foys Frederic retourna en Alemaigne, & feist guerre en Autriche contre les Hongres, & print la ville de Vienne: & affin qu'elle demeurast a l'Empire, il voulut ratifier par lettres. Puis esleut son filz Conrad

Cæsar a Vienne, apres la mort de son autre filz Henry, qui mourut en prison.

L'an 1238 de rechief retourna Frederic en Italie, pource que les Milannois festoient esleuez cõtre luy, & maintes autres puissantes villes. Le dict Frederic endommagea fort Milan: Pour ceste cause les villes s'allierent avec le pape, & conspirerent a l'encontre dudit Empereur, lequel a ceste occasion l'excõmunia le pape pour la troiefme fois, & le banist comme vn hereticque, & esmeut aux armes contre luy les Venitiens. Frederic publia par escript l'iniure qui luy auoit este faicte, & en feist grosse complaincte, pendant toutesfois en humilité demanda estre absoulz. En la compaignie du pape estoient plusieurs Cardinaulx qui n'approuoiẽt pas la phãtasie dudit pape. Or quand Frederic veit qu'il ne trouuoit moien de pardon enuers Gregoire, il fut cõtraicte de se garder & defendre. Or eust le dict Empereur ses liguees, q pour lors estoieẽt puissantes en Italie. l'Italie certes estoit diuisee adõques en Guelphes & Gibelins: Les Guelphes estoient pour le pape, & les Gibelins pour l'Empereur. Les deux noms ont prins leur source des Alemans, puis furent translatez en Italie. Certes la race des Guelphes auoit tousiours hay le *Guelphes.* sang de Frederic. Dont les Guelphes sont dictz, qui vault autant a dire comme, les ennemys perpetuelz de Frederic. Quant au reste, l'origine de la race de Frederic est venue des Vuciblinges,

Le tiers Liure des Chronicques

Gibelins. dont sont appellez les Guiblinges, ce que par changement de mot les Italiens ont appellez Gibelins.

Le pape lors estant en grand' detresse publia la croisade & pardons a l'encontre de l'empereur Frederic, quasi cōme vn infidele & prophanateur de la religiō Chrestienne. Dequoy fut moult couroucé & despitē ledi& empereur: parquoy assiegea Romme, mais leua le siege sans rien faire, & print Rauenne.

*Frederic 2
expulsé de
l'empire par
le pape.* L'an 1245. Innocent feit tenir le cōcile a Lyō, & poulsa Frederic hors de l'épire, a l'aide des François, & enuoia lettres aux princes electeurs, affin qu'ilz esleussent vn autre Empereur. Et lors lesdi& electeurs nōmerent Henry Landgraue de Thuringe pour Empereur. Cestuy fut occis d'vn coup d'artillerie deuant la ville d'Vlme.

*La ville de
Victorie.* Frederic cōstruisit vne ville neufue en Italie, laquelle il nomma Victorie. Ou il auoit disete d'argent, mais soubdain feist faire de la monnoie de cuir, affin q̄ ses souldoiez fussent payez, leur promettant qu'incontinent qu'il auroit de l'argent, leur changeroit leur cuir en bonne & vraie mōnoie, ce qu'il feit parapres liberalemēt. Or comme il n'esperast plus d'aide du costé des Alemaignes, d'aduantaige son filz nommé Encius fut prins, & faic& mourir en prison. Cestuy Frederic affligé en diuerses sortes, se retira en Pouille, ou il mourut l'an 1250. Aucuns escriuent qu'il fut empoisonné. Or ne pouoient les

sainctz peres estre paisibles, filz n'eussent veu tellement extainct ce bon prince & Empereur Frederic. Il laissa le royaume de Naples a son filz Conrad. l'Italie par apres demeura tousiours diuisée par factions & ligues. Vne partie adhera a l'Empire, & l'autre au pape, iusques a ce que la puissance des Venitiens & Milannois feust en valeur.

A Innocēt 3 succeda Honorius 3. Duquel fut couronné Frederic 2. & excommunié par apres.

A Honorius 3 succeda Gregoire neufiesme, duquel fut semblablement excommunié ledict Frederic.

Après la mort de Gregoire 9, Celestin quart fut fait pape.

Après Celestin, Innocent 4 fut pape. Cestuy priua de l'Empire Frederic, & excommunia son filz Conrad.

*Conrad quart, uingtcinquiesme Empereur
Alemand.*

L'An 1250 Conrad regna après la mort de son pere, il fut excōmunié par Innocent 4. Henry Lādgraue c'est a dire prince de Thuringe le vainquit a Frácford, encore du viuāt de Frederic son pere. Aulcunz ont escript, que ceste guerre fut faicte contre Conrad par Guillaume Landgraue, après la mort de Henry. Conrad considerant qu'il estoit destitué de l'aide des princes Conrad 4.

Le tiers Liure des Chronicques

Alemans, se retira en son royaume hereditaire a Naples, & mourut en ce lieu, l'an 1253.

Fin des Ducz de Suaue.

CONRAD, duquel nous auons maintenant touché, eust vne princesse a femme de la maison de Bauiere, de laquelle engendra vn filz nommé Conradin, qui fut nourry en sa duché hereditaire de Suaue, & apres la mort de son pere, s'en voulut aller en son royaume hereditaire de Naples: Mais a l'encontre de luy le pape Clement couoqua en cestuy royaume, Charles frere du roy de France. Lors Conradin, pource qu'il estoit duc de Suaue, auoit grand support d'Alemaigne, & force bendes d'Alemans avecques luy, & au commencement eust de fort belles victoires, mais finalement fut prins par finesse avec Frederic duc d'Austrie & assez mal traitez eulx deux. Puis a la fin par le conseil du pape decapitez. O grand' cruauté. Qui est la personne si dure & endurcie, que ces exemples d'inhumanité n'esmeussent a compassion, d'auoir fait mourir vn si noble roy iniustement, qui estoit extrait & produit de tant d'empereurs. Il y a encores des escriptz maintenant, qui pour lors furent mis en lumiere, esquelz se plainct le tresdebonnaire Empereur de l'oultrage a luy fait, & narre la cause bien amplement tout par ordre: affin que nul n'ignore, que le pape n'eust usé de pure tyrannie enuers luy.

*La grande
cruauté du
pape Cle-
ment enuers
Conradin.*

Guillaume uingt sixiesme Empereur Alemand.

L'An 1254 Guillaume comte de Hollande fut esleu Empereur. On dit qu'il estoit prince bõ & vertueux: Mais fut occis des Frisons l'an 1256.

*Guillaume
Empereur.*

Vacation d'Empire.

Après la mort de Guillaume, l'Empire demeura sans certain empereur l'espace de dix & sept ans, & non sans grand dõmaige a la nation d'Alemaigne. Ceste infortune la vint a cause des guerres ciuiles, qui furent esmeues par les papes a l'Empire. Après le discord mis sus champs entre les electeurs pour l'election, par lesquelz fut esleu Empereur Alphons roy d'Espaigne, pour ce qu'il estoit garny de vertuz & sagesse. Or cestuy Alphons est cil, qui ne print plaisir seulement es artz astronomicques, ainçois augmenta la science & corrigea, par beaux liures escriptz & composez d'icelle. d'abondant Alphons, iaçoit ce qu'il fut admonesté du pape, de recepuoir la dignité imperiale: toutes fois constamment la reffusa, pour l'incertaine fidelité, & concorde inconstante, que les papes auoient lors enuers les Empereurs. Les autres electeurs auoient esleu Richard frere du roy d'Angleterre, & l'auoiet mené jusques a Bafle, mais ne fut receu.

*Alphõs roy
d'Espaigne,
grand astro
logien.*

Après la mort d'Innocent, Alexandre quart fut pape. De son temps vesquirent Albert le grand, & saint Thomas d'Acquin.

*Albert le
grand.
Saint Tho
mas d'A-
quin.*

Le tiers Liure des Chronicques

A Alexandre 4 succeda Urbain 4.

Après Urbain Clement quatriesme fut pape. Cestuy feit decapiter Conradin.

Après la mort de Clement, pour la dissention de l'election papale, le siege vacqua deux ans: Finalement Gregoire 10 fut pape. Cestuy admonesta au commencement de son pontificat, que les electeurs vnanimement esleussent vn Empereur, affin que l'estat imperial ne vint totalemēt en decadence.

Rudolphe uingt septiesme Empereur Alemand.

*Rudolphe
côte de Ha-
bisbourg em-
pereur.*

L'An de Iesuschrist 1273 Rudolphe comte de Habisbourg, & prouincial d'Alfate fut esleu Empereur, & regna 19 ans. Il fut confirmé du pape. Le pape & luy vindrēt a Lausane, comme ces vers anciens le tesmoignent.

On cōptoit mil deux cētz septâte trois en sōme;
Quand a Lausane fut pape & Cæsar de Romme.

Quand au reste, Rudolphe n'alla point en Italie, & ne receut la couronne imperiale. Il souloit souuēt racompter la fable d'Aesope touchāt le Renard qui auoit dict au Lyon mallade en sa cauerne: qu'il n'y osoit entrer, & qu'il auoit peur de l'aller veoir, pource qu'il voioit bien les pas des autres bestes a leur entrée, mais il n'en voioit point l'yssue. En ceste sorte confideroit ledict Rudolphe, que ses maieurs & Ancestres auoit

faict entrée en Italie , avec grosses bendes , mais reuenoient en la maison souuent mal traiçtez. Ce pendant toutesfois enuoia audict pays vn lieutenant & gouuerneur , qui fut receu de la plus grande partie des villes Italicques.

A Rudolphe premierement contrestèrent les Bohemes & Bauariës, mais soubiuga soubdai Bauiere . Othacare roy des Bohemes ne voulut obeir, & par apres occupa Auftriche, qui par faulte d'hoirs estoit escheute a l'Empire . Parquoy le Burgraue de Noremberg fut par Rudolphe en Boheme , affin qu'il sommaist au Roy Othacare d'obeir, & de ceder & liurer Auftriche: Mais Othacare ne voulut faire ne l'vn , ne l'autre.

*Othacare
roy des Bo-
hemcs.*

Pourtant apres plusieurs disceptations Rudolphe alla a main armée en Auftriche , & la print. Aussi assiegea Vienne , & combatit asprement & merueilleusement a Nidersbourg , l'an 1278 . Othacare fut occis en ce conflict. Ainsi finalement Auftriche fut reduicte soubz le tene-ment de Rudolphe , & en icelle constitua par apres Albert sō filz, affin qu'a ceste cause & pour ceste raison Auftriche fust pour l'aduenir fief imperial.

*Albert duc
d'Auftriche*

Et de cestuy Albert ont prins origine les princes d'Auftriche, iusques a Charles cinquesme a present Empereur, & Ferdinand Roy des Romains son frere.

L'Empereur Rudolphe vfa de grand' clemēce

Le tiers Liure des Chronicques

& humanité enuers Vuenceflaus filz d'Othacare: Il luy laissa le royaume de Boheme, & luy donna sa fille en mariage. Cestuy Vuenceflaus fut réputé pour saint, & est honoré comme saint. Rudolphe dompta les Bourguignons. En Alsate premierement print par force les villes seditieuses, qui auoient conspiré contre luy, & les punist, comme bien l'auoiēt merité. Entre lesquelles estoient Haganoc, Colmare, Tigure, & Berne.

L'an 1286 il inuada Ebrard comte de Vuirtemberg, & assiegea Stutgarde, Finablement l'apoinctement fut fait par l'Euesque de Maience.

Erfurde. L'an 1290 Rudolphe fait tenir concile honorable a Erfurde, & avec le renfort de ladiete ville, rompist & demolist de comble a fons, soixante chasteaux en Thuringe. Voila come fut finalement l'estat d'Alemagne troublé, & plein de seditiōs, tādīs qu'il n'auoit certains Empereurs. Rudolphe de rechief meist en tranquillite l'Empire, & le redressa estant presque en ruine & decadence. Et mourut l'an de Iesuschrist 1292.

A Gregoire 10 succeda Innocent cinquiesme.

A Innocent 5 succeda Adrian 5.

Iehan 21, Medecin suiuit Adrian 5.

Après la mort de Iehan 21, Nicolas 3 fut pape. cestuy s'efforçoit de bailler a deux de ses neveux deux royaumes d'Italie, c'estascauoir Toscane & Lōbardie: le pape voioit q̄ Rudolphe auoit bien affaire en Alemagne, pour ceste cause pensoit qu'il n'eust sceu venir en Italie: Mais
affin

affin que le pape ne vint a chef de son entreprinse, les villes imperialles luy resisterent & enuoia Rudolphe vn lieutenant & gouuerneur en Italie.

Après Nicolas 3 Honorius 4 fut fait pape.

Après Honorius 4 Nicolas 4 fut fait pape.

Adolphe uingthuitiesme Empereur Alemand.

L'An de Iesuschrist 1292 Adolphe comte de ^{Adolphe} Nassau fut esleu empereur. Cestuy auoit esté au parauant en grand' reputation enuers Rudolphe. D'auantaige son frere estoit euesque de Maièce, lequel auoit donné sa voix a Rudolphe pour estre Empereur. Il regna six ans, & fut déposé par les princes electeurs. Son exercite n'estoit suffisant a porter les fraiz de l'eminence & haultesse Casariene: oultreplus estoit infortuné aux actes & affaires de grād' importāce. La bataille plus digne de memoire qu'il entreprint, fut quād il mena sa gēd' armerie en Thuringe: pource qu' Albert Landgraue de Thuringe cōtendoit avec son filz Dieter, & Frederic surnōmé Machoueremorse. Cestuy Albert vēdit la cōté prouinciale de Thuringe audict Adolphe Empereur: lequel taschoit a esleuer sa race & a l'anoblir de plus en plus. Adonc vint en Thuringe, & y fait beaucoup de dōmaige. Il assiegea Arutzberge, Franckenstein, & Fribourg: mais fut repoullé par Frederic. Veritablemēt pour plusieurs & diuers troubles, qui lors estoient a l'Empire, & auoient besoing d'estre pacifiez, estoit de necessité en Alemaigne auoir vn

Le tiers Liure des Chronicques

*Albert duc
d'Autriche.* plus puissant chef. Pour ceste cause fut faicte consultation entre les electeurs a Maience, pour eslire Albert duc d'Autriche, filz de l'Empereur Rudolphe. Mais cōme Adolphe voulüst retenir l'empire a force, le duc Albert a main armée alla contre luy, & a enseignes desployées fut guerroié tāt d'un costé que d'autre pres de Vuormace, en ce conflict fut occis Adolphe, l'an 1298, comme ces vers le tesmoignent:

D'un coup d'espée Adolphe Empereur des Rō-
mains,

En Iuillet fut occis, l'á mil trois cētz deux mois.

Après Nicolas 4 Celestin 5 fut pape. Cestuy
laisa le pontificat, & se feist moyne.

Après Celestin 5 Boniface 8 fut pape.

On dit que de cestuy fut deceu Celestin en
ceste sorte: Boniface de nuit cōe Celestin estoit
couché, vint metre sa bouche cōtre vn tuyau de
roseau, & par dedēs ce roseau pronōça tout dou-
cement comme si ce fust vne voix d'Ange, Cele-
stin delaisse la papaulté, & dōne le lieu a Bonifa-
ce. ce que feit Celestin. Cestuy Boniface esmeut
grosses guerres en Italie. Il excōmunia le roy des
Françoys, & dōna le tiltre du royaulme de Fran-
ce a l'Empereur Albert, affin qu'a ceste occasion
guerroiassent ensemble les Françoys & Alemās.

*Brocard du
pape Boni-
face 8.* A fin de piece fut prins Boniface, & mourut en
prison. & diēt on de luy qu'il entra en la dignité
papale comme vn renard, regna cōme vn loup,
& mourut comme vn chien.

Albert premier, vingtneufiesme

Empereur Alemand.



An 1298 Albert duc d'Austrie *Albert duc d'Austrie Empereur.*
 che filz de l'Empereur Rudolphe fut Empereur, & regna dix ans, il vainquit en guerre l'Empereur Adolphe. Au commencement Boniface ne voulut ra-

tifier l'Empire d'Albert : puis apres le conferma de plein gré en despit du roy des François: il donna le tiltre du royaume de France audict Albert, pour l'exciter a l'encontre dudit roy. Mais le roy François bailla sa fille en mariage

Le tiers Liure des Chronicques

au filz d'Albert, parquoy l'appaifa & parapres ne luy feist tour d'ennemy. Albert dressa son armée en Boheme, & constitua son filz roy du dict pays, il dompta Maience & ladicte region de Boheme, en forte qu'elles furent subiectes a l'Empire. Finablement ledict Albert fut tué du filz de son frere, & par quelques comtes d'Autriche. Parauant Dieu voulut, que le meurdre fait en la personne de l'Empereur Adolphe ne demeurast impuny. Iacoit ce que cestuy Adolphe ne fust egal en puissance a Albert, toutesfoys le debuioit honorer comme son seigneur constitué & estably par volonté diuine au regime imperial. Les meurdriers d'Albert semblablement furent puniz. Nostre seigneur Dieu fait la vengeance de larcin & de meurdre.

Albert occis

*Reprinse
d'Albert
pour le meur-
dre de l'em-
pereur A-
dolphe.*

Après Boniface 8, Benoist 10 fut fait pape.

Translation de la dignité Papale des Romains aux François.

Après la mort de Benoist 10, Clement 5, François, fut déclaré pape a Lyon, & donna l'absolution au roy de France. Veritablement de ce temps, c'est a scauoir l'an 1305 le siege pontifical fut translaté de Romme en Auignon ville de France, bien l'espace de 17 ans.

*Fratricelles
semblables
aux Anaba-
ptistes.*

Soubz ce regne furent quelques hereticques nommez Fratricelles, estant de l'opinion des Anabaptistes, qui de present encores vaguent, &

viuent en incertitude & doubtance de nostre foy, difantz que les Chrestiens ne doibuent auoir riē propre, & que ce n'est a eulx d'auoir l'administration des republicques, & semblables folles opinions.

Des Turcs.

DV temps d'Albert d'Auftriche, la race d'Othonian commença a croistre en estimation & puissance chez les Turcs: du sang duquel les empereurs Turquois, qui regnent pour le iourd'huy, ont prins leur source & origine. *Othonian Turcq.*

*Henry septiesme surnommé de Luxembourg,
trentiesme Empercur Alemand.*

L'An de Iesuschrist 1309 Henry prince de Luxembourg fut esleu Empercur, & regna six ans. Ce pendant que le pape estoit en France, le roy des François appeta la dignité imperiale, & esperoit venir a ses fins par le cōsentement de son pape Gaullois. Mais l'amitié d'entre eulx deux ne fut de durée. Parquoy ledict pape admonnesta les princes electeurs, qui ia de long temps estoient en repugnance pour l'election, qu'ilz se hastassent par commun accord d'eslire Empercur le prince de Luxembourg, qui estoit pour lors bien reputé pour sa prudence meslée avec grande grauité. Ce qu'il fut fait, & soub-

Le tiers Liure des Chronicques

dain apres le conferma ledict pape . Parquoy fut frustré le roy des François de son entente.

Henry en son commencement despouilla le comte de Vuirtemberg de tous ses biens , pour ce qu'il estoit rebelle a l'Empire . Il donna la fille du roy de Boheme en mariage a son filz Iehá : & a ceste cause Iehan prince de Luxembourg pere de Charles quatriesme , fut fait roy de Boheme.

Consequemment Henry descendit en Italie avec grosse armée, & donna aux Italiens si grand frayeur , qu'au parauant n'auoit iamais fait autre Empereur . Aucunes villes ne se voulurent rendre, sinon par contraincte, c'estascauoir Cremonne & Brexe : les autres de plein gré obeierent. Il fut couronné a Romme . Cestuy assiegea tresaprement Florence , & durant ce temps, ainsi cōme on treuue par escript , quelque moyne de l'ordre des prescheurs suborné des Florentins l'empoisonna en luy presentant la sacrée Hostie . D'auantaige le pape desia equipé de ses armes , le menassoit de l'excommunier , quand il veit son estimation croistre en Italie.

Henry 7 fut tué par poison d'un moyne prescheur.

*Loys de Bauiere trentuniésme Empereur
Alemand, a l'encontre duquel fut esleu
Frederic duc d'Autriche.*

L'An de Iesuschrist 1314 les princes electeurs estoient assemblez a Francford, c'estascavoir les Euesques de Maience, Treues & Couloungne, Iehan roy de Boheme, Rudolphe comte palatin du Rhin, Rudolphe duc de Saxoigne, & Volemar Marcquis de Brandembourg. Le iour sainte Luce Loys de Bauiere fut esleu par les Euesques de Maience & Treues, & par le roy de Boheme, & le Marcquis de Brandembourg. Et contre cestuy l'Euesque de Couloungne, le comte palatin & le duc de Saxoigne eleurent Frederic d'Austriche. Loys ce pendant fut couronné a Aix la chappelle, & Frederic receust les enseignes imperiales a la ville de Bonne. Ceste controuersie icy d'election, engendra en Alemaigne occasion de grand' guerre civile. Le duc d'Austriche eust pour fauteurs le pape, le roy de France & de Hongrie, les Lansquenetz, le comte Palatin, Strabourg, & plusieurs autres villes. Mais nostre seigneur Dieu fortuna Loys de Bauiere, combien qu'il fust destitué de tout confort humain, & qu'il fust le plus foible, quant en puissance humaine. Il regna 33 ans.

Loys de Bauiere.

Frederic duc d'Austriche.

L'an 1323 l'enseigne desployée, fut guerroié entre Loys de Bauiere & Frederic d'Austriche, pres la riuere de Nechare, & plusieurs furent occis en ceste bataille, tant d'un costé que d'autre.

Le tiers Liure des Chronicques

Lupolde.

L'an 1335 la vigile saint Michel Loys guerroya avec Frederic bien asprement . Lupolde frere de Frederic donna aide audict Frederic , ensemble les Lansquenetz & Suisses , & grand' partie des Hongres . Le roy de Boheme , le comte du chasteau de Noremberg & plusieurs autres princes suiuoient le party de Loys . Or comme Lupolde demeurast quelque temps au long de la riuere de Nechare, pource qu'il ne pouoit passer, l'exercite de Frederic d'Austriche fut deffaiët , par les gens de Loys , & Frederic prins par quelque François nommé Ebrard de Mosbachie , qui le mena au Burggraue ou prince de Noremberg , par lequel fut enuoyé a Loys de Bauiere . Mais quãd Lupolde veit qu'il ne pouoit donner secours a son frere, fut si marry & indigné, qu'il se vouloit quasi tuer , si ses soudartz ne l'en eussent destourbé, lesquelz luy conseillerent, qu'il se retirast , & qu'il ne se mist en dangier . Consequenment ledict Loup ou Lupolde sollicita tout plein enuers le pape, & le roy François que son frere fust par force deliuré de captiuité . Le roy de France estoit empesché en autre affaire : parquoy Frederic demeura prisonnier troys ans en vne tour au pays de Bauiere : finablement l'apoinctement fut fait , & fut deliuré a ceste condition qu'il cederait l'Empire a Loys , ce qu'il feist de francgré , & pource ledict Loys luy restitua la duché d'Austriche . Et ainsi vfa de grand' humanité , & clemence enuers son ennemy . Combien que Lu-

*Frederic
pris par
Ebrard du
Mosbachie.*

polde ne cessast pourtant d'esmouuoir noises, & faire menées, mesmes apres la deliurance de son frere Frederic.

Parapres le pape Iehan 22, punist l'Empereur Loys par censures, par lequel deuât son couronnement il auoit vsé en Italie d'authorité imperiale. Consequemment s'esleua grand scisme & discord entre les Alemans, dura enuiron vingt & quatre ans. Ce pendant grosses querelles sourdirent a l'Empire & aux villes, si qu'une partie tafchoit deposer & opprimer les autres par mort iurée. Et iaçoit ce que Loys n'eust demandé seulement vne fois l'absolution du pape toutesfois par nulles requestes ne la peust impetrer, en sorte que le pape Benoist apres Iehan, & autres plusieurs nobles & honnestes personaiges contemnerent ce qu'en auoit fait ledict pape Iehan. Et les escriptz de la controuersie entre le pape Iehan & l'Empereur Loys, sont encores de present en regne: esquelz n'eust honte ledict pape se glorifier, qu'il auoit l'authorité & droit de poser & deposer non seulement les roys, mais tous les Empereurs a son plaisir. On peult facilement estimer par cela, que le pape haioit l'Empereur, non pas sans grand dommaige & trouble par toute la Chrestienté. Il y auoit aussi en ce temps personaiges scauantz, qui reproouoient les escriptz du pape. Entre lesquelz fut vn nommé Ocham. Les princes Alemans tant de l'Eglise, que de la cheualerie adhererent a l'Empereur: si-

Loys de Baviere excommunié.

Scisme en Alemaigne.

La vanterie du pape Iehan 22.

Ocham persequuteur au pape Iehan,

Le tiers Liure des Chronicques

nablement aucuns furent cōtrainctz de se reuolter, & d'esslire vn autre empereur, p la menéedu pape. En Italie Loys eust ses ligues & menées, Ga leace Milannois, & le senat Rommain ne demandoient que la venue de l'Empereur aux Itales. Doncques vint en cediēt pays Loys, acompaigné de la royne sa femme, qui feist vn petit filz a Rōme, lequel fut nommé Loys Rommain, & par apres fut faiēt par l'Empereur, marquis de Brandembourg. Cestuy Loys de Bauiere Empereur fut courōné a Milan par l'Euesque, & a Romme par le Cardinal de Coulomme. Lediēt Empereur establif pape de Rōme Pierre de Corbiere, qui non long temps apres fust mené lié a Auignon au pape Iehan 22. par lequel fut faiēt metre en prison, ou il mourut.

Loys Rommain.

Charles cōte de Moraue.

Sus ces entrefaiētes, Loys ne peust iamais obtenir l'absolution du pape Iehan. Mais lediēt Iehan rafreschissant ses entreprinſes, feist tenir cōcile a Luxembourg, ou fut determiné, que les Euesques de Maiēce, Treues, & Couloigne, ensemble le roy de Boheme & le duc de Saxoigne esliroient vn autre Empereur. Lors fut esleu Charles quart, cōte prouincial de Moraue, filz du roy de Boheme. Cestuy par apres fut conſermé par le pape Clement fixiefme. Mais pource que les villes d'Aix la chappelle & Couloigne ne le vouloiēt cognoistre pour Empereur, fut vestu a Bōne des ornementz Imperiaux.

De Nicolas Auguste qui fut a Romme.

ENuiron ce temps aduint a Romme, vn exemple de grand folie: quelcun nommé Nicolas secretaire de ladicte ville, q se disoit auoir si grande autorité & puissance que le gouuernemēt de toute la ville luy appartenoit. Or adoncqs estoient absens les papes de Rōme, & se tenoient en Gaulle. Cestuy Nicolas se nōma Tribun Auguste, & par escriptz publicz prouua & tesmoigna q Rōme estoit encores le vray chief de l'Empire, & pourtant de l'autorité de ladicte ville auoit la souueraine puissance vers luy, de traicter les causes de l'Empire. Et a raison de ceste autorité feist adiourner Loys & Charles, affin qu'ilz cōparussēt deuant luy en iugemēt, & qu'ilz le chargeassent de leur matiere. Cestuy vfa de semblable folie enuers les villes & les autres roys biē enuiron l'espace de deux ans. Finablement le miserable fol fut bany de la ville par les ligues du pape, & s'enfuit par deuers Charles quatriesme. Mais Charles enuoia ce presumptueux & sot personnage au pape, en Auignon, par le commandement duquel fut prins, & gardé en prison.

Nicolas Auguste exemple de grand folie.

Nicolas Auguste feist adiourner les Emperours a com- parey deuant luy.

L'an de Iesuschrist 1345 Loys de Bauiere mourut. Lors Charles vint de Boheme a Ratisbonne avec grosse armée, ou il fut recogneu Empereur. Puis fut receu de ceulx de Noremberg: Il donna couleur, & fait semblant qu'il auoit vne absolution du pape, pour purger & nettoier leurs pe-

La mort de Loys de Bauiere.

Le tiers Liure des Chronicques

chez, auxquelz ilz estoient encouruz, quand ilz adhererent a Loys de Bauiere. A Basle on donna commission a vn conseiller de la ville, de demander absolution pour toute ladicte ville, lors respondit Charles, qu'il pēsoit que lesditz citoiens n'auoient commis aucun crime, d'auoir receu Loys Empereur, & qu'il ne croioit pas que ledict Loys fust hereticque: mais ce pendant s'ilz vouloient estre absoulz de leurs delictz, qu'il n'en seroit mal content. Parquoy furent tous absoulz.

L'an 1348 apres la mort de Loys, plus grand discord qu'au parauant sourdit: l'Euēsqe de Maience, le comte Palatin, le marquis de Brandembourg, & le duc de Saxoigne filz de celuy par l'aide & voix duquel Charles auoit esté crée Empereur conuindrent ensemble, & l'electiō de Charles adnichilée & cassée, conuocquerent Edouard roy d'Angleterre: Mais reffusa la chose, comme pleine d'ennuy & detresse. Puis eslirent Frederic comte prouincial de Misnie. Mais cestuy n'entint compte: Il ne voulut au grand interest & dommage de sa terre hereditaire, auoir discord avec ses voisins les Bohemes.

*Edouard
roy d'Angle
terre, &
Frederic cō
te de Misnie
reffuserēt la
dignité Cæ
sarienne.*

Gonthier comte de Schuartzbourg esleu empereur.

*Gonthier
esleu Empe
reur.*

L'An 1350 Gonthier comte de Schuartzbourg fut esleu Empereur a Francford, nō pas toutes fois par le consentemēt de tous les Electeurs.

Cestuy receust le gouvernement de l'Empire, & estoit bien equippe pour le garder, & assez muny contre la force de Charles, qui pour lors se tenoit a Maience. Mais peu de iours apres, ledict Gonthier fut empoisonné, & mourut soubdain a Francford. Parquoy Charles eust la iouissance tout seul de l'Empire. Il vint a Francford, & fut receu pour Empereur.

Après Clement 5 Iehan 22 fut fait pape, lequel sans raison & iuste cause excommunia le bon Empereur Loys.

Après Iehan 22, Benoist 11 fut fait pape. Cestuy iamais n'aprouua l'action de Iehan contre l'Empereur Loys, puis quand il fut pape, de son bon gré luy eust donné l'absolutiõ, si ne luy eust esté deffendu, par les menaces du roy de France & de Naples. Or cõme l'ambassade desdictz roys recitassent en pleine audience, qu'il failloit interdire ledict Loys, & qu'il auoit machiné contre le pape tout plein de meschantz affaires, le pape Benoist respondit, mais ce sommes nous qui auons machiné contre luy. Cestuy Benoist vescu en la papaulté peu de temps: parquoy n'y eust rien fait.

Après Benoist 11 Clement 6 fut fait pape. Cestuy renouuella l'excomunicatiõ cõtre Loys, & le persecuta grandemēt: Iaçoit ce que pendant on taschast a apoincter au concile de Vienne en Frãce, & aussi que l'Empereur Loys se monstra humble & obeissant. Cestuy Clement a-

Le tiers Liure des Chronicques

Auignon vil le papale. chepta Auignon en Frâce, & ainsi la ville fut deſſe apartenances du pape.

Secte de vagabondz se battans de verges en Alemaigne & France. Environ ce temps, plusieurs troupes de gẽs vagabondz & errantz furent en Alemaigne & en France, qui conroiẽt ça & la parmy les pays, & se battoient de verges toutz nudz. Il en vint a Spire, durant que le concile y tenoit. Ceulx cy se monstroient saintz & religieux personnaiges. Et soubz l'vmbre de ceste sainctetẽ estoient inuitez de plusieurs citoiens en leurs tables. Or estoit ce vray erreur, qui ne differoit de l'opiniõ des Anabaptistes, & ceste secte n'estoit pas moĩs dangereuse que lesdĩctz Anabaptistes. Finalement furent condamnez.

Innocent 6 suiuit Clement. Du temps de cestuy Charles quart fut couronnẽ a Romme.

Charles quart trente deuxiesme Empereur Alemand.

Charles 4. L'An de Iesuschrift 1350 apres la mort de Gonlthier, Charles quart, filz de Iehan roy de Boheme prince du sang de Luxembourg, fut Empereur. Cestuy Iehan estoit filz de Henry de Luxembourg. Lediẽt Charles regna vĩgt & huiẽt ans.

L'an 1355 Charles descendit en Italie, & fut receu treshumainement des villes. Tout le parlement de Romme, & les plus gros Seigneurs allerent au deuant & luy feirent grand honneur. Lors affin que lediẽt Charles de son costẽ mon-

ſtraſt ſon humanité deuailla de deſſus ſon cheual, & a pied receuſt l'obeiſſance & ſerment de fidelité de ladiſte ville. Puis fut couronné par le Cardinal d'Hoſtie. Il reduiſiſt les villes papales, qui ce pendant ſ'eſtoient rebellées, en l'obeiſſance du pape, & feiſt qu'elles ne furent plus repugnantes. Je ne treuue qu'il feit autre choſe en ce voiage.

L'an 1360. Charles avec groſſe armée opprima Ebrard comte de Vuirtemberg & le pilla. Finablement leur appoinctement ſe feit par le moyen des Eueſques d'Auguſte, Strabourg & Spire.

L'an 1366 Charles de rechief alla en Italie, ou il appaiſa, & meſt en ſa ſubiectiõn quelques villes mutines & querelleuſes. Il aſſiegea Vlme, mais la cauſe, ie n'en treuue riẽ par eſcript. Veritablement noz historiẽs Alemãs, ignorãtz ce q̄ eſt propre a hiſtoire, n'ont eu eſgard aux circonſtances & cauſes des grãds affaires, & geſtes des princes.

Ceſtuy Charles a meritẽ grand los, pource qu'il eſtablit la Bulle dorée, en laquelle il a comprins maintes choſes, qui apartiennent a la conſeruation de la paix publique. Il fut ſingulierement curieux des affaires de Boheme. Il inſtitua vn colleige publique a Pragge. Aucunz le reprennent de ce qu'il bailla au roy de France le droiẽt du royaulme d'Arles.

*Charles 4
auteur de
la Bulle dorée.*

*Le colleige
de Pragge.*

L'an 1370. Charles feiſt ſon filz Vuenceslaus Empereur, & donna a ſon autre filz Sigismond

Le tiers Liure des Chronicques

la côté la de Marche de Brandembourg, laquelle il auoit achetée de Loys Rommain.

Bataille a
Reutlinge.

L'an 1377. Vdalrich comte de Vuirtemberg guerroya malheureusement contre ledi&t Charles deuant la ville de Reutlinge. Et en ce conflict demeurèrent plusieurs personnaiges nobles & bien renommez.

Souicere.



Les ligues
et Cantons
des Souices.
Lupolde
duc d'Au-
strie occis
par les Soui-
ces.

ENviron ce temps les ligues & Cantons des Souices commencerent, & premierement Lucerne, Berne, puis apres Tigre s'allierent avec ledi&t Souices, & le tresnoble prince Lupolde duc d'Austriche vaincu des Souices, mourut l'an 1385.

Quant

Quāt au reste , pource que les histoires des Souz
ceres sont respandues en maintz endroiçtz, il me
semble q̄ ce seroit chose supflue de nārrer leurs
faitz par loīg record en ce petit liure.

Après Innocent 6 Urbain quint fut pape.

A Urbain succeda Grégoire vnziésme. Cestuy
de rechief translata de Gaullē en Romme le sie-
ge papal, l'an 1376.

Scisme.

A Pres Gregoire II f'esleua vn grand Scisme. Scisme du
tēps de Gré
goire II.
Les Italiens créerent pape Urbain sixiésme
Italien, & cestuy demeura en Romme. Les Gaul-
loys parapres eslirent en Italie vn autre pape,
qu'ilz appellerent Clement 7. Cestuy demeura
en Auignon. Lors estoit Romme diuisée, & les
papes excommunioient l'vn l'autre. Italie, Ale-
magne & Hongrie adhererent au pape Urbain.
Ce scisme dura trenteneuf ans, iusques au con-
cile de Constance.

Vuenceflaus trentetroisiesme

Empereur Alemand.

L'An 1378 apres la mort de Charles Vuenceflaus Vuenceflaus
Empereur.
laus son filz fut Empereur, & regna vingt &
deux ans.

De ce temps en la ville de Prage en Boheme,
Iehan Hus commença a semer publiquement

D

Le tiers Liure des Chronicques

*Iehan hus
prejcheur
publicque
en Boheme.*

quelque doctrine contre les pardons & indulgences des papes: & a ceste cause gros tumultes, & d'orageuses mutineries s'esleuerent en Boheme contre les prebftres & moynes.

Vuenceflaus finalement fut prins de son frere, & mis en prison a Vienne. Il ne treuve autre chose de Vuenceflaus, que l'estime digne d'estre escript.

*Rupert trentequaticisme Em-
pereur Alemand.*

*Rupert em
pereur.* **L'**An 1400 Rupert comte palatin du Rhin fut fait Empereur. Il regna dix ans. Or comme ia de long temps les Empereurs n'eussent esté en Italie, lors la puissance des Galeaces chez les Milannois estoit creue, & les Florentins estoient puissantz & riches, & menoiert la guerre contre lesdictz Milannois. Les Florentins demandoient secours a l'Empereur Rupert pour aneantir la puissance des Galeaces. Pour ceste cause affin que Rupert secourust lesdictz Florentins passa en Italie, & print Galeace, mais ledict Rupert destitué de l'aide du duc d'Austriche & de l'Euesque de Coulongne, estoit trop foible a entreprendre si gros faix: Et iacoit ce qu'il essayast en diuerfes sortes de parfournir son entreprinse, toutesfoys fut contraint s'en retourner en Alemaigne sans rien faire autre chose.

Après Urbain 6, Boniface 9 fut pape. Et con-

tre cestuy Pierre Luna fut fait pape en Auignõ apres Clement septiesme. Cestuy Luna fut nommẽ Benoist 12.

Après Boniface Innocẽt septiesme fut pape.

Après Innocent 7, Gregoire 12 fut pape a Rõme. Cestuy promist de ceder le pontificat, si Benoist cẽdoit comme luy. Mais apres que Benoist s'en fut fuy aux Espaignes delaisant Auignon, Gregoire reuocqua sa promesse touchant la resignatiõ de la papalitiẽ. Pour ceste cause fut fait vn concile a Pise, ou fut deposẽ l'vn & l'autre, & en leur lieu fut mis Alexandre cinqiesme. Gregoire se retira a Armignac, ou il demoura iusques au concile de Constance. Alexandre cinqiesme se tint a Boulongne. Les Hongres lors occuperent Romme, & exercerent vne tyrannie ineroiable, puis feirent guerre aux François pour le royaulme de Naples.

Après Alexandre 5, Iehan 23 fut fait pape a Boulongne. Doncques cestuy Iehan 23 se tint a Boulongne, Gregoire a Armignac, & Benoist en *Scisme de trois papes.* Espaigne, & tous troys viuantz. Mais quand le cõcile de Constance tint, il furent tous trois deposez en eediẽt concile.

Le tiers Liure des Chronicques
De Tamerlan tyrant
de Tartarie.



Tamerlan

Tamerlan
tyrant.



Paiafet em-
pereur des
Turcs.

V regne de Rupert Empereur,
vuoit Tamerlá tyrát Tartare
trescruel, q̄ gasta presque tout
l'Orient & l'Asie, par ribleries
& incursions, avecques vn ost
de dix centz mille hommes. Il
pilla les Persans, Armeniens & Syriens, & inua-
da Asie la mineur, qui maintenāt se nōme Turc-
quie, prīt Paiafet empereur Turcquois, & le feist
porter en vne cage comme vn oyseau avecques
luy, par tout ou il alloit, par iniure & mocquerie.

*Sigismond trentecinquesme
Empereur Alemand.*

L'An 1410. Apres la mort de l'Empereur Ru-^{Sigismond}
pert, Sigismond fut Empereur. Cestuy fut ^{Empereur.}
filz de Charles quart, & estoit marquis de Bran-
dembourg, roy de Boheme & Hongrie, il regna
vingt & sept ans. Il fut prince fort renommé en
science, sagesse & bonté: de stature telle, comme
il appartenoit a la dignité imperiale. Son effigie
est encore pour le iourd'huy pourtraicte apres le
vif en la maison de Hoier noble comte de Mans-
feld. Cestuy Sigismond feist grosses guerres con-
tre les Hongres, par lesquelz fut prins. Sou-
uent guerroya contre les Turcqs. Apres qu'il
fut Empereur, il amassa vn gros exercite, avec
l'aide de toutes nations Chrestiennes, pour al-
ler contre lesdictz Turcqs, comme nous dirons
parapres.

Du concile de Constance.

AV commencement de son regne Sigismond ^{Le concile de}
vint en Italie, & parlementerent ensemble ^{Constance.}
le pape Iehá & luy de faire vn concile, pour extir-
per toutes occasions de scismes. Il se transféra
aussi au roy de France, & l'ehorta de soy con-
sentir audict concile. Pourtant a la faueur & ai-
de du pape Iehan, de l'Empereur, des roys de
France, Espagne, & Angleterre fut commencé

Le tiers Liure des Chronicques

De Iehan le concile de Cōstance l'an 1414. ou le pape Iehā
hus & Hierome de prage, qui furent bruslez au
concile de Cōstance, & de leurs articles
condamnez. qui voudra veoir l'histoire
entiere, li se Aeneas Syluius, au
liure de l'origine & gestes des Bonhommes
chapitre 35. & 36.

L'Empereur Sigismond vint a Constance a la natiuité de nostre seigneur, & a la messe comme diacre chanta l'Euangile Exiit edictum a Cesare Augusto. Puis fut determiné de Iehan Hus, sa doctrine fut condamnée, & furent bruslez ensemble Hierome de prage & luy. Consequemment fut tins propos d'appaiser le scisme, qui pour lors estoit en l'Eglise: adonc furent deposez troys papes, c'estascauoir Iehan 23. Gregoire & Benoist: & en leur lieu fut mis Otho de Coulumne qui fut nommé Martin cinqiesme. Or comme le pape Iehan 23 se repentist de s'estre cōsentu a sa deposition, s'en cuida fuir secrettemēt, a l'aide de Frederic duc d'Autriche: mais en s'enfuiant fut atrapé par les gens de l'Empereur. Et le duc d'Autriche fut bany par le commandement de Sigismond. Lors furent gastez aucunz villages de sa duché: finalement la chose fut apaisée, par qu'on enhorta Frederic, que de plein gré il mist toutes ses terres en la puissance de l'Empereur, & qu'il luy demandast pardon. ce qu'il fut fait: puis Sigismond par son humanité & clemence restablit ledict Frederic en sa duché d'Autriche.

Le pape Iehā mis en prison.

Parapres le pape Iehan destitué, fut baillé en garde a Loys comte Palatin, qui le feist mener au chasteau de Manheym, non pas loing de la ville de Heidelbergue, ou il fut trois ans: puis fut re-

ceu en grace par le pape Martin, qui le feist cardinal. Doncques apres que ce pernitieux scisme fut tollu & deraciné de l'Eglise, la paix & concorde d'icelle fut restituée en son pristin estat, & cela par le moyen & pourchas du bon Empereur Sigismond, qui a ceste cause a merité grand bruit & los. Le reste qui fut fait en ce concile, ce seroit chose superflue de le reciter, de toutes ces choses y en a liures entiers.

Des comtes prouinciaulx de la Marche de Brandebourg.

L'An 1417 les octaues de la resurreccion de nostre seigneur, l'Empereur Sigismond donna a louable prince Frederic Burggraue de Noremberg, droit d'election de l'Empire, & la comté prouinciale de la Marche de Brandebourg en plein concile: & fut pour l'excellence de ses vertuz, ensemble pour sa grand' fidelité, laquelle il auoit declarée es cas de grand' importance qui concernoient l'Empire. Prolix seroit a reciter, cōbien furent en ceste race de Burggraues d'excellentz & nobles princes deuant la dignité d'election acquise, & par apres aussi: avecques ce d'iceulx souuent au parauant a esté fait mention. Apres que lesdictz princes furent faitz electeurs, tousiours se sont mōstrez prōptz diligentz & entētifz aux haultz affaires de l'Empire, a ceste cause touchera lon deulx souuēt par apres. Pourtāt

Le tiers Liure des Chronicques

*Albert mar-
quis nomme
l'Achilles
d'Alemai-
gne.*

es histoires de nostre temps deuant tous autres
Albert marquis est prisé & estimé, qui pour ses
graces & excellences acquist le sournom d'A-
chilles Alemand. On a veu aussi de nostre aage
Ioachin marquis de Brandembourg electeur,
qui est mon seigneur & mon prince tres humain,
& son frere Albert Cardinal & electeur, arche-
uesque de Maience & de Magdembourg fleurir
& reluire en sagesse, & en toute autre espeece de
vertuz heroicques, si qu'on ne s'est sceu passer de
leur conseil & industrie, aux grands & difficiles
negoces qui apartiennent non seulement a l'Em-
pire, ains aux affaires qui concernent l'estat de
toute la terre Chrestienne. Et ne se peult autrem-
ent faire aux Empires: pource que ce pendant
qu'ilz sont en cours, on a affaire pour le regi-
me d'iceulx, de la prudence & discretion des
haultains personaiges. Ce qu'icelle mesme sa-
pience tesmoigne es escriptures sainctes, disant,
par moy les roys regnent.

*Zischa capi-
taine de la
secte de
Iehan Hus.*

Après le concile de Constance, tout plein de
voiajes se feirent en Boheme, contre les fedi-
tieux & mal viuantz personaiges, qui après la
mort de Iehan Hus destruisoient & pilloient les
temples, ensemble les monasteres. Leur chef &
capitaine estoit nommé Zischa. Il y eust grand
occision tant d'un costé que d'autre des Bohe-
mes & Alemans, qui allerent contre lesdictz mu-
tins & hereticques, mais ceste commotion ne
peust estre en ce poinct estaincte.

Sigismond (comme nous auons dict deuant) *Le voiage de Sigismöd contre les Turcs.* assemblea grosses bendes d'Alemans, Bourguignons, François, Italiens & Hongres contre les Turcs, & les mena iusques a Adrianoble, & en ce voiage estoit avec ledict Sigismond Philippe duc de Bourgoigne. Mais pource q̄ les François querelloiēt a auoir le premier lieu de l'armée, & faire l'auantgarde, l'ordre fut rompu, nō pas sans dommaige & perte incredible des Chrestiens: car certes furent vaincuz des ennemys Turcs, & le duc de Bourgoigne prins. l'Empereur Sigismond se retira a Constantinoble. Finablement long temps apres ledict duc fut deliuré.

On recite vne histoire de Sigismöd fort ioieuse. Cestuy eust plusieurs ans vn seruiteur familier, auquel n'auoit faict gueres grands biēs, (iaçoit ce q̄ toutesfois il fust prince liberal & frâc) *La facettie d'un des seruiteurs de Sigismond.* comme escript Leonard Aretin, qui auoit veu ledict Empereur, & auoit traicté beaucoup de causes deuant luy, au nom du pape. Or aduint il que quelques fois ledict Empereur passoit a trauers d'une riuere, & son cheual s'arresta pour vriner, ce que voiant ledict seruiteur, estant pres de son Seigneur Sigismond, dist par ioieuseté: Ce cheual tient de la nature de son maistre. Cecy oyant Cæsar Sigismond, s'enquist pourquoy. Lors respond le seruiteur. Ce cheual respand son vrine en ce fleuue, ou il ya abondance d'eau. ainsi Sire faictes vous le semblable, car vous estes liberal enuers ceulx qui ont beaucoup de biens,

Le tiers Liure des Chronicques

& qui n'ont mestier qu'on leur en baille plus. Or considera ledi&t Empereur que par ceste facetie il estoit touché, & qu'a cestuy seruiteur qui estoit ia viel, & l'auoit serui longuement, n'auoit encore fait pas grande liberalité: Adonc respondit, iamais le bon vouloir de bienfaire ne me deffailit, mais les dons & presentz des princes ne sont proprement a ceulx qui les ont bien meritez, mais a ceulx a qui ilz sont determinez par le vouloir de Dieu, & certaine destinée: Et en brief(dit il) tu en auras l'experience, quand i'auray loisir de te le monstrier. Puis quand Sigismond fut a requoy, feist venir deux boetes semblables & d'une grandeur. En l'une meist de l'or, & en l'autre du plomb d'une mesme pesanteur, lors appella son seruiteur, & luy commande qu'il eslise vne de ces boetes. Adonc le seruiteur esbahy leue puis l'une, puis l'autre en les soupesant, & ne scait laquelle il doit choisir: Finablement print celle ou estoit le plomb, puis quand il eust ouuerte, Sigismond luy dit, maintenant tu vois que mon bon vouloir enuers toy, ne t'a pas esté contraire ne repugnant, ains ton infortune & malheur iusques a ceste heure. Ce fait icy tesmoigne, que ledi&t Empereur consideroit prudemment, que la bonne fortune venoit aux hommes par le vouloir & volunté de Dieu.

La bone fortune vient de Dieu.

Albert d'Autriche.

Ledi&t Empereur n'eust point d'hoir male. Il donna vne seule fille qu'il auoit a Albert duc

d'Austriche, qui a ceste cause fut roy de Boheme & Hongrie.

L'an 1434 Encores du viuant de Sigismond, ^{Le concile de Basle.} le concile de Basle fut commēcé. Il auoit esté déterminé au concile de Constance, que de douze ans, en douze ans se feroit nouveau concile. Mais apres que Sigismōd fut decedé, le pape Rōmain, apres le concile premierement faict a Ferrare, puis a Florence, empescha que le concile de Basle ne se paracheuast qui ia estoit commēcé : & feist cela plus facilement, pource qu'aucun monarque, ou quelque souuerain prince ne s'entremettoit pour faire garder le statut estably au concile de Constance.

Après la mort du pape Martin 5, Eugene quart fut pape. Cestuy couronna a Romme l'Empereur Sigismond.

*Albert second trente sixiesme Empereur
Alemand.*

L'An de Iesuschrist 1438 apres la mort de Sigismond Albert d'Austriche, roy de Hongrie & Boheme fut Empereur. ^{Albert 2.} Il fina sa vie au second an de son empire. Vne partie de Boheme adhera au roy de Polone, & taschoit de translater le royaume de Boheme aux Poulacques. Lesdictz Poulacques menerēt grosses bendes en Boheme, & attirerent a leur ligue, vne espece de gens mutins appelez Thaboristes. Cōtre lesquelz fut en-

Le tiers Liure des Chronicques

uoié par le commandement de l'Empereur, Albert Marcquis de Brandebourg. Cestuy leur donna tant d'escarmouches, qu'ilz furent contrainctz de composer avec l'Empereur.

Ledit Empereur Albert avec grosse armée entra en Hongrie contre le Turcq Amurates, qui lors par incurfion auoit enuahy ladiète Hógrie. Mais quand ledit Albert fut arriué, le Turcq se retira arriere, & apres auoir battu la ville de Sinderouié, ledit Albert s'en alla en Grece, & vainquit la ville de Thessaloue. En ce voiage tumba Albert en malladie, puis fut ramené en Vienne, & tost apres mourut.

Frederic tiers trenteseptiesme Empereur Alemand.

*Frederic
tiers duc
d'Austriche,
faict Empereur.*

Iehan Huniade.

Vladislaus.

L'An de Iesuschrist 1440, apres la mort d'Albert Frederic tiers fut designé Empereur, & regna cinquante trois ans. Or la fille de Sigmond, femme de l'Empereur Albert pour lors estoit enceinte mais aucunz des Hógres, n'aiantz attente a la future lignée du royaulme, conuocquerent le ieune roy de Polone nommé Vladislaus. Adócques estoit grand gouuerneur du royaulme de Hongrie Iehan Huniade pere de Mathieu. Cestuy par gros conflict auoit debilité les forces des Turcqs, & auoit contrainct Amurates, a demander trefues. Or incontinct que fut arriué Vladislaus audict royaulme de Hongrie,

les Hongres eſpererent, ſi leur puiſſance, & celle des Poulacques eſtoit ioincte enſemble, que paruiendroiēt a gros honneur, & q̄ facilement inuaderoient le Turcq. Et paradventure le roy Vladiflaus, qui encore eſtoit ieune ſe delectoit a la couuoitize de ceſte gloire. Pour ceſte cauſe le Cardinal Iulian rōpit les trefues faiçtes avec le Turcq, ſoubz ceſte couleur allegāt qu'il n'eſtoit licite faire paix avec les Turcqs, & que le pape n'en eſtoit content, conſideré que le cas touchoit a toute la Chreſtienté. Doncques amaſſa grand exercite Vladiflaus, & chemina contre le Turcq Amurates, iuſques a Varne, qui n'eſt loing de Cōſtātinoble: iaçoit ce q̄ ce pendāt Iehan Huniade deſconſeillaſt ſur toutes fins de ne prendre guerre, diſant qu'il cognoiſſoit que la force des ſiens eſtoit trop foible & que les Turcqs eſtoiēt trop fortz pour eulx, & que ſans grande neceſſité il n'auoit faiçt trefues avec lediçt Amurates. On diçt que le roy Vladiflaus demanda aide en ceſt affaire, a Vualacque Dracoles, mais que ceſtuy Dracoles luy diſſuada la guerre contre le Turcq autant qu'il peult: Toutesfois ce pendāt enuoia ſon filz avec deux mille hōmes de cheual au ſubſide de Vladiflaus, auquel il eſt mētion qu'il diçt, qu'il luy dōnoit vn cheual legier, & a ſon filz auſſi: pēſant a p̄ luy qu'il ſeroit ſubiugué, pour ceſte cauſe eſtoit bō d'auoir a main telles fortes de cheualx, pour ſe ſauluer a la neceſſité. Les Turcqs voiantz ceſt appareil, mettent ordre par tout,

Iulian Cardinal.

*Vualacque
Dracoles.
Dracoles dō
na vn che-
ual legier a
Vladiflaus.*

Le tiers Liure des Chronicques

avec non moindre soucy que bonne prudence; & estoient prestz, ainçois que les Hongres. Et combien que lesdictz Hongres bataillassent cheualeusement pour l'honneur & gloire du nom Chrestien; & qu'ilz deffeissent grand' quantité de leurs ennemys: toutesfois les Turcqs, pource qu'ilz estoient plus gros nombre, eurent la victoire, & occirent le ieune roy Vladislaus, puis tuerent le Cardinal Iulian en fuyant: Huniades, pource qu'il estoit bon gend'arme, & cognoissant les finesse de la guerre, se guetta & se sauua. Ceste bataille fut faicte l'an mil quatre centz quarante & quatre, le dixiesme iour de Novembre. Amurates apres ceste victoire se feist moyne de Mahomet, estimant qu'apres si grande felicité de la desconfiture de ses ennemys, il feroit bien de ceder son Empire, affin que par apres fortune blandissante ne le deceust, & ne luy iouast quelque mauuais tour, dont peust estre la gloire qu'il auoit en ce conflict acquise contaminée, & son bruit consequemment obscuré & terny. Quant au reste Huniades inuada de rechief les Turcqs, & les affligea si griefuement, qu'ilz furent contrainctz de reuocquer leur moyne Amurates, affin qu'il resistast audict Huniades, & qu'il le poulast hors de Turquie. Apres que Constantinoble fut perdue, ledict Huniades surmonta Mahomet empereur des Turcqs, qui lors menoit son exercite en Hongrie, & y perdit ledict Turcq grand nombre des siens, si

*La iournée
de Vayne.*

*Amurates
se feist moy
ne.*

*Huniades
inuada de
rechief les
Turcqs.*

que ledict Huniades deliura toute l'Europe de craincte de peril. Or si ce voiage eust esté prospere a Mahomet, croiez qu'il n'eust seulement occupé l'Italie, ains toutes les autres regions de la Chrestienté facilement. Apres la mort d'Vladislaus, les Hongres receurent pour leur Roy l'enfant Vladislaus heritier du royaume, qui estoit né de la fille de Sigismond. Cestuy Vladislaus desia grand, mourut a Prage ville de Boheme.

L'an 1444 vn nommé Daulphin avecques les Armeniens amena vne armée en Alsata iusques a Basle, non sans grande & horrible occision des Alemans. Aucunz estiment qu'il fut enuoie en Alemaigne par le pape Eugene, pour destourber le concile de Basle. Cestuy Daulphin auoit vingt & cinq mille homes. Les Souices pour deliurer la ville de Basle enuoierent contre cestuy Daulphin quatre mille hommes. Lesquelz assailirent lesdictz Armeniens ensemble l'armée de Daulphin avec si grande hardiesse, que nul d'entre eulx ne ploia & donna lieu a l'ennemy, & iacoit ce que pour le grand nombre que les autres estoient lesdictz Souices ne vainquistent, toutesfois laisserent aux ennemys vne victoire senglente & lamentable. En ce conflict le Daulphin perdit environ dix mille de ses gens, & avecques ceulx qui demeurerent fut contrainct de se retirer d'Alemaigne.

Le capitaine Daulphin avec les Armeniens.

La promesse des Souices contre le Daulphin.

Le tiers Liure des Chronicques

*La guerre
des villes.*

L'an 1449 Albert marquis de Brádembourg mena guerre contre les villes de l'Empire, c'est ascatoir Noremborg & autres maintes, & fut nommé ce conflict la guerre des villes. Tant d'une part que d'autre plusieurs princes s'adioignirēt, & dura ceste bataille deux ans. Le marquis Albert deffist les Norembergeois en huit conflictz.

L'an 1452 Frederic Empereur entra en Italie, & fut receu en grand honneur de tous. Il fut marié a la ville de Senes avecques Alienor fille du roy de Portugal. Puis vint a Romme, & fut couronné avec sa femme la royne par le pape Nicolas cinqiesme, le dixhuitiesme iour de Mars. Retournāt de Romme, feit Borfius, duc d'Estense. Puis vint a Venise, ou il demeura dix iours. J'ay ouy dire a vn personnage de gros estat & credit, qu'un seigneur de Venise, qui autresfois auoit esté Senateur a Venise, & auoit se. uy a table l'Empereur Frederic & le duc des Venitiens, luy racompta que Frederic dit en plein conuiue qu'il seroit amy perpetuel des Venitiens, mais qu'iceulx seroient grandement affligez de ses posterieurs.

De Constantinoble prinse des Turcqs.

L'An 1453, le 29 iour de Mars Mahomet Empereur des Turcqs print la ville de Constantinoble, apres auoir tins siege longuement deuant.

uant, & apres l'auoir fort battue: Et en icelle exerça si grād' cruaulté, que n'õ ne le pourroit exprimer. L'Empereur Constantin en s'enfuiant, fut tué au pres d'vne des portes de la ville, il eust la teste coupée, & mise au bout d'vne lance, & par le commandement du Turcq portée parmi la ville. Lediçt Mahomet commanda aussi que l'Imaige de nostre seigneur Iesuschrist crucifié fut esleuée en ladicte ville, & qu'on escriptiust dessus: voyla le Dieu des Chrétiens. Commanda oultre par vilenie & iniure, qu'on iectast contre du fiens, fange & ordure. La femme de l'Empereur Constantin, & ses filles avec les autres honnestes Damoysselles furent trainées a vn conuiue, puis violées & deflorées, consequemment desirées par morceaux, & mises en pieces. Ces exemples, & autres enormitez semblables des Tureqs, debueroient a iuste droit exciter noz couraiges de faire a bonessient contre telz ennemys, lesquelz on peult appeller non tyrantz, ains droictes bestes cruelles & inhumaines.

*L'empereur
Constantin
tué.*

*La grande
cruaulté des
Turcs, a
pres la prin
se de Con
stantinoble.*

*Les Turcs
bestes & nō
tyrantz.*

L'ã 1461 le pape deposa Dietric d'Isembourg de son euesché, & fut mis en son lieu Adolphe de Nassau. Ceste aduenture la donna occasion de grands guerres a l'Empire. Frederic comte palatin print la charge de garder Dietric. L'Empereur esmeust cõtre cestuy, les comtes de Vuirtemberg & de Bade, & l'Euesque de Maience. Or comme ceulx cy gastoient les terres du-

*Frederic cõ
te palatin.*

Le tiers Liure des Chronicques

dict comte Palatin, furent prins par iceluy comte Frederic l'an 1462.

Ce mesme an d'autre part, Adolphe euesque subiuiga la ville de Maience.

L'an 1463 l'Empereur Frederic au chasteau de Vienne fut assiegé par les bourgeois de ladicte ville ses subiectz, & de ceste inuention auoit esté autheur Albert son frere: mais Georges roy de Boheme deliura Frederic, & repoulsa lesdictz citoyens.

*Charles
prince des
Bourgu-
gnons.
Nusse ville.*

L'an 1474 Charles prince des Bourguignons assiegea l'espace d'un an la ville de Nusse: & cela vint, pource que les chanoines de Couloigne auoient fait fascherie a Rupert euesque de ladicte ville & l'auoient deicté, & Charles vouloit qu'il fust restably. Mais comme le duc Charles pensoit alier le diocese de Couloigne de l'Empire, & le transferer a soy, l'Empereur dressa soudain vne armée contre luy, & en feist coronal Albert marquis de Brandebourg, & le porte enseigne estoit Albert duc de Saxoigne. Finablement comme on cherchoit les moyens d'apoincter, Charles ceda, & en cest apoinctement fut traité & determiné qu'on bailleroit la fille du duc Charles en mariage a Maximilian.

Nansi.

L'an 1477 Charles duc de Burgoigne fut vaincu des Lorrains & Souices aupres de la ville de Nansi. Ledit Charles auoit osté au duc de Lorraine ladicte ville, & aux Souices Gransi &

autres villes : d'auantaige auoit fait pendre & estrangler en ladiete ville de Granſi ſoixante & deux Alemans.

Après la mort du duc Charles, les François tafchoient a ioindre a leur royaulme, Flandres & Brabât, & ceste ambition engendra grosses guerres. Mais les Bourguignons ne voulurent que leur duché fut alienée de la fille dudict Charles, parquoy fut consulté de marier ladiete fille a Maximilian filz de l'Empereur Frederic. Doncques l'an 1477 Maximilian bien en equipage s'en alla a Brabât, & espouſa Marie fille de Charles: dont est aduenu que cestuy Maximilian augmēta grādement la gloire du nom d'Autriche, & feist tout plein de beaux actes, en deffendant ses terres, contre l'impetuofité des François.

Maximilian.

L'an 1486, Maximilian fut fait Empereur a Aix la chappelle: & est couronné le dixiesme d'Apruil: Lors qu'il fut esleu a Francford, en ce lieu mourut Albert marquis de Brádembourg, auquel les historiens mesmes Italicques, luy attribuet la gloire, d'auoir esté prince ſaige, & trescheualeureux gend'arme.

L'an 1486 par la finesse & astuce des François Maximilian fut prins, par ses subiectz, ceulx de Brugges en Flandres. Mais quand Frederic son pere, avec vn gros renfort fut descendu es basses Alemaignes, ledict Maximilian fut remis en liberté par les Bruggeois.

*Maximilian
prins par
les Brug-
geois.*

L'an 1490, ledict Maximilian repeta & prins

Le tiers Liure des Chronicques

possession de ses terres hereditaires de la duché d'Austriche, occupées par le roy de Hongrie Mathieu, qui estoit desia mort.

L'an 1493 l'Empereur Frederic 3 mourut a la ville de Lintz, & fut inhumé a Vienne. Ce mesme an les Turcqs feirent des courses iusques a Croace: mais furent repoulsez par Maximilian, qui lors estoit en Austriche, avec vn exercite de quinze mille hommes.

*Nicolas 5,
pape, fau-
teur des gēs
scauantz.*

Après la mort d'Eugene 4, Nicolas 5 fut pape. Par cestuy fut couronné Frederic. Il entretint par grand' liberalité nō seulement les personnaiges doctes d'Italie, ains aussi ceulx qui estoient partiz de Constantinoble, pour venir en Rome, comme Gaza, Trapezocce, & les Argyropyles: par le trauail, & honneste labour desquelz, toutes les bonnes lettres furent renouuellées, & rendues plus correctes & mieulx limées.

Après Nicolas 5, Calliste 3, fut pape.

*Le pape
Pie dit Ae-
neas Sylui.*

A Calliste 3, succeda Pius 2. dit au parauant Aeneas Syluius. Cestuy estoit chancelier de l'Empereur Frederic. De toutes terres il assēbla grosses bendes, pour aller contre les Turcqs: mais ce pendant il mourut, l'ost fust delaisé, & ny eust rien fait.

Après le pape Pie 2, Paul 2 fut pape.

Après Paul 2, Xiste 4 fut pape. Du temps de cestuy, l'an 1480, Mahomet Empereur des Turcqs, assiegea Otrente en Italie, & y entra, en exerçant en ce lieu tyrannie execrable & incre-

dible. L'Italie lors fut en si grande frayeur, que le pape Xiste se voulut retirer en France. Mais en ce mesme temps que fut prinse la ville d'Otrente, Mahomet mourut, & par le vouloir de Dieu, affin qu'il n'allast plus auant en Italie. Mais sus ces entrefaictes, Alphons roy de Naples, feist la guerre aux bourgeois de Senes. Or quand il eust ouy les nouvelles d'Otrente, se hastia de sen retourner a Naples, & en passant deliura Otrente des mains des Turcqs. Apres la mort de Mahomet, les Turcqs delibererent de s'en retourner en Turquie, affin que quelque discord ne s'esmeust a l'Empire. Adonc fut aisé a Alphons de recouurer la ville d'Otrente, & metre hors les Turcqs d'Italie.

*Mahomet
empereur
des Turcqs,
asiegea
Otrente en
Italie.*

*Alphös roy
de Naples.*

Apres Xiste 4, Innocent 8 fut pape.

Apres Innocent, Alexandre 6 fut pape. Cestuy eust vn filz dit le capitaine Valentin, qu'il feist duc d'Vrbis. Cestuy Valentin portoit en sa deuise: O Cæsar, ô nullo: qui est vulgaire Italien, & en nostre langue François vault autant a dire comme, ou Empereur, ou rien. Par cela desiroit ledict Valentin quelquefoys paruenir a l'Empire, mais finalement vint a exequution de la fin de sa deuise, qui estoit, ô nullo. Car il ne fut rien. Veritablement pour les fineses meslées de fraude & mauuaitié, qui estoient en luy, fut tué.

*La diuise
du duc d'Vr
bin.*

Le commencement de l'art d'imprimer les liures, fut soubz le regne de Frederic tiers, & en

*Quäd l'art
d'imprimer
fut trouué.*

Le tiers Liure des Chronicques

fut l'inuention premierement trouuée a Maience, l'an mil quatre centz quarante. L'art de faire l'artillerie est beaucoup plus ancien, & dit on qu'il fut trouué en Alemaigne, l'an 1380.

Quand l'inuention de l'artillerie fut trouuée, Maximilian Empereur.

L'an de Iesuschrist 1494, Maximilian commença son Empire, apres la mort de son pere: du viuant duquel, ledict Maximilian auoit administré ledict Empire avecques luy, l'espace de huit ans, & apres son deces regna quinze ans. Iaçoit que son commencement fust humble, foible & de basse estoppe, toutesfoys la fin fut a la gloire, & accroissement du royaume des Alemans.

Charles 8 roy des François.

Au commencement de l'Empire de Maximilian, le petit roy Charles huitiesme, roy des François, avec grand' prouesse: & triumpante cheualerie feist le voiage d'Italie, & print Naples, Mais apres son retour en France, l'an ensuiuant, le ieune Ferdinand de rechief iquist de Naples, & deiecta les François, a l'aide de Maximilian, lesquelz estoient demeurez en garnison en ladicte ville.

Maximilian feist de grosses guerres. Premierement es basses Alemaignes, Flandres, & Brabant. Auxquelz pays acóplit tout plein de beaulx actes de sa propre main, desquelz i'en ay ouy reciter plusieurs, mais ie ne les ay, & croy qu'ilz sont totalement perilz & perduz. Pleust a mon Dieu que quelque hōneste personaige, cognoissant au vray ses gestes, redigeast en liure tou-

tes ses histoires en l'honneur & gloire d'un si excellent prince, & qu'il publiast sur la terre la prouesse, & les vertuz de tant vaillant Empereur. I'ay ouy reciter a un nommé *Pyrcamere* ^{*Pyrcamere.*} de Noremburg, que ledict Maximilian escriuit & nota ses actes luy mesme par quelques ans. D'auantaige dit qu'il auoit esté par eau avec ledict Empereur, depuis la ville de Linde iusques a Constance, & quand il estoit a loisir, appelloit son secretaire, & luy nommoit en latin ses faitz d'un an, en bel ordre, & avec declaration & explanation de toutes les circonstances & occasions. Mais voiant cecy *Pyrcamere*, & pensant que ce fust quelque chose de secret, commença a s'esloigner, lors luy commanda Maximilian qu'il demeurast & entendist le narré. Puis enuiron le vespre, Maximilian le bailla a lire audict *Pyrcamere*, & luy demanda si ce latin de gend'arme estoit bien couché, & si luy plaisoit. D'aduaantage dit, qu'il seroit curieux de comprendre lesdictes gestes clairement & en brief, affin qu'il fust licite aux personaiges scauantz parapres mieulx explicquer telles histoires, par leurs causes & circonstances. Ledict *Pyrcamere* afferma lors, qu'il n'auoit veu ne leu historien Alemant qui coucheast en si pur & si beau stille ses escriptz, que faisoit Maximilian. Et desira fort de recouurer telles annales ledict *Pyrcamere* apres la mort de

Le tiers Liure des Chronicques

Maximilian, mais il ne sceust. Or c'est assez parlé des gestes des basses Alemaignes.

*Quand
Vuirteber-
ge fut erigée
en duché.*

L'an 1495, au concile de Vuormace la comté de Vuirteberge fut erigée en duché, & le comte Bbrard fut le premier duc créé.

*Guerre des
Souices, cō-
tre ceulx
d'Austriche*

L'an 1499 les Souices feirent guerre contre leurs voisins les Austrichois, pour lesquelz destourner soubdain partist Maximilian de Guel-dres, ou il auoit bien affaire. Et par legieres alar-mes, & volantes escarmouches, tant d'un costé que d'autre y demeura bien vingt mille homes: finalement le tout fut apoincté.

*Imaiges de
la croix
veues en A-
lemeigne.*

L'an 1501 plusieurs imaiges de la croix tum-berent en Alemaigne sur les vestementz des hō-mes. Chose semblable aduint souuentesfoys au parauant.

*La bataille
de Bauiere.*

L'an 1504 la bataille de Bauiere fut, en la-quelle Maximilian deffendit les princes de Ba-uiere contre Philippe comte Palatin du Rhin, & le duc Rupert filz dudit Philippe Palatin. Ce-
stuy Rupert apres auoir espousé la fille de Geor-
ges duc de Bauiere, vouloit qu'on luy passast le-
tre par tiltre hereditail, de Ládshuot partie de Ba-
uiere. Mais il alla de vie a trespas, luy & sa fem-
me, tandis que ceste guerre duroit, & lors le com-
te Palatin fut despouillé de la plus grand' partie
de sa principaulté, par les gens de César, & par
les Vuirtembergeois.

Auecques ce, grosse armée de Boheme, q̄ estoit

venue au secours du comte Palatin, fut deffaiete & mise en rouverte par l'Empereur Maximilian. Finablement ledict Empereur vsant de prudence non moindre que de douceur & mansuetude, receut le comte Palatin en grace, affin qu'il ne fourdist aucun trouble a l'Empire, touchant l'establissement du droit d'election, passé a long temps receu.

L'an 1505 l'ost de Cæsar assiegea le duc de Gueldres en la ville d'Arnheim, & le cōtraignit a se rendre.

L'an 1506, Philippe roy d'Espaigne, & duc de Bourgoigne, filz de Maximilian, mourut, l'an de son aage vingt & huit.

*Philippe
filz de Ma-
ximilian.*

L'an 1507 Maximilian entreprint guerre nõ moins grande que longue contre les Venitiens, en laquelle furent gros meurdres, & merueilleuses mutations. Loys 12 Roy des François premierement estoit pour les Venitiens, puis se meist du costé de Maximilian. Au contraire le pape Iules estoit du party de Cæsar, puis fut pour les Venitiens. En ce conflict lesdictz Venitiens perdirent de leurs excellentes villes, comme Veronne, Padoue, Treuy, & maintes autres. Or quand le pape Iules eust laissé l'Empereur, & se fut tourné avec les Venitiens, Loys 12 entreprint guerre cōtre ledict pape, & avecques luy estoient encore adioinctz les souldartz de Cæsar en Italie. Lors ledict Maximilian Cæsar eust craincte, que si d'adventure les François estoient victorieux, qu'ilz

*Loys 12
roy des Frã
çois.*

Le tiers Liure des Chronicques

ne voulsissent inuader Naples, & qu'ilz ne machinassent quelque chose a Romme au dōmaige de l'empire. Parquoy enuoia Mathieu Lāgy Cardinal de Saltzbourg son cōseiller demāder paix au pape, ainçois qu'ilz guerroiassent luy & le roy François. Iules, pource qu'il se tenoit fort de l'aide des Espaignolz & Italiens, pensant pour vray obtenir la victoie, a ceste cause ne voulut auoir paix avec Maximilian. La iournée fut donnée le propre iour de pasques, l'an 1512 aupres de Rauēne. L'ost du pape succomba, & furent tuez en ce conflict seize mille hōmes. On ne lit point qu'on veit de ce temps plus aspre & cruelle bataille, ou fust guerroié tant d'un costé q̄ d'autre de si grād' puissance. Or apres la victoie perdue, Iules voulut franchement apoincter avec l'Empereur. Et affin que le roy François ne feist plus d'effortz en Italie, Maximilian & Iules exciterent contre luy, le roy d'Angleterre, les Alemans & Souices. Et en ce poinct fut Loys contrainct d'habandonner l'Italie. Puis les Venitiens se reconcilierent a Maximilian.

Le pape Iules vaincu a Rauenne, le iour de pasques.

L'an 1519, l'Empereur Maximilian mourut. Et ce mesme an les princes Electeurs, c'estascavoir Albert Cardinal Euesque de Maience, & marquis de Brādēbourg: Herman Euesque de Couloigne, cōte de Vuida: Richard de Greiffenklau, Euesque de Treues: le legat de Loys roy de Boheme: Loys comte Palatin du Rhin: Frederic duc de Saxoigne: Ioachin marquis de Brādēbourg,

esleurēt a Francford legitiment & vnanimement, & avec grande prudēce Charles duc d'Autriche & de Bourgoigne, & roy des Espaignes, le vingt & huitiesme jour de Iuing.

Après Alexandre 6, Pius 3 fut pape. Cestuy mourut bien tost.

Après Pius 3, Iules 2 fut pape. Contre cestuy furent publiez aucunz escriptz, par le Cardinal Bernardin en la bataille Venitienne, pour tenir concile. La chose eust presque donné occasion de scisme, si Maximilian par sa prudence n'eust destourné l'affaire.

Après Iules 2, Lyon 10, filz de Laurés de Medicis, fut pape.

Du temps de Lyon l'an 1517, Luther premierement escripuit contre les indulgences, & de cela sourdirent maintes disputatiōs parapres, laquelle chose engendra grandes mutations en l'Eglise, chez les Alemans. Martin Luther.

Charles quint 39

Empereur Alemand.



Charles
quint.



' An 1519, Charles quint nepueu de Maximilian , roy d'Espaigne, duc d'Austriche & de Bourgoigne, fut esleu Empereur. Frederic comte Palatin fut enuoïé des ele&eurs en Espagne, pour annöcer audi& Charles ceste electiö. Döcques l'an ensuiuant vint en Alemaigne , & fut couronné a Aix la chapelle.

L'an 1525, François Roy des François fut prins en bataille a Paue en Lombardie par les gens de Cæsar, puis apres fut conduict en Espagne. Charles vfa en ceste victoire de clemence & moderation . Il restitua le treschrestien Roy en son Royaulme, & luy donna sa seur Alienor vertueuse & debonnaire princesse, en mariage. Les chefs de ceste guerre estoient, Nicolas comte de Salmë, Georges de Frösberg cheualier, Marc Sittich, le duc de Bourbon, & le marquis de Pefquere.

En ce mesme an furent merueilleuses mutineries, & dequoy on n'auoit iamais ouy parler de semblables en Alemaigne, par les payfantz & gens rusticques dudit pays, & fut ce tumulte en Alsate, Suaue, Francone, Thuringe, & aux terres du Rhin. Ces commotions furent retrenchées & refrenées par armes, & a grand' force des princes, en forte qu'en l'espace de trois moys, plus de cent mille payfantz furent occiz & mis a mort en ce cõflict, comme si se feussent bestes. Vn sur-nommé Schaplerus auoit escript douze articles de la liberté Chrestienne. Et cestuy estoit chef & capitaine de ces mutins, soustenant & disant qu'il n'estoit licite, faire aucun tribut aux princes & seigneurs. Par ceste doctrine, la plus grand' partie des payfantz animée & enflammée soubz espoir d'acquérir liberté, print les armes contre ses vrais seigneurs en Mulhausen ville de Thu-

*La prinse
du roy Fr.
çois.*

*Bataille des
payfantz en
Alemaigne.*

*Schaplerus
chef des pay
fantz.
Douze ar-
ticles de la li
berté Chre
stienne.*

Le tiers Liure des Chronicq̄s

*Thomas le
Mōnoieur.*

ringe, le grand prescheur de leur Eglise estoit vn
appellé Thomas le Mōnoier. Cestuy prescha pu
blicquement qu'il restaureroit l'estat de l'Eglise
q̄ estoit en decadence. Il se vançoit q̄ particulie
remēt luy estoiet faictes de Dieu aucunes reuela
tiōs, & q̄ pour destruire la tyrānie des meschātz
& inhumains personaiges, luy estoit baillé le
glaiue de Gedeon. Cestuy leua par bendes les
dictz payfantz & gens rustiques, & leur commā
da de metre a sac les maisons des gentilz hom
mes, & piller les biens des monasteres. Or com
me ces villains gastoient tout ça & la sans ordre,
les princes de Saxoigne, & le Landgraue de Haf
se les deffeirent. Thomas le Monnoieur, & plu
sieurs de ses compagnons furent prins, & deca
pitez, & puniz pour leur mauuaise entreprinse.
Ce Monnoieur icy auoit esté premier autheur
du fol erreur des Anabaptistes, qui esmeut enco
res maintenant plusieurs mauuais personaiges
en Alemaigne. En ces deux vers le tēps de la prin
se du roy François, & l'occisiō de ces rustiques
est contenu:

François estoit captif, quand ruraulx d'Ale
maigne,

*Iehan Oeco
Lampade.*

Vindrēt pour guerroyer les nobles en cāpaigne.

*Zuinglius.
L'erreur de
Berengier.*

L'an 1525, Iehan Oecolampadius de Basle, &
Huldrich Zuinglius renouellerent par liures
composez l'erreur de long temps condemné, de
Berengier. Disantz qu'en la participation de la

cene de nostre Seigneur n'est point distribué le vray corps & sang de Iesuschrist . I'açoit ce que l'an passé André Caroloftade hōme fol & insensé, eust proposé ce mesme argument odieux.

André Caroloftade.

L'an 1527 Loys roy des Hongres fut occis par Solyman Empereur des Turcqs.

Loys roy de Hongrie occis par Solyman.

L'an 1527 l'exercite de Cæsar fut mené a Rome par le duc de Bourbon . La ville fut assiegée, prinse, & sacagée parapres. Le pape fut cōtrainct de se retirer au chasteau saint Ange, mais fut assiegé & prins, mais l'Empereur Charles le mist en liberté, & le restitua en sa pristine dignité, afin qu'il pourueust a la publique tranquillité de la terre Chrestienne . Le nombre des ans est comprins en ce quatrain,

Rome prinse.

Le duc de Bourbon.

Après l'emotion des Alemans payfans,
Et prinse des François, tout iustemēt deux ans:
Par le duc de Bourbon, Rome fut assiegée,
Et des gens de Cæsar destruiete & sacagée.

L'an 1529 Charles vint en Italie, & fut receu des princes, & de toutes les villes en grand honneur.

En ce mesme an, au moys d'Octobre, Solyman amena en Alemaigne vne gend'armerie de cent quarante mille hommes, comme les Turcqs se vanterent du depuis en la ville de Craco . Ledict Solyman assiegea la ville de Vienne par quelques sepmaines, & la batit asprement & merueilleusement. Mais Frederic comte Palatin co-

Solyman assiegea Vienne.

Vienne ville d'Autriche.

Le tiers Liure des Chronicques

ronal de l'armée de l'Empereur, auoit mis dedés
Viene, trois iours deuant qu'elle feust assiegée vne
grosse gend'armerie avec grand' diligēce. Cestuy
comte Palatin Philippe se meist dedens la ville
avec lesdictes bendes. Pourtant fut icelle ville si
bien deffendue par la faueur de Dieu, que le ty-
rant Turcq fut contrainct de leuer son siege avec
grand' honte, & grosse perte des siens. Vne trom-
pette des Poulacques recita, qu'au siege de Vien-
ne furent occis enuirō quatre vingt mille Turcqs,
& qu'une partie du reste de l'ost en se retirāt par
faulte de viures mourut de faim & de grand' froit.
Par ces vers on trouuera l'an que ladicte ville fut
assiegée.

L'an que Charles le quint entra en Italie,
Vienne fut des Turcqs roidement assaillie.

*Charles cou-
ronné a Bou-
longne.*

L'an 1530. Le 22 iour de Feburier, Charles
Empereur a Boulongne receut les enseignes im-
periales, qui sont le poile, la pompe d'or, l'espée,
le sceptre, & la couronne, par le pape Clement,
en grand magnificence & solemnel appareil.

*Le concile
d'Aouste.*

Puis retour en Alemaigne, & la veille de la fe-
ste Dieu vint a Aouste, ou estoit assigné le iour
du concile. Les plus grands princes d'Alamaigne
estoint illec venuz, par lesquelz Charles fut re-
ceu avec grand' veneration. Et iaçoit ce que le-
dict Empereur essaiait d'apoincter les controuer-
ses des affaires de la religiō Chrestienne, & les re-
stituer en tranquillité, ce neanmoins ne sceut riē
faire,

faire, en si grand' diuersité d'opinions. Finablement commanda par edict publicque, que lesdictz Alemans gardassent l'ancienne mode de ceremonies, & la doctrine vsitée en l'Eglise Romaine.

En ce mesme an, le huitiesme iour d'Octobre, vint vn deluge d'eau en Rōme, que n'on n'auoit veu de si grand de la memoire des hommes, & dura enuiron vingt & quatre heures, & ceste inondation mōta iusques a campedeflour, bien la haulteur d'vne grand' lance, dont furent plusieurs edifices, murs, & maisons ruinées, mesmes tout plein de biens gastez. *Grand deluge d'eau a Rōme.*

Après la mort de Lyon 10, Adrian Alemand fut fait pape, cestuy estoit de la ville de Traiect.

Après Adrian, Clement 7 fut esleu pape. Cestuy fut prins a Romme par les gens de Charles, pour l'alliance faicte avec le Roy de France, auquel il auoit enuoié quelque réfort de souldartz contre ledict Charles. Mais ledict Empereur dissimula ce tour, & meist en liberté ledict pape, affin qu'aucune occasion de plus grand discord, ne s'esleuast en Chrestienté, par lequel fut par apres couronné a Boulongne. *Clement 7 prins.*

Le tiers Liure des Chronicques
 Ferdinand Roy des
 Rommains.



*Ferdinand
 roy de Hon
 grie.*



'An 1530 Ferdinand roy de Hó
 grie & de Boheme , archeduc
 d'Austriche , frere de Charles
 Empereur, fut faict roy des Ró
 mains, a la mode des anciés em
 pereurs , qui fouloient adopter
 vn successeur a l'empire apres eulx, affin qu'il n'y
 eust discord apres leur mort , & qu'il ne sourdist
 occasiõ de guerre entre les princes de l'Empire.
 Ceste electiõ icy fut faicte a Couloigne, l'ã 1530.

L'an 1531 le roy Ferdinand, apres l'election faicte fut couronné a Aix la chappelle, au moys de Ianuier.

En ce mesme an fut veue vne comete en Allemagne, Italie & Gaule, enuiron le sixiesme iour d'Aoust, & au commencement apparut quelques iours deuant que le soleil fust leué, puis suiuit le soleil, consequemment fut veue au vespre apres soleil couché, enuiron troys sepmaines, iusques au troisieme iour de Septembre. Son cours fut par l'Escreuice, le Lyon, la Vierge, & la Liure, ou elle se disparut, & ne fut plus veue par apres.

*Vne comete
veue.*

Peu de temps apres en Octobre, s'ourdît entre les Souices guerre. Les chemins furent assiegez par les Tigurins, affin que leurs voisins les Zugiens, Vriens, Souiceres, Syluians, & ceulx de Lucerne n'eussent des viures, comme bledz, sel, & autres choses necessaires a la vie. A raison de cela prindrent les armes lesdictz voisins, a l'encôte des Tigurins, & guerrierēt a enseigne deploïee, si qu'en trois conflictz furent deffaictz les Tigurins. Au premier conflict fut mis a mort le prescheur des Tigurins nommé Huldreich Zuinglius. Puis apres ceulx de Constance & de Strabourg, leurs voisins, se dementerent de les apoïcter. parquoy au bout de neuf moys & demy la chose fut appaisée. En ce tumulte demurerēt

*La bataille
entre les
Souices.*

Le tiers Liure des Chronicques

environ cinq mille des Tigurins, & de l'autre part, peu furent occis. Le tout est compris en ce distique:

Zuinglius le Souice, & ses voisins, gend'armes
Se tuent, & deffont l'un l'autre de leurs armes.

*Conuention
faicte a Ra
tisbonne.*

L'an 1532 Charles empereur retourna de Brabant es haultes Alemaignes, & au moys de Mars vint a Ratisbone avec son frere Ferdinand, pour tenir quelque conuention. Illec vindrent aucunes ambassades des villes imperiales. Aussi en ce lieu assistoient plusieurs princes, ou a tout le moins leurs ambassadeurs. En cest endroict fut deliberé, par le consentement de tous d'enuoier quelque secours, contre le Turcq, qui auoit fait entrée en la Chrestienté. Et affin qu'on pourueust mieulx a l'affaire, l'Empereur se consentit, que conditions de paix seroient establies, & que la disceptation du discord de la religion Chrestienne seroit differée. Et a faire ceste paix, par le commandement de Charles, Albert euesque de Maiece, Loys comte Palatin du Rhin Electeurs, feirent tant enuers Iehan Frederic duc de Saxoigne, qui auoit esté enuoie de son pere le prince Iehan de Saxoigne electeur: & enuers l'ambassade de Philippe Landgraue de Hesse, & aussi avec ceulx qui auoient conspiré, & estoient baillez en garde a l'electeur de Saxoigne, & au prince de Hesse, que conuention se feroit. Doncques fut faicte assemblée premierement a Sueinford, puis

a Noremberg. Et ne tint au bon vouloir de ces troys princes, c'estascauoir au cardinal euesque de Maience, au cõte Palatin, & a Iehan Frederic duc de Saxoigne, que paix perpetuelle ne fust faicte, a l'vtilité & profist de toute la terre Chrestienne. Finablement Charles parmist que trefues fussent faictes pour quelque temps: C'estascauoir iusques au concile futur, ou s'il ne se faisoit, on feroit quelque conuention, ou on traiteroit de ladicte cõtrouersie de la religion Chrestienne. En ce mesme an, au moys de Iuing, le iour sainct Iehan Baptiste, Solyman Empereur des Turcs, entra en Hongrie, & descendit pres de Bellegrade a terre ferme, avec deux centz mille hommes, il ne s'efforça de faire aucune chose en Autriche, mais vint iusques a Auguste. Puis assiegea plus de vingt iours vne petite ville appellée Guns, es limites de Hongrie, & la battit fort & ferme, mais ce fust en vain. Puis apres luy auoit donné l'assault par treize foys, le dict Turcq quasi comme rompu de ses forces, proposa de leuer le siege, mais a ceste condition, que le seigneur Nicolas Iurischitz Hongre, le maistre & gouverneur de ladicte ville se rendoit a luy premierement. & par cela la ville demeureroit entiere & le peuple saulue. Ce que feist volontairement ledict Nicolas, pour sauluer la ville & les citoyens.

*L'entrée de
Solyman en
Alemaigne.*

*Treize as-
sault doncz
a la ville de
Guns.*

Or quand Charles Empereur eust les nouuel-

Le tiers Liure des Chronicques

*Ioachin ieune
marquis
de Brandem-
bourg.*

les de l'arriuée du Turcq, commanda estroitement, que tous les princes d'Alemagne, & les ordres de l'Empire, vinssent en Auftriche, avec amas de gend'armes, tel qu'ilz pourroient assembler. ce qui fut fait. Toutesfoys ie ne scay pas encore au vray, combien vn chascun prince en amena. Le tresnoble prince Ioachin, ieune marquis de Brandembourg mon seigneur trescher & tresaymé, pource qu'il estoit fait chef & coronal des compaignies du bas pays de Hongrie, amena a l'Empereur vnze centz hommes de cheual, & quatre mille pietons, & partit de Berlin le dixiesme iour d'Aoust, nostre seigneur Iesuschrist vueille donner la victoire a ce prince tresdebonaire, & a tous Chresties, & plaise ramener sa haultesse avec bon heur & felicité.

*Petitz pou-
lers de deux
iours chan-
terent.*

Le mesme iour que ledict marquis leuoit son exercite, les petitz pouletz encores sans plumes, & qui n'estoient escloz que de deux iours, ou moins, tout le long du iour & de la nuit ne cesserent de chanter a claire voix. Et pource que la chose est oultre la coustume, il semble que cela fut fait diuinement, & le reputoit on a bon signe. Georges Sabin en a fait la description, par ces vers ensuiuantz:

Quand Ioachin marquis tresbien instruit aux
armes,

Du pays feit marcher ses pietons & gend'armes:
Pour rençontrer le camp de Cæsar en sa voye,

Qui au nom de Iesus, les maulditz Turcqs guerroye:

Lors les petitz poulletz sans plume, qui n'auoiet Pas encore deux iours, a claire voix chantoient.

Ce signe designoit fortunée aduventure

De triumpant honneur, & victoire future.

Lors que les Thebanoyz vainquirent les Spartains

Et les chāps de Leuctra feirēt de leur sang taictz, Les oyseaux du Dieu Mars, les coqz qui n'ont vains cueurs

Par leurs chantz predisoient la victoire aux vainqueurs.

L'Empereur mesme auoit conuocqué d'Italie en Autriche, vingt mille Italiens & Espaignolz, desquelz estoit chef Antoine de Leue, homme prudent & scauant au fait de la guerre. Les princes d'Italie par semblable auoient enuoie leurs aides, dont estoit capitaine en chef le prince de Mantoue.

Antoine de Leue.

Le prince de Mantoue.

Oultre cecy, par l'Empereur Charles estoient equippez en mer cinquāte mille hommes, qui par leur nauigaige debuoiēt inuader les terres du Turcq. Et ainsi la souueraine puissance de l'un & l'autre Empire, tant en Orient qu'en Occident, s'arme & munit de grandes forces pour s'entredestruire. Depuis le regne de l'Empereur Constantin, on n'auoit veu tant de gend'armes assemblez, tellement que l'aduventure

Le tiers Liure des Chronicques

& yssue de ceste guerre, promettoit perpetuelle mutation de choses terrestres. Nostre seigneur Iesus christ vueille donner aux Chrestiens victoire de leurs ennemys. l'espere que l'infidelité des Turcqs, ioincte avec grand' cruaulté n'apportera seulement la vengeance de soy, ains la destruction totale en brief du royaume Turcquois, ce que plusieurs demõstrementz nous tesmoignent ainsi debuoir aduenir. Je reciteray en passant aucunz presages non a contemner, qui sont recongneuz par singuliers autheurs, & ce pendant ie permetré a vn chascun d'en dire franchement ce que son cueur en pense. Et ne les ay icy mis pour autre cause, sinon affin que la memoire en demeurest. Il me semble que telz dictz ne doibuent estre oubliez & mis a nonchaloir.

I'ay leu, qu'il fut vn moyne d'aupres de Constantinoble, qui prophetiza vn peu deuant que ladicte ville fust prinse des Turcqs, qu'ainsi en aduiendroit, & qu'il debuoiest destruire le royaume des Grecz. Mais bien tost apres quatre vingtz ans elapsez, lesdictz Turcqs debuoiest perdre de rechief Constantinoble, & estre destruietz en Europe. Et ce temps icy de quatre vingtz ans fut acomply en l'an 1533. Car elle auoit esté destruite & prinse l'an 1453.

*Propheties
de la recou-
urâce de Co-
stantinoble,
& de la de-
structiõ des
Turcqs en
Europe.*

Par semblable vn nommé Laurens Miniatensis Neapolitain grand astrologue, soixãte ans ya ia passez qu'il escripuit ces vers en son tiers li

ure, de la coniunction de Iuppiter & Saturne au ^{Laurē. Mi-} signe de l'escreuice, qu'il disoit aduenir, & fut l'ã ^{matensis.} mil cinq centz quatre:

Celle coniunction qui viendra en nostre aage,
 Plus benigne fera, ne contenant l'oultrage
 Que celles de deuant. A grand' peine & esmoy,
 Seront aucunz erreurs mis hors de nostre loy,
 Trop fortz a endurer, quãd a l'honneur de Dieu
 Qui n'est pas obserué, & gardé en ce lieu.
 Toute espece de mal sera lors reprimée:
 Et du clergé l'abus, & pompe reformée.
 Vn roy exempt de vice en ce temps regnera,
 Qui d'ordre & bon arroy la terre bournera.
 Il sera Empereur: par trenchante alumelle
 A l'Empire atirant la gent fiere & rebelle.
 Sa puissance estendra sur la terre & sur l'vnde,
 Et en sa main tiendra tout les climatz du môde.

Ces vers icy sont bien dignes d'estre notéz,
 & quant a moy pour l'honneur de Cæsar ie ne
 les ay voulu obmettre. Quel honneur pourroit
 on faire plus grand a vn empereur ou roy, que
 de l'appeller parfaict & vertueux, & ainsi com-
 me il a esté dict par Licteberge: vn roy net & pur
 regnera par tout. On a trouué a Magdebourg pas
 sé a cent ans vnes Chronicques en latin, ou sont ^{La Chronic}
 ces parolles: du sang de Charles Empereur & des ^{que de Mag}
 Roys de Gaulle, naistra vn Empereur nommé ^{d:bo:rg.}
 Charles qui dominera en toute Europe, & par
 lequel l'estat de l'Eglise decaduc sera reformé, &

Le tiers Liure des Chronicques

l'ancienne gloire de l'Empire restituée . Alors viendra vn peuple qui sera dit sans chef , & adonc courra malediction sur les prebstres, la nauire de saint Pierre endurera beaucoup , mais les flotz s'appaieront finablement , & aura la victoire . Horribles & diuerses mutations de tous Royaulmes apparoiſtront , & l'estimation des moynes sera aneant . La beste d'occident , & le Lyon d'orient domineront tout le monde : & les Chrestiens chemineront en seureté quinze ans parmy l'Asie, puis on orra choses terribles de l'atechrist.

L'abbé Ioachim.

L'abbé Ioachim en la fin de Hieremie dit: Vn grand Aigle viendra , qui vaincra tous fors vn, lequel finablement conterné, sera delaiſſé du peuple.

Autre prophetic.

Consequemment ie treuve vne autre prophetic, qui est assez euidente, ou il est dit: Cæsar sera esueillé de son somme , comme vn homme esprins de doux repos . Cestuy sera estimé de tous comme mort , & montera sus vne grande mer, & inuadera les Turcqs, & les vaincra , emmenera leurs femmes & enfantz prisonniers, lesdictz Turcqs seront effrayez , & grandement espouentez , leurs femmes & leurs enfantz se desoleront , & feront plainctes . Toutes les terres des Turcqs seront mises es mains de l'Empe-

Recit d'un Astrologue. reur Rommain . I'ay ouy de quelque Portugal-loys , qu'un Astrologue dit vne fois a Ferdinand

pere du grand pere de Charles quint, que le royaume des Tureqs seroit dompté & euey par vn Roy d'Espagne, & cestuy Astrologue le prenoit pour Ferdinand: mais ledict prince respondit, que ce ne seroit de luy, ains de ses successeurs & heritiers. Il ya encore tout plein d'autres enseignementz touchant cest affaire, que ie delaisse pour le present. Nostre seigneur Dieu pere de misericorde, vueille octroyer grace & victoire a la terre Chrestienne, pour la gloire & honneur de son saint nom. Amen.

Les choses qui aduendront par apres, soient notées & redigées en memoire par les haultains & prudentz espritz, touchant les armes & preparatifz de la guerre. Quant a ma part, ce que i'en ay congneu ie l'ay recité & mis par ordre, pourtant a cest endroiçt ie metre fin a ma presente Chronicque.

Au moys de Septembre, en l'an mil cinq centz trentedeux fut veue vne comete par l'espace de quelques sepmaines, a deux heures de matin, deuant Soleil leuant, en la region d'Orient. Or quand ie la vey elle estoit au signe de la Vierge, (ou ie suis trompé) elle estendoit sa queue pleine de rayons entre le Midy & l'Occident. Mais a cause de l'air nubileux noir & obscur ne peust estre veue ne regardée l'espace de quelques iours en cesdictes regions. Quant au reste qui est celuy qui n'estimera estre chose fort redoubtable,

Comete
veue.

Le tiers Liure des Chronicques

Deux come-
tes en vii
ans.

auoir veu apparoir deux cometes en vn an . Or
cōme ainsi soit que l'an passé 1531 apparust vne
comete, qui caufa grand dommaige, pertes, meur-
dres & occisions es parties orientales & septen-
trionales , aussi certes estoit elle veue menatter
lesdictes regions . Veritablement le Turcq feit
entrée tost apres en Hōgrie & Austriche. Le roy
Christierne s'en alla en Dannemarch avec grand
nombre de nauires , pour retirer ses royaulmes:
Il se rendit es mains de son oncle Frederic roy
des Danois. Consequemment le filz du roy Chri-
stierne, qui estoit nourry en la court de l'Empe-
reur , mourut pour lors . Certainement on deb-
uoit bien craindre la comete qui apparut l'an
mil cinq centz trente deux, pource qu'elle deno-
toit grande mesaduenture a Italie & pays du
Rhin.

Le filz du
roy Chri-
stierne mou-
rut.

Fin de la Chronicque du seigneur
Carion.



Ne Chronicque doit contenir, tous les plus haultz actes en conuenable ordre: en sorte qu'õ puisse en icelle iustement obseruer & cognoistre, le date des ans, & les principales mutatiõs, q̄ ont de coustume aduenir es royaulmes, en la religiõ, & aux autres grãs affaires. Il ne se peult faire, q̄ tous les gestes d'un royaulme, puissent estre escriptz en vn liure, quel que grosseur qu'il ait: pour la diuersité des circonstances, & occasiõs des affaires, qu'on doit principalement considerer. Ainsi escriuirẽt leurs histories Herodote, Thucidides, Xenophõ, & Titeliue. Les autres ont seulement meritẽ estre appelez Chronicqueurs, & ne se doibuent attribuer le nõ d'historiẽs: Car ilz demõstrẽt en brief les gestes, & admonestent seulement les lecteurs, avecques ordre des tẽps, mis deuant leurs yeulx, de viser & prendre garde aux choses plus dignes de memoire. Ce q̄ i'ay fait en ceste presente Chronicque. I'ay assemblẽ seulement (comme en vn abregẽ) les choses qui m'ont semblẽ plus necessaires, & aucunesfois en passant enseignẽ les occasiõs d'icelles, affin que plus diligẽment vn chascun prenne a se mirer aux faitz d'aultuy, & que par les yssues & aduantes d'iceulx, se delibere d'ensuiuir, ce dõt peult aduenir honneur, & fuir la chose dõt peult proceder reproche & infamie. Quãt au reste, nous auõs declairẽ au commencement, cõbiẽ d'autres vtilitez on reçoit en lisãt vne Chronicq̄.

*Diff. vence
entre histo-
riens &
Chronic-
queurs.*

Le tiers Liure des Chronicques

Or a la fin de cest escript, de rechief vueil admo-
nester le debonnaire lecteur, auoir memoire du
propos d'Elie, lequel i'ay mis au cōmencemēt de
ce petit liure, affin que plus facilēmēt il obserue
& considere l'ordre du temps, & les faictz des hi-
stoires. Aussi qu'il pēsē que la fin des choses mō-
daines n'est pas loing, selon le iugement dudict
pphete, disant, l'aage du monde estre cōprins en
l'espace de 6000 ans, & mesmes q̄ ledict tēps ne
s'acomplira, car nostre Dieu l'anticipera pour la
mauuaise vie du monde. Doncques comme ainsi
soit, q̄ ia aions passé cinq mille quatre cētz qua-
tre vingtz & neuf ans, comme on le peust claire-
mēt veoir, en la table cy apres mise, il n'ya point
de doubte q̄ le monde ne soit tresprochain de sa
fin, & q̄ Iesuschrist nostre seigneur ne viēne bien
tost faire ressusçiter les mortz a son aduenemēt,
& tenir son iugemēt: enuoiant les mauuais au feu
d'enfer qui est eternal, & deliurāt les bōs de tou-
te tribulation & tristesse, les collocāt a la vraye
beatitude, q̄ est la visiō & cognoissance de Dieu
perpetuelle. Oultre ces choses, les merueilleuses
mutatiōs presque de tous royaulmes, dōnent tes-
moignage q̄ le mōde est pres de sa fin. Nous auōs
aperceu puis peu de tēps, & de nostre memoire, la
haultesse du pontificat Rōmain, du royaulme de
Frâce, Dannemarch & Hōgrie decheoir & venir
a declin. Nous attendōs semblable fortune adue-
nir en brief aux autres royaulmes. Le prophete
Daniel nous acertene, qu'incōtinēt apres les for-

*Que signi-
fie la muta-
tion des roy-
aulmes.*

ces des Turcs diminuées, apparoitra la fin du mode. Le dechiet & ruine de l'épire des Turcs (moyennant le vouloir de Dieu) sera veu sans doute en peu de tēps, & apres la mort de l'empereur Charles cinqiesme, il ne se peult faire, que l'Empire ne soit miserablement dissipé & departy par les Alemans. J'ay grand' paour qu'il n'y ait grand debat entre deux princes pour la monarchie. Dieu par sa grand' misericorde, vueille appaiser si horribles emotions, & conuertisse les cueurs des princes Chrestiens, a paix & cōcorde.

Le trouble q̄ nous voiōs estre pour le presēt en l'Eglise est vn signe de la fin du mode, & sommes en dangier qu'il ne s'augmēte encore plus largement p̄ les guerres, & pour la negligēce des p̄latz.

D'aduātaige, puis q̄ nostre seigneur Iesuschrist en son euāgile nous admōnestē des perilz, q̄ viēdrōt en la fin du mode, & nō seulement quāt aux choses q̄ apartiennēt au corps, mais a celles q̄ touchēt l'ame, mesmes aussi le ciel nous menace p̄ ses horribles eclipses & cōiūctiōs. Pareillemēt les autres saintz escriptz nous demōstrēt les signes q̄ doibuēt aduenir deuāt l'exterminatiō du siecle, nous doibuēt poīt toutes ces choses esmouuoir, a nous guetter & garder, & en si grād' misere demāder aide a dieu seul, & attendre cōsolation de luy ? Pourtant ay ie bien voulu instruire en cest endroiēt le lecteur amyable, de considerer en sa pensēe, que ce temps la plein de peril & calamité est pres de nous, & que ce merueilleux dāgier

Le tiers Liure des Chronicques

n'est a rebuter & contemner. Veritablement ce n'est pas chose legiere, q̄ maintenāt nous voions, au detrimēt de tous estat̄z, les royaulmes estre changez & deffirez, & la concorde de la religion Chrestienne estre dissipée.

La fabricque de ce grād monde, & tresancien edifice, est veue porter auecques elle l'imaige & figure de decadence: & tant plus va en auant, de iour en iour, & de plus en plus, viēt a ruine. Nous en auons exemple, en voiant maintenant trebucher vne muraille, soubdain apres vne paroy ou autre edifice. En ce poinct nous voiōs les hōmes en ce temps prestz a tumber, & leur estat petit a petit va a declin, par l'aniantissement & abolition des royaulmes. Nul ne pensera que si grand' & merueilleuse machine puisse cheoir, sans tresgriefue cōmotion & tumulte. Dieu vueille enluminer noz pensées, que par les menaces de l'euan-gile soyons tellement esmeuz & estonnez, que nous cherchions consolation en Iesuschrist & refrigerer, & que les grāds monarcques en crainte de Dieu, n'vsent pas moins de prudence, que de māfuctude, a mitiger les occasiōs de tous maulx. Certes ilz font ordōnez de Dieu, pour defendre & gouverner le pauvre genre humain, p̄ leur discretion & cure: & s'ilz font bien leur office, il leur fauorifera, & fortunera leurs entreprinſes.

Fin.

La table des ans

du monde extraicte de la Bible,
& de Philo.



Depuis la creation du monde, iusques au deluge	1656
Depuis le deluge, iusques a la natiuité d'Abraham	292
Depuis la natiuité d'Abrahã, iusques a la natiuité de Moy se	425
Depuis la natiuité de Moyse, iusques a l'yssue des filz d'Israel, d'Aegypte	80
Depuis l'yssue d'Aegypte, iusques a la constru- ction du temple de Salomon	480
Depuis le temple de Salomon, iusques au regne du roy Ioas	158
Depuis le regne de Ioas, iusques a la translation de Ieconias en Babylone	291
Depuis la translation de Ieconias, iusques a la de- struction de Hierusalem par Nabuchodono- for	11
La captiuité de Babylone dura	70
La monarchie des Persans, apres la captiuité des Babyloniens	191
Alexandre apres la mort de Darius	17
Le regne des Grecz, iusques a Iudas Machabéus	146

Le tiers Liure des Chronicques

Le regne des Machabées, iusques au temps d'Herodes premier, en Iosephe 137

Herodes regna 30 ans 30

Au trentiesme an d'Herodes, nostre seigneur Iesuschrist nasquit

Depuis la natiuité de Iesuschrist nostre Dieu & saulueur, iusques a ce temps 1546

L'an du monde troys mil neuf centz quarante & quatre nostre seigneur Iesuschrist fut né.

En cest an present mil cinq centz quarante & six sont comptez de la creation du monde 5490

La ville de Romme, (ainsi que tesmoigne Eutrope) estoit deuant la natiuité de Iesuschrist sept centz cinquante & troys ans, & affin que le date des ans reuienne a compte, gueres ne s'en fault qu'autrement ne puisse estre nombré des vrayes histoires.

En cest an mil cinq centz quarante & six sont comptez de la construction de Romme 2301

Babylone n'estoit point si ancienne deuant le regne d'Alexandre. Depuis Abraham iusques au temps d'Alexandre, il ya mil six centz, quatre yingtz & six ans. Comme donc ainsi soit que Rome ait duré plus que Babylone, apres deux monarchies, il n'y a point de doubte que sa fin ne soit prochaine.

Le nombre des ans qui est comprins en la Bible, ne differe point beaucoup de l'ordre des monarchies, contenu aux plus principaulx escrip-

vains des histoires Grecques . Herodote recite, que les Assyriens tindrēt la monarchie cinq cētz vingt ans , & ce pendant n'y eut point de certaine monarchie, iusques au tēps des Medes , cōme il est declaré plus a plein au commencement . Il donne aux Medes iusques a l'Empire de Cyrus, cent trente ans. Ce qu'il me semble veritable, & l'approuue ainsi, & si on veut bien regarder, on trouuera que la chose n'est discordante a la sainte Bible . Et de ce qu'il di&, que la monarchie des Assyriens dura cinq centz vingt ans , il veult sans doubte referer cela au temps, auquel le royaume de Babylone, & de la ville de Ninie n'estoit encore departy, & aussi quand les Assyriens dominoient seulement en Babylone.

Agathias, Ctesias.
 Agathias au second liure de la bataille des Gothz escript, que l'historien Ctesias mist ainsi le nombre des ans, & l'ordre des monarchies. Cestuy Ctesias estoit Grec, & lors que Artaxerxes Mnemō, & Cyrus le ieune guerrioient l'un l'autre, il fut en vn conflict, & exerçoit l'office de medecin. Finablement fut prins prisonnier, & mené en Babylone, ou il fut receu humainement. Puis se messla de lire les chronicques des Babylo-niens, & des le cōmencement de leur regne mist en ordre le nombre des ans en ceste maniere.

Depuis le regne de Ninus, iusques au commencement du regne des Medes qui premiere-ment se departirent des Assyriens, il ya mil trois

Le tiers Liure des Chronicques

centz soixante ans , & tous ceulx qui ont escript parapres, ont ensuiuy cest ordre. Comme Diodore de Sicile , & Iustin . Diodore de Sicile en son tiers liure escript cecy : depuis Ninus trente autres roys tindrent le royaulme iusques a Sardapalus, au temps duquel, l'Empire des Assyriens fut translaté aux Medes , comme Ctesias le tesmoigne en son secõd liure. Lequel Empire auoit duré mil trois centz soixante ans. Iustin en parle ainsi qu'il s'ensuit. Les Assyriens, qui parapres furent nõmez Syriens, tindrent l'Empire mil trois centz ans . Herodote delaisse quelque chose pendant que le royaulme des Assyriens vint a declin, & qu'il paruint aux Medes. Par cela ie pense pour les accorder, qu'il faut entendre les ans qu'il met Ctesias, & les prendre des le commencement de Babylone , c'estascauoir du regne de Néroth, & non pas du temps de Ninus.

Les Medes , apres qu'ilz se furent departiz des Assyriens, regnerent iusques au temps de Cyrus enuiron trois centz ans. Ainsi comme Agathias la recueillit de Ctesias.

Le regne des Persans iusques a Alexandre dura deux centz dixhuiet ans, tesmoing Agathias, & plusieurs autres escripuains Grecz.

Alexandre , & ses posterieurs tindrent Babylone iusques au temps , que la puissance des Parthes commença a croistre , & Agathias y met troys centz ans , sept moins . & cela est de-

puis Alexandre iusques aux temps de Cēsar Auguste.

Les Parthes regnerent en Orient parapres cent ans iusques au temps de l'Empereur Alexander Sēuerus, & consequemment Artaxerxes Persan tua Artabanus, dernier roy des Parthes. Et ainsi le royaulme oriental retourna aux Persans, lesquels parapres fleurirent en puissance, iusques au temps de Mahomet. Les successeurs de Mahomet enuahirent les Persans, & occuperent l'Empire de toute l'Arabie. Mais les Turcs apres leur osterent Syrie, & Asie la mineur. Et ainsi finalement les regnes d'Orient agitez par diuerses mutations, des vnz aux autres furent translatez. Il est bien decent de diligemment considerer toutes ces choses, affin qu'on puisse droitement cognoistre l'ordre de tous temps, & aussi des histoires.

*Artabanus
d'vnier roy
des Parthes.*

Fin.

G iij

*La prophetie d'Homere, touchant
l'Empire Romain.*

Paris filz de Priam, plus que nul de sa race,
Est du grand Iuppiter en hayne, & male grace:
Mais le bon prince Aenée, & sa posterité,
Sera sus tous Troyens en grande autorité.

Fin.

Esperant mieulx.





Des faitz & ge-

stes du Roy Francoys premier
de ce nom.



Comment le treschrestien Roy de

France Francoys premier de ce nom fut sacré Roy
a Reims. & feist son entrée en la uille de Paris
& autres lieux. Et comment ledict Roy par-
tit de France pour aller dela les montz
contre les Suiffes qui detenoient la
duché de Milan.

Les faitz & gestes du Roy François.

*Le sacre du
roy Fran-
çois, pre-
mier de ce
nom, lviij.
roy de Fran-
ce.*

*L'an mil v.
centz xiiij.*



Ar ce que le feu roy Loys dou-
ziesme de ce nom, mourut sans
hoir masse de son mariage, mō-
sieur François duc de Valoys &
d'Engoulesme, q estoit le plus
proche en ligne collateralle &
masculine, capable de succeder a la couronne,
fut sacré roy de France, en l'Eglise de Reims,
presens les deputez, representans les douze Pers
de France a la maniere des autres roys, le vingt-
cinqiesme iour de Ianuier, l'an mil cinq centz
quatorze. Puis en passant par aucunes villes, ou
fait son entrée, s'en alla prendre la couronne, &
rendre graces a Dieu, en l'abbaye & monastere
royal de saint Denys en France, patrō des roys
François: il fut le premier de son nom, & le cin-
quâtehuitiesme Roy de France, selon la compu-
tatiō qui est veritable, ainsi qu'on a peu veoir cy
dessus, & si fut le dixhuitiesme duc de toute A-
quitaine. De saint Denys alla faire son entrée
en la ville & cité de Paris, qui est la capitale ville
& cité de son royaume, ou il fut receu triūphā-
ment, & y eut iouxtes & tournois en la rue S. An-
thoine, ou il se porta hardy & vaillant. C'est le
Roy & Prince aussi bien né, & qualifié de bōnes
& louables complexions, & influences, qu'il en
fut onc, tant en formosité corporelle, eloquence,
force, hardiesse, qu'autres vertus desquelles les
Princes & Roys doibuent estre decorez.

*Le roy fait
son entrée a
Paris.*

Le Roy se tint a Paris iusques apres la feste de Pasques. Pendant lequel temps y furent faictes plusieurs choses. Et mesmement fut traicté l'ap-
 poictemēt d'entre le Roy & l'Archeduc, moien-
 nāt ce que madame Renée, seur de la Royne, fut
 accordée & promise en mariage audict Arche-
 duc, par Ambassade d'iceluy Archeduc: entre les-
 quelz estoit le cōte de Nansau, leq̄l comte fut au-
 si accordé & depuis espouſé avec la seur du Prin-
 ce d'Orange: aussi audict temps monsieur Char-
 les duc de Bourbon fut faict Connestable de Frā-
 ce: & fut son vicomté de Chasteleraud erigé en
 duché par le Roy, qui fut fort estrāge: par ce que
 ledict vicomté est en, & du comté de Poictou,
 vny a la couronne de France. Et la Royne Blan-
 che Marie, vesue du feu roy Loys douziesme, fut
 mariée en secōdes nopces avec vn seigneur d'An-
 gleterre, grand amy du roy d'Angleterre. Et au-
 quel combien qu'il ne fust extraict de noble ra-
 ce, il auoit donné le duché de Suffort, duquel du-
 ché vn autre Prince dudict pays se dit & nomme
 Duc, & pretend le royaume d'Angleterre luy
 appartenir, & emmena ledict seigneur ladicte ma-
 dame Marie en Angleterre. Et apres toutes ces
 choses, le Roy enuoia querir Pierre de Nauar-
 re, q̄ estoit prisonnier a Loches, auquel apres plu-
 sieurs grāds dons, il bailla charge de gēd'armes.

*Aliance en-
tre le roy &
l'Archeduc.*

*Le comte de
Nansau.*

*La royne
Marie espou-
ſee avec le
duc de Suff-
ort.*

*La deliuran-
ce de Pierre
de Nauarre.
L'an mil v.
centz xv.*

Le premier iour de May ensuiuant de l'an mil
 cinq centz quinze, le Roy & la Royne, Madame
 mere du Roy, & toute la seigneurie, partirent de

Les faitz & gestes du Roy François

Le Roy a Paris, & s'en allerent a Amboise par Egrenille; Amboise.
Le mariage du duc de Lorraine & de la seur du duc de Bourbon.
Montargis, Blays, & autres petites villes. Tâtoſt apres le Roy, & la Seigneurie eſtant a Amboiſe, le duc de Lorraine eſpouſa audict lieu la ſeur du dict ſeigneur de Bourbon, Conneſtable de France, ou il y eut groſſe & triumphante feſte. Audict temps le Roy delibera recourir ſon duché de Milan, a luy appartenant, a cauſe de la Royne ſon eſpouſe, & de faire la guerre aux Suyſſes, qui eſtoient venuz courir bien pres de Briançon au Daulphine, & auoient bruſlé vn villaigé pres du chaſteau Daulphin. Et pour ce faire droit ſa groſſe armée, qu'il feiſt rendre a Lyon, ou il ſe trouua: & en y allant feiſt ſes entrées es villes de Bourges, & Moulins, ou il fut honorablement receu: & le ſuyuoient touſiours Madame ſa mere, la Royne, & autres Dames.

Le roy fait ſon entrée a Lyon.
Après que le Roy eut fait ſon entrée a Lyon, ordōna de ſes affaires, pour la guerre qu'il auoit deliberé faire de la les montz, & y aller en perſonne. Et apres auoir fait paſſer ſon armée, & mis en ordre ſon royaume (ou il laiſſa Regēte madame ſa mere, duchefſe d'Anjou, & du Mayne) le

Le Roy a Grenoble.
Le filz de Federic mort.
Roy ſ'en alla faire ſon entrée en la ville de Grenoble, ou il fut qlque tēps, pour laiſſer paſſer ſon armée: pēdant lequel temps mourut le filz de Federic, qui ſe diſoit roy de Naples, qui ia commençoit a ſuiuir les armes, & donnoit vn bon eſpoir a ceulx qui le cognoiſſoient, qu'il feroit quelque groſ fruit ſil euſt veſcu. Au departir de Greno-

premier de ce nom.

3

ble, pour passer les Monts, le Roy print son chemin par nostre Dame d'Ambrun, nonobstant que la pluspart de l'armée allast par le bourg Duyssault. d'Ambrun le Roy s'en alla a Guellestre, & a saint Paul, puis passa avec son armée par vn chemin qu'on disoit estre impossible de passer, ou les gens de pied, & autres eurent moult de peine & misere, & fut partie de l'artillerie demontée, pour passer par ledict chemin.

*Le Roy va
de la les mōs
par vn che-
min diffici-
le.*

Les ennemys ne se doubtoiet, & iamais n'eurent pensé, que le Roy eust prins ce chemin, ne qu'il feust si pres d'eux: car Prospero Coulōne du pais de Rōmanie, qui auoit esté enuoié par le Pape Leon, avec quinze centz hommes a cheual, bien armez, & equippez, pour secourir Maximilian filz de Loys Sforce, qui tenoit Milá, s'en alla rafraichir avec sa compaignie a ville Franche, qui est vne petite ville du pays de Piemont, ou ilz furent surprins, ainsi qu'ilz vouloient disner, par le seigneur de Hymbercourt, qui entra en ladicte ville avec sa compaignie, apres qu'ilz eurent tué les portiers, qui gardoient la porte, & cōmencerēt a crier par les rues de ladicte ville: Frâce, Frâce, allerent au logis dudiect Prospero Coulonne, ou ilz trouuerent grand' resistence: & ainsi qu'ilz s'ebattoient le mareschal de la Palice, le seigneur d'Aulbigny, & autres François arriuerent au secours: & apres auoir tué plusieurs des ennemys, pridrēt lediect Prospero Coulōne, & pillerēt tout leur bagaige: mesmemēt emmenerent plusieurs

*La prise
de Prospero
Coulonne.*

Les faictz & gestes du Roy François

beaulx cheuaulx qu'ilz trouuerent par les estables: & fut ledict Prosperé présenté au Roy, qui l'enuoia en France soubz bonne & feure garde.

Le duc de Sauoye avec le Roy. Les Suysses qui estoient a Suze, a Villanne, & a Imolle, pour garder les passages, sceurēt les nouvelles de la prinse de Prosperé Coulonne, dōt furent tresfort esbahis, & incontinent commencerent a marcher a grand' diligence vers Milan: les François qui les suyuoient de pres vindrent iufques a Thurin, ou le duc de Sauoye receut le roy a grād' triūphe, & le mena avec luy, par ce qu'ilz estoient proches parēs: les Suysses alloient iour & nuict, & passerēt la riuere du Pau (qui est grāde) sans basteau, avec ponts faictz de cordes, sur lesquels ilz passerent l'artillerie, & allerēt a Chinault, qui est vne petite ville appartenāt audict duc de Sauoye, laquelle ilz pillerent en partie, & occirent plusieurs des habitans, en hayne de ce qu'ilz leur auoient refusé le passage, & bailler viures: mais ce ne fut sans la perte d'aucuns Suysses, lesquels y furent semblablement occis.

La ville de Chinault pillée par les Suysses.

Alexandrie pillée. Le seigneur de Prie, accompagné des Geneuois, se meist a chemin pour se rēdre a l'armée du Roy, & en y allant passa par la ville d'Alexādrice, qu'il pilla, comme bien l'auoit meritē, pour les grāds trahisons & ennuiets, que ceulx de ladicte ville auoient au parauant faictz aux François.

Parolles de paix entre le Roy & les Suysses. Les Suysses qui marchoient, comme il sembloit, deuers Yurée s'en allerent a Nouarre: & le Roy q' les suiuoit s'en alla a Versel, qui est vne petite vil

le: en laquelle furent parolles de traicter paix entre le Roy & les Suyffes: & a ce furēt cōmis monsieur le Bastard de Sauoye, le seigneur de Lautrec, & autres. Ce neaumoins le Roy faisoit tousiours marcher son armée apres lesdictz Suyffes, qui ia estoient partis de Nouarre, & s'en alloient vers Milan. Ce pēdant vint rēfort au Roy, d'vne grand' compaignie d'Alemās, qu'on appelloit la Bende Noire, fort bien accoustrée. Le Roy feist marcher son armée vers Nouarre, q fut assiegée par Pietre de Nauarre, & incontinent rendue par ceulx du dedans. Et en ce tēps la royne accoucha d'vne fille a Amboise, laquelle fut nōmée Loyse.

*La bande
noire.
Les François dedās
Nouarre.
La Royne
accouchée
d'vne fille
nommée
Loyse.*

Les François partirent de Nouarre, qui ne fut pillé par le commandement du Roy, & s'en allerent a Bufferolle. Ce pendant le Roy eut nouvelles qu'entre luy & les Suyffes l'appoinctemēt auoit esté fait, conclud & accordé, moiennant certaine grosse somme de deniers, qu'il feist deliurer, pour leur enuoier p ledict seigneur de Lautrec, qui en eut la charge. Et cōme on leur portoit ledict argēt, les Suiffes furent preschez par le Cardinal de Sion, qui tenoit le party dudiēt Maximilian, & persuadez par ledict Maximilian, & les ciotoiens de Milan, en sorte que contre leur foy & promesse qu'ilz auoient donnée, & faite aux gēs du Roy, aueuglez de l'ambition qu'ilz auoiēt de dominer sur les Roys & Princes, cōme ilz s'attendoient bien, par le moien de ceste guerre, delibererēt de faire vn villain & lasche tour, q estoit de

Les faitz & gestes du Roy François

surprendre le Roy & son armée, ce pendât qu'on leur portoit ce qu'il leur auoit esté promis, qui est l'une des grands malices reprobuée, que i'aye point veu par toutes les histoires.

*Lascheté &
trahison des
Suyffes.*

Le Roy fut aduertiy de ceste trahison, a l'heure qu'il pensoit que les Suyffes comptassent leur argent, & sceut a la verité qu'ilz estoient ia pres de luy, pour luy liurer la bataille, dont il ne f'estonna: & iaçoit ce qu'il fust ieune, & en l'aage de dixneuf ou vingt ans seulement, se delibera de les attendre, & d'estre le premier a ce labeur & au dangier, dont il ne s'espargna. Et ledict iour qui fut le quatorziesme de Septembre, audict an mil cinq centz & quinze, enuiron trois ou quatre heures apres midy, les Suyffes accompaignez des Milannoys, vindrent frapper sur l'armée des François, au lieu de Marignan, autrement dict sainte Brigide, lesquelz François ne s'esbahirent, fors aucunz qui tournerent le doz en petit nombre: les auenturiers de France se porterent tresbien, & supployerent le deffault des Alemás de la bende Noire, qui auoient tourné le doz, péfans que le Roy eust intelligéce avec les Suyffes, & qu'on les voulust deffaite. Lesquelz incôtiennent apres aduertis de la verité, se mirent a frapper sur les Suyffes, lesquelz les aduanturiers François, qui n'estoient que deux mil ou enuiron, auoient deffaict vne bende de quatre mil Suyffes, les autres bendes se meirent a frapper sur la bataille ou estoit le Roy: & s'attendoient bien de
mettre

*Premier as-
sault des
Suyffes con-
tre les Fran-
çois.*

mètre en desfarroy les François, cōme ilz auoient fait a Nouarre, l'an mil cinq centz & treize. Mais l'artillerie besongna si bien, avec les hommes, que les Suysses ne furent les plus forts. Et dura la batterie, & le combat iusques apres iour couché, par ce qu'il y auoit pleine & claire Lune, ou il y eut grand' tuerie: car ilz estoient tant encharnés les vnz sur les autres, que iamais ne se departirent, tant qu'ilz se peurent cognoistre: voire & si entrerent es camps l'vn de l'autre. Et pour abuser les François, les Suysses en ceste obscurité de la nuit, crioient France, France: & neantmoins tuoient les François. Le Roy ne perdit iamais son artillerie, & si alloit de lieu en autre, donnant tousiours courage a ses gens, en sorte que sans luy & sa presence, les François estoient en grand dangier d'auoir du pire. Ceste nuit luy fut dure a passer, car il ne coucha ne dormit ailleurs que sur le lymō d'vne charrette, tout armé. Et ne cuyda onc trouuer d'eau pour boyre: par ce que les ruisseaulx, qui estoient au tour dudiēt lieu, auoient perdu leur couleur naturelle, & estoient tous rouges, du sang des occis, & au moyen de la grand' chaleur du soleil, la poussiere auoit esté si grande, que souuent on ne voioit l'vn l'autre.

Magnanimité du roy de France.

Le lendemain bien matin, le reste des Suysses encharnés sur les François retournerent hardy-ment au camp sainte Brigide, donner sur noz

La seconde iournée.

Les faictz & gestes du Roy François

gens : mais ilz furent reculez & endommagez par l'artillerie , qui feit merueilles de bien tirer, soubz la conduicte de Jacques Galiot seneschal d'Armignac , & maistre de l'artillerie , ou il acquist gros honneur : & de l'autre part les François se voyans plus forts augmentèrent leurs courages, & occirent grand nombres desdictz Suiffes. Lesquelz voyans leur perte & desarroy , tournerent le doz vers Milan , & n'eust esté la poussiere, iamais n'en fussent retournez cent . Toutefois il en demoura de quinze a seize mille morts, tant en cãp , que par les chemins en fuyant vers Cosme , & Millan . Lesquelz ne moururent sans en tuer d'autres des nostres . Les Veniciens vindrent au secours du Roy , soubz la conduicte de messire Bartholomé Daluiane , & aussi le filz du comte Petilanne, qui donnerent sur la queue desdictz Suiffes , & autres gens qui estoient venus avec eulx : car ilz estoient fortis de Milan trente six mil combatans, tant a pied qu'a cheual . Plusieurs princes de France & d'ailleurs , tenans le party du Roy furent vaillamment occis en ceste bataille & seconde iournée : & entre autres , le dict filz dudit comte Petilanne, François monsieur frere puisné dudit duc de Bourbon , monsieur Charles de la Tremoille prince de Thalemont , filz du bon seigneur de la Tremoille , lequel estoit aussi avec le Roy . Aussi y furent occis le comte de Sanxerre, le seigneur de Buffy, le

seigneur de Hymbertcourt, hardy & prudent
cheualier, le capitaine Mouy, & autres capitai-
nes & gens de bien. Vne bende desdictz Suisses,
qui festoient retirez a l'aduantgarde que condui-
soit ledict duc de Bourbon, comme gens aueu-
glez se meirent en vne Cassine, ou ledict sei-
gneur les fait tous brusler. Le Cardinal de Syon,
qui fut cause de la mort de tant de gens, se reti-
ra, donnant a entendre audiect Maximilian qu'il
alloit querir du secours : mais ce fut sans retour.
Depuis Iules Cæsar ne furent tant de Suisses def-
faictz, pour vne fois.

Les faitz & gestes du Roy François
Incident des Suif-

ses , quelz gens se font, & dont
ilz ont prins ce nom.



*Les Suiffes
font des
Gaulles.*



Estevictoire ne fut petite, veue
la gloire que prenoient & a-
uoient prins les Suiffes, du vi-
uant du feu Roy Loys douzief
me, lesquelz se disoyent corre-
cteurs des princes. Si les cōmen-
taires de Cæsar au cōmencement d'iceulx ne me
deçoyuēt, les Suiffes (q̄ Cæsar appelle Helueciēs)
font des Gaulles par deça le Rhin, & surmontent
en force & vaillâce tous les autres Gaullois, par

ce que de tout temps auoient eu guerre avec les Germains & Alemans, & estoient addurcis a cōbatre, & bien experimentez en fait de guerre: toutesfois ilz furent surmontez par Iules Cæsar, lors qu'il cōmença a entrer es Gaules, pour les conquerir, qui fut soixante ans ou enuiron auât l'incarnation de nostre seigneur Iesuschrist. Et pour entendre comme ce fut.

Au dict temps y auoit entre les Suiffes vn noble & riche hōme nōmé Orgentorix, lequel desiroit par couuoytise estre roy & dominer entre les siens, fait vne assemblée de la noblesse dudict pays, en leur remonstrant que leur pays estoit cloz de tous costez, c'estascauoir d'vne part de la spacieuse & grand' riuiera du Rhin, qui separe les Alemans dudict pays des Gaules, de l'autre part du lac de Lozâne, & du fleuue du Rosne, qui les separe de Sauoye, Daulphiné & Prouence. Et que pour ces causes, a peine pourroïent guerroyer leurs voyfins, ne conquerir sur eulx, & qu'ilz auoient trop estroïte terre, selon la multitude du peuple, & selon la gloire qu'ilz meritoient de leurs batailles & triumpantes victoires: car toute leur terre ne contenoit en longueur que deux centz mil quarante pas, & en largeur cent quatre vingtz mil. Et que bon leur seroit d'entrer au parfus des Gaules pour les conquerir. Ceste folle & trop audacieuse entreprinse entra en leurs durs cerueaulx: & ordonnerent a chepter toutes choses qui seroïent necessaires a leur voya-

*La situatiō
du pays des
Suiffes.*

Les faictz & gestes du Roy François

ge, comme chariotz & cheuaulx, & ensemencer toutes leurs terres, a fin d'auoir habondance de froment, & oultre de faire paix avec les citez voisines de leurs terres, & confirmer amitié avec elles. Et pour toutes ces choses faire & accomplir, leur sembla qu'ilz auroient assez de deux ans: parquoy delibererent de partir dedans le tiers an: & esleurent pour leur chief ledict Orgentorix,

*Entr. prin-
se des Suis-
ses, d'aller
demourer en
Aquitaine,
Et pays de
Xanctôge.*

Ce pendant Orgentorix mourut, & fut bruit que luy mesme s'estoit occis, par ce que les Suisses l'accusoient de trahison, & le vouloient occire. Apres son trespas, & qu'ad furent prestz (comme leur sembloit) a faire leur voyage, ilz ardirent & bruslerent douze de leurs villes, & cinquante villages, & tous les bledz, fors ceulx qui vouloient porter avec eulx, pour monstrez qu'ilz n'auoient aucun espoir de plus retourner en leur pays, & qu'ilz estoient prestz eulx habandonner a tous perilz. Ilz assemblerent avec eulx les Raurates, & ceulx de Basle, & de Tou, semblablement les Boyens, c'est a dire ceulx de la terre de Bauiere, prochains du mont Concorde, lesquelz auoient autresfois habité oultre la riuiere du Rhin, & auoient passé au pays de Moricque, qu'on dict a present Noremberge, qu'ilz prindrēt pour compagnons de leur susdicte entreprinse. Pour sortir de leur pays y auoit deux chemins & passages, l'un par la Bourgoigne, qui est fort estroit & difficile, entre le mont de Iura, dict

sainct Claude, & la riuere du Rosne, lequel estoit si estroit qu'a grand' peine l'on y pouoit mener chariotz l'un apres l'autre, & la montaigne regardant sur le chemin, estant si haulte, que peu de gens pouoient aysement empescher le passaige. L'autre chemin fort ayse estoit par Sauoye & le Daulphiné, lesquels pays auoient vn peu deuant esté conquis & assubiectionnez par les Rommains, dont Geneue estoit la derniere ville de Sauoye, & la plus prochaine des Suiffes, & d'icelle ville on alloit en Suisse par vn pont.

Les Suiffes penserent deux choses: l'vne que legierement ilz feroient avec les Sauoyssiens, qu'ilz les laisseroient passer par le pays, par ce qu'ilz ne sembloient encores auoir bonne affection aux Rommains, ou qu'a ce les contraindroient par force. Au iour determiné pour partir, se trouuerent tous sur la riuere du Rosne, qui estoit le cinqiesme des Calendes d'April, lors que Lucius Piso, & Aulus Gabinius estoient consulz de Romme. Et de ce aduertiy Iules Cæsar, partit diligemment de Romme, avec grosse armée, & commanda que le pont de Geneue fust rompu. Les Suiffes enuoierent au deuant de luy ambassadeurs, lesquels il remist au treziesme iour dudit mois d'April: & ce pendant fait faire vn fossé depuis le lac de Lozanne, qui entre au fleuue du Rosne, iusques au mont sainct Claude, qui deuisé le pays de Bourgoigne, dudit pays des Suiffes, lequel fossé auoit

Le partement des Suiffes.

Les faitz & gestes du Roy François
mil & dixneuf pas en longueur, & seize en lar-
geur ou enuiron.

Au iour assigné par Iules Cæsar, les Suiffes re-
tournerent vers luy, mais ilz ne peurent obtenir
le passage qu'ilz demandoient, Il souuenoit a Cæ-
sar q̄ Luci^s Cassius, lors qu'il estoit cōsul de Rō-
me, auoit esté occis par les Suiffes, & que son ost
auoit esté vaincu & mis en subiection. Et au
moyen duquel reffus, enuoyerēt ces Suiffes, vers
Donnorix, gouuerneur d'Autun, qui auoit espou-
sé la fille d'Orgentorix, duquel auons cy dessus
parlé: lequel Donnorix leur impetra permission
de passer par le pays de Bourgoigne, pour aller
au pays de Xainctonge, plein de bledz. Et de ce
aduerty Iules Cæsar, par les habitans de Bour-
goigne, & de Sauoye, qui auoyēt enuoié par de-
uers luy, se mist en son effort pour les combatre:
& pour rompre leur entreprinse: il y auoit vn
fleue nommé Arar, que de present nous appel-
lons la Saune, qui court par le pays d'Autun, si
trescoyemēt qu'a peine l'œil peult iuger de quel
le part l'eaue a son cours. Et aduerty Cæsar par
les espies, que trois parties de l'ost des Suiffes a-
uoient passé ce fleue, & l'autre quarte partie
estoit demourée par deça ladicte riuere de Sau-
ne, combatit & deffit ceste quarte partie, qui e-
stioient de la ville appelée Tigurine, & de pre-
sent est nommée la côté de Gymer, & par Pontz
qu'il commanda faire, passa, & toute son armée
ladicte riuere de Saune, en vn iour, poursuiuant

*La Premie-
re deffuicte
des Suiffes.*

la reste des Suiffes , leſquelz il cōbatit troys ſep-
maines ou enuirō apres, au deſſoubzd'vne mōtai-
gne par dela la ville de Librate, qui eſtoit vne pe-
rite ville d'Autū, qu'ō appelle de preſent Beuray.

Les Suiffes ſe deffendirent vaillamment , &
dura la bataille depuis ſept heures du matin,
iuſques a la nuit, qu'on ne ſe pouoit veoir ne co-
gnoiſtre l'vn l'autre, voire ſi furieufement , qu'il
n'y eut aucū d'eulx qui tournaſt le doz: vne grād'
partie des Suiffes furent occis , la reſte ſe ſaulua
a la fuite: & comme trois iours apres fuſſent ſuy-
uis par Iules Cæſar, voyans qu'ilz ne pourroient
reſiſter a ſa puiffance , ſe rendirent a ſa miſericor-
de, a quoy les receut humainement , moyennant
oſtages qu'ilz baillèrent , contre leur fiere & or- *Le nombre*
ueilleuſe couſtume (qui eſtoit de ne bailler ia- *des Suiffes*
mais oſtages, mais bien d'en prendre). Pour fin *deſſaiēt.*
d'hiſtoire Cæſar commanda que les Suiffes, Tu-
lingois, & Lotebriſois , qui habitoient au mont
de Bricque , ſ'en retournaſſent en leur pays &
demourances , & voulut que leurs villes qu'ilz
auoient faiēt bruſler , fuſſent réedifiées: ce qui le
mouuoit eſtoit a fin q̄ le pays ne demouraiſt vuy
de, & que les Germains , que nous appellons les
haultz Alemās, qui habitent par dela le Rhin, ne
vinſſent demourer au pays des Suiffes, & ſ'appro-
chaſſent trop pres des Gaulles & de Sauoye. Il ac-
corda oultre aux Boyens , a la requeſte de ceulx
d'Autun, que leur demourance fuſt aſſignée pres
leur pays, & en vne cōtrée qu'on appelle de pre-

Les faitz & gestes du Roy François

sent Bourbonnois: a ceste cause diēt aucuns q̄ les Bourbõnois sont procedez de Boiēs, q̄ estoïēt de la terre de Baviere. Le nõbre des Helueciēs, diētz Suiffes, & de leurs cõpaignons, q̄ partirēt de leur pays estoit en tout hõmes & femmes, & enfantz, trois cētz soixāte huit mille, dõt y en auoit quatre vingts douze mille, q̄ pouoiēt porter armes. Le nombre de ceulx qui retournerēt fut en tout deux cētz & dix mille: parquoy en mourut au cõbat & autremēt cent cinquante six mille: comme il est plus au long recité au cõmencemēt des Cõmentaires Cæsar, ou verrez q̄ ceulx de Bourgoigne ayderent aux Rõmains, a deffaire les Suiffes.

*L'appoin-
ctement de
Paue.*

Pour retourner a nostre propos, incontinent apres ceste furieuse iournée, les citoiens de Milā enuoierēt au roy de France les clefz de la ville, & se submirēt a sa misericorde: a quoy il les receut, moiennant quelque grosse somme de deniers. Et au regard du Chasteau, que tenoit le seigneur Maximilian, fut sans demeure assiegé, & miné par Pietre de Nauarre, dõt il en fondit grand partie: qui fut cause dont lediēt Maximilian demanda appoinctement au Roy, qui a ce le receut: & fut l'appoinctement tel: Que Maximilian se rendit a la mercy du Roy, & luy liura le Chasteau, duquel les Suiffes qui estoient dedens s'en allerent leurs bagues saulues. Lediēt Maximilian fut enuoïé en Frâce, avec belle compaignie & estat de Prince, que le Roy luy donna. Et quād le Roy eut fait son entrée dedens Milan, & y eut demeuré

*L'aliāce des
Suiffes.*

quelque temps, les citadins de Pauie trouuerent moien par amys & argent de faire leur paix avec le Roy, comme aussi feirent aucuns Quantons des Suiffes, qui se declarerent amys du Roy, & de son aliance, moyennant quelque grosse somme de deniers que le Roy leur donna. Durāt lesquelles choses, messire Berthomme d'Aluiane, Lieutenant general des Venitiens, alla de vie a trespas dans son liēt, en la dicte ville de Milan. Le trespas de messire Berthomme d'Aluiane.

Le Roy estant a Lyon, enuirō la fin de Caref-
me dudiēt an mil cinq centz & quinze, l'Empe-
reur Maximilian venant cōtre ses foy & promes-
se, praticqua & gagna a luy vn des Cantons des
Suiffes, & la ligue Grise. Aussi gagna secretemēt
aucuns citoiens de Milan, & autres gens. Et avec
grosse armée, en laquelle il mena le frere du sei-
gneur Maximilian, qui estoit en France, alla de-
scēdre secretemēt en la plaine de Veronne, & a
Laudes, dōt le duc de Bourbō, qui estoit a Milan
fut aduertī. Et avec les gend'armes qu'il peust as-
sembler, s'en alla au deuant des ennemys, iusques
a la riuiere de Bade, ou il estoiet ja descendus. Et
neanmoins enuoia vers les liguees des Suiffes, qui
estoit de l'aliance de France, pour en auoir dix
mille: a quoy s'accorderent; mais parce qu'ilz ne
peurent venir a luy si promptement, voiant que
son armée n'estoit de la moitiē si puiffante que
celle de l'Empereur, se retira avec elle assez tost
en ladicte ville de Milan. Et aduertī que de tren-
te & sept citadins, qui au parauant auoiet party L'an mil v. centz xv. L'armée de l'Empereur a Milan.

Les faitz & gestes du Roy François

*Trahison
d'aucuns ci-
radins.*

de Milan, pour aller vers le Roy de France a Lyõ, en estoient retournez trente & trois, pour l'intelligence qu'ilz auoient avec ledict Empereur, les fait prendre & descapiter, ou partie d'iceulx.

*Victoire cõ
tre l'Empe-
reur & son
armée.*

Voiant ledict Empereur que l'armée des François s'en estoit soudain allée, pensa les auoir ia vaincus, & les suiuit iusques a Marignan, ou il se logea, qui est assez pres de Milan. Les Suisses allies des François, s'auancerēt, & par le chasteau entrèrent en la ville de Milan: laquelle fut assiegée par ledict Empereur, ou rien ne gaigna. Car par faulte de viures, & autrement, leua son siege: & sans riē faire s'en alla vers Bergame, & a la ville de Laudes qu'il fait piller & destruire. Le duc de Bourbon le suiuit de pres, & l'escarmoucha de telle sorte, que l'Empereur ne scauoit ou il deuoit aller. Et se voiant ainsi pressé, luy coustumier d'vser de simulation, donna a entendre a ceulx de son armée, que le roy de Hongrie estoit mort, & que pour ceste cause estoit contrainct aller en autre part. Soubz leq̄l fault dōner a entendre, se retira d'avec eulx, sans faire restitution de cinquante mille Angelots que le roy Héry d'Angleterre luy auoit enuoiez pour le secourir, cuidant qu'il fust ia possesseur de la ville de Milan. Et par ce moyen noz ennemys se separerent, & s'en allerēt loing d'honneur, avec confusion & perte.

*Le Roy de
France va a
picd au S.
Suivre.*

Le Roy pour rendre graces a Dieu, des bonnes fortunes qu'il luy auoit donnez, au commencement de son regne, s'en alla de Lyon a Cham-

berri a pied, pour visiter & reuerer le saint Suaire de nostre seigneur Iesuschrist, ou se trouua le duc de Bourbon Connestable de France, qui s'en retournoit d'Italie enuiron la feste de Pentecoste, de l'an mil cinq centz & seize. Auquel temps mourut le roy de Nauarre, filz du seigneur d'Albret, qui auoit esté mis hors de son royaume par Ferdinand roy d'Espaigne & d'Arragon. Enuiron le mois de Iuillet dudiect an mil cinq centz & seize, y eut traicté de paix entre le Roy de France l'Archeduc roy d'Arragõ, par le moien du mariage de madame Loyse fille vnicque du Roy, & lediect Archeduc, qui ieune estoit, lequel fut conclud & aresté en la ville de Noio, ou les ambassadeurs desdictz seigneurs se trouuerent. Et entre autres pour le Roy de Frâce, messire Artur Gouffier, sire de Boisi, grand maistre de France, l'euesque de Paris, le President Oliuier, & autres gens de nom. De laquelle paix, qui fut proclamé a Paris le vingtztroisiesme iour d'Aoust ensuiuât, les articles sont cy apres declarez & specifiez.

La mort du roy de Nauarre, filz du seigneur d'Albret.

Et premierement que lesdictz roys de France & d'Arragon, qui se dict Catholicque, serõt vrais & loyaulx freres & amys des amys, & ennemys des ennemys, pour la garde & tution de leurs royaumes, terres, & seigneuries, tant dela que de ça les monts. Et si l'un demande aide a l'autre, sera tenu de le secourir aux despens du demandeur, & pourront guerroyer a tous ceulx que bon leur semblera, exceptez ceulx cy qui sont alicz

Les articles de la dictte paix.

Les alicz du roy de France.

Les faitz & gestes du Roy François

desdictz roys: scauoir est de la part du roy de France, nostre saint pere le Pape, & le saint siege Apostolicque, le saint Empire & electeurs & princes d'iceluy, les roys d'Escoffe, & Hongrie, les ducs de Sauoie, de Lorraine, & Gueldres, les huit Quantons de Borgnes n'a gueres entrez en l'alliance du Roy, la ligue Grise, les Venitiens, Florence, & Lucques, le marquis de Moferrat, & de Saluces, l'euesque du Liege, & le seigneur de Sedá. Et de la part du roy Catholique nostre saint pere le Pape, le saint Empire, les roys de Hongrie, de Boheme, de Dánemarche, d'Angleterre, & de Portugal, madame Margarite Archeduchesse d'Auftriche, douairiere de Sauoie, tate dudict roy Catholique, les ducs de Lorraine, de Sauoie, de Saxe, de Clefues, de Iuliers, & leurs seruiteurs & subiectz, le marquis de Vade, l'euesque & duc de Cambray, & comte de Cambresis, avec la ville & cité de Cambray.

*Les aliez du
roy Catho-
licque.*

Quant au traité de Mariage d'entre ledict roy Catholique, & madame Loyse estoit accordé qu'elle paruenue a l'an huitiesme de son ieune aage seroit fiancée par parolles de futur audict roy Catholique, & elle paruenue en l'aage de vnze ans & demy, prédroit p parolles de present iceluy roy Catholique, pour son espoux & mary legitime. Et le mariage fait & accõpli, seroiet tenus le roy & la royne de France, pour l'acõplissement d'iceluy mariage, faire mener ladicte madame Loyse honorablemēt, selõ son estat,

a leurs propres cousts & despēs, en la ville de Lille, en cas que le roy Catholique seroit lors au côté de Flandres, ou en ses prochains pais: & au cas qu'il fut en Castille, ou autre lieu en Espagne, icelle dame seroit liurée en la ville de Parpignā.

En faueur duquel mariage, le Roy de France trāsporte audict roy Catholique, tout le droit, nō, & action, qu'il pretendoit auoir au royaume de Naples: & sera tenu meubler madame sa fille de quelque somme de deniers, ensemble de ioiaulx & bagues selon son estat. Et sil aduenoit que le roy Catholique allast de vie a trespas, auāt la cōfirmation dudit mariage, ladicte madame prendra pour espoux le seigneur Infant Domp Ferrād de Castille son frere, sil n'estoit lors marié a la fille de Hōgrie. Et aussi sil aduenoit ladicte dame aller de vie a trespas, ledict roy Catholique prédra madame Renée, dōt premierement luy auoit esté pmesse faicte. Et si ledict roy Catholique decedoit auant l'accōplissement du mariage, a l'vne desdictes dames, ledict seigneur Infant de Castille entrera en son lieu, & sera tenu prendre l'vne desdictes deux dames, si marié n'estoit.

Et par ledict traicté ledict roy Catholique dōne a madicte dame Loyse, ou a l'vne d'icelles deux dames prenommées, la somme de cinquante mil escutz soleil de rente annuelle, leur vie durāt, qui leur est assignée trēte mil escus d'or soleil en Espagne, & vingt mil escus sur Hesdin, en ce non cōpris les maisons de Lassignal, de Dozere. Et est

Les faitz & gestes du Roy François

expressement accordé que s'il ne vient enfant de ce mariage, qu'en ce cas le royaume de Naples retournera au roy de France, & chascune des parties demeurera en son endroit. Et pource que le roy Catholic ne fait les fruitz siens de la chose totale, iusques a ce que le mariage soit accompli, car le droit se baille pour soubstenir les charges & frais du mariage, & qu'il demeure possesseur du royaume de Naples, la raison veult que iusques a l'accomplissement dudit mariage, & que d'iceluy y ait enfant, pour les fruitz q' ce pendant le roy Catholic en recepura, il baille recompense au Roy de France: ce qui a esté ainsi accordé, & qu'il baillera pour ladicte recompense audit Roy de France, par chascun an, la somme de cent mil escus d'or au Soleil, paiables iusques a la deliurance qui se fera de ladicte Loyse, comme dessus est dict. Lesquelz cét mil escus, sont assignez sur les royaumes de Naples, Sicile, Espagne, Arragon, côté de Roussillon, & autres lieux. Et en baillera ledict roy Catholic bons & suffisans respondans.

L'an mil v.
cēt dixsept
La natiuité
Et baptesme
de monsieur
François
Daulphin
de Viennois.

Le dernier iour de Feburier de l'an mil cinq centz dixsept, enuiron six heures deuers le soir, la Roynes accoucha d'un beau filz, premier Daulphin de ce regne, & fut baptizé a Amboise, le vingtcinqiesme iour du mois d'Auril ensuiuant, de l'an mil cinq centz dixhuiet, & nommé François. Les Comperes furent les ducs d'Urbain, & de Lorraine, pour & au nom dudit Pape Leon,

&

& la commere madame la duchesse d'Alençon, fœur du Roy. Le baptesme fut triumpnant, & sy trouuerēt oultre les seigneurs & princes susdictz; le duc d'Alençon, le duc de Bourbon, cōestable de Frâce, le duc d'Albanye, le comte sainct Paul, le cōte de Geneue, le cōte de Vendosme, le prince de la Rochefuryon, le vicomte de Thouars, le grand maistre de France, les seigneurs de Montmorency, chasteau Briand, le seigneur de Lual, & autres plusieurs.

Henry huitiesme, roy d'Angleterre traicta par ambassades enuers le Roy de France du mariage de monsieur le Daulphin de France avec sa fille: lequel mariage approué par le conseil du Roy de France adonna aucunement le courage du Roy de France d'y entēdre, durant lesquelles menées le Roy seiourna a Paris en toute paix & triumphes. Et l'an ensuiuant qui fut mil cinq centz vingt, aucunz notables personnages traictèrent la veue & assemblée desdictz Roys qui fut assignée au moys de May en vn lieu appellé Ardres appartenant au roy pres Guynes & Hammes terre Anglesche ou ilz se trouerent en grād pompe, & au plus grād triumphe qu'on scauroit descrire ou imaginer, & la firent alliance & certain traicté de paix qui ne fut publiée, dont les François & Angloys monstrent grands signes de ioye esperans que par ce traicté seroit aussi faicte paix entre le roy de Frâce & Charles d'Autriche roy des Espaignes touchant la duché de

Ambassade de la part du roy d'Angleterre vers le roy de Frâce pour le mariage de sa fille.

Les faitz & gestes du Roy François

Bourgoigne & autres choses par luy querellées comme heritier par representation du feu Charles de Bourgoigne qui fut occis a Nancy, lequel roy d'Espaigne pour quelque haine qu'il auoit conceue contre messire Robert de la Marche entra avec grosse armée en la Picardie pour soubz vmbre dudiect de la Marche quereller

La guerre commencée par les Flamens contre messire Robert de la Marche. lesdictz François. Et fut guerre ouuerte a Me-fieres, dont lediect roy des Espaignes ne rapporta pas grand gloire: car la victoire en demeura aux François, ou se monstra vaillant & vertueux entre autres le capitaine Bayard, cheualier qui laissa a tous gentilz hommes exemple singuliere de vertu militaire. Et fut ladiecte guerre commencement de plus grands maux au royaume de France, car au moyen d'icelle le pays fut pillé des gens de pied & autres gens d'armes, de sorte que pour y obuier le roy manda a ses baillifz & seneschaulx rompre lesdictes bendes & faire punition des delinquans. Lors commença le temps de pleurs & de douleurs pour les iniustices, exactions & autres aduersitez depuis aduenues en France & ailleurs, procedans comme il est a croyre d'heresies, superstitions & autres choses contraires a la foy Chrestienne, qui depuis ont eu cours. En l'an mil cinq centz vingt & vn messire Guillaume gouffier admiral de France par le commandement du roy mena grosse armée a Fontarabie, laquelle il conquist sans perte de gens. Enuiron lediect

Recouurement de Fôt arabie.

temps les Milannoys se reuolterent contre le sei- *La reuolte*
 gneur de Lautret gouuerneur pour le roy audi- *de ceulx de*
 pays : de sorte que par faulte de secours & d'aide *Milan cōtre*
 il laissa ledict pays & s'en reuint en France, qui *le seigneur*
 fut par le moyen du pape Leon fort contraire *de Lautret.*
 aux François & de petite fidelité, lequel pape
 Leon ayant entēdu que par ses gens Milan auoit
 esté prins contre le seigneur de Lautret s'esioiuit
 si fort qu'il tumba en vne siebure vehemente
 dont il trespassa soudain, non pas toutesfois
 sans grand suspeçon de venin ou poison. Les *Trespas du*
 francz archers d'autour de Paris & ailleurs fu- *pape.*
 rent leuez en France. Et pour lors y auoit guer-
 re par les Espaignolz en Italie, & par les An-
 gloys en Picardie. Pour auxuelles guerres sur-
 uenir & pour les affaires du royaume de Fran-
 ce qui commencerent a croistre. Apres la mort
 du pape Leon Adrian homme de grans lettres &
 cardinal estant a Sarragoce en Espaigne gouuer-
 neur pour le roy d'Espaigne fut esleu & procla-
 mé pape & nommé Adrian sixiesme du nom. Il
 auoit esté precepteur de l'empereur homme de
 grad vertu. Charles d'Austriche & roy des Espai- *Charles 5*
 gnes-cinquesme du nom & cent quinziesme Em- *du nō crée*
 pereur nepueu de Maximilian fut esleu a Franc- *Empereur.*
 fort en Alemaigne empereur de Romme & des
 Alemaignes. Apres laquelle election il parle-
 méta avec Héry huitiesme roy d'Angleterre, ou
 apres auoir traicté la paix d'entré eulx par les bas
 ses Alemaignes il s'en retourna aux Espaignes.

Les faitz & gestes du Roy François

*Descôte des
Anglois en
Picardie.*

En ce temps le Roy estant en Bourgoigne aduert ty que les Anglois vouloient descendre en Picardie y enuoia messire Loys de la Trimouille gouuerneur dudiect pays de Bourgoigne pour secourir le seigneur de Vendosme gouuerneur de Picardie, lesquelz ensemble apres auoir auitaillé la ville de Therouenne en assemblât les garnisons se leua vn bruit que les Alemans pour le roy d'Espaigne se preparoient de descendre en Bourgoigne : parquoy le roy estant a Paris apres auoir mandé lediect seigneur de la Trimouille qui estoit en Picardie il enuoia en Bourgoigne pour donner ordre audiect pays . Quoy sachant lesdictz Alemans ne l'oserent assaillir, & cessa pour lors leur entreprinse , mais d'autre part les Anglois certains que lediect seigneur de la Trimouille s'en estoit allé de Picardie entrerent avec les Flamens & Haynuiers audiect pays & misrent le siege deuant Hedin , dequoy le roy aduerti & pour donner secours audiect seigneur de Vendosme renuoia audiect pays lediect seigneur de la Trimouille avec messeigneurs les mareschaulx de Foix & Montmorency , les seigneurs de Mezieres & de Bauge avecques leurs bendes : mais lesdictz ennemys n'attendirent leur venue , ains reculerent a grand diligence. Les affaires du roy & du royaulme croissoient tous les iours: car le roy de France auoit contre luy l'esleu empereur , le roy d'Angleterre , l'archeduc frere dudiect empereur, les Flamens , Haynuiers , certaines bandes d'A-

lemans, & la plus part des Alemaignes, en forte que pour se deffendre d'eulx fut contrainct dresser grosses armées tant par mer que par terre, non sans grand mise: lesquelles il n'eust peu faire sans le secours des bönes villes de son royaume: auxquelles il demanda la soulte de certain nombre de gens de guerre: selon la qualité, richesse & puissance desdictes villes. Et feit empruntz particuliers & generaulx de ses subiectz, dont il ne fut refusé voulans secourir leur prince & deffendre leur pays. Durant ce temps l'archeduc d'Autriche se maria avec madame Anne sœur de Loys roy de Hongrie. Vn peu au parauāt l'isle de Rhodes par faulte d'aucunz princes Chrestiens fut perdue, rauie & tollue de la main des Chrestiens, par ce que lesdictz princes Chrestiens estans adonnez aux armes l'vn a l'encontre de l'autre n'eurent ce soucy de donner secours & aide aux maistres & cheualiers dict Rhodes, dont s'ensuiuit que iceulx destituez de toute aide que longuement ilz auoient demandée desdictz princes Chrestiens furent miserablement chassés, & ladicte isle captiue entre les mains de Soliman douziesme tyran de la famille d'Othoman. Le roy estant a Lyon receut le herault d'Angleterre lequel luy signifia la guerre mortelle: auquel ledict seigneur feit bonne responce. Le moys de Septembre audict an ledict seigneur estant audict Lyon ouyt nouvelles que Charles duc de Bourbon auoit laissé

L'isle de Rhodes prinse & occupée par les Turcs.

Les faitz & gestes du Roy François

Deffiances du roy d'Angleterre au roy de France.
son alliance & prinse celle de l'esleu Empereur, & s'estoit retiré en la franche comté: parquoy le roy māda par toutes ses villes a tous ses subiectz qu'ilz luy fussent loyaulx & se gardassent de surprinse. Et adonc furent prins plusieurs personnaiges seruiteurs dudiect de Bourbon & emprisonnez, entre lesquelz le seigneur de saint Vallier fut amené en la conciergerie du palais a Paris. L'an mil cinq centz vingt & trois sur la fin du printemps & au commencement de l'esté les Angloys, Haynuiers & Flamens preparerent vn retour en Picardie, & le Roy de France dispoit de l'autre part aller en Italie avec grosse armée & d'enuoier vne autre armée en Picardie, & si estoit chose contraincte de se donner garde du pays de Guienne, qui furent choses difficiles & de tresgrosses mises: en sorte que pour y entendre il fut cōtrainct de demander quelque argent aux seigneurs de l'Eglise, non par tribut ou impost, mais par emprunt. Et feit le roy dresser son armée pour le pays de Picardie du consentement & a la requeste dudiect seigneur de Vendosme gouverneur dudiect pays. Ladiecte armée estoit de cinq centz hommes d'armes & dix mil hommes de pied du pays. Ce fait le roy s'en alla a Lyon deliberé d'aller en Italie & y mener vne autre grand armée & fort bien acomplie, mais l'entreprinse en fut rompue. Lediect seigneur de la Trimoille lieutenant general du roy aiant quelque temps seiourné en Picardie en la

Le bon ordre que le roy mist en son pays de Picardie pour la garde d'iceluy.

ville de Monstereul, le duc de Suffort qui auoit
 espouſé en ſecondes nopces madame d'Angleter
 re douairiere de France, avec groſſe armée de-
 ſcendit audict pays & ſe vint ioindre avec le ſei-
 gneur Diſtain lieutenant general de l'Empereur
 bien acompaignez d'une part & d'autre. Car en-
 ſemble eſtoient tréte & ſix mil hommes de pied,
 ſix mil cheualx & vne grand bende d'artillerie
 & prenans leur chemin a Boulogne furent ad-
 uertis du bon ordre que ledict ſeigneur de la Tri-
 moille y auoit mis: parquoy ne l'oſerent affail-
 lir & prindrent vn petit chasteau non pourueu
 de gens ne d'artillerie, tirerent oultre iuſques a
 Therouenne qu'ilz n'oſerent pareillement affail-
 lir. A laquelle rencontre le capitaine Pierrepont
 lieutenant du duc de Lorraine qui eſtoit chef de-
 dans la ville fait pluſieurs faillies ſur leſdictz An-
 gloys a ſon grant honneur, & a la perte & dom-
 mages d'iceulx Flamens, Haynuiers & Angloys,
 qui furent contrainctz d'abandonner la place &
 ſe retirerent pour aller a Dorlans, qui n'oſerent
 approcher ne affaillir ioinct que ledict ſeigneur
 de la Trimaille y enuoya pour fortifier ladicte
 ville de plain iour & a la veue des ennemys deux
 enſignes de gens de pied. Et quand les ennemys
 partoiet d'aucune place pour aller a l'autre ledict
 ſeigneur de la Trimaille eſtoit cōtrainct faire p-
 tir toute nuit les gens de celle qu'il auoient ha-
 bandonnée pour les remettre en l'autre ou ilz al-
 loient, au moyen de la grad frontiere qu'il luy cō

*Les An-
gloys Fla-
mès & Hay-
nuiers deſcē
dirent en Pi-
cardie en
gros nôbre.*

*Les An-
gloys &
mès deuant
Therouenç
ne.*

*Les Flamès
& Angloys
deuant Dor-
lans.*

Les faitz & gestes du Roy François

uenoit garder, & n'eust sceu metre aux champs plus de soixante hommes d'armes & mil hommes de pied. Au partir de Dorlans les Angloys, Haynuiers & Flamens prindrent leur chemin tout au long de la riuere de Somme sans entrer es pays du Roy: & vindrent a Braye qu'ilz prindrent, par ce que c'estoit vne petite ville non tenable, & passerent la riuere pour aller a Roye, & Montdidier qu'ilz prindrent, parce qu'il n'y auoit dedans gens ne munitions pour la deffense, dequoy les habitans de Paris furent tresfort estonnez, par ce qu'ilz approchoient, & fortifierent leurdicte ville y donnant bon ordre. Durant ces entrefaites ledict seigneur de la Trimouille voiant les ennemys auoir passé la riuere de Somme enuoya le comte de Dampmartin a Noyon qui assembla ce qu'il peut de gens du pays & rempara la ville a son possible, enuoya aussi a messieurs de la court & citoyens de Paris a ce qu'ilz luy enuoiaissent gens & artillerie le long de la riuere de Marne, mist dedans Peronne les seigneurs de Montmor & de Humieres, dedans Corbie le seigneur de pont de Remy: les vicomtes de Touraine & Lauedent & les seigneurs de Rochebaron avec leurs bandes, & a saint Quentin ou estoit le seigneur de saint André, ainsi que se retirerent lesdictz ennemys il enuoya toute nuit des gens pour icelle secourir, & luy mesmes doubtant qu'ilz n'assiegeassent Corbie s'en alla dedens. Et

*Les Flamens
& Angloys
passerent la
riuere de
Somme &
prindrēt la
ville de Mōt
didier.*

*Le hō ordre
que le sei-
gneur de la
Trimouille
mist pour la
rution &
garde des vil-
les de Picar-
die.*

ainsi qu'ilz deslogerent tousiours ledi&t seigneur de la Trimoille les costoyoit affin d'empescher leurs viures, & en tout & par tout fait telle diligence que lesdictz ennemys par faulte de viures, nō sans grand' perte de leurs gens & dommaige inestimable dudi&t pays furent contrainctz eulx retirer. Le roy estant a Lyon fut enuoie en la ville de paris mōseigneur de Brion *Le seigneur de Brion enuoie par le roy pour le secours de l'isle de Frā* admiral de France pour secourir ladi&te ville & aduiser sur les affaires de l'isle de France, lequel en l'hostel de la ville & en la presence des prelatz, presidens, conseillers, nobles, bourgeois & marchans d'icelle la assemblez les remercia pour le roy de leur bōne foy enuers ledi&t seigneur tenue, leur priant de l'auoir tousiours ferme, a demander a ladi&te ville la soulte de certain nombre de gens pour repoulser les Anglois, qui comme dessus est dit estoie&t a Mōtdidier, Roie & par la Picardie, q luy fut accordé. Et octroia ladi&te ville deux mil hommes de pied paie& pour vn mois, combien que le di&t seigneur admiral n'en demanda&t que douze cēt&tz. Ce pendant que ces choses se faisoient, l'armée que le Roy de France auoit deliberé de mener en Italie pour recouurer sa duché de Milan occupée par Maximiliā Sforce sou& l'esleu Em pereur, s'en alloit a Lyon pour passer les montz. Et en la suiuant le roy passa par Molins ou estoit monseigneur Charles de Bourbon Connestable de France malade d'une fiebure quarte, & parlerent ensemble des affaires du royaume. Et di-

Les faitz & gestes du Roy François

Le roy passa a Moulis ou il visita le seigneur de Bourbon pour lors malade, lequel rost apres se tira du parry de l'Empereur.

soit on cōmunement que le Roy le vouloit laisser en France pour le gouvernement du pays: toutesfois dix ou douze iours apres ledict Seigneur de Bourbon accompaigné de cinq ou six gentilz hommes ses familiers partit de nuit & secrettement de son chasteau de Chantelles & print chemin pour s'en aller en Alemaigne vers l'esleu Empereur. Et biē tost ap̄s ledict seigneur de Bourbon s'en alla lieutenant general dudict Empereur en Italie & se meist dedens Milan. Le Roy fut conseillē qu'il ne debuoit aller en Italie, mais garder son royaulme, au moien des machinations & secrettes entrprin̄ses dont on se doubtoit en ce temps, parquoy y enuoia messire Guillaume Gouffier Admiral de Frāce, leq̄l les mōtz passez l'armée de France assiegea Milan, ou ne proffita rien: car ledict de Bourbon estoit desia dedens. l'Admiral de France enuoia le capitaine Baiard a vn villaige nommé Rebet ou n'auoit aucune fortteresse, ou par faulte de secours apres gros combat fut contrainct de se sauuer: car les Espaignolz ne demādoient que luy. Apres la surprinse de Rebet l'Admiral voiant auoir faulte de viures print conseil de s'en retourner en France, ledict Admiral d'vn costé, le seigneur de Vaudemōt d'autre, le seigneur de Vandenesse d'vne part, & ledict Baiard le dernier & au lieu plus dāgereux, lesquelz furēt suiuis p̄ ledict de Bourbon. Et a la fuite meit quatre mil hacquebutiers au deuāt, desquelz furēt blessez ledict admiral, le sei

Le retour de l'Admiral Boniuet en France.

gneur de Vádenesse qui tost apres en mourut, & ledict Baiard qui estoit au derriere fut aussi frapé d'un coup de hacquebute par le corps, dont apres estre descēdu de son cheual se meit soubz vn arbre ou biē tost il trespassa. Son nō estoit Pierre Tarrant natif de la maison de Baiard au pays de Daulphiné. Et toutesfois a sa mort se trouua ledict seigneur de Bourbon, lequel fut fort desplaisant de la mort de si noble & si hardi capitaine. En ce temps le pape Adrian sixiesme de ce nom qui n'auoit tenu le saint siege apostolicque que deux ans trespassa le premier iour d'Octobre, les Cardinaulx entrerēt au cōclaue pour eslire vn autre pape, ou ilz furent iusqs au dixneufiesme iour de Nouēbre & esleurēt le Cardinal de Medicis, lequel fut appellé Clement septiesme du nō. L'an mil v.c.xxiiij, & le vingtiesme iour de Iuillet madame Claude royne de France alla de vie a trespas au chasteau & ville de Blois : Elle estoit fille de roy, femme de roy, duchesse de Bretagne & de Milan, autant bonne, iuste & droicte dame qu'il en fut oncques, & en ce glorieux & bon renom deceda, & delaiſsa du roy & d'elle trois filz & deux filles. Audiēt an vers la fin du temps d'esté mon seigneur Charles de Bourbon avec grosse armée des gens de l'Empereur descendit en Prouence pour mettre le siege deuant Marseille ou le roy enuoia messire Philippe de Chabot seigneur de Brion, le seigneur Rance & autres. Le Roy dressa son armée pour aller leuer ledict siege, & d'icelle fait son Lieutenant general

*Le trespas
du bon che-
ualier Ba-
iard.*

*Clement pa-
pe septiesme
du nom.*

*Trespas de
madame
Claude roy-
ne de France.*

*Charles de
Bourbon meit
le siege de-
uant Mar-*

Les faictz & gestes du Roy François

La ville d'Avignon mise en l'obeissance du Roy.

le mareschal de Chabannes seigneur de la Palice. Et pour quelque difficulté que le legat d'Avignon feist de remettre ladicte ville entre ses mains. Le roy aduertuy de ce & estant a Tournon y enuoia le seigneur de la Trimouille accôpaigné des seigneurs d'Aulbigni, de Florenge & de Mesieres, lequel seigneur feist en sorte que les clefz des portes de la ville furent mises entre ses mains, lesquelles ledict seigneur de la Trimouille bailla en garde au seigneur d'Aulbigni an attendant la venue du roy, & se retira ledict mareschal de Chabannes ce pendant au camp. Apres que le roy fut arriué en Avignon, & que le camp si eut marché

Charles de Bourbon leua son camp deuant Marseille & se retira en Italie.

iufques a Cauaillon, messire Charles de Bourbon voiant qu'il proffitoit peu deuant Marseille, & sachât l'armée du roy approcher de luy, leua son siege & se retira en Italie le plus tost qu'il peust, ou en allant perdit grand' quantité de ses gēs & son artillerie. Le roy suiuant son armée & congnoissant qu'il ne pouoit approcher de ceulx qui fuioient, s'en alla a Aix en Prouence ou fut mis en deliberation s'il debuoit suiuir sa bonne fortune & passer les montz avec son armée. Et en fin fut conclud qu'il iroit en personne & feroit marcher son armée. Audiēt an le pape Clement donna vn pardon au royaume de France pareil au iubilé. Et fut publiée a Paris la paix d'être nostre saint pere le pape, le roy treschrestie, les Venetiens & Florentins. La deliberation prinse cōme dessus est dict, le Roy feist marcher son armée

Paix publiée entre nostre saint pere & le roy de France.

foubz la conduicte du mareschal de Chabannes pour recouurer les villes de s^o duché de Milã de tenues p l'esleu empereur. Et apres auoir receu & mise en ses mains la duché de Milã par le moien & conduicte du marquis de Saluces & ledict seigneur de la Trimouille, & feist icelle fortiffier de tranchées affin que les ennemys qui encores tenoient le chasteau ne feissent quelques faillies ou surprinses sur ceulx de la ville. Lors le roy alla metre le siege deuant Pauie des la fin du moys d'Octobre dudiect an mil cinq cētz vingtequatre ou il feist dresser son camp au plus triumphāt ordre & magnificque qu'on veit oncques. Ceulx du dedens de Pauie desquelz messire Anthoine de Leue hardi cheualier estoit chef & capitaine festoient tresbien fortiffiez tant de viures que autres munitions bellicques. Et faisans plusieurs faillies, escarmouches & courses, ainsi que le ieune duc de Longueuille noble prince & hardi alloit visiter les rampars & trenchées desdictz ennemys estãs dedes Pauie fut par l'vn d'iceulx tué d'vn coup de hacquebute duquel fut gros dommage. Parce que la presente obsession & assiegement de Pauie fust par la seule permissiõ du roy, des autres roys pernicieuse & dommageable, nõ seulement aux vainqueurs & vaincus, mais generally a la totale Chrestienté. Il est bien necessaire qu'en ceste histoire chose de si grande consequence & memorable renommée soit vn peu dilatée plus que les precedētes executions

La ville de Milan mise en l'obeyssance du Roy.

Le siege mis deuant Pauie par les François.

Le duc de Longueuille fut tué deuant Pauie d'un coup de hacquebute.

Les faitz & gestes du Roy François

& faitz de guerre aduenuz en ceste chrestiete, p
ce q̄ la plus grád' part d'Europe a congneu, veu,
fentu & experimēté le pouoir de la variable mu
tatiō des diuers accidēs & dispositiōs de fortune.
Parquoy pour a la verité de l'histoire en racōpter
& escrire ce que la cōmune fame & renōmée en
chose si cōfuse a peu rapporter & dire i'en escrip
ray ce q̄ f'ésuit. Le roy auquel haultesse de cueur
dominoit en la végeáce & poursuite de ses enne
mys p̄ diligēte industrie trouua moiē de diuertir
la riuiere de Thefin affin q̄ si propice elle ne fust
ausdiētz Espaignolz. Mais cōme la fortune blan
dist & colore ses destinées: par l'enhortemēt d'au
cūs q̄ dōnerēt ce cōseil le roy enuoia soubz la cō
duicte du duc d'Albanie a Naples quatre cētz lá
ces avec six mil hōmes de pied, ce q̄ affoiblist de
nōbre & nō de cueur l'armée nostre. Et cōme ces
choses se mettoiēt a fin, lediēt seigneur de Bour
bō q̄ ne dōnoit repos a esprouuer la fortune. Au
cōmēcemēt du moys de Feburier avec le Visroy
de Naples & le marquis de Pesquaire homme de
grád' cueur & bōne cōduicte assemblerent leurs
gēs en la ville de Lode ou ilz dresserent leurs ar
mes en grád' astuce & diligēce pour venir dōner
sur les Fráçoys, dequoy aduerti le roy máda le sei
gneur de la Trimoille, & autres seigneurs, príces
& capitaines lors estās a Milá, lesq̄lz selō sondiēt
mādemēt tous en bō ordre & cōme pres de cōba
tre vídrēt vers luy le 4 dudiēt Feburier & cuidās
biē auoir bataille, le malheur differa pour atēdre

q̄ lesdictz Espaignolz fussent fortifiez de viures & gēs, au moiē du secours qu'y ēuoia l'Archeduc d'Austriche. Le xxiiij iour de Feburier audict an 1524 suiuant la deliberation faicte par les desusdictz de l'empereur deux ou trois heures deuant le iour vne ptie de l'armée dudiect empereur, soubz la cōduicte du marquis de Pesquaire, apres auoir faict breche en la muraille du parc de Pauie pour passer biē cēt hōmes de frōt, & que l'armée dudiect Empereur eust passé par la: nōobstāt le bon deuoir de l'artillerie de Frāce q̄ endōmagea fort lesdictz ennemys, de sorte q̄ leur auātgarde fut cōtraincte se retirer en desordre a quartier le lō d'vn terreil. Les Frāçoys voiās reculer leurs ennemys, les gēs de cheual de leur aduātgarde allerēt apres malgré l'armée imperiale q̄ cōduisoit le duc de Bourbō qui reculla ladiecte auātgarde.

Quoy voiāt le roy avec la fleur de sa cheualerie allerēt dōner sur leursdictz ēnemys, de sorte q̄lz eussēt esté deffaictz n'eust esté q̄ p fortune le marquis de Pesquaire chef de l'auātgarde de l'empereur q̄ auoit assemblé ses gēs de pied Alemans & Espaignolz en vne vallée ou l'artillerie de France ne les pouoit endōmager se presenta au front de la bataille de France avec huit centz harquebousiers, par lesquelz (ainsi qu'ilz tiroiēt a coups perdus) furēt tuez plusieurs des bons & anciens capitaines & autres qui auoient suiui le roy desirans plus vne heure d'honneur que mille ans de vie. Les gens de pied de l'armée de France e-

*La iournée
de Pauie
moult dōma-
geable aux
Frāçoys.*

*Prouesse &
hardiesse des
Frāçoys.*

*Le marquis
de Pesquai-
re avec ses
harquebou-
siers endom-
magea moult
les Frāçoys.*

Les faitz & gestes du Roy François

toiēt en deux bēdes, l'vne de Suiffes & l'autre de
Frāçoys & d'Alemās. Le marquis de Pesquaire a-
uec ses Alemās & capitaines dōnerēt sur les Suif-
ses du roy. Et le marquis de Gōnaste avec les Es-
paignolz sur les Alemās & Frāçoys. Messire An-
thoine de Leue capitaine de Paue sortit de la vil-
le par la faulse porte avec deux cētz hōmes d'ar-
mes, cīq mil hōmes de pied Alemās & six pieces
d'artillerie, lesquelz allerent rompre le pont du
Thesin, a ce que les François ia estans en desor-
dre ne se peussent sauluer, & se ioignirent a l'ar-
mée de l'empereur en mesme temps: par le moiē
dequoy l'armée de France fut deffaicte. Il y eut
plus de prisonniers & gens qui se noierent cui-
dās eulx sauluer p la riuere du Thesin que d'oc-
cis & tuez. Le roy estoit des plus auāt en la mes-
lée tirant a cest honneur auquel vn prince no-
ble doibt aspirer, frapant de toutes pars, assailly
choca Dompferrant de Castrionte qui peust sen-
tir vne puiffance partant de couraige hardi &
royal. Et voiant les ennemys la hardiesse grande
d'vn prince se metre en tel hazard de fortune cour-
rurent sur luy non deffendu ne secouru. Et non-
 obstant toute deffense & qu'il resistaft fort, for-
tune monstrant son descoloré visage tourna tel-
lement sa fenestre roue que le bon Roy fut le
vingtequatriesme iour de Mars iour sainct Ma-
thias l'an mil cinq centz vingtequatre prison-
nier au Visroy de Naples qui le mena en seureté
& grand' reuerence en vn chasteau dit Pisquetō
pres

*Hardiesse
& prouesse
au nobleroy
de France. j*

pres Pauie . Ceste prinse dōna hardiessē aux ennemys , tristessē aux nostres, peril a la personnē du roy & grād defesperance de salut a ceulx qui estoient en France . Et furent occis audiēt con-
 fliēt le duc de Suffort qui querelloit le royaulmē d'Angleterre contre le roy Henry huiētiesme de ce nom , François monseigneur frere du duc de Lorraine, messire Loys seigneur de la Trimaille, messire Iacques de Chabanes mareschal de France, & seigneur de la palice, messire Guillaume Gouffier admiral de France: le cōte de Tonnerre, *Gens de nō du party des François occis deuant Pauie.*
 le seigneur de Bussi d'Amboise, le seigneur de Chaulmont d'Amboist, le seigneur de Morette, le capitaine Frederic Cattaigne, le grand escuyer de France, le seigneur de Tournon, l'escuyer Marrafin & plusieurs autres gentilz hommes qui vertueusement secourant leur prince demourerent occis & tuez en la place. Furent aussi prisonniers le roy de Nauarre, le comte de sainct Paul, François monseigneur de Saluces, le comte de Neuers, le prince de Thalemond filz dudiēt seigneur de la Trimaille, le Bastard de Sauoye grād maistre de France & son filz, le seigneur de Le-
 fcut mareschal de Foix, le mareschal de Montmorency, le vidame de Chartres, Claude Gouffier seigneur de Boyssi, le seigneur Galiace vicōte, le gouverneur de Lymolin, messire Philippe Chabot seigneur de Brion admiral de France, les seigneurs de Rieux, de Coucy, de Florenges, de la tour Landry, de la Guiche, de Montpezat, de

Les faitz & gestes du Roy François

Montiehan, de Villendry, la ferté d'Aubigny, de Clermont, de Vasse, de Pommerant & plusieurs autres gentilz hōmes, desquelz a cause de briefueté ie tairay les noms. Et ces nouvelles sceues par madame la Regente mere dudit seigneur manda par toutes les villes du royaume de France d'eulx tenir en obeissance du roy & dōner garde de surprinse, & avec l'aide de Dieu, de son bō conseil elle y donna tresbon ordre. L'empereur estant en Espagne aduertit de ceste victoire le vingtiesme dudit mois d'April audit an mil cinq centz vingt & cinq enuoia vers ladicte dame Regente le seigneur de Rhut son second chābellan. Et aussi vers le roy pour leur declairer son intention sur le traicté de paix & des demandes qu'il faisoit demandant par rançon ou eschange son cousin le prince Dorengé prisonnier en France. Entre autres par le conseil de madame & des princes de France fut enuoyé en Espagne vers l'esleu empereur madame la duchesse d'Alençon sœur du roy accompagnée de plusieurs gens notables & de cōseil pour traicter enuers iceluy empereur la deliurance du roy. Et pour ce faire plus commodément ledict empereur feit amener ledict roy par mer en Espagne par messire Charles de Launoy cheualier de la toison d'or & visroy de Naples. Et ce fait furent commis & deputez pour disputer des differendz d'entre l'empereur & roy, le chancelier d'Espagne pour l'empereur, & pour le roy le premier president de Pa

*Madame la
duchesse
d'Alençon
fut enuoyée
vers l'empereur
pour la
redemption
du roy.*

ris de Salua. Et apres plusieurs raisons dictes d'ũ costé & d'autre demeura la matiere sans conclusion: mais le dimanche quatorziesme iour de Ianuier l'an dessudit mil cinq cētz vingt & cinq fut le traicté de paix accordé, conclud & passé a Madrid en Espagne entre messire Charles de Lannoy visroy de Naples, dōp Hugues de Montcada cheualier de l'ordre de sainct Iehan de Hierusalem & Iehan l'Alemant baron & seigneur de Bouclás tresorier & secretaire d'estat de l'Empereur, auñō & cōme conseillers, ambassadeurs, procureurs commis & deputez, & specialement dudit Charles empereur d'une part, & messire François de tournō archeuesque d'Ambrũ & de Bourges, messire Iehā de Salua cheualier premier presidēt du parlement de Paris & messire Philippe Chabot cheualier seigneur de Brion & Maire de Bordeaux ayās a ce ample pouoir de madame Loyse mere du roy treschrestien de Frāce regēte en Frāce d'autre part. Par lequel traicté entre autres articles fut accordé & promis par lesdictz ayās charge de madicte dame la Regēte, q̄ le roy de Frāce dedans six sepmaines apres sa deliurāce seroit tenu restituer, rendre & deliurer au pouoir dudit empereur la duché de Bourgoigne, la comté de Charolois, la seigneurie de Noyers & chastel Chignon dependans de ladicte duché, la vicōté d'Aufsonne & ressort de sainct Laurens en la frāchie cōté de Bourgoigne, & tout ce qui d'acienneté souloit estre du fief, ressort & appartenāces desdictes

*Le roy fut
mené prison-
nier en Es-
paigne.*

*Le traicté
& accord
de Madrid
l'an 1529.*

*Ce qui fut
accordé a
l'Empereur
par les am-
bassadeurs
de France
pour la re-
dēption du
roy.*

Les faitz & gestes du Roy François

duché & frâche cōté en toute souueraineté sans aucune reseruation de superiorité regalle ne d'autre droit quelconque. Aufquelz le roy renonceroit & rendroit les chasteaulx & forteresses garnies d'artillerie & autres munitiōs. Et par ce que le roy ne pouoit acomplir ce que dict est qu'il ne fust en son royaume, auoit esté accordé que ledict seigneur seroit deliuré & remis en son royaume du costé de Fontarabie le treziesme iour de Mars lors prochain, auquel iour & instant le roy bailleroit pour ostages ses deux filz aînez seulement ou monseigneur le Daulphin, & avec luy le seigneur de Vendosme, les seigneurs d'Albanie, de sainct Paul, de Guise, Lautret, de Laual en Bretagne, le marquis de Saluces, le seigneur de Rieux, le grad seneschal de Normandie, le baron de Mōtmorency, le seigneur de Brion & le seigneur d'Aubigny, au choix & electiō de madicte dame la Regente pour estre & demourer en ostage deuers l'empereur iusques a la restitution de ladicte duché de Bourgoigne & autres pieces dessus declairées & qu'il eust fait ratifier aux estatz de son royaume ledict traicté, & acōplir iceulx: le roy seroit tenu de bailler sa foy de prince audict empereur de sen retourner son prisonnier en deffault des choses susdictes acomplies. Seroit tenu aussi ledict roy de France renoncer & departir des droitz qu'il & ses predecesseurs roys de Frâce auoient pretendu au royaume de Naples, & a toutes pensions constituées sur iceluy par le

dict Empereur, & a tous arrerages d'iceulx. Semblablement a la duché de Milan, a Gennes, a la comté Daast, a Tournay, Flandres, Arthois, Arras, Mortaigne, saint Amant, l'Isle, Douay, Orchères, Hesdin exēptées lesdictes terres de souueraineté. Renōceroit aussi reciproquement ledict empereur au proffit du roy & des siens a toutes les terres & seigneuries du roy, pour luy & en son nō presentement tenues & possedées, & speciallement de ce qu'il pretendoit es villes & chastellenies de Peronne, Montdidier, Roye, & aux côtez de Boulongne, de Guines & Ponthieu, aux citez, villes & seigneuries assises sur la riuere de Somme d'un costé & d'autre, exceptez seulement les comtez de Masconnois, Auxerrois & seigneurie de Bar sur Seine. Fut traicté aussi que l'Empereur & le roy ne dōneroient passages par leurs royaumes, terres & seigneuries, soit par mer ou par terre a quelque personne que ce soit qui les voudroit inquieter, ou guerroyer es choses respectiuemēt quictées & trāsportées pour la deffense d'icelle qui s'entendoit contre les communs ennemys. Et pour rendre ladicte paix indissoluble traicterent le mariage du roy avec madame Elicenor royne douairiere de Portugal, sœur aînée du dict empereur qui seroit rendue & cōduicte aux despens d'iceluy empereur au mesme temps & espace que lesdictz ostages seroiēt baillez. Et que ladicte royne auroit en dot de deux centz mil escus d'or au soleil pour tous droictz paternelz,

Traicté de mariage du roy de France avec madame Alienor sœur de l'empereur.

Les faitz & gestes du Roy François

& maternelz, a elle cōstituez par son premier mariage, avec feu de bōne memoire dōp Maximian roy de Portugal, avec le douaire qui luy appartenoit a cause dudit premier mariage, dont le roy seroit tenu bailler assignation conuenable a ladiete dame & aux siēs avec plusieurs autres articles pour la seureté, perfectiō & faueur dudit mariage. Estoit dict par ledict traicté de paix que dōp Henry seigneur d'Albret renōceroit au tiltre & nom de roy de Nauarre pour luy & les siens au prouffit dudit empereur & des siens. Et au cas que ce ne voulust accorder ledict roy de Frâce ne luy donneroit secours, faueur ne aide cōtre ledict empereur. Plus que le roy procureroit enuers mōseigneur Charles duc de Gueldres que la comté de Zetā dōt il iouissoit seroit & demurerait apres son trespas a l'empereur. Et sil ne le vouloit faire que le roy ne luy dōneroit aucun secours, cōfort ne aide ne au duc de Bkac ne a messire Robert de la marche ne a ses ēfantz, & que ledict duc de Bkac ne seroit plus au seruice du roy. Et que le prince Dorenge nōmé messire Philebert de Chaalon seroit deliuré de prison, & ledict roy de France tenu de rendre a monseigneur Charles de Bourbon les duché de Bourbö & d'Auergne & toutes ses autres terres & seigneuries qu'il auoit au parauant son partement de Frâce & sa personne exēptée de la puissance & subiection du roy & tous ses seruiteurs & amys & abolition de tous crimes. Oultre seroiēt ten^z l'empereur & roy dresser armée pour

*Autres con-
ditions appo-
sées & pro-
mises audict
traicté.*

faire guerre aux Turcs. Deuoit aussi le roy de France payer au roy d'Angleterre pour l'indénité q̄ l'empereur luy auoit promise pour auoir laissé l'alliance & pension dudit roy de France montât cent trente trois mil cinq centz escus. Icelle dite pension depuis l'an 1522. Et acquiter d'icelle iceluy enuers ledict roy d'Angleterre de tout ce qu'il luy pourroit deuoir a cause de ladicte indénité. Deuoit aussi le roy de France deux moys apres qu'il en seroit requis enuoier a ses despēs au port & lieu qu'il luy seroit signifié, & ou l'empereur voudroit s'embarquer pour le voyage d'Italie, fournir audict empereur de toutes les nauires, galeres, galliotz & autres vaisseaulx quelcōques de son armée de mer biē montez & equippez, dont ledict empereur s'en pourroit seruir trois moys. Et pour l'assistance que le roy auoit au parauant promise audict empereur fut dict q̄ seroit tenu luy payer pour la soulte des gēd'armes deux cētz mille escus a deux termes. Fut aussi accordé que tous marchās seroiēt mis en liberté pour aller en to⁹ pays d'vne part & d'autre pour vēdre & marchander sans y estre empeschēz. Plusieurs autres choses y auoit audict accord qu'on accorda sans grād propos pour rauoir la p̄sonne du roy prisonnier. En ce tēps ensuiuāt ledict accord de Madric madame la Regēte avec mōseigneur le Daulphī, le duc d'Orleās, acōpaignez de mōseigneur Héry d'Albret roy de Nauarre: le duc de Vendosme, le cardinal de Lorraine: ma dame la duchesse d'A-

Autres conditions & promesses du dict traité.

Les faitz & gestes du Roy François

*Le roy ven-
du en Frâce
& messei-
gneurs les
enfantz en-
uoyez en
Espaigne.*

lençon sœur du roy & dautres princes & princef-
ses, seigneurs & dames, apres auoir paillé Bor-
deaulx, Bayonne & saint Iehā de Lux, vindrent
a la riuere d'Andaye qui depart les royaumes
de France & de Castille, ou mesdictz seigneurs
les enfans monterent en leur vaisseaulx pour al-
ler en Castille. Et le roy leur pere entra en Fran-
ce le dixiesme iour de Mars mil cinq centz vingt
& six. Et fut enuoyé avec luy de par l'Empereur
messire Charles de lanay visroy de Naples pour
attendre le cōsentement des estatz & confirma-
tion dudict accord de Madric, lequel traicté mis
en termes lesdictz estatz assemblez present le-
dict visroy de Naples, le roy treschrestien fist de-
claration du vouloir desdictz princes, barons &
trois estatz, qui n'estoit d'accorder iceluy traicté
cōme forçay, & au grand preiudice du royaume
de Frâce, priāt ledict visroy de Naples qu'il vou-
lust insister vers ledict Empereur que ce qui n'e-
stoit nō seulement hōneste, mais aussi ne se pour-
roit parfaire fut aboly. Et qu'en lieu de ce fust
subrogée somme raisonnable de deniers pour sa-
raison, & que la paix & cōcorde tāt desirée entre
les Chrestiens fust parfaicte, & ses enfans en osta-
ge luy fussent rēdus. Et que aucun empeschemēt
ne fust dōné a madame Alienor sa tresaymée fiā-
cée, laquelle l'esleu empereur auoit promis rēdre
en France si tost q̄ le roy y seroit. Quoy entendu
par ledict visroy de Naples sen retourna en faire
le rapport audict empereur. A saint Germain en

*Le visroy de
Naples a-
uoir ouyr la
respōce des
estatz de
Frâce pour
la ratifica-
tiō du trai-
cté de Ma-
dric retour-
na vers l'em-
pereur.*

Laye ou le roy f'estoit retiré auant que d'aller a Paris furent faiçtes & celebrées les solemnitez du mariage entre le roy de Nauarre & madame Marguerite duchesse d'Alençon seur du roy. Et depuis entra le roy a Paris en grand honneur & resiouissance de son peuple. Le Turcq avec grosse armée descendit au royaume de Hongrie, prins, pillé, raiui, saccagé & mis a feu & sang le pays, & la grand' ville & cité de Bude prinse, le roy Loys de Hongrie vaincu & occis en bataille. Ferdinãd Archeduc d'Autriche frere de l'ẽpereur fut crée Roy audiçt Royaume de Hõgrie & de Boheme. Et quasi en ce tẽps l'Empereur espousa madame Ysabeau seur du roy de Portugal. L'armée de l'ẽpereur que conduisoit messire Charles de Bourbon en Italie & le prince d'Orenge avec grand' compaignie de Lansquenetz tenans la secte de Martin Luther pour trouuer moien de recouurer argent dont ilz estoient mal garnis, s'aduiferent qu'ilz iroient piller la ville de Florence tenãt le parti du roy. Quoy sachant le pape, les Venitiẽs & leurs alliez pour deffendre ladiçte ville misrẽt au chemin ou l'armée de l'Empereur vouloit passer leur ligue qui destourna ladiçte armée. Le duc de Bourbõ pour aller faire a Romme ce qu'il auoit voulu faire a Florence arriua aupres de Rõme qui menoit la bataille, & lediçt prince d'Orenge l'auantgarde, & l'arrieregarde conduite par le frere du marquis de Mantoue. Toute ladiçte armée n'estant que de vingt mille comba-

Charles de Bourbon & le prince d'Orenge voulurent piller la ville de Florence.

Les faictz & gestes du Roy François

*Le seigneur
de Bourbon
fut tué vou-
lāt entrer de
dens la ville
de Romme.*

tans fort mal en ordre d'habillemens vestuz en pillars & larrons & trop plus hardis a la destrouf se qu'a honneur militaire. Parquoy le dimenche matin cinqiesme iour dudiēt moys de May l'an mil cinq centz vingt sept misrent leurs eschelles contre les murailles de ladicte ville de Romme, donnerent l'affault d'vn costé & d'autre. Et non-obstant le bon portement & vaillance dudiēt seigneur Rance hardi capitaine Italiē qui estoit dedens Romme avec deux ou trois mil hommes de guerre tant seulement, les Espaingnoz gens desesperez entrerent par dedens la bresche. Et ainsi que lediēt seigneur de Bourbon des premiers mōtoit a la muraille fut attainct & frappé d'vn faul conneau au droiēt de l'aine dont il mourut demie heure apres. Le laisse a cōsiderer aux lecteurs l'estrange aduenement des iugemens de Dieu.

Le pape Clemēt festoit retiré avec plusieurs Cardinaulx & lediēt seigneur Rance au chasteau saint Ange. Parquoy ladicte ville de Rōme prise, pillée souffroit grād' insolence, inhumanité &

*Après la pri-
se de Rōme
Et icelle pil-
lée le pape
fut prison-
nier aux Es-
paingnoz &
mené au roy
aubne de Na-
ples.*

scandalle par les Espaingnoz & Lāsquenetz, cōtre l'honneur de Dieu & de la sainte foy Chrestienne: car le saint pere fut prisonnier es mains du prince d'Orēge & du Visroy de Naples, & mené en vn chasteau vers lediēt royaulme de Naples. Et peu apres y eut si grand' mortalité en la ville de Romme que nul n'y osoit habiter, & le bled si cher que la charge d'vn cheual valoit dix ducatz.

Depuis le pape Clement avec certains Cardi-

naulx, capitaines & gēs de guerre, & aucuns marchans citoyens de Romme eurent quelque pourparlé de paix, avec messire Iehan Bartholemy Castinari regent du royaume de Naples pour & au nom de l'Empereur. Le Roy de France aduertí de l'infortune du pape & des Rommains ses allies feist adresser grosse armée en France pour leur donner secours, de laquelle il feit chef & lieutenant general monseigneur Odet de Foix seigneur de Lautrec, lequel ioieulx de ceste charge passant en Italie print Alexandrie, assiegea Pa-

La ville de Paue fut mise a sac par le seigneur de Lautrec.

uie, luy donna l'assault & entra par force, & meit la ville a destruction. Finablement deliura nostre saint pere le pape ledict seigneur de Lautrec conduisant son armée deuant la ville de Naples, ou ilz prindrent le palais qui est hors ladicte ville. Et y fut le siege depuis Pasques iusques au vingtsixiesme iour d'Aoust l'an mil cinq cētz vingthuit. Auquel temps par vne pestilence merueilleuse & foubdaine moururēt plus de quatre centz gentilz hommes, & la plus grand' part des gend'armes de France. Et entre autres le seigneur de Vaudemont, le seigneur de Gramont Lieutenant dudit seigneur de Lautrec & autres. Mesmes toute ladicte armée desolée & mal en poinct perdit son chef & vaillant conducteur ledict seigneur de Lautrec, le corps duquel fut amené en France. Vn peu au parauant estoit arriué a Paris le ieune duc de Ferrare qui espou-
sa treshaulte & tresprudente dame madame Re-

La mort du seigneur de Lautrec a Naples.

Les faitz & gestes du Roy François

Le duc de Ferrare espousa au Palais a Paris madame Re née fille du feu Roy Loys xij.

née fille du feu roy Loys douziesme. Vint audict Paris le ieu dy dixiesme de Septembre audict an l'ambassade de Hongrie qui fut receue par le roy honorablement estant en la grád' salle du Palais de Paris accompaigné de tous les princes de France: Ou pareillement le herault de l'esleu Empereur pour rapporter la conclusion du camp du combat d'entre le roy de France & ledict Empereur, lequel herault apres n'auoir voulu mōstrer la patente du camp, & qu'assez de ce faire fut sommé par ledict roy de France, il eut sauſconduit & congé pour s'en retourner sans autre chose declairer. En ce temps furent publiez les treues pour huit moys entre le roy de France & le roy d'Angleterre, tant par mer que par terre en leurs royaumes, terres & seigneuries. Pendant lequel tēps madame la regente mere du roy pour le recouurement de messeigneurs les enfantz de France entreprint parler en la ville de Cambray avec madame Marguerite comtesse de Flandres tante dudiect Empereur, ou pour donner quelque ordre au traicté de Madric. Apres plusieurs propos tenus dudiect accord, fut iceluy conclud audict Cambray par les dames susdictes le cinqiesme jour d'Aouſt prochain apres ensuiuāt cinq cētz vingt neuf. Et depuis fut crié a Paris entre nostre ſaict pere le Pape Clement septiesme treshaultz & trespuissans princes François par la grace de Dieu Roy de France treschrestien, Charles par la grace de Dieu esleu Empereur de Germanie

Le traicté fait a Cambray entre le pape le roy de France & le roy d'Angleterre & l'Empereur.

& de Castille, Ferdinand roy de Hongrie Archeduc, & Héry roy d'Angleterre pour la tuition & deffense de leurs personnes, biés, estatz, pays, terres & seigneuries, subiectz & vassaulx. Et ce par le moien desdictes deux dames le dixhuietième Aoust audict an, dequoy furét faitz feux de ioie. Suiuant lequel traicté de paix messeigneurs les enfans de Frâce avec madame Alienor a present Royne de France arriuerent en France, & fut la rançon diceulx mesdictz seigneurs les enfans par ce moien deliurée au commis de l'Empereur entre la ville de Fontarabie & sainct Iehan du Luz villes limitrophes desdictz royaumes de France & d'Espaignes, qui furent receuz en grâds triumphes, honneurs, entrées & ioie de tout le peuple de France. Le roy estant lors pres de Baionne fut consommé le mariage de luy & de madicte dame Alienor a la grand' ioie & cōsolation de chascun. Ce faiét le roy passa par ses pais de Guiène, Touraine & Blois, & vindrent iusques a Paris, & de la a sainct Germain en Laye, ou ilz seiournerent quelques iours attendans le couronnement & entrée d'icelle dame qui fut fait a sainct Denys en France le cinqiesme iour de Mars cinq cētz trente accompaigné de plusieurs princes, seigneurs, prelatz & grand' noblesse. Et depuis feist son entrée en la ville de Paris en vn triumphe solemnel & fort riche le seiziesme dudiēt moys, ou il y eut ioustes & tournois en la grand' rue sainct Anthoine en pompe non pareille. Vn peu au para-

*La deliuran
ce de messei
gneurs les
enfans de
France &
biē venue de
madame A-
lienor.*

*L'entrée de
la royne en
la ville de
paris.*

Les faitz & gestes du Roy François

uant estoit trespassé a Paris Loys Sforce deuant la prise duc de Milan, & fut enterré aux Carmes. Ce temps durant l'Empereur fut cou-

*L'empereur
fut couronné
a Boulon-
gne la grasse
par le pape.*

ronné Empereur par nostre saint pere le pape a Boulongne. Madame Marguerite tante de l'Empereur regente en Flandres trespassa environ ce temps. L'an mil cinq centz trente & vn le vingt-

*Trepass de
madame me-
re du Roy.*

deuxiesme jour du mois de Septembre, ainsi que madame mere du roy de France malade d'une longue maladie s'en alloit de Fontainebleau ou il y auoit grand dangier de peste a Romorantin trespassa au lieu de Gres, & fut depuis son corps mené a Paris, & de Paris a saint Denys en France, ou elle a esté inhumée pres des Roys de France. Ferdinand Roy de Hongrie frere de

*Le roy visita
son pays
de Bre-
tagne.*

l'Empereur fut en ce temps crée Roy des Romains. Au mois de May mil cinq centz trente deux le Roy, la Royne & messeigneurs les enfans allerent en Bretagne, & visita le Roy les principales villes & la pluspart dudit pays, & y fut iusques au mois d'Aoult ensuiuant, pendant lequel temps, la Royne feist son entrée en la ville & cité de Nantes. L'an mil cinq centz tre-

*Le roy alla
visiter ses
pays de Lan-
guedoc &
Prouence.*

te trois ensuiuant au temps d'esté alla visiter ses pays de Prouence & de Languedoc, & feist son entrée triumpâte dedés la ville & cité de Thoulouze. Et luy estant a Montpellier entreprint par ambassades de parlementer avec nostre saint pere le pape Clement en la ville de Marsailles au mois d'Octobre prochainement ensuiuant ou

ledict pape Clement y arriua . En laquelle veue & assemblée fut traicté & fait le mariage de mō seigneur le duc d'Orleans second enfant du Roy de France, avec madame la comtesse de Boulougne niepce dudiect pape Clement. Et feirent plusieurs bonnes deliberations pour remedier aux scismes & heresies lors & des long temps au parauant aduenues des Alemaignes, & dōt y auoit ia quelque commencement en la ville de Paris, le tout par le moien d'vn cōcile qui se debuoit faire par ledict pape bien tost apres. Le Roy desirāt singulierement pour la conseruation & deffense du royaulme fait dresser & mettre sus vne force de gens de pied par les prouinces d'iceluy en forme de legiōs, pour d'icelles forces se seruir & aider ainsi q̄ l'affaire le requeroit. Et de ce fait certaines ordōnāces luy estāt a saint Germain en Laie au moys de Iuillet 1534. Ascauoir es pays & duché de Normādie vne legiō, au pays & duché de Bretagne vne legion, au pays de Picardie vne autre legion, au pays & duché de Bourgoigne, comté de Champaigne & Niuernois vne autre legion, au pays du Daulphiné, Prouence, Lyonnais & Auuergne vne autre legion, & au pays de Languedoc vne autre legiō qui sont sept legiōs. Et qu'a chascune legiō y auroit six mil hommes de pied qui se leueroient esdictz pays & prouinces de sondit royaulme . Au moys de Septembre ensuiuant mil cinq centz trentequatre le comte de Nassot & le Prince d'Orenges son filz passa

*Le pape Cy
le Roy tres-
chrestie trai-
eterent a
Marseille le
mariage du
duc d'Or-
leans & de
la niepce
dudiect saint
pere.*

*Creatiō des
legionnaires
au royaulme
de France.*

Les faitz & gestes du Roy François

Turcs infidelles . De laquelle victoire aduert̃y nostre sainct pere le pape pour en rendre graces a Dieu duql toutes victoires procedēt & font en son pouoir ordōna vn an iubilé par toute la chrestienté pour le secours & tuition d'icelle qui fut celebré au moys d'Aouſt audiēt an en grād' reuerēce & deuotiō. En ce temps au moiē q̃ plusieurs personnes soy sentans suspectz d'heresie & choses defusdictes s'en estoient fuis & absentez du royaume de France. Par pardon & remission du pape confermé par le Roy treschrestien furent rappellez & reuniz a leur premiere fame , bruit, renommée & biens tous lesdictz fugitifz. Le roy enuiron ce temps s'en alla en Normandie & Picardie pour veoir faire les monstres des legionnaires desdictes prouinces des pays . Et de la se transporta en Châpaigne pour aussi semblable occasion. Et puis en fin seiourna longuement en sa bonne ville de Dyion, ou enuiron le moys d'Octobre il fut bien fort malade . Et pour prier le createur pour sa briefue santé & guerison furent faictes processions generalles en la ville de Paris . Peu de temps apres le Roy sain & gueri s'en alla a Lyon pour dōner ordre a l'armée qu'il entendoit enuoier en Italie, ou il feit durant l'uyer grandes preparations de guerre, manda par tout le royaume ses bendes, compagnies, garnisons, legionnaires, & artillerie, mesmes de Paris qui en partit enuiron la my Ianuier . Et feist marcher l'auantgarde soubz la conduicte de mōseigneur

*Le iubilé
par route la
Chrestienté.*

*Les mōstres
des legionnaires
en diuers
ses prouin-
ces.*

Le lundy premier iour de Mars audiēt an le capitaine Ionas qui au parauant auoit esté longuement prisonnier a la Bastille pour raison du crime de leze maiesté fut decapité aux halles a Paris, & son corps mis en quatre quartiers, & sa teste enuoiée sur le haure de la ville de Marseille. Maistre Thomas Morus chancelier au royaume d'Angleterre hōme de grāds letres pour ie ne scay quelles occasions fut decapité a Londres en Angleterre le premier iour de Iuillet l'an mil cinq centz trētecing. Le neufiesme iour desdictz mois & an, reuerendissime monseigneur Anthoine du Prat legat & chancellier en France deceda a Nātoillet & fut porté enterrer a Sēs, au lieu duquel fut chācellier en Frāce maistre Anthoine de Bourg lors second president en la court de parlement a Paris. En ceste année l'empereur qui lōgue mēt auoit tenu le siege deuāt la ville de Thunis a l'encōtre de Barberouffe & sō armée. Au mois de Iuillet p l'astuce du marquis de Gast & d'André Dorie print & gaigna la Goulette deffense principale de ladicte ville de Thunis, ou furent mors & prins de trois a quatre mil Turcs & quatre cētz Chrestiens regniez. Et dedēs le port de la dicte Goulette furent prins cent sept voilles tāt galleres, gallions que fustes, & vn grand nombre de cheualiers qui tous estoient a la garde de Thunis. Et depuis ladicte Goulette prinse ladicte armée de l'Empereur print & gaigna ladicte ville de Thunis, & en chassa lesdictz Barberouffe &

Le capitaine Ionas de capitē a Paris & mis en quartiers

Tressas de monseigneur le legat & chancellier de France.

La prinse de la Goulette par l'Empereur Lieu fort estant deuāt Thunis.

Les faitz & gestes du Roy François
 Autres additions nouvelles de l'histoire presente de
 puis l'an mil cinq centz trente six iusques en
 l'an mil cinq centz quarentequatre con-
 tenant en brieſ plusieurs choses di-
 gnes de memoire aduenues en
 la marche d'Europe &
 Chrestienté.

*Le marquis
 de Saluces
 veulté a
 l'empereur.*



En celuy tēps le marquis de Sa-
 luces fut incité & suborné de
 l'Empereur ou de ses gēs, & laif-
 ſa le parti du roy & promesse
 qu'il luy auoit faicte, & se ren-
 dit au seruice de l'Empereur:

*Guerre du
 conte de Nā
 ſau en Pi-
 cardie.*

Mais en brieſ temps il y perdit tout ſon bien &
 honneur, & la vie a la fin. Quant au party &
 pays de la Picardie le comte de Nanſau vint en
 ceſte meſme ſaiſon en Picardie pour l'Empereur
 acompaigné de pluſieurs Bourgoignons, Ale-
 mans, Flamens & Haynuiers, & feit grād guerre
 audict pays mettant le ſiege deuant la ville de Pe-
 ronne. Il donna maintz aſſaulx a ladiete ville,
 mais ſi preuſement & vertueuſement fut deffen-
 due par monſeigneur de la Marche & autres ſei-
 gneurs, capitaines & cheſz de guerre, que ledict
 comte de Nanſau & les Bourgoignons ſ'en alle-
 rent & departirent dela, apres y auoir ſeiourné
 en vain & eſté ſans y gaigner aucune choſe l'eſ-
 pace de deux moys. Leur departement ainſi con-
 fuſ & de nulle valleur ne fut pas ſans y auoir per

*La ville de
 Peronne aſ-
 ſailie.*

l'Admiral son lieutenant general, deliberé de le
 fuiure si la necessité le requeroit & conduire la
 bataille. Ladite armée en bon point passant par
 les pays de la Bresse & duché de Sauoie contra-
 gnit la pluspart des bonnes villes de ladite Bress
 se & dudict duché a soy rendre a l'obeissance du
 Roy treschrestien. Charles cinqiesme Empereur
 qui longuemēt auoit tenu en doubte ceulx de la
 ville de Romme attendans qu'il feist son entrée
 en icelle. Apres qu'il eust disposé de sa suite &
 compagnie enuiron le cinqiesme iour du moys
 d'April l'an mil cinq centz trentecinq auant
 Pasques, il entra a Romme en gros triumphe &
 acclamation d'vn chascun accompagné de gros
 nombre de gentilz hommes Neapolitains & des
 pays des enuiron, d'hommes d'armes & hom-
 mes de pied, avec grosse quātité & nombre d'ar-
 tillerie. Et le iour du vendredy saint le Roy de
 France estant au Daulphiné receut nouuelles
 que l'Empereur vouloit entendre a la paix. Pour
 a laquelle preuenir & icelle confermer fut en-
 uoie vers nostre saint pere le pape & ledict Em-
 pereur reuerendissime monseigneur le cardinal
 de Lorraine. A laquelle attaindre & venir vueil-
 le tous ceulx qui en ont bien le pouoir illuminer
 & esmouuoir celuy qui mōtāt aux saintz cieulx
 nous laissa en ce fragile monde sa diuine paix;
 amour & vnion, Amen.

*l'Empereur
 fait son en-
 trée dedens
 la ville de
 Romme.*

Les faitz & gestes du Roy François

*Les vertus
de monsei-
gneur le
Dauphin.*

sans loquemēt auoir esté malade, & a esté troué le cas veritable qu'ú Italié de Ferrare l'auoit cau teleusement empoisonné, & fut celuy mauuais & traistre simulateur tiré a quatre cheuaultx dedans la ville de Lyon. Certes ce fut vn grand & trop fatal malheur a toute la France d'ainfi estre frustrée de son intention: car chascun esperoit en celuy ieune prince. L'effort du royaulme briefue ment apparut d'estre mis sus & dressé le premier pillier & colonne de toute prouesse, veu & congneu qu'il estoit le plus augmenté & accöpli en vertu qu'on pourroit trouuer en toute la Gallicane posterité, car il estoit doulx & humain, bien parlant & affable, si qu'on l'estimoit vn second Apollo ou Mercure. Il aimoit gens de bonne sorte de vertu & prouesse, & a tous faitz & actes de vertus s'adonnoit fuiāt tous cas de vice deshoneste, en se mösträt a tous clemēt & debõnaire, les cueurs a bié de to^o cõseilloit & p ce bié & vertueux moiē tous gens de toutes nations de s'iroiēt & appetoiēt a tel priçe seruir & honorer. Pleust a Dieu le createur q plusieurs autres feussent mors & que luy perle de vertu & rubis de future prouesse cõme bien paroissoit a son cõmement eust en celle diuine grace perseueré & ql eust accöpli l'an de son tēps naturel. Mais Dieu nous la osté pour son proffit & salut comme ie croy, & en a fait a son bon plaisir & vouloir. Pēsez doncques nobles lecteurs & auditeurs de ce cas fatal & inopiné accident comment le noble

du plusieurs de leurs gens & sans y conquerir aucune chose de valeur. En cest an mesmement durant cela l'Empereur s'en alla a Aix en Prouuēce & y cōmença son seiour, nō pas sans paour & grand craincte: car il ne fosoit trop escarmoucher, & y parqua & assiegea son cāp. Le Roy biē cognoissant la pensēe & deliberatiō dudict empereur, & voiant aussi qu'il estoit fort esmeu de l'expulser & priuer hors de son royaulme, feit dresser son camp pres d'Auignon, qui fut le mieulx garni & muni de toutes choses qui appartiennent a la guerre qu'on pourroit veoir. L'ordre tel bien dressé & decent la fut mis par la discretion & prudence de monseigneur de Montmorency pour lors grand maistre de France & maintenāt Connestable, hōme de gand esperit & cōduicte, tāt en faict de guerre qu'en traictez & cōuentiōs de paix. Ainsi dōc l'armée du roy se tenoit en bel ordre, & autre chose ne queroit sinon que l'Empereur se meit & aduanturast en bataille. Le roy estant aduertit que son cāp estoit en bon ordre se partit de Lyō pour y aller: mais en y allāt il ouit mauuaises nouvelles, & a la verité ce fut vne biē piteuse fortune q̄ luy aduint & a tout son royaulme. Celle mauuaise nouvelle, estoit la mort de sō filz ainsné mōseigneur le Daulphin qu'il menoit avecques luy & son second enfant monseigneur d'Orleās. Le noble roy ouit ces tristes nouvelles luy estant a Valēce, dont il fut tresfort dolent & desplaisant. Le lieu ou il mourut fut a Tournō,

*Le camp de
de l'Empereur
a Aix.*

*Le camp du
roy pres
Auignon.*

*La mort de
mōseigneur
le Daul-
phin.*

Les faitz & gestes du Roy François

armée, mais le treschrestie seigneur luy voulant bien monstrier que par aucun parti & costé ne le souffriroit entrer en son royaume, au moins s'il auoit ce qu'il pensoit faire selon qu'il pretendoit dressa vne grosse & forte armée, & l'amena en Picardie, & adonc prindrent les François le chasteau d'Auchi & la ville de Hedin, & apres cela le chasteau qui auoit esté fort batu & miné semblablement se rendit aux François avecques ceulx qui estoient dedens, lesquelz furent enuoiez dehors estans leurs bagues saulues. Le Roy pour lors estant en Picardie fortifia plusieurs villes, & entre les autres celle de saint Paul, & cela fait ramena son armée, pource qu'il veoit que ses aduersaires s'estoient ia retirez. Le roy d'Escoce lors qui estoit venu en France & y auoit prins a femme madame Magdaleine de France fille aisnée du roy passa la mer & emmena sadite espouse en son pays: mais la ieune Dame mourut & rendit l'esperit a Dieu quelque temps apres qu'elle fut en Escosse. Audit an mesmemēt apres que le Roy eut rompu son camp, ainsi que ia nous auons dict l'Empereur enuoia son armée aux champs, & bruslerent ses gens, Moustreul, & saint Paul, sans faire mal aux François: car ilz les auoient laissé aller leurs bagues saulues. Les aduersaires puis apres misrent le siege deuant Therouenne par l'espace d'un mois ou environ, durant lequel temps le roy feit leuer vn autre second camp de quarante mille hommes qu'il en-

*La prinse
de Hedin
par les François.*

*Le roy d'Es
cosse marié
a madame
Magdalei-
ne fille de François.*

roy son pere en fut dolent & cōtristé, & nō sans cause. Toutesfois luy esmeu d'autre party & animé cōme prince puissant & magnanime ne cessa pour cela a vertueusement resister a son ennemy allant a son cāp avec son autre secōd filz le noble duc d'Orleans. Estimez en vous mesmes quel recueil luy fut fait, mesmemēt par ses gens bellicueux, & comment il fut salué a treshault son & bruit d'artillerie. l'Empereur qui ia pensoit tout gagner, & auoit en sa fantasie le royaulme François ia conquis fut aduertit par ses gens que le roy estoit en personne venu en son cāp, trouua moien de s'en aller sans mener grād bruit. Lediēt seigneur ainsi s'en alla sans faire aucun exploit ne coup frapper. Pendant le temps qu'il fut en la Prouuēce pēsant surprēdre le roy il perdit grand nōbre de gēs par diuers accidens de maladie, cōme fiebures chauldes, flux de vētre & autres telz inconueniens, lesquelz procedent par nature, & avecques cela faim & necessité de viures luy nuisit beaucoup, & au surplus ses gens estoient fachez & ennuiez du labour & trauail des armes & de la longueur du temps qui fort les auoit molestez. Lediēt Empereur se meist sur la mer & embarqua retournāt es Espaignes. En l'an mil cinq centz trentesept luy voiant que sur peine de perdre son honneur il ne pouoit bien assaillir la France par ce costé de Marseilles il redressa vne autre forte alarme au pays de Picardie, & la fut present le comte de Nansau menant ses gens &

Le Roy en son cāp pres d'Auignon.

Le retour de l'Empereur en Espaigne.

Le comte de Nansau en Picardie.

Les faitz & gestes du Roy François

La ville de nemys abandonnée . Pendant ce temps le roy
Mörzcallier. passa en Piemont venant en son camp & armée,
& adonc furēt faiçtes les treues pour trois moys
seulement , ce fut au moyen que les ennemys se
trouuoient tant debilitez & de courte puissance
qu'ilz se declarerent cōme par contraincte infe-
rieurs des François, & ainsi ilz amuserent le roy
soubz celle simulation & couleur de la paix a fai-
re. L'an mil cinq centz trente sept estant les tre-
ues faiçtes l'Empereur cognoissant les forces
d'Espaigne fort matées, & que la grād' puissance
des François luy sembloit redoubtable , il feit
Treues en traiçter aucune chose de la paix . Et a raison que
Piemont ac- le roy n'a tousiours tasché autre chose, ne ne tas-
cordées. che de present comme bon fidelle & loyal serui-
teur de celuy qui la peult donner & faire, ne re-
fusa pas ce traité, pour lequel exploicter il en-
uoya le reuerendissime cardinal de Lorraine &
monseigneur le grand maistre en la ville de Lo-
cat . La furent presens & se trouuerent aussi les
ambassadeurs de l'ẽpereur pour traiçter de l'estat
de la paix & alliance entre les deux princes: tou-
tesfois ilz ne firēt aucune chose de prouffit quāt
a leur pacification, ains seulement prolongerent
les treues & induces. De cecy aduertit le pape en-
uoia tost deux cardinaulx vers le roy , & l'autre
fut p deuers l'ẽpereur a celle fin de les persuader
a conuenir ensemble & condescendre au traité
de la paix. Et pour ce faire fut accordé & cōclud
le parlement a Nice . Durant ces entrefaiçtes &

uoya en Picardie soubz la conduicte de monseigneur le Daulphin. En celuy temps le secours fut donné a ceulx de Therouenne, ou fut prins prisonnier & captif le bon cheualier d'Anebault. Les aduersaires & gés de l'empereur qui voioiēt cest effort fait par les François demanderent les treues pour dix moys, qui leur furent données & accordées avecques la publication d'icelles au camp du roy, qui fut rompu a l'heure & leué & pareillemēt leuerēt leur siege les ennemys de deuant Therouenne. L'empereur qui ne se pouoit cōtenter de toutes ces dictes entreprinſes : car son cueur est ce semble insatiable, voulut perseuerer en ses menées, apres cela qu'il s'estoit congneu le moins fort & puissant en la Picardie, & a ceste fin & occasion il auoit fait treues en celle partie fait dresser vne autre armée en Piemont que conduisoit le marquis de Gaast. En ceste maniere prindrēt les Espaignolz la ville de Quiers. Mais le roy deliberé de ne laisser rien perdre du sien, & cognoissant qu'il perderoit le Piemont s'il ne luy donnoit aucun secours deffensable enuoia dela les montz son armée, & la conduisoit monseigneur le Daulphin. Cela fut fait affin de donner bon secours aux villes du pays, ou les François prindrent la ville de Suze avec le chasteau de Villaine, dōt les ennemys furent fort espouētez, ce q̄ les fait retirer dela la riuere du Pau. Lors les François qui poursuiuoient leur entreprinſe gaignerēt la ville de Montcallier, qui fut des en-

*Therouenne
assiégée &
Anebault
prins prison
nier.*

*La guerre
en Piemōt.*

*La prinſe
de la ville de
Suze.*

Les faitz & gestes du Roy François

reur en s'en cuidant retourner demander au roy qu'il voudroit biẽ parler a luy par amour & trãsquillité, & qu'il luy pleust qu'ilz parlementassent ensemblement a Aiguesmortes. Aucunz sont d'opinion que l'empereur voulut parler au roy a cause qu'il ne pouoit passer la mer pour s'en retourner en Espaigne : car les tempestes l'empeschoiẽt & estoit en peril, & pour cela & affin qu'il fust a faulueté il manda au roy ces nouvelles. Le roy fort ioyeux de celles nouvelles: car il pẽsoit que ce fust pour bien, receut volontiers l'empereur, & par celuy moyen les deux princes se veirent a Aiguesmortes, & seiournerent ensemblement l'espace d'aucunz iours parlans de leurs affaires en beaulx & doux propos de fidelité & amour. Apres ces choses ilz se departirent d'ensemble en bonne amytiẽ ce sembloit, & quãt au roy ie croy qu'il n'auoit aucune simulatiõ: car il est vray & fidele sans dire autre chose de bouche que le cueur n'ait premierement pense. Or pleust a Dieu que celle cordialité de cueur & monstrãce qu'ilz faisoient de souhaiter & desirer la paix eust esté de longue durée & perpetuelle constance: car ce eust esté pour tout le bien publicque & particulier de l'vn & l'autre prince, veu que sans bon accord & trãsquillité ne peuent les royaulmes pays & seigneuries biẽ prosperer, ne les marchans ensemblement venir a excercer leurs marchandises, & qui plus est au temps de guerres & dissentions nostre seigneur n'est si bien ne si reli

choses entreprinſes monſieur de Montmorancy grand maistre de France fut par l'ordonnance du roy fait conneſtable. Apres cela en l'ã mil cinq centz & trente huit au moys de May le pape, le roy & l'empereur ſe trouuerẽt ainſi qu'il auoit eſtẽ conclud pres de Nice, ce fut toutesfois en diuers lieux, & parlerent leſdictz ſeigneurs au pape par diuers iours, & eſtoit l'ũ ou l'autre abſent, comme ſeu a ſeu. Ces deux princes luy racompterẽt les cauſes, & raiſons de leurs diſcordz & differentz du trouble. Le pere ſainct voiant qu'a peine pourroient eſtre trouuez les moyens faciles: car difficiles eſtoient veuz, ſi prudentement proceda qu'il feit treues entre les deux cheſz chreſtiens iuſques a dix ans, & furent ces treues a Nice publiẽes ſolennellement & au grẽ de pluſieurs. Icy deuez noter & entendre que nonobſtant que le roy & l'empereur ne ſe veiſſent l'vn l'autre ne ne parlaſſent enſemblẽment durãt ce tẽps que l'aſſemblẽe eſtoit a Nice, toutesfois les Françoys & Eſpaignolz ſe frequentoient ſouuent & bancquetoient les vnz avec les autres comme filz euſſent eſtẽ vrayz amys ou congneuz par aucune frequentation de tẽps. Ainſi ſus ces propos le Pape, le Roy & l'Empereur partirent de ces lieux & ſe retirerent en leurs pays & places de leurs royaumes. Mais Dieu qui veult a toutes bonnes choſes pourueoir, & qui eſmeult les cueurs des princes ſelon ſon bon plaisir voulut aduifer l'Empe-

*Moſieur de
Montmorancy
fait conneſtable de
France.*

Les faictz & gestes du Roy François

vrais consiliateurs & par voz iustes admonitions mouuoir les princes a ce faire : & de ce cas vous requiert la Chrestienté . Apres cestuy parlement du roy avec l'empereur paix & concorde fut entre eulx faicte , dont tout le peuple fut ioyeux. Bien tost apres l'empereure mourut femme de l'empereur qui luy fut grand' infortune & inconuenient , & pour tousiours mieulx maintenir en sa constance l'amour & vnion qui estoit entre ces deux princes , le roy fait faire & celebrer vn tresbeau & solennel seruice en l'Eglise de nostre dame de Paris pour la feue empereure, qui fut vn vray signe d'amour que le roy auoit audict empereur . A la fin de l'an ou enuiron , de l'an, dis ie, mil cinq centz trenteneuf l'empereur voulant venir en ces pays de Flandres & autres lieux passa par la France , qui fut au roy vn tresgrand soulas & plaisir, & l'attendoit par long tēps deuant. Ledit seigneur venāt des Espaignes passa par maintes villes & citez ou il fut receu en grand honneur, soulas & ioye des habitans & manans en icelles: car ilz veoient q' e' estoit le plaisir du roy & esperoient aussi par sa venue l'augmentation & accroissement de toute paix & fidelité, amour & vnion des deux princes, & par cōsequēt de toutes les communitēz & pays subiectz a ces deux nobles princes. Ledit empereur par le vouloir du roy fait ses entrées es villes de France, c'est a scauoir es plus principales, a Poictiers, a Orleāns & Paris . Le roy ne scauāt quel honneur & chere

gieusement serui ne honoré, la foy entretenue, ne le maintien de la republicque si fidellement entretenu, & croy & aussi le doit chascun croire que si les roys & princes de la terre, qui a autre chose que a tranquillité ne deussent penser scauoient bien les maulx, pauuretez & meschantez & autres inconueniens qui au temps des guerres sont faictz & perpetrez, ilz laisseroient beaucoup plus tost perdre du leur que si cruellement combatre les vnz les autres. O nobles cueurs de tous roys & tous princes pensez sil vous plaist & de longue premeditation, confidez que voz singuliers estatz & royaulx offices ne sont pas a exercer les guerres & dissensions, ains a faire iustice a voz subiectz, a ce propos le grād roy Salomon qui fut nommé le roy de paix vous enhorté a ceste condition & valitude de paix & iustice, quand il dit: Aymez paix & iustice & iugez droictement vous qui iugez la terre, mais que scauriez vous aymer, fors ce que Dieu ayme le plus? Dieu n'ayme pas l'effusion du sang des Chrestiens, si ce n'estoit en cas de la soustenāce de la foy, cōme font les martyrs: mais il ayme la paix qu'il a tāt preschée, & ça bas au mode recomādée solliciteusement. Pensez y nobles princes, roys & recteurs de ce bas monde, & vous nobles prelatz, papes, cardinaulx, archeuesques & euesques donnez cōseil aux princes seculiers de pacifier leurs pays, & auoir tranquille communion les vnz avec les autres. De ce deuez estre

Les faitz & gestes du Roy François

& marcha le roy deuant en grand soulas & delectatiō, deliberé en toute sa puiffance le receuoir a Paris avec grand triumphe, ce qu'il feist comme vous orez apres. A Orleans feist l'empereur son entrée qui fut moult belle & plus solēnifée qu'on ne pourroit dire, & de ceste noble reception & entrée nō d'Orleās seulement, mais de Poictiers aussi en ont esté composez & escriptz aucunz petits traictez que chascun a peu veoir, parquoy ie ne dis autre chose pour le presēt. Ledit seigneur & empereur apres son entrée faicte a Orleans partit d'icelle ville, & tant marcha qu'il vint vn soir coucher au boys de Vincennes, la ou il fut aussi royallement traicté. Le lendemain qui estoit le premier iour de l'an mil cinq centz quarante apres disner il partit enuiron vne heure ou deux & entra par la Bastille a grant estat & reuerence, & en allant vers nostre dame de Paris & estant honoré de tous a grand ioye & soulas passa par dessus le pont nostre dame, auquel lieu estoient faictz a l'antique & dressez en plaisante véue deux arcz triumphaulx dudit seigneur montrans & contenant ses armaries, & celles du roy aussi y estoient, de la royne sa sœur & de mon hault seigneur monseigneur le Daulphin de France. Et estoit tout cela en sorte que les yeulx de chascun y estoient plantez, cōme si ce fust vne chose toute nouvelle & non accoustumée, ce qu'il faisoit merueilleusement beau veoir. Esbahyr ne se fault se ledict seigneur y print grand plaisir & recrea-

*L'entrée de
l'Empereur
a Orleans.*

*L'entrée de
l'Empereur
a Paris.*

luy faire se humilia enuers luy par sa doulceur & benignité iusques a aller au deuant de luy iusques a Chastelerault : car le roy luy vouloit monstrier l'esbat & deduit de ce plaisant lieu q̄ est & cōsiste en chasses principallemēt & en autres beaulx pas fetēps. Celle ville n'est qu'a cinq lieues ou enuiron de Poiçtiers. Il ne fault doubter si le roy le feit biē & triūphāment traicter, certes il y mist son possible, & pour deux causes principalemēt: c'est ascauoir pour l'ētretenue de l'amour & alliaçe qu'ilz auoient ensemblēmēt promise a cause de faire la paix, & l'autre cause fut a raison de la royne femme du roy qui estoit sœur dudiçt empereur. Dōcques il fut royalemēt traicté, car il n'est chose aucune de recreatiō d'esprit & de corps q̄ le bō roy curial d'hōneur & de gloire ne pēsast & premediast pour l'acroiſsemēt du plaisir d'ũ tel price, & encores pl⁹ & d'auātage eust fait le roy si lediçt seigneur l'eust voulu souffrir, mais a cause qu'il estoit encores portāt le dueil de sadiçte deffūcte l'éperiere q̄ estoit morte vn an deuant ou enuiron ce ne voulut souffrir, & pour au brief pler si tous les empereurs de Rōme q̄ ont esté en la fleur de leur imperialité eussēt esté en la court du roy, il ne leur eust peu faire plus ample reuerēce ne de plus grāde sumptuosité. Apres ces grās hōneurs faitz & exhibez a l'imperialle maieſté qui cōtinuerēt par aucunz certains iours audiçt Chastelerault: Ces deux princes de leurs vassaulx accompaignez partirent de ce lieu venans a Paris,

Les faitz & gestes du Roy François

ment, la trop grande multitude de gens & affluence de chascun qui curieusement soubhaitoit celle presence d'imperialle maiesté a laquelle on faisoit tant d'accroissement d'honneur & de gloire, car chascū esperoit que puis que le roy & celuy Empereur son frere estoient ensemble seroit occasion & cause de conuertir les treucs de dix ans dessus alleguées en paix perpetuelle & fidelle constance. Quant au regard de messieurs de la ville de Paris, autant se monstrerent ilz ioculx de l'entrée de l'Empereur comme si le Roy mesmes eust fait la sienne : car l'honneur qu'ilz demonstroient audict seigneur n'estoit pas seulement a cause de sa personne: mais c'estoit a raison qu'il plaisoit ainsi au bon Roy qu'il feust serui & honoré de tous ses peuples & subiectz. Lesdictz seigneurs & citadins estoient richement habillez & acoustrez selon leurs offices, cōme vous auez biē peu veoir en ces breuetz & escripteaulx qu'on en composa au plus long que ne le recite. La estoit biē tard quand ledict Empereur a nostre dame de Paris arriua, lequel acōpaignoient messieurs les enfans de France, monseigneur le Daulphin du costé dextre, & mōseigneur le duc d'Orleans a la fenestre part. Monseigneur le connestable marchoit en bel ordre & pompant estat portant l'espée nue du roy comme biē contenāt son office, tout aīsi qu'il eust fait si le Roy y eust esté present. l'Empereur descēdit a pied allāt iusques au grand autel, & la rendit graces a Dieu. On chā

tion, se voiant ainsi honoré & autant de gloire & d'honneur luy affluoient que le roy & tout son conseil en pouoient penser. Il ne se fault point enquerir de l'estat & de l'ordre de ceulx qui furent au deuant de luy, comme cōmis a cest affaire & selon la coustume qui est tenue & obseruée a l'entrée des roys de France. Les quatre mendiās y estoient en procession tresbien ordonnée, mon seigneur le recteur de l'vniuersité de Paris n'y defailloit pas en personne associé de toutes ses gēs & sa bēde, dont il faisoit bō veoir tout son train & tresgrande suite, comme sont les docteurs, les licenciés, les bacheliers les procureurs & en general tous les autres sans faulte qui y fut onc aperceue d'aucune chose de dignité & tel honneur. Au surplus au deuant de luy cheminerent messeigneurs de la grand court de parlement, selon que l'anciēne coustume le requiert tousiours, les cōseilliers & aduocatz, les procureurs en grād nombre, les tresoriers & financiers & autres de cest ordre, & d'autres avec qui les acōpaignoiēt, les lieutenant ciuil & criminel avec toute leur suite & traī en bel ordre, & la n'estoit aucune defaillance de procureurs & aduocatz du Chastellet, sergens a cheual & a pied, le guet & les hacquebutiers de la cité, & vīlle capitale, & quant a l'ordre qui obseruée y fut, autāt fut il honneste & cerimonial qu'il fut possible de le cōtenir sans aucune confusion ne bruit qui aucunement pertroublast ou empeschast la solennité, fors seule-

*De l'ordre
tenue a l'en-
trée de l'em-
pereur.*

Les faitz & gestes du Roy François

tendoit a paix, amour & vnion: car Dieu comme ie croy les inspiroit & inflammoit les cueurs, mesmement celuy du Roy qui a tousiours des le commencement tendu a ceste chose sans aucune dissimulée cauillation. En l'an mil cinq cens quarante deux ou enuiron le quinzieme iour de May monseigneur d'Orleans fut par le commandement du Roy esleu conducteur de son armée, qui fut chef & principal ducteur & recteur d'icelle. Il estoit accompaigné de monseigneur de Vendosme, de monseigneur de Guise avec aucuns autres nobles princes, seigneurs & barons honnestes en fait de cheualerie. Ledit seigneur duc d'Orléans par son bon aduis aydé de maint autre bon conseil commanda l'armée assembler qui estoit au pays d'Argenois pres de saincte Menehault, & apres qu'elle fut ainsi assemblée, ledit prince de rechef voulut veoir ses gens d'armes, & de fait il les veit & les suscitoit & aspiroit a la maniere d'un autre Scipion preux & constant a faire chascun leur debuoir au mieulx qu'il leur seroit possible, & leur faisoit par consequent promesse de moult grand pris & recompense en tel cas. Il ressembloit au grand Alexandre qui se faisoit aymer a ses gens par belles remonstrances & promesses de biens si qu'ilz fussent plus vertueux & fors au fait de la cheualerie. O q moult vault & sert. le bon conseil du prince, qui est constant, vertueux & fort magnanime, nompas toutesfois trop fort auancé en ses affaires: car il doit auoir

ta Te deum laudamus, qui fut dit selon l'ancienne coustume solennellement & a long traitt, & apres les graces deuotement a Dieu rendues ledict seigneur monta de rechief sur sa mulle, non pas sans estre regardé de plusieurs, & tira droit au palais, ou il souppa & logea estat royellement & sumptueusement festoie & seruy. Il fut serui des plus grās seigneurs de la court du Roy selon q le seigneur & Roy treschrestien l'auoit comandé & le vouloit ainsi, & au lendemain il sen alla d'isner au Louure, & la fut de rechef aussi bié ou mieulx traitté qu'il auoit esté le soir au palais. Le Roy donc le receut ainsi a grand soulas de cuer & liesse plus grand' qu'on ne pourroit dire: car il esperoit tousiours que sa venue & ioieuse reception qu'il luy auoit faicte seroit cause de la conuersion, come i'ay ia dit des treues de dix ans accordées conuertir & muer en paix constante & perdurable, mais il en fut deceu a la bonne foy. Le Seigneur de l'Empire fut seulement huit iours ou enuiron a Paris capitale & souueraine cité du Royaulme treschrestien. Chascun peult scauoir & en soy mesme penser & considerer quelz beaulx propos furent dictz & tenuz entre ces deux princes & chefs de tout le monde Chrestien. Doubter ne conuient nullement qu'ilz parlèrent en grand' douceur & consolation ensemble, & que leur saige parlementation n'estoit pas sans le Dieu de bon conseil; & que le principal de la matiere entre eulx faicte & delibéré

Les faitz & gestes du Roy François

*La prinse
d'Yuo.*

Le second Alexandre se conseilla a ses seigneurs qui entendoient le fait des armes pour aller metre le siege deuant Iuo. Celle ville par peu de tēps comme mal conseillée se mist en grosse resistance, & de cela fut cause quelque chef & capitaine fait & duiet a la bataille suffisamment. Ledit capitaine estoit nommé Gilles Deluent qui auoit grand compaignie de plusieurs & forts soul dars: mais nonobstant toutes leurs forces & puifances le capitaine rendit la ville aux François qui y auoient fait plusieurs grans & diuers assaultz, & se mit en la grace & mercy dudit seigneur d'Orleans qui y mit bonne garnison. car il vouloit faire faire marcher plus oultre son armée, & pourtant il tira vers aucuns fors chasteaux qui bien soubdainemēt furent destruietz, tous abatus & ruinez par terre. Ledit seigneur sentant croistre sa fortune a la mode des princes belliqueux & qui ont le cueur esmeu voulut ensuiure sa premiere & bonne fortune, & s'en alla menant son armée vers Monmedit petite ville, aussi elle ne fait pas forte resistance qui dura long temps, ains par accord d'aucune passion se rendit. Au surplus du bon heur du seigneur d'Orleans & pour l'accroissement de sa gloire ia bien auācée l'armée marcha tout droit par nostre dame des voyes, & tira vers vne petite ville qu'on appellout Villeton qui incontinent se rendit audit seigneur. Bonne garnison y fut mise par l'ordonnance du prince. Et apres

*La prinse
de Villeton.*

avec sa vertu de prouesse la cōduicte de prudence & discretion de n'abandonner point trop sa vie , car qui la met en habandon n'est pas estimé sage ne prudent a raison qu'il se met en peril & dangier de la mort a l'heure que ses gens & l'armée qu'il mene a grand besoing de luy estant en vie pour le regissement & conuicte de son armée pour mieulx ses gens inciter a toute valeur & prouesse. Il leur promettoit tout le pillage de la premiere ville s'ilz la pouuoient gagner. Ses cheualiers & animez souldarts, pietons & gens de pied creurent doublement leur couraige , force & puissance , & desiroit chascun a l'exhortation du bon seigneur trouuer & rencontrer leurs aduersaires . Eulx ainsi accreuz & animez en prouesse marcherent en auant , en partant de ce lieu en bon renc & concorde , & tant allerent qu'ilz paruindrent deuant vne petite ville qui auoit nom Danuilliers, laquelle fut tost prise & bien soubdainement , combien qu'elle fust assez bien remparée & fortifiée , & pour autant que ceulx qui estoient dedens ne festoiēt voulu rendre ilz furent tous tuez & mis a sang, gastez & ruinez, & fut toute la ville habandonnée par le seigneur a tout le pillage, dont furent les cueurs des souldarts accreuz du tout & augmentez . Or fut ainsi celle ville bruslée & rafée, & noz gens apres cela se rafreschirent quelque temps , & durant cela ledict ieune Seigneur esmeu en son ieune aage ainsi qu'un autre & se-

*La prinse
de Danuilliers.*

Les faitz & gestes du Roy François

quenetz. Ainsi ces choses bien conduictes & at-
terminées selon l'ordre decent & qui appartient
en tel cas, pendant le temps que l'armée prenoit
chemin droictement vers le mont sainct Iehan,
& la s'arresta quelque temps. Le Roy pensant a
ses affaires manda p lettres audict seigneur d'Or-
leans qu'il vint parler a luy, ce qu'il feist incon-
tinent & est trouué qu'il vint en poste. Pour ce
faire monseigneur de Guise demoura gouuer-
neur de son armée selõ le plaisir du seigneur qui
ainsi l'ordonna. Ainsi que ces choses estoient fai-
ctes vingt mille Cleuois & Gueldrois, c'est: s'a-
uoir de ceulx de Cleues & de Gueldres arriue-
rent en nostre armée, lesquelz estoient accom-
paignez de mil cinq centz cheuaulx legiers en
bon estat & bien equippez, descenduz & venuz
pour dõner secours & aide au roy qui en fut mer-
ueilleusemēt ioyeux aduertit de leur bõ vouloir,
& monseigneur d'Orleans aussi. Ces gens estoient
passez par le pays des Brebançons, & scachez
qu'ilz ne passerent pas ces lieux sans auoir gros-
ses alarmes des gens qui gardoient celuy pays
commandé a estre gardé, & nonobstant tous em-
peschemens si vindrent ilz a nous & amenerent
plusieurs captifz & prisonniers, & avecques ce
maintes pieces d'artillerie. Ces Gueldrois & Cle-
uois a Mesieres arriuerent & pour leur chef &
conducteur ilz auoient monseigneur de Longue-
ual qui estoit lieutenant du Roy, lequel estoit
allé au deuant d'eulx, & estoit leur coronal mon

cela l'armée marcha vers vne autre petite ville, & estoit Ardelon, qui fut aussi ineontinent rendue par composition. Celle ville fut a moitié *La prinse d'Ardelon.* brulée, n'ompas que les François y missent le feu: mais par cas d'adventure: car ainsi qu'une part de l'armée se reposoit dedans & rafraichissoit des labours le feu se print a icelle ville, dont ledict seigneur fut fort dolent estant ainsi es villes prinsees & assubiecties au Roy. Lors passa plus auant l'armée selon le conseil du seigneur, & s'approcha de Luxembourg qui est vne ville de tout le pays la plus principale, & la fait dresser & eriger ledict Seigneur d'Orleans le siege d'assault, qui ne fut pas sans grande diligence & curiosité. L'artillerie fut sagement conduite *Le siege a Luxembourg* & dressée en tresbon ordre pour donner dedens & abatre les murailles, qui fait vne fort grand bresche en ladicte muraille, & fut celle cheute si forte & telle qu'elle donna si grand espoivementement que ceulx qui estoient dedens comme contrainctz & estonnez se rendirent tantost apres: car ilz eurent telle consideration que puis qu'ilz ne pouuoient pas resister & estre seurement en leur liberté qu'il leur valloit mieulx rendre qu'ainsi demeurer en danger de mort & perdition de la ville. Apres qu'elle eut esté rendue, bonne garnison y fut mise par le bon plaisir du seigneur. Le gouverneur qui y fut mis estoit le comte Piquelin qui estoit le principal capitaine d'unze banieres & enseignes des Lan-

Les faictz & gestes du Roy François

nante pour ce faire & a droict se placer & parquer . Au lendemain ledict seigneur Vendosmois qui desiroit de cuer ardent & embrasé faire choses qui fussent plaisantes au Roy feit bonne diligence apres cela que le capitaine des gens de guerre & les compagnons de sa bende lesquelz estoient dedans la ville eurent parlementé a luy, & qu'ilz luy eurent demandé trois choses, la premiere fut : qu'il ne feroit abatre & demollir ledict Tournehan. la secõde: qu'il les souffrist emporter leur artillerie . & la tierce : qu'ilz feussent laissez sortir hõnestement avecques toutes leurs armeures, & eussent leurs bagues a saulueté , toutesfois cela ne leur fut concedé par ledict seigneur, mais il leur dict, apres qu'il eut esté premierement conseillé de ses gens qu'il ne leur octroieroit pas cela , & qu'il leur deuoit assez a droict suffire silz sortoient de ce lieu ayans l'espée au costé. Eulx voians qu'ilz n'auroient autre chose se partirét de la, & delibera ledict seigneur des le lendemain d'aller assieger la ville nõmée la Montoire : car on auoit aduisé ledict seigneur que la dedans estoient de trois a quatre centz hõmes de pied seulement, & d'auãtaige, qui fut l'occasion qui l'esmeut de ce faire que monseigneur du Reulx estoit a vne lieue pres ou enuiron logé en vne tresforte place acompaigné de quinze ou seize ou dixsept enseignes de gens de pied, & de cinq a six centz cheuaulx . Mais quand monseigneur du Reulx entendit que ledict seigneur de

*La prise
de plusieurs
chasteaulx.*

seigneur Felix mareschal de Cleues . Incontinent apres ces choses on ouit aucunes nouuelles comment les Bourgoignons s'estoient assemblez en grand amas & venoient iusques au nombre de dixhuiſt a vingt mille hommes , & prenoient leur voie & chemin par deuers Yuoy la mesme ville qui auoit esté prinſe par ledict seigneur d'Orleans . Eulx la arriuez feirent plusieurs assaultz:mais tout cela fut fait en vain,& perdirent leurs peines sans y proffiter . A ceste cause eulx voiãs que le lieu estoit pour eulx mauuais a tenir s'en retournerent haſtiuement. Monſeigneur de Guiſe qui cela uoioit & ne se conſoit a leur retour & departie print encores plus grand renfort dedens ladicte ville craignant & eſtimant qu'on leur pourroit faire quelques ſurprinſes , & fut celuy renfort deſdictz Gueldrois iuſqs a huiſt enſeignes. Cela ceda a l'hõneur des Françoys, pour autant qu'ilz ſceurent bien garder ce que les Bourgoignons ne ſcauroient pas deffendre . En celuy an meſmement monſeigneur de Vendosme print vnze ou douze chaſteaulx & quelque nombre de clochez par tout aux enuirs de Haire & de ſainct Omer , les noms deſquelz pour briefueté du temps ie deſlaiffe ſans autre mention en faire . L'armée bien conduite dudiſt Seigneur de Vendosme ſ'en alla a Tournehan , & la ne voulut ſejourner que vn iour ſeulement auant que faire ces apprestes & approches : car la place eſtoit mal conue-

*La venue
des Gueldrois & de
ceulx de
Cleues.*

Les faitz & gestes du Roy François

fiderant & legier courage . Autre chose n'a esté faite en ceste presente année digne de grand me moire, aumoins qui soit venue a la cognoissance de chascun, parquoy ie n'en dis autre chose, ains viens aux cas qui ont esté depuis faitz & exercez en l'an mil cinq centz quarante trois au commencement du printēps & nouvelle saison vernalle qui est l'étrée du dōmaine & empire des fleurs des chāps & arbres des forestz, & le tēps aussi que les roys, princes & seigneurs animez aux choses bellicques commencent a proceder & aller es batailles ainsi que le liure des roys en la sainte Bible sctet vser & parler en telle forme des loquutions marcialles. Le roy ayāt esté aduertuy de son bon cōseil leua vne grosse & forte armée & l'envoia vers Luxembourg qui luy appartenoit, & print d'autre costé sur les terres des ennemys aucunes places qu'il mit en son obeissance, nonobstant la longue rebellion de ses aduersaires & alliez a l'empereur. Entre tous autres lieux il print Landrecy, & nonobstant la forte garde qui leās dedās estoit si l'eut il en sa subiection, & y mit tresbonne & forte garnison, en sorte que depuis les ennemys ne toute la force de l'empereur, nonobstant qu'elle fut bien grande ne l'ont sceu prendre, soit par trahison ou blandisses, comme par promesses & autres telles deceptions, desquelles moult souuent vsent noz ennemys. Le noble chef & capitaine qui fut ordonné par le roy a la garde d'icelle ville fut

Vendosme partoit pour les aller assaillir , & qu'il ne se desisteroit pour luy ne toute sa force, partit hastiuement & leua son camp laissant le chasteau de la Montoire . Mondict seigneur de Vendosme seiourna a ce chasteau quatre ou cinq iours. En l'an dessus nommé au quatriesme iour de ce moys d'Aoult ledict seigneur enuoya audict du Reulx trois capitaines gentilz hommes avec cinq enseignes de sa troppe , c'est a dire le seigneur de Hely , Blaisencourt & Scitime , lesquelz l'assaillirent de telle force, vertu & constance que ledict du Reulx & ses gens furent tous esbahis , cassez & estonnez , & furent occiz & detaillez iusques au nombre de sept a huit centz & vne partie noyez en l'eau avecques leurs chefs & conducteurs, les enseignes aussi exceptée l'une tant seulement qui fut prise & apportée audict seigneur avecques deux lieutenans & autres gens qui ont esté prins iusques au nombre de huit a neuf vingtz qui est au deshonneur & confusion dudit du Reulx , & ya eu fort grand' perte . Quant a luy : il s'est peu sauuer au moyen qu'il estoit tresbien monté qui luy fut grand auantage : mais nonobstant il eust esté facile a prendre moyennât que fortune n'eust esté cõtraire: mais en telz lieux incõgneuz & places des ennemis estranges on ne se doit trop asseurer, car les aduentures sont grandes , & d'auantage tousiours sont a craindre les trahisons & secrettes espies, mesmement entre gens d'incon-

Les faitz & gestes du Roy François

bonne amytié & alliance fraternelle ; ce que ie prie au bõ Iesus qui est autheur de paix & non pas de dissention, & qui tant souuēt de ceste sainte paix qui est l'œuure de iustice a fait mention. En cest an mesme le president gentil fut mené a Montfaulcon, & la pendu & estranglé pour aucuns grans delictz commis enuers la haulte maiesté du roy contre droit & iustice & autres diuers cas . En celuy tēps aussi la vaille & le taux des testonsmōta iusques a vnze soulz, & furēt faites maintes ordonnances . Apres que le roy eut esté long temps en ce pays comme vers saint Quentin & Landrecy, les aduersaires qui estoient deuant en leur fort deuant ledict Landrecy leuerent leur camp & se reculerent de ce lieu, comme contrainctz de ce faire, a cause qu'ilz estoient infectez du mauuais air & se mouroient aucunz de faim & d'estre mal traictez, & aussi qu'ilz craignoient l'armée du roy deliberé d'en uitailler la ville, ce qu'il feist . Apres toutes ces choses faites & tresbonnes garnisons par tout mises & apposées le roy s'en reuint, messeigneurs les enfantz & autres iusques a la pluspart de l'armée. Vueille Dieu qu'il n'y faille plus retourner en armes, mais en bon accord & tranquillité, amour & vnion, & que les princes n'ayent les cueurs obstinez & endureis, ains permettent que la main de Dieu en laquelle ilz sont colloquez les tourne en la sorte qu'il luy plaira, & ainsi nous aurons paix, laquelle nous vueille don

ner le pere & le filz & le benoist saint esprit,
Amen.

Combien que le duc de Cleues & de Iulliers, *Le duc de Cleues se vend a l'Empereur.* par l'aide & secours du Roy, eust peu de temps au parauant leué le camp de l'empereur, qu'il auoit mis deuant Dure, ville capitale de Iulliers, forte, & tresbien munie, a la grand' perte des gens de l'empereur : neantmoins depuis fuiuant la trahison qui auoit esté traicté a Nuremberg, a vne Diète, par Granuelles, avec le Preuost de Flaten & autres du conseil du duc de Cleues, a ce tenans la main quelques conseillers, corrompus des autres princes, comme l'armée de France apres auoir couru tout le pays, iusques aux portes de Bruxelles, se delibera d'aller secourir ledict duc de Cleues, estâts lors venu l'empereur en Alemaigne, & reprindient les François la ville de Luxembourg sur les ennemys : laquelle le Roy fist tresbien fortifier : mais il n'y eut ordre. Car la ville du Duren prinse, estant le siege de l'Empereur deuant Feulo, au pays de Gueldres. Le duc de Brunswig alla parlementer avecq' le duc de Cleues a Dusselderf, dela le Rhin : de sorte qu'il le mena deuers l'empereur. Ou apres luy auoir demâdé pardon, seruilemēt, luy rendit tout le duché de Gueldres, avec le comté de Zutphen, & les fortresses de Hensberg, & Sittart, pour en disposer a son plaisir : & fut le duc de Cleues reduit en l'estat d'vn homme priué, sans domination. Auquel le Roy de

Les faitz & gestes du Roy François

France auoit fait tant de biens : voire soulloyé toutes ses armées.

La mere du duc de Cleues meurt de deuil.

L'indignité & grauité de ce cas fut de tel regret, a la mere dudit duc de Cleues, qu'incontinent apres elle deceda. Il monstra bien que les victoires qu'il auoit au parauant eues contre les gens de l'Empereur, ne procedoient de luy, ne de sa cōduicte: mais par l'aide du seigneur de Longueual, que le Roy luy auoit enuoyé, pour son secours: & auoit rendu le nom des Cleuois redoubté en toute Germanie, par la force & l'aide du Roy: duquel il auoit espousé la niepce, encores ieune, & non en aage nubile.

Le seigneur de Longueual cause des victoires du duc de Cleues.

Les Angloys pour l'empereur. Jacques Albon de S. André.

Ce pendant les Bourgoignons & Haynuiers voyant le roy absent de leurs pays, & qu'il n'y auoit que ses garnisons, pour la deffence d'iceulx, appellerent a leur aide les Angloys (car des ce temps l'empereur auoit fait confederation & alliance avec Henry roy d'Angleterre) donnerent assaut aux François, estans en Landrecy, & Guise, & par aucunes courses souffrirent deux pertes & en furent apportées sept enseignes au roy, par Jacques d'Albon de S. André, homme cheualereux, & nay d'une famille qui a produict plusieurs bons capitaines de guerre. Et en ce combat se porterent vaillamment Theodore Bedayne, & Bocard ieune Gentil homme: car ledit Bedayne supporta tellement la force des ennemys, que deux mil homes de guerre, qui estoient plus d'une lieue loing du conflict, eurent loisir de le venir

venir secourir . Et ledict Bocard, prodigue de sa vie , se iecta desarmé en vn bastillon de gens de pied,ou il fut blecé d'ũ coup de picque a trauers la cuisse.

Ce combat ou y eut plusieurs capitaines de l'empereur prisonniers, donna grand' gloire aux Frãçoys , & perte aux aduersaires, & ne fut differrent a iuste bataille:mais le reste eut plus de similitude a pillerie , & larrecin , qu'a vraye guerre. Car les ennemys faissantz les courses par les pays subiectz a France , mettoient le feu par tout : & misrent a toute telle ruyné Bohin.

*Combat en
quoy polent a
bataillet, ou
les Frãçoys
eurent la vi
ctoire.*

L'Empereur apres auoir rompu les forces & l'armée du duc de Cleues , par la maniere susdite, print deliberation de venir en France, qu'il auoit ia toute subiuuguée en son esprit , & la distribuoit a ses capitaines , comme il auoit fait quãd il vint en Prouence. Il mena en Belges vne armée la plus grosse qu'il peut amasser en Italie, Espagne, Angleterre, Germanie, & Flandres. Et par ce qu'il n'auoit lors puissance de soudoyer si grosse armée, le roy Héry d'Angleterre luy fournit de grand nombre d'Angelotz , au moyen de leur nouvelle confederation.

*L'empereur
avec grosse
armée en
Belges.*

Cependant que le roy poursuyuoit le reste en Luxembourg, l'Empereur pensoit que facilement il entreroit en Frãce, avec son armée, par le pays de Cambresis, parce que le Roy auoit mené pres que tout son exercite a l'expedition de Luxembourg:mais il aduint tout autrement qu'il auoit

*Le roy
d'Angleterre
ve baille de-
niers a l'em-
pereur.*

Les faitz & gestes du Roy François

L'empereur frustré de son intètiõ. imaginé. Car incontinent que le Roy fut aduertý que l'Empereur venoit vers Tournay en personne, il vint au deuant de luy en armes, le plus hastiuement, & au plus gráds iournées qu'il peut: partie pour leuer le camp de l'empereur estant deuant Landrecy, & partie pour bailler la bataille a l'Empereur, s'il eust voulu attendre.

Acte de grand' hardiesse & en treprinse. En ceste obsidion fut fait vn acte digne de memoire, par le capitaine Lalende: lequel avecques peu de gens vint passer au milieu du guet des ennemys, & print vne piece d'artillerie, appelée couleurine, la traina iusques dedans Landrecy, & si en lascha aucuns coups contre les ennemys, auant qu'ilz eussent crié l'alarme: & qui est plus difficile a faire, il traina ceste piece par le meilleu d'vne riuierẽ, estant entre le camp & la ville. Et pour ce faire auoit dressé vne cõpaignée de cheuaulx legiers, pour amuser les ãnemys s'ilz venoient assaillir les François, comme recite Guillaume Paradin, homme de grands lettres, estant au seruice de mõseigneur de la Vaur, en l'epistre latine qu'il a faite du discours des guerres d'ẽtre l'empereur & le roy, ou i'ay prins de tout ce qui a esté fait la presente année, mil cinq cẽtz quarante trois, en Cambresis, Luxembourg, & autres lieux de Belges, par l'Empereur & le roy: par ce qu'au rapport de plusieurs gens de guerre, q̃ y ont assisté, en a escript, en Sõmaire, la verité.

L'Empereur sachant le Roy venir, & que l'armée Françoisẽ marchoit iour & nuict cõtre luy,

se print a battre de grand' vehemence la ville de Landrecy, faire approcher l'artillerie, porter la terre, faire répars: brief il n'oublioit aucune espede d'affault, pour empescher q̄ viures ne fussent apportez dedans la ville: parce que ceulx du dedans estoient peu munis de viures: comme aussi estoient ceulx du cāp de l'empereur: parce q̄ les Frāçoys l'an precedāt auoiēt tout gasté. Et pour ces causes, furēt cōtraînctz d'vne part & d'autre, faire plusieurs courses, & y furēt prins plusieurs prisonniers, tāt des Frāçoys q̄ de leurs ennemys: Et entre autres cōme le seigneur de Dicay Balançon Bourgoignōn, s'auēturāt trop, fut prins p̄ les Frāçoys, le hā Frāçoys d'Este, frere du duc de Ferrare, venāt pour le secourir fut luy mesme prins.

Ce Iehan Frāçoys estoit Coronnal des cheualx legiers de l'ēpereur, ieune hōme, cheualeux, mais aucunement oubliant les biens & honneurs qu'a receus la maison d'Este de la Couronne de France, au grand regret (comme on disoit) de son frere cardinal, & archeuesque de Lyon. En la presence duquel cardinal, & de plusieurs princes & seigneurs, estants lors autour de la personne du Roy, ledict Iehan Frāçoys fut amené prisonnier au roy. Et en ceste rencontre furent desconfitz par mort, & par fuite, enuiron quatre mil hommes Haynuiers. Et a ceste seule fois pouoit l'armée de l'empereur estre deffaite, si la genēd'armerie du roy demourée en garnison a Luxembourg eust peu estre presente.

*Les assaulx
baillez par
l'Empereur
a Landrecy.*

*Le seigneur
de Dicay,
Bourgoi-
gnōn, & le
frere du duc
de Ferrare,
prins par les
Frāçoys.*

Les faitz & gestes du Roy François

*La perte
des gës que
fist l'Empe-
reur en ces
courses.
Ferdinand
de Gouza-
ga pour l'em-
pereur.
Temps de
pluyes.*

Ceste deffaiçte ainsi paracheuée, Ferdinád de Gouzaige, chief de l'armée de l'Empereur, laissa Guise qu'il auoit esperance d'assaillir & prendre, & se retira au camp, deuant Ládreçy. Et par le grand deffault qu'ilz auoient de viures, il enuoya les cheuaultx, & les distribua en chascune des villes prochaines: d'ailleurs les compaignées, & les bendes d'Espaignolz & Alemãs perissoiët de faim: & encores suruindrët les pluies, du tēps d'Autonne, ausquelles est grandement subiecte ceste region, pour raison de la terre, qui est pleine de marestz, & lymonneuse. Et telle infection estoit aduenue au camp des François, lors qu'ilz estoient a Marolles.

*Armée des
Grecz, con-
duicte par
Barberouf-
se.*

Durant ces guerres de Belge, suruint a la part de France, grand multitude de Galleres sur la mer Mediterranée, soubz la cōduicte d'Ariadere Barberouffe. Lequel, avec son armée print la ville de Nyce: & laissant le chasteau, par la nature du lieu, & de force imprenable, se retira au port de Tholō, ou il se tint iusqs enuiron la fin d'Autonne, attēdant y pouoir exploicter aucune chose, a l'encōtre de l'Empereur son ennemy, ayant intelligences continuelles, & trafficquant avec les Geneuoys.

*Grand' ne-
cessité de vi-
ures en Lan-
dreçy, & au
cāp de l'em-
pereur.*

Or se continuoit le cāp de Landreçy en grād' pertinacité, d'une part & d'autre. Car les assaillis enclos en la ville, estoient en telle & si grand' necessité de viures, qu'il n'estoit plus possible de dissimuler. D'autre part les ennemys estant de-

uant, ne leuoient leur camp, pour quelque froide & mauuais temps qu'il fist. Toutesfois au moyen de l'ennuy, & tresgrande faim que supportoient les ennemys, vne bade d'Italiens se retirera au camp du roy. Et ceulx qui estoient en la ville, esperoient que l'Empereur s'en yroit sans rien faire: tant au moyen de deffault de viures, que pour la rigueur du temps des pluies, qui auoient remply tous les fossez. Aussi que l'empereur auoit ia fait emmener ses plus grands pieces d'artillerie, dont il auoit battu la ville.

Deliberatiō de l'Empereur de tenir son cāp deuant Landrecy tout l'hyuer.
 Tout ce nonobstant, voyant l'Empereur qu'il n'y auoit plus d'esperance de prendre Landrecy, il delibera de ne leuer son cāp, si famine ne l'en iectoit: & fortifia son camp de fossez & rempars, pour illec yuerner, & plus tost mourir au siege.

Cambray neutre de nō, mais donnant faueur a l'Empereur.
 Les François aduertis de ceste deliberation, & que par autre moyen ne seroit possible d'euiller la ville, que de passer par dedans l'armée des ennemys a force d'armes, fut proposé de bailler la bataille, plus tost que de perdre la ville de Landrecy, qui auoit cousté despense & peine inestimable aux François, & qu'il estoit tres necessaire, pour obuier aux courses & forces des ennemys, de le faire ainsi: car le camp estoit assis pres de la ville de Cambray. Laquelle (combien qu'elle se die neutre) toutesfois elle fauorisoit plus aux ennemys, qu'aux François: aydāt de soulte, & de viures. Ceste mauuaise & pernicieuse voisine, ne pouoit estre mieulx chastiée q̄ par Landrecy.

Les faictz & gestes du Roy François

*L'armée du
roy pour se
couvrir Lan-
dreyc, &
luy en per-
sonne.*

Pour ces considerations, le Roy en personne se mist en chemin pour secourir ceulx de Landreyc. Lesquelz estantz assiegez par plus de trois moys, estoit certain duquel ilz auoient plus de moleste, ou de maladie, ou de faim. Les gens de l'empereur estoient plus courageux, a raison de la prise de Dure, qu'ilz auoient puis peu de iours prise a grand gloire.

*Les sei-
gneurs De-
scars, &
Brissac.*

La venue du Roy, avec son armée, donna grand assurance a ceulx de Landreyc. Et par ce, les camps approchez l'un de l'autre, le cueur des François fut tellement renforcé, qu'à peine se pouoient ilz cōtenir chascū soubz son enseigne, qu'ilz ne courussent aux ennemys. Lors furent enuoyez par le Roy mil & cinq centz cheuaulx legiers, soubz la charge des seigneurs de Brissac, & Descars, pour veoir l'ordre & cōtenance des ennemys. Et apres qu'ilz eurent faict rapport que l'armée de l'empereur, estant separée en deux, se rapportoit a vne pour combatre. Le roy ordonna sa bataille, non a la maniere des anciens, mais vn peu plus consultant, pour circuir & enclorre le camp des ennemys: exhortoit ses gens a vertu, rememorant les faictz d'un chascun, les inflāmāt a gloire, pour le pays, pour leurs maisons & biens, nō obmettāt aucun office de bon prince & capitaine.

*Exhortatiō
du roy a ses
gēz d'armes.*

*Maladie
de monsieur
Charles duc
d'Orléans.*

En ce temps, monsieur Charles duc d'Orléans, qui peu de iours au parauant auoit eu victoire a Luxebourg, fut detenu d'une griefue fiebure pestilēcielle, qui le difforma pour yn tēps; & en fut

tellement pressé, qu'on esperoit de luy plus la mort q̄ la vie. Toutesfois, par la grace de Dieu, & moyennans les grands prieres & oraisons que le roy fist faire a Dieu, & a la glorieuse vierge Marie, Sainctz, & Sainctes de Paradis, ce ieune & bon prince fut restitué en santé.

Ce pendát les assailliz prenans espoir par les enseignes du roy qu'ilz voioiēt plátées au deuant des murailles, faisoient plusieurs molestes aux ennemys, par forties qu'ilz faisoient de nuit, & plusieurs prinſes. L'Empereur en son camp, ne dormoit pas: car assemblát ses gens, il s'efforçoit tousiours d'entrer d'assault dedans Landrecy, auant q̄ le Roy eust loisir d'y mettre renfort: mais les capitaines Laléde, & de Decé, chefz des assailliz, ne cesserent de faire bon guet, sans dormir, porterent de la terre aux rempars rompus & abatus, faire diligenter les ouuiers, abatre & iecter aux fossez les ennemys, taschans a monter par eschelles, assommer de pierres ceulx qui estoient deſſoubz, faire deuoir d'artillerie, & n'oublier riē pour leur deffence. Au moyen dequoy les gens de l'empereur, avec toutes leurs forces, n'oserent onc donner l'assault a la breche.

Le Roy estant a moins de deux lieues des ennemys, aiant ordonné son armée, en laquelle monsieur le Daulphin tenoit l'auantgarde, & pres de luy estoit monsieur François de Bourbon, duc de Touteuille, le seigneur d'Annebault mareschal de France, & le Roy au milieu de l'armée,

*Diligences
des capitai-
nes Laléde,
& Decé, es-
tans en Lan-
drecy,*

*L'ordre de
l'armée du
Roy, mar-
chant en ba-
taille contre
l'empereur,*

Les faitz & gestes du Roy François

auecq' les gentils hommes de sa maison, & sa garde. Preuoiant que si par fortune il aduenoit que la bataille fust longue, & ceste armée rompue, il ordonna vne tierce partie d'icelle se tenir a l'escart, preste & fresche pour secourir les autres, & seruir de triaires a la maniere des Rommains. Et par ce moyen estoit ordonnée ceste bataille, en trois batailles, contre la coustume.

*Commence
ment d'enui
taillement
pour Lan-
drecey.*

Ce pendant estoit menée grand' quantité de boys & viures a Lãdrecey, dont les assaillis auoiẽt grand' necessitẽ. Et estoit lors esperẽe vne grand' bataille & furieuse, que l'on esperoit estre l'asseurance de l'vn de ces deux grands princes: & qu'il le feroit fin a la moleste & degastement du pays de Belges, ou bien le commencement de grandes, & innumerables ruines & malheurs.

*Lãdrecey
en bataille,
Orefreschi
de gens.*

L'armée de l'Empereur fut faicte beaucoup plus grande par la venue des Angloys: & se mettoit en plus grãd' apparence. Toutesfois le Roy, deuant les yeulx de l'Empereur, fist porter des viures dedans Lãdrecey, & refraischir les garnisons, y mettãt autres gens d'armes, gẽs de pied, au lieu de ceulx qui estoient nudz, lassez, & languissantz de faim, auec piõniers, porteurs de fais, & autres gens necessaires: & entre autre surrogea au lieu du capitaine de Lalende (lequel y auoit tant biẽ fait son debuoir) le capitaine Varnyn.

Ce pendãt que ces choses se faisoient, n'y eut celuy de l'armée de l'Empereur (quoy qu'elle fust grande) qui auast venir au deuant, non sen-

lement s'esmouuoir le moins du monde : ains les François faisoient des courses iusques au camp de l'Empereur, & prenoiēt des prisonniers allās aux munitions, qu'ilz menoiēt au cāp du Roy, & en occirent plusieurs, allans combattre iusques a leur fort, & si ne pouoient estre gardeZ, quelques commandemens, ou defeneses qu'ilz leur en feussent faictes. Esquelles courses se porterent vaillāment les seigneurs de Brissac, & d'Escars, gēs de bon cueur, & de force corporelle, & desquelz l'adroisse seruit beaucoup en ceste guerre.

Durant qu'on se combattoit ainsi, Griffon es-cuier du seigneur d'Escars, donna si grand coup de lance a vn cheualier Anglois, nommé Bellinggen, que son cheual tumba par terre, & se cassa le col, & fut prins Bellinggen, & mené au camp des François. Il en aduint presque autāt a Iehan Palmier aussi Anglois, qui autresfois auoit esté capitaine d'une armée Angloise en France : il tumba de prison en autre: par ce qu'il auoit esté long temps prisonnier en la tour de Londres, & fut de liuré au commencement de ceste guerre.

Le seigneur d'Audoyn fut avec son cheual abatu, & apporté par ses gens au camp, ou bien tost il deceda : duquel la mort fut vengée par le seigneur de Dampierre, gentil homme de la chābre de monsieur le Daulphin, expert au faict de la guerre oultre l'aage. Et pour ceste raison, luy fut baillée charge de gens d'armes, honneur accoustumé estre baillé aux bons & bien experi-

Courses par les François, iusques au cāp de l'empeur.
Brissac & le seigneur d'Escars.

Vaillāce de Griffon contre Anglois.

Le seigneur d'Audoyn occiz.
Le seigneur de Dampierre.

Les faictz & gestes du Roy François

Messire Pierre Stroffsi. mentez cheualiers. En ce lieu Pierre Stroffsi cheualier Florentin acquist grand honneur: duq̄l les gens de l'Empereur auoiet faict mourir le pere.

Grand' puz d'ice du roy de France, avec vuz & cautelle de guerre. Les affaires de la ville de Landrecy droissées, ceulx du dedás pourueus de toutes choses a eulx necessaires, pour la deffense de la place: le Roy bien experimenté en felicitez & aduersitez, instruit par ceste experience conuenable a vn tel roy, que mieulx estoit vser de raison que de fortune: considerant l'incertitude de la bataille, parce que quelquefois fortune l'auoit deceu, delibera apres auoir faict ce qu'il auoit voulu, qui estoit de renforcer Landrecy, de sauluer son armée, & mener tout son ost vers Guyse. Et pour ce faire donna enseigne & esperance de bataille aux ennemys, par grand bruit, & feux: & ce pendant retiroit son armée du pays de Cambresis. Et a ceste cause Ferdinand de Gouzaga, chef de l'armée de l'empereur, feit scauoir a ses gens d'armes, que le lendemain ilz auroient la bataille, & se retira chascun a son enseigne. En cest endroi& le Roy feit vne grand' ruz de guerre: car par la il garda son pays, & rompit son ennemy. Et quant a mon petit iugement, ie croy que Dieu fut cōducteur de tel œuure, & qu'il ne voulut les voluntez de ces deux grands princes estre mises a execution. Par ce qu'il eust esté impossible que deux si grosses armées eussent entré en bataille, que la plupart de la noblesse des Espaignes, Germanie, Flâdres, Italie, & de France, n'y feust demourée.

Voyant l'Empereur qu'il n'y auoit plus d'esperance d'auoir la bataille, encores moins de prendre la ville de Landrecy, a fin qu'il semblaft qu'il ne vouloit refuser le combatre, il fuyuit les François, cuidant les endommager, mais il fut repoulsé violemmēt, par monseigneur le Dauphin, qui feit lors acte de vertueux Prince: car apres plusieurs gens de l'Empereur occis, l'Empereur feit sonner la retraicte, & soy voyant frustré de son opinion donna congie a ses bandes d'Alemans. Et conduisant son armée par le Cambresis, en la ville de Cambray, pour yuerner aux villes. Delibera aller en Alemaigne, pour assister a l'assemblée, appellée Diète, lors assignée a Spire.

*L'empereur
suyt les François, puis se
retrire.*

*La Diète de
Spire assignée.*

En ce temps Guillaume comte de Furstemberg, homme variable, & de petite foy, comme on disoit, aiant assemblé vne armée de gens perdus, vint assaillir les chasteau Arlon, & le mont saint Iehan, au pays de Luxembourg, pour cuidoer faire plaisir a l'empereur, & acquerir sa grace, ou pour se vëger du roy de Frâce, duquel il estoit esloigné pour sa maluersatiō. Et pour y resister, y fut enuoie Iehan Caraciel prince de Melphe, avec six centz hōmes d'armes, & quinze mil hōmes de pied. Et aussi y furent enuoiez les seigneurs de Brissac & de Dâpierre: nō pas tāt pour repoulsier ceste qnaille, q̄ pour dōner viures au seigneur de Lōgueual, lors assailly dedēs Luxēbour.

*Guillaume
cōte de Fursteburg
contre le Roy.*

*L'armée du
Roy en Pic
mont.*

Au cōmencemēt de l'yuer, le roy fut aduert

Les faitz & gestes du Roy François

qu'aucunes villes de Piedmont auoient esté prises par les ennemys, cuidás chasser les François du chemí de l'Italie, & y faire fortes places, pour garder les limites. Au moien dequoy le Roy y enuoia vne armée a diligence, pour empescher les ennemys en leur entreprinse, & qu'il ne se fortifiassent au pays de Suze, & pour leur en oster le loisir.

*Le cardinal
Farnaze am
bassadeur
vers le roy.*

En ce tēps le duc de Lorraine, desirát ces guerres prendre fin, n'espargna rien pour moienner paix & concorde entre ces deux grands Princes. Aussi le pape Paule aiant interest en ces discensions, & voiant que les pays de la Chrestienté estoient esmeus & concitez par innumerables haines, & oppreffions: pour les rediger en concorde, enuoia son nepueu le cardinal Farnaze ambassadeur par deuers le Roy & l'Empereur, les exhortans a paix.

*Le natiuité
du filz de
monsieur le
Daulphin.*

Le dimenche dixiesme iour de Feburier, l'an mil cinq centz quarante trois, le filz premier de mōseigneur le Daulphin Henry de Valois, & de madame la Daulphine, qui estoit né au chasteau de Fōtainebleau, cinq ou six iours au parauát, fut baptizé en la chapelle dudi& lieu, avec grad'ioie, & triumphe. Le Roy, monsieur le duc d'Orleans, & madame Marguerite fille du Roy, le tindrent sur les fōns, & fut nommé François, qui est le nō du Roy son ayeul. A ce Baptesme assisterent outre les dessusdictz, le roy de Nauarre, le duc de Védosme, le duc de Touteuille cōte de sain& Paul,

premier de ce nom.

51

le duc de Guise, le duc de Neuers, le duc de Longueuille, plusieurs cardinaulx, & entre autres mō sieur le cardinal Fernaze, Legat enuoié par le pape, pour aduiser du traicté de paix, les Cheualiers de l'ordre, les deux centz gentilz hommes de chez le Roy, & autres seigneurs & Princes en grand nombre.

Au moys de Ianuier precedant, le Roy estant en sondict chasteau de Fontainebleau, accompagné de messeigneurs ses enfans le Daulphin, & duc d'Orleans, & de plusieurs ducs, Princes, Cheualiers, & Capitaines de son royaume, pour donner ordre au Ban & Arriereban de sondict royaume, fait par le conseil des dessusdictz, l'edict du ban & arriereban.

Edict royal touchât l'arriereban.

Il a esté escript cy dessus, qu'au commencement de l'yuer dernier passé, mil cinq cétz quarante trois, le Roy auoit enuoié son armée en Piedmont, ou estoit aussi l'armée de l'Empereur, & ne feirent les deux armées de grandes choses tout le long de l'yuer. Au commencement du moys d'April, dudict an mil cinq centz quarante quatre, monsieur François de Bourbon comte d'Anguien, lieutenant general pour le roy, & gouverneur de Piemont, frere puîné de mō sieur le duc de Vendosme, fut aduertie au lieu de Carmanolle que les Espaignolz estoient en la campagne, au nombre de dixhuiet mil hommes de pied, pour le moins: scauoir est neuf mil Lansquenetz, tous armez des courseletz, deux mil Espai-

L'armée de l'empereur.

Les faitz & gestes du Roy François

gnolz naturelz, sept mil Italiens, & douze centz cheualx legiers, avec seize pieces d'artillerie.

L'armée du Roy. Sur l'heure dudit aduertissement fait, ledit seigneur d'Anguié fait sortir de ce lieu tous ses gens de pied, qui estoient en nombre quinze mil hommes pour le plus, & tous les gens de cheual estimez deux mil cinq centz cheualx. Car il auoit laissé le reste des gens de pied, estans audit pays, en garnison, es villes de Thurin, Montcalier, Puierot, Sauillan, Béine, Queras, la Roche de baulx, Villeneufue, d'Ast, Cassalz, Bourgon, la Cisterne, Chenax, Cressantin, Parasol, Dzanne, & saint Germain, qui sont quinze villes, & vingthuit chasteaulx outre lesdictes villes.

Cōseil pris par le seigneur d'Anguien avec les anciens capitaines. Le Camp forty de cedit lieu, estant aux chāps pour marcher droit, & trouuer les ennemys; mondict seigneur d'Anguien assembla son conseil, auquel estoient messeigneurs de Boutieres, de Tays, de Termes, Dossun, de Monnin, de Lāgey, de Sental, de Droz, gouverneur de Mondeuis, & le seigneur Ludouic de Birague. A tous lesquelz demanda s'ilz estoient d'aduis de mener le camp droit a eulx, & leur donner la bataille. Ilz conclurent de mener seulement les gēs de cheual, pour aller veoir leurs cōtenances: & selon ce qu'on trouueroit, on feroit.

Les François de cheual allerent veoir les ennemys. Suiuant ladicte conclusion marcherent les gēs de cheual: & trouuerent les ennemys en vn fort, nommé Syrizolles, distant dudit lieu de Carma

nolle de quatre mille. Et aussi tost que les ennemys les apperceurent sortirent du fort, se mirent en la campagne, & ordonnerent leur bataille, en telle sorte qu'il les faisoit bõ veoir. Lors les Auantcoureurs commencerent a escarmoucher d'une part & d'autre, de sorte qu'õ se repëtit tresbië de ce qu'on n'auoit fait marcher tout le camp: ce que les ennemys pësoient qu'on eust fait, car leur fort, pres duquel ilz estoient en la campagne, estoit en la valée, & les François estoient en la montaigne. Au moien dequoy les imperiaux ne pouoient bonnement veoir, si les François auoient tout leur camp.

Durant ce temps qu'on escarmochoit, mon *Les François a che- ual se retirēt par conseil, iusques au lendemain.*
 diët seigneur d'Anguyen demanda aux desu- diët de son conseil, si il enueroit querir les gens de pied. Lediët conseil cõclud que nõ: remonsträt qu'il seroit nuit deuant qu'ilz feussent venus.

Mais qu'õ se tirast: & que le lendemain de gräd matin on retourneroit pour les trouuer. Ce pendant le Coronal des gens de cheual des imperiaux enuoia vn Trompette demander a parler *Parlement d'aucuns capitaines.*
 a mödiët seigneur d'Oussun & Monin, sur la foy desquelz se trouuerent au milieu de deux bendes de cheuaults, chascun vn trompette d'une part & d'autre: lesquelz s'entracollèrent, se faisans grans caresses. Et au departir demanderent bataille: ce que les François ne voulurent accorder: mais se retirèrent, suiuant l'aduis des Capitaines.

Le lendemain a vne heure de matin, on feist sonner tabourins, & trõpettes, de sorte que tout

Les faitz & gestes du Roy François

L'ordre de la bataille des François
L'auantgarde.
le camp des François fut en bataille aux champs, a six heures de matin, & mis en trois bastillons. Scauoir est, l'auantgarde, que menoit ledict seigneur de Boutieres pour les gens de cheual, & avec luy sa compaignie, celle du comte de Tende, monsieur de Termes avec ces deux centz cheualx legiers, & le seigneur Maure de Monal avec autres deux centz cheualx.

Les gens de pied François.
La bataille.
Monsieur de Tais menoit les gēs de pied François, qui estoient au premier rēc d'iceulx avecq' huit pieces d'artillerie. Mōseigneur d'Anguian menoit la bataille: & avec luy les compaignies de messieurs d'Assier, de Coussole, de Motreuil, Ofun, deux centz cheualx legiers, le seigneur Ludouic de Birague, le seigneur de Sental, tous les Suisses, & sept pieces d'artillerie.

L'arrieregarde.
L'arrieregarde estoit menée par le seigneur Dampierre, & avecq' luy le seigneur Charles de Dros, gouuerneur de Mondeuis, tous les guidōs, les Gruieriens, & les Italiens, & aussi quatre pieces d'artillerie.

Premiere escarmouche mortelle.
L'ordre ainsi preparé, on marche droit vers les Imperiaux: & furent trouuez au lieu ou ilz estoient le iour precedent. On commença l'escarmoucher d'une part & d'autre si furieusement, qu'il en demeura grand nombre de chascun costé: laquelle escarmouche dura trois heures ou en uiron.

Auantage des Imperiaux sur
Voians les Imperiaux q' l'artillerie des François, faisoit a leur desauantage, vne fort grand' occision

occision : firent marcher leur avantgarde, qui estoit le bataillon desdictz neuf mil Lansquenetz, vindrent les testes baissées, & firent habandonner aux François ladicte artillerie, tuant les cheuaulx, & partie de leurs canonniers, & bruslerent entierement leurs pouldres.

*l'artillerie
des Fran-
çois.*

Les avantgarde, bataille, & arrieregarde des François s'assemblerent si pres l'un de l'autre, que tout n'estoit qu'un. Et voyans les Gruyériens, l'artillerie de l'avantgarde Françoisse entre les mains de leurs ennemys, tournerēt le visage, & les Italiens ensemble, tout le bagage estoit a leur queue, en si grand desordre, que les François pensoient auoir tout perdu.

*Desordre
en l'armée
des Fran-
çois.*

L'avantgarde & bataille Françoisse marcherent droit aux ennemys, la teste baissée vers lesdictz Lansquenetz, & estoient les premiers rancz de piquiers, & des François piquiers, & haquebutiers entremeslez, qui ioignirēt si fierement lesdictz Lansquenetz, aiant sur les aefles entierement toute la gend'armerie, & cheuaulx legiers de France, qu'ilz renuerferent les premier, deuxiesme, & troisieme rancz. Lesquelz renuersez, la gend'armerie Françoisse entra par le flanc dedás ledict bataillō, si furieusement, & les Souiffes de l'autre costé, qu'a moins d'une bonne heure furent tous lesdictz Lansquenetz mis en pieces par les François, & le reste de leur Camp en rouverte & fuite.

*Reprise
par les Fran-
çois.*

Les François poursuiuirent tellemēt leur vi-

Les faitz & gestes du Roy François

Victoire par les François. Historieuse fortune, qu'õ trouua de leurs ennemyz morts de neuf a dix mil, & de prisonniers blecez, & non blecez, enuiron deux mil cinq centz, voire plus. Et de sorte que par le rapport de ceulx qui furēt a ce conflict, fut trouuē que dedens Syrisolles, & vn quart de lieue a l'entour, les cheualx des François estoient iusques aux genoulx dedens le sang, & ne pouoit on marcher que dessus gentz mortz.

Les nōs des imperiaux prins prisonniers. Les imperiaux prins (i'entēds ceulx de nom) sont domp Charles de Gouzahe, chief de l'auant garde, & coronal des gens de cheual: Domp Remy de Mandone, coronal des Espaingnoz: le marquis de Guast blecē, & non prins: Cæsar de Naples on le doubtte mort.

Les François occiz. Des François apparentz mortz, le capitaine de Molle, le capitaine Moucault, le capitaine la Mote Dante, le capitaine Passin, le seigneur d'Escrot, le seigneur de Cornille, le nepueu de monsieur Chemans, le frere de l'esleu d'Orne, qui estoit au premier rancile baron Doin, lieutenant du comte de Montereuil, & enuiron quarante hommes d'armes, de toutes compagnies de la gend'armerie Françoyse. Le plus de celle de monsieur d'Assier, le filz duquel fut blecē a mort, & son cheual tuē soubz luy. Et cōe les Espaingnoz le vouloiēt raur & emmener, fut soubdain recouru des autres François, toutesfois il mourut bien tost apres, qui fut gros dōmaige, car c'estoit vn hardi cheualier. Et des souldartz François furent tuez de quatre a cinq cētz,

& six gentilz hommes de la maison de mōdit seigneur d'Anguian, & huiēt fort blecez. Et perdit lediēt seigneur trente deux cheuaulx, tāt des fiēs, que de ceulx qu'il auoit empruntez pour des gentilz hommes, tous tuez soubz eulx.

Les François gaignerent seize pieces d'artillerie, des pouldres pour plus de dix mil escus, & toute la victuaille qu'ilz menoient pour enuaitiller Carignan. Ilz trouuerent enuiron quatre mil quadenas, pour enchesner ceulx qu'on veult mener aux galleres par force: & disoient les Espagnolz mesmes (que les François tenoiēt prisonniers) que lediēt Marquis de Guast auoit biē deliberé d'enuoier tous les François es Galleres, par force, s'il eust eu la victoire.

Lediēt seigneur d'Anguian, cognoissant le seigneur Petro Colona, & autres seigneurs Colonelz capitaines, & autres Souldartz imperiaux, estans en la ville de Carignan, n'auoir aucuns viures, n'espoir d'aucun secours, combien qu'il peust raisonnablement vser vers eulx de termes estroictz & rigoureux, les contraignant a se rendre: toutesfois sachant estre chose digne de prince Chrestien, quand les ennemys ont moyen d'offenser, ou bien d'eulx defendre, vser lors de grand' humanité & clemence: & encores ayant esgard aux vertueuses qualitez dudiēt seigneur Petro Colona, & autres Colonelz capitaines & souldartz, se contenta leur accorder ce qui s'enfuit;

L'artillerie de l'Empereur gaignée par les François, & la victuaille,

La ville de Carignā redu par composition a monsieur d'Anguian, lieutenant general pour le roy en Piedmont.

Les faictz & gestes du Roy François

La grand' humanité de la quelle vsa le seigneur d'Anguiã envers ceulx qui estoient en Carignã, qui redirent la place aux François par cõposition.

Premierement que laissant & remettant le dict seigneur Petro Colona, comme il promist en effect laisser le lieu de Carignan, avec l'artillerie & munitions, en la puissance dudit seigneur d'Anguiã, dedans le lendemain, qui estoit le dimanche le vingt & deuxiesme iour de Iuing, mil cinq centz quarãte quatre, a vne heure de soleil. Ledit seigneur d'Anguiã leur permit de sortir dudit lieu, avec tous les gens de guerre & seruiteurs de quelque nation qu'ilz fussent: avecq' cõdition qu'ilz porteroiẽt leurs enseignes ployees sans autrement sonner leurs tabourins, iusques a ce qu'ilz eussent passẽ la riuierẽ du Pau. Et promirent en general, & en particulier, de ne seruir, fust par terre ou par eaue, cõtre le Roy de Frãce, ses alliez & confederez, & ce pour le tẽps de cinq moys lors prochainement ensuiuans: exceptẽ la personne dudit Colona, lequel pour les conditions qui estoient en luy, ledit seigneur d'Anguiã entendoit qu'il s'allast presenter au Roy dedans le terme de deux moys lors ensuiuans: & ne partir sans le congiẽ dudit seigneur, de huit moys prochains, comprenãs lesdictz deux moys.

Plus s'obligerent, les seigneurs comte Felix, & maistre de camp saint Michel, avec les autres capitaines de la nation d'Alemaigne, & d'Espaigne s'en aller dedans le terme de six sepmaines, lors prochainement ensuiuans. Scauoir est les Alemans en Alemaigne, & les Espaignolz en Espaigne, ou au Royaulme de Naples, sans se-

sejourner pl⁹ que d'une nuit, iusques a ce qu'ilz eussent passé la riuere du Tisin : sauf qu'il estoit permis audict Colona demourer en Ast, six ou huit iours, pour ses negoces particuliers, non seruant comme dessus : dans lesquelles six semaines, leur estoit permis demourer au dedans les deux riuieres, scauoir est du Tisin, & Ladda, pour faire quelques leurs affaires, & nō ailleurs: & non seruant comme dessus. Et par telle conuenance fut Carignan rédu, & mis entre les mains des François, sans force.

Ce pendant qu'on faisoit toutes ces choses en Piedmōt: l'empereur droissa grosse armée, iusques au nombre de quatre vingtz ou cent mil hōmes, tant de pied que de cheual. Et passant par Luxembourg, qui se rendit a luy, alla assieger Ligny en Barrois, ou le Roy auoit deux ou trois capitaines, & certain nombre d'Italiens. Et combien qu'ilz eussent peu resister & deffendre ladicte ville, & que le Roy de France eust grand cōfiance en eulx : toutesfois ne feirent resistance, telle

*L'empereur
passe par Lu
xembourg,
qui se rend
a luy.*

*Ligny è Bar
rois prins par
l'empereur.
La ville de
saint Disier
assiegée par
l'Empereur.
Saint Disier
prins par cō
position.*

Les faitz & gestes du Roy François

quel renfort venu, de rechief vindrent battre la dicte ville de sainct Disier: ou ilz n'eussent rien fait, ne feust que ceulx du dedans auoient faulte de viures, & munitions. Au moien dequoy ledict comte de Sanferre, apres auoir eu aduertit le Roy qu'il ne pouoit plus tenir, & eu sur ce responce, il sortit, & toute sa gend'armerie, par composition: telle qu'ilz s'en allerent la lance sur la cuisse, leurs bagues saulues, & ne fut la ville pillée.

Trois armées du roy de France. L'Empereur laisse la ville de Chaslons.

Le Roy estoit fort empesché: car il auoit trois armées: l'une en Piedmôr: l'autre cōtre les Anglois qui auoient prins Boulongne sur la mer, par la coulpe, ainsi qu'on disoit, de ceulx qui estoient dedens pour le Roy: & l'autre qui estoit de cent mil hommes pour se defendre des forces de l'empereur, qui estoient en la Champagne. On pensoit lors qu'il allast assieger la ville de Chaslons, biē remparée & forte de gēs & de viures, pour la defendre: de sorte que ceulx de Paris coniecturoient, q̄ l'Empereur ne passeroit oultre, & qu'on l'amuseroit a ce siege, iusques en l'yuer: au moyē dequoy ilz prindrent quelque assurance pour

Le comte Guillaume prins par les François en habit dissimulé.

ladicte année. Toutesfois l'entreprinse de l'Empereur estoit autre. C'est qu'il auoit deliberé laisser Chaslons, & passer la riuier de Marne, pour aller droit a Paris. Et pour la conduicte de ceste entreprinse secrette, le comte Guillaume Alemant, qui auoit tourné sa robbe, & laissé le seruice du Roy, pour prendre celuy de l'empereur, s'en alla en habit dissimulé, le long de

la riuere de Marne, pour sonder les passaiges, par quelques intelligences qu'il auoit avec aucuns du pays : ou il fut congneu, & prins par les François, qui le menerent prisonnier a Paris.

La description de la riuere de Marne, depuis Chassons iusques a Chasteauthierry.

Or pour entendre ce que depuis est aduenu, est a scauoir : que la riuere de Marne vient descendre de la Champaigne a la coste de Brie. En descendant, elle a vne prairie depuis Chassons iusques a Chasteauthierry, laquelle est large & plaisante, ou d'une part Hay est situé & assis, & Esparnay de l'autre part. Le camp du Roy marchoit de ça, & celuy de l'Empereur marchoit de la, & n'y auoit que les prez entre deux : & la riuere de Marne estoit comme vne lice entre ces deux armées, & chascun iour les gens d'armes se voioient de si pres, que les Imperiaux, par derision, disoient aux François, qu'ilz allassent a Parpignan ; & les François leur disoient qu'ilz allassent a Carignan. Ilz ne tiroient pourtant ne d'une part ne d'autre leur artillerie, fors aucuns quelques hacquebutes : mais chascun attendoit son auantage.

Hay. Esparnay. L'ordre du camp de l'Empereur & du camp des François. Dissimulation des armées.

Les Imperiaux estoient a demye petite lieue d'Esparnay, ou les François n'auoient puissance pour leur resister, par ce que leur camp, qui marchoit en ordre, estoit quelque peu au derriere du camp de l'Empereur, & n'auoient les François que leur auantgarde, qui costoit a l'arriere garde de l'Empereur. Parquoy aduiserent

La ville d'Esparnay bruslée, & les viures estz enicelle, par les François mesmes.

Les faitz & gestes du Roy François

les François que pour affamer le camp de l'empereur, on brusleroit les viures, & la ville d'Esparnay, q̄ estoit l'une des riches & gẽtiles petites villes du pays: ce q̄ fut par eulx fait̄ soubdaĩ, dõt la pitié fut grande, & la chose cruelle, car on ne donna terme que de deux ou trois iours aux habitãs, pour desplacer leurs personnes & biens.

*Chasteau
thierry
prins & pillé
par les imperiaux.*

Après auoir ainsi ruiné par feu Esparnay, les François delibererent garder Chasteauthierry, & y mettre quelque nombre de gens de guerre, tant de pied que de cheual, mais ne le peurent si tost faire, a faulte de ce que l'artillerie n'y peut estre menée, n'assise a point, a temps & heure, & que les Imperiaux qui ne repositoient, tendans par surprinse supprimer la force des François, furent plus diligens, & tellement fauancerent que Chasteauthierry fut prins par l'auantgarde de l'Empereur, & fut la ville pillée des thresors, tāt des citoyẽs que de leurs voisins, lesquelz y auoiẽt retiré leurs riches meubles. Ce fut pitié des habitans, les aucuns desquelz furent prins, les autres occis, & les autres prindrent les chāps avec leurs femmes & enfantz, qui sans regretter leurs biẽs, ne pensoient que a sauuer leur vie.

*Les Imperiaux
courent iusques
pres Meaulx.*

Chasteauthierry ainsi pillé & prins, les Imperiaux faisoient leurs courses iusques pres de Meaulx. Le cāp du Roy, qui estoit de cent mil hõmes, aussi bien armez & deliberez qu'on en veit oncq, auoient deliberé d'attendre l'empereur & son armée, & leur donner la bataille.

Les Alemans ne demandoient autre chose que d'entrer en Paris & le piller, pensans que ce feust chose aisée. l'Empereur se voioit presque renfermé des François, & s'estre trop legieremēt esloigné de sa frontiere. Les François estans en plus grand nōbre, & mieulx equippez que les Impériaux, ne demandoient que choquer, mais ne cōsideroient assez bien d'une part ne d'autre, ce qui pourroit aduenir du combat de ces deux grosses armées, & l'ineestimable perte q̄ en pourroit aduenir a ces deux grāds princes: ie dy les pl⁹ grāds de toute la Chrestienté. Dieu qui est par dessus, & donne les victoires a qui luy plaist, possesseur des voluntez des hōmes, en la main (c'est a dire, en la puissance) duquel sont les cueurs des Roys, exaulçant (comme il est a croire) tant de deuotes prieres qu'on auoit faictes, & qu'on faisoit nuit & iour par le commādemēt du roy en son royaulme de France, pour auoir paix en general & en particulier, enuoia le bō Dieu son esprit a l'Empereur, qui luy donna a cognoistre que sans grād propos il auoit entrepris ceste guerre, & qu'il n'auoit aucun droit que quereller en Paris, ne en la courōne de France: que sa seur estoit mariée avec le Roy: que le Roy s'estoit tousiours monstré māsuet enuers luy, & prest a viure en paix: les bons tours qu'il luy auoit faictz: & qu'il n'y auoit prince sur la terre qui luy peust donner plus prōpt & meilleur secours, pour la defense de ses terres, & de celles de Ferdinād Roy des Rōmains son fre-

La grād' vglunté de combat des deux armées.

L'empereur inspiré de Dieu, & par bō conseil reconnoist auoir mal entrepris.

Les faitz & gestes du Roy François

re, contre les infidelles: & aussi les grands destruc-
tiōs & desolatiōs du pays de Chápaigne, dont il
estoit cause. On dict depuis que le roy des Rom-
mains son frere luy auoit enuoié faire toutes ces
remōstráces, & autres. Quoy qu'il en soit, l'Em-
pereur se repentant de ladicte entreprinse, amo-
list son cueur, & chrestienement eut vouloir de
venir a paix, mais ne vouloit la demander.

*Le bñ vou-
loir du Roy
de France, a
la paix.*

D'autre part le Roy de France, aussi visité de
l'esperit de Dieu, considerant les grands maulx
qui estoient procedez desdictes guerres, commē-
ça a oublier l'iniure a luy faite par l'Empereur,
& a venir a quelque desir d'vniō & cōcorde, plus
pour l'honneur de Dieu, & profit de son royaul-
me, que pour son profit particulier. Toutes les-
quelles inspirations, ou conseilz diuins, estoient
secretz, & nul d'eulx les vouloit dire: mais Dieu
de sa grand' & souueraine bonté, fuscita vn hom-
me non Pape, non Cardinal, non Euesque, non
Roy, Duc, Comte, Vicomte, Marquis, ne Baron,
mais vn simple Religieux de l'ordre des freres
prescheurs: lequel par le cōmandement du Roy
des Rōmains (cōe aucús ont voulu dire) ou d'au-
tre diuinemēt inspiré, se trāsporta vers le cōfes-
seur de l'épereur, hōme de grāds lettres, & de pl⁹
grād' saincteté de ladicte religion, qui ne voulut
oncq' auoir benefice, pour faire & traicter paix.

*Vn Reli-
gieux entre
prinse trai-
cter la paix
entre ces
deux Prin-
ces.*

*La paix fai-
cte & con-
clute.*

Ce Religieux fut oy par l'Empereur: & tāt al-
la vers luy, & le Roy de France, tousiours en po-
ste, que ces deux bons Princes furent d'accord, &

feirēt paix:chose plus diuine qu'humaine! nō faite en faueur des p̄ices, mais a l'hōneur de dieu! On ne sceut lors les articles & conuenāces de ceste paix, fors qu'on disoit que c'estoit en esperance que le duc d'Orleās second filz du Roy de France espouseroit la fille de l'empereur, ou sa niepce, fille du roy des Rommais. Et lequel duc d'Orleās apres ceste paix assuree s'en alla vers l'ẽpereur, qui le receut benignement, & a grand' ioie.

l'Empereur incontinent apres se retira avec son armée : & aussi partie de l'armée du Roy: l'autre partie s'en alla a Boulongne sur la mer, soubz la conduicte de monseigneur le Daulphin, pour recourir la ville de Boulongne sur la mer, tant haulte que basse, que les Anglois auoient prinse par composition, durant le temps que la peste y estoit, & que la gend'armerie de France estoit empeschée contre l'Empereur, comme dict est: mais les François n'y peurēt rien faire lors, au moien que l'hyuer approchoit. Les gend'armes de France, ou la plus part d'iceulx, ne trouuerent ceste paix bōne, au moiẽ des mauuais tours qu'au parauant on auoit iouez au Roy : aussi que les François se sentoient les plus fortz de gens, d'artillerie, de munitions, & de toutes autres choses, & qu'ilz pensoient bien, par la grace diuine, auoir l'honneur, & estre les plus fors, & en meilleur ordre & estat que les Imperialistes.

L'empereur se retire & son armée, aussi celle du Roy de France. Partie de l'armée du Roy a Boulongne.

Le vingtiesme iour de Septembre dudit an, mil cinq centz quarante quatre, ladicte paix fut

Les faictz & gestes du Roy François

*La paix pu
bliee a Pa-
ris.*

criée & publiée par les quantōs de la ville de Paris, a grād ioie & grand solennité, en telles parolles: On faict ascauoir que bonne, syncere, & perpetuelle paix, ligue, & confederation, est faicte, traictée, conclue, & accordée entre treshaultz, & trespuissans princes François par la grace de Dieu Roy de France treschrestien, & Charles par la grace de Dieu empereur & roy des Espaignes, pour eulx & leurs cōfederez, leurs hoirs, & leurs successeurs, royaulmes, pays, terres & seigneuries, vassaulx, & subiectz de forte & en façon, q̄ d'oref nauāt toutes armes, hostilitiez, simuletez, & haines cesseront entre eulx, leurs subiectz & vassaulx. Et pourront conuerfer, traffiquer & marchander les vns avec les autres, ainsi qu'on a accoustumé faire, en tēps de paix. Et avec ce aller, venir, seiourner, & retourner respectiuement en leurs pays, tant par mer, terre, qu'eaue douce, seurement, & saulvement, sans aucun empeschemēt: en paiāt les droictz & debuoirs accoustumez d'áciēneté.

*Le roy d'An-
gleterre ne
veult enten-
dre a paix.*

Le roy d'Angleterre ne voulut entendre a la paix, fors en luy laissant la ville de Boulongne, qu'il auoit occupée, plus p̄ la negligēce, & coulpe des chiefz de gēs de guerre q̄ estoient en icelle de par le Roy, que par faulte de viures, munitiōs & autres choses necessaires, pour la defense d'icelle. A quoy le Roy ne se feust iamais accordé, par ce qu'elle est de toute antiquité de la couronne de France. Au moien dequoy, & que le Roy d'Angleterre ne voulut accepter les treshōnestes & plus

que raisonnables offres & conditions de paix a luy présentées: pour recouurer ladicte ville de Boulongne, & empescher ledict Roy d'Angleterre de faire autre entreprinse sur le royaulme de France, mais en oultre de iecter en Angleterre la guerre, a laquelle les Anglois estoient iniquement obstinez: auoit le roy de France, vers la fin de ladicte année mil cinq centz quarante quatre, fait dresser vne armée par terre, pour l'entretenir au pays de Boulenois, tant pour l'enuitaillemēt de la ville d'Ardre, q̄ pour faire teste a ses ennemys, & empescher qu'ilz ne feussent secouruz de viures, & autres munitions a eulx necessaires en ladicte ville de Boulongne. Feit oultre preparer, equiper & enuitailler grād nombre de gros nauires, gallions, galleres, & autres vaisseaulx, tant en la mer de Ponant qu'en celle de Leuant, pour faire vne grosse armée de mer, assez forte & puissante, non seulement pour garder les Anglois de courir sur la mer, & outrager les François, pour asseurer le train & commerce de marchandise par la dicte mer: mais aussi pour faire descente es pays d'Angleterre, & executer certaines entreprinse au pays dōmageables. Aussi auoit le Roy de France fait leuer grand nōbre de gēs de guerre, pour ladicte armée, en ses pays plus prochains de ladicte mer, affin de preseruer ses autres pays, des dōmaiges que leur pourroit porter le passage desdictz gens de guerre. Plus auoit enuoié argent & gens en Escosse, pour courir sus audict Roy d'An

*Preparatife
pour guer-
roier les An-
glois.*

Les faictz & gestes du Roy François

Armée contre les infidelles.

Le Roy de France malade.

gleterre. Et se dispoſoit auſſi dresser autre armée, pour la deſenſe de la Chreſtienté contre les ennemys de la foy, faiſantz grâds preparatifz cõtre icelle. Et ce pẽdãt qu'on faiſoit en Frãce tous ces preparatifz, le roy fut fort mal diſpoſé de ſa perſonne p vn mois ou cinq ſepmaines, & ſe tĩt vne partie du tẽps à Paris & a Fõtainebleau, puis ſ'en alla au Plessis les Tours, & Remorantin ou il alla apres la feſte de Paſques & au mois d'April, de l'ã mil cinq cẽtz quarãte cinq: ſe diſpoſant d'aller entrer au pays de Normãdie, cõme on diſoit.

Edict du roy cõtre les gens tenans les chãps, vians ſur le poure peuple.

Après les armées du Roy & de l'Empereur ſeparées & rõpues, au moien de la paix faiçte entre eulx, le pays de France, & entre autres le pays de Poiçtou, fut rẽply de gẽs perdus & habandõnez, qui faiſoient, & encores font pluſieurs violẽces, pilleries, exactions, & autres crimes execrables, dõt le peuple eſtoit, & eſt preſque eſtainç. Le roy eſtãt au Plessis les Tours, en fut aduertý: dõt il fut fort deſplaiſãt. Et lediçt xxj. iour d'April, dudiçt an, ſeit expedier ſes lettres patentes, adreſſans a

Le ſeigneur de la Voulte preuoſt de l'hoſtel, commis a ſacquer voleurs & autres tenans les chãps, ſans cõmiſſion du roy, ou du ſeigneur de l'Orge.

François Dupatault, ſeigneur de la Voulte, Preuoſt de ſon hoſtel, & des Mareſchaulx de Frãce, cõtenant q̄ luy aduertý des meurdres, deſtrouffemens, voleries, rançonnemens, & autres grans & execrables maulx, excès & violences, chaſcun iour perpetrez par vn nommé Balabre Viliers vieulx Ichã de Taniers le capitaine Martin, Roueray, & autres leurs allies & complices, leſquelz pour ceſt effect auoiẽt ia par long temps tenu &

tenoiēt les chāps, vouloit, & entēdoit, & cōmandoit, q̄ pour cesser ledict Dupatault preuost susdict, eust incontinent & sans delay a se transporter es lieux & endroictz ou il scauroit, & entendroit, estre les dessusdictz leurs alliez & cōplices, pour avec le nombre d'Archiers de sa garde, & sa force ordōnée, & celles des communes, nobles, & subiectz au Ban & Arriereban, & autres gens de fait, tant a cheual que de pied, qu'il assembleroit, & ausquelz il mandoit, & a ses Baillifz, & Seneschaulx assister & accōpaigner ledict preuost. Courir sus, rompre & mettre en pieces les dessusdictz criminelz, leursdictz alliez & complices, & tous autres qu'ilz trouueroient mal viurans, opprimans le peuple, & tenans les champs, sans cōmission du Roy. Et aussi tous ceulx qui seroient trouuez s'aduouer au seigneur de l'Orge, s'ilz n'auoient expresse cōmission de luy. Lesquelz criminelz, le roy declare ennemys de la chose publique, & cōme telz les habandōne, leurs personnes, & biēs. Sans ce que pour ores, ne le tēps aduenir, on peust apprehender, n'aucune chose imputer a ceulx qui les auront tuez, blecez, & saccagez.

Ledit seigneur de la Voulte, suiuant sa cōmission, aduertiy qu'il y auoit quelque bende de pillars & tenans les champs sans commissiō, vers Chefboutonne en Poictou, & a douze lieues pres de Poictiers, qui faisoient plusieurs forces & violences sur le peuple: se transporta audiect lieu, acompaigné des Archiers de sa compagnie, du

Les faitz & gestes du Roy François

Preuost des Mareschaulx, en Poictou, de son lieu tenant & Archiers, & d'aucuns gentilz hommes, & cōmuns dudit pays, iusques au nōbre de deux centz hommes a cheual, & autant ou plus a pied.

*Deffaiete
desdictz vo
le urs faiete
par le sei-
gneur de la
Voulte, p^{re}-
nost de l'ho-
stel du roy.*

Et rencōtrèrent le capitaine la Tour, accōpaigné de quatre centz cinquante hommes, tant a pied qu'a cheual, qui sortoient avec leur enseigne desplioée dudit bourg de Chefboutonne : lesquelz se mirent en defense contre le dict Seigneur de la Voulte, & sa compagnie : mais furent deffaietz par luy : & l'enseigne dudit la Tour prinse, & trēte hommes de ses gens occis en ce cōbat : & quatre vngtz ou enuiron prins & enferrez : dont le dict seigneur de la Voulte fait pendre & estrangler trente hommes : les autres furent menez prisonniers en la ville de Poictiers, & tous condēnez a mort, ou a estre menez aux galleres, au bon vouloir & plaisir du Roy : sans ce qu'aucun de la cōpaignie dudit seigneur de la Voulte y feust occis. Le reste de ladicte cōpaignie dudit Capitaine de la Tour, se sauua a la fuite, par les boys, & par les marais, fors cinquante ieunes gens seruiteurs, qui furent deliurez, par ce qu'ilz ne furent trouuez coupables.



FIN.

Les faitz & gestes du Roy Fra
Preuost des Mareschaulx, en Poictou
tenant & Archiers, & d'aucuns gent
& cōmuns dudit pays, iusques au
centz hommes a cheual, & autant
Et rencōtrèrent le capitaine la To
de quatre centz cinquante homm
qu'a cheual, qui sortoient avec le
ploiee dudit bourg de Chefbo
se mirent en defense conrre le diē
Voulte, & sa compagnie: mais f
par luy: & l'enseigne dudit la To
te hommes de ses gens occis en ce
tre vingtz ou enuiron prins & enfet
dict seigneur de la Voulte fait pend
gler trente hommes: les autres furent
sonniers en la ville de Poictiers, & tou
a mort, ou a estre menez aux galleres,
loir & plaisir du Roy: sans ce qu'auc
paignie dudit seigneur de la Voulte
cis. Le reste de ladicte cōpaignie dudi
ne de la Tour, se faulua a la fuite, par
par les marais, fors cinquante ieunc
teurs, qui furent deliurez, par ce qu
trouuez coupables.

Defaict
desdictz vo
leurs faict
par le sei-
gneur de la
Voulte, Pre-
uost de l'ho-
stel du roy.



FIN:

Est de peccatis maritibus 11. 11598

Julian filia Gualmerte uxoris
Hieronymi onx data est hora secunda
post mediam noctem. nementem in die
Jouis 20 maj 1540.

Parrinus sunt susceptores fuit
franciscus zampinus canonicus
Theologus ecclesie Lucionensis. et
comatres fuerunt Gilletta Matho
flora et G. Claudia Bertod

